



শ্রেষ্ঠ গল্প

অমিয়ভূষণ মজুমদার

শ্রেষ্ঠ গল্প

আমিই তুমি হইতুমি



বাণেশ্বর

প্রথম প্রকাশ

ডিসেম্বর, ১৯৬৪

প্রকাশক

অবনীন্দ্রনাথ বেরা

বাণীশিল্প

১৪-এ টেমার লেন

কলকাতা-৭০০০০৯

মুদ্রাকর

রাধাবল্লভ মণ্ডল

ডি. বি. প্রিন্টার্স

৪ কৈলাস মুখার্জীলেন

কলকাতা-৭০০০০৬

প্রচ্ছদ ও লেখকের আলোকচিত্র

রবি দত্ত

এরকম তোমার ইচ্ছায়। দেখতে কি পাও, শুনতে কি পাচ্ছ ?
অপেক্ষা ক'রো।

তঁাতী বউ	৯
ছলারহিন্দের উপকথা	২৯
অ্যাভলনের সরাই	৪৫
উরুগু	৭৩
এপ্.স্ অ্যাণ্ড পিকক্	৯১
সাইমিয়া ক্যাসিয়া	১০৭
ত্রীলতার দ্বীপ	১৫১
পায়রার খোপ	১৭৬
মুন্নয়ী অপেরা	২০২
মামকা:	২২৭
অল্পকথন	২৪৯



তৃতী বউ

সব দেশের একটা যুগ আছে যাকে বলা হয় অন্ধকার-যুগ, আর একটা আছে যাকে বলা হয় আলোকের যুগ। বাঙলা দেশে অধিকন্তু একটা আছে যা আনাড়ির তোলা ফটোগ্রাফের মতো গভীর অন্ধকার ও উজ্জল আলোকের আকাজকাহীন মিলনের যুগ। সেই যুগের গল্প একটা বলছি :

অভিমন্যু বসাকের ছেলে গোকুল বাপের ব্যবসায়ের উন্নতি যতটা করলে অবনতি তার চাইতে কম করেনি। অভিমন্যুর ছিল আটপোরে ঠেঁটি আর বচকানা কাপড়ের ব্যবসা, পয়সা যা পেত তাতে দিন চলে যেত, এমন কি শেষ পর্যন্ত সে তৃতীবউয়ের নামে একটা শিবমন্দির প্রতিষ্ঠা করে গেছে। যতদিন পারা যায় গোকুল কাঁধে লাল গামছা দুলিয়ে খদবু-দেওয়া পান খেয়ে নিছক ঘুরে বেড়ানো ছাড়া কিছু করল না। বাপের শ্রদ্ধশাস্তি চুকে গেলে সে যন্তরপাতিগুলি নিজের মতো করে গুছিয়ে নিল; লোকে অবাক হল দেখে, যে গোকুল অপদার্থ হিসাবে বিখ্যাত হয়েছে সে বাপের আসনে বসে বাপের মতো ঠেঁটি আর বচকানা বুনে যাচ্ছে যেন কতদিনকার অভ্যাস।

লোকে বলে পরিবর্তন তারপরে যেটা হল তার অস্তে তারা প্রস্তুত ছিল, কাজেই বাপের শোক গা-সহা হতেই গোকুল একদিন তাঁত ঘরে সব উন্টে পাণ্টে ভেঙেচুরে ফেলল যখন, তখন তারা আদৌ অবাক হল না। তবু গোকুল তাদের অবাক করল। তিন গুরুবার পার হয়ে বাবার পরে চারের বারে গোকুল বিকেল-বেলায় কচি কলার পাতায় কি একটা মুড়ে নিয়ে গ্রামের জমিদার-বাড়ির দিকে রওনা হল। সে জমিদারের কাছে গেল না, গিন্নিমার কাছে গেল না, সোজা গিয়ে উপস্থিত কাজলার (দাঁষি) ঘাটে যেখানে জমিদারের নতুন-আনা বেটার বউ আর নতুন-বিয়ে-হওয়া মেয়ে ইশারায় স্বামীর গল্প করছে। গোকুল যখন ফিরে এল তখন তার হাতে বেটা-বউয়ের হাতের দুগাছা রুলি। এই হচ্ছে গোকুলের মসলিন বুনবার প্রথম কথা। গঞ্জে পাঠাবার মতো সরেস জিনিস তার তাঁতে উৎসাহ না, বিশেষ করে ফুলের কাজগুলোতে সোনার আঁশ খাটাতে সে পারত না, বড় জোর শাদা স্তরের বুটি উঠত; আর বহরে সেগুলো শাজাদীর দয়বাহী খাড়ি হত না, কাজেই রাজিতে ঘুরিয়ে পড়ার আগে কয়েকটি মুহূর্ত ছাড়া বড়

বেশি কারো চোখে পড়ত না তার কারিগরি ; বড় জোর সকালে কোনো স্বামী দেখতে পেত, রাজির শুকনো মালাগাছির সঙ্গে বিছানায় পড়ে আছে মাকড়সার শাদা জালির মতো কি একটা ।

গোকুল মাঝারি গোছের গুণী কিন্তু বড় রকমের খেয়ালি ছিল । বড় গুণীর বড় খেয়ালে যা ঘটে খেয়াল মিটবার পর তার জের থাকে না । কিন্তু মাঝারি গুণী বড় খেয়াল ধরলে, কিছা মেজ গুণী মেজ খেয়ালে হাত বাড়ালে খেয়ালের জের অত সহজে মেটে না । সাধারণ বরের মেয়ে একরাতে মসলিনের সাত পাক পরলে সকালে বিছানা ছাড়বার সময়ে স্বামীকে না-জানিয়ে বিছানার একপাশে আলগোছে মসলিন খুলে রেখে যেতে পারে না এও তেমনি আর কি । গোকুল তার খেয়ালে জড়িয়ে পড়ল ।

শীতের গোড়ায় ইদিল-শাহীতে পরগণার হাট বসত একমাসের জন্ত । সব হাটেই সকালে নানা ধরনের পণ্য আসত, পরগণার হাটে কতগুলি বেশি দামী জিনিস আসত । সে সবের জন্ত এ হাটের একটা দিক আলাদা করা থাকত । অল্প সব দোকানের পসরা ফুরিয়ে যাবার পর হাটের এদিকে ভিড় লাগত । জমিদারেরা নিজে আসতেন, এমন কি উজিররাও কেউ-কেউ আসতেন কোনো-কোনো ক্ষেত্রে । এদিকে বাদী-বান্দার দোকান । টাকা দিয়ে বান্দা পাওয়া যেত ষোয়ান, বুদ্ধিমান, কৌশলী, পাঠান, মোবলা, খোজা, হিন্দু যার যে রকম চাই । বাদীও পাওয়া যেত মুলতানী, গুজরাটি, আফগানি, শাদা, গোলাপী, শ্যামলা, কখনো বসরা থেকেও আসত । এসব দোকানের বর্ণনা ইতিহাস যা দিয়েছে তার চাইতে ভালো বলা যায় না । আনারকলি, নুরজাহাঁ এসব দোকানের বেসাতি ।

গোকুল মসলিন ক'খানা বেচে ফেলেছে, দোকান-ছেড়ে সে মেলায় ঘুরপাক গেয়ে বেড়াচ্ছে কি-কিনি কি-কিনি ভাব । অল্প বে দু-একজন গুণী এসেছে তারাও ঘুরছে । কিন্তু হাটের একটা দিকে সে কিছুতেই ভিড় ঠেলে এগোতে পারছে না । লাঠি-বল্লম নিয়ে এক-এক দল লাঠিয়াল তো আছেই, খোলা কিরিচ হাতে পাহা-ডের মতো উঁচু ঘোড়ায় চেপে ঝকঝকে সাজোয়া পরা সিপাইও আছে কয়েক দলে । গোকুল ভাবল, বোধহয় রাজা-মহারাজেরা কেনা-কাটা করে এখানে । কিন্তু ভয়ে কোতূহল চাপা যায় না । মেলার শেষ দিন এসে গেল, গ্রামের সঙ্গীরা চলে গেল কিন্তু গোকুলের যাওয়া হল না । ওদিকের সব দোকান উঠে গেছে, এদিকেরও দু-একটা মাত্র অবশিষ্ট । প্রথমে সিপাইরা গেছে, তারপরে গেল লাঠিয়ালরা । একদিন গোকুল দেখল এবার এগোনো যায় ।

একটা মাত্র দোকানই খোলা ছিল, দোকান ভেঙে চলে যাবে বলে একটা

চাকর গালিচা পর্দা জড়ো করে গাঁটরি বাঁধছে। কেউ তাকে কোনো প্রশ্ন করল না, অবশেষে সাহসে ভর করে সে জিজ্ঞাসা করল, ‘কিসের দোকান গো?’

বুড়ো দোকানি ফুরসি টানতে-টানতে বলল, ‘মাল তো নেই বাপু, আর তুমি কিনবেই বা কি?’

‘যা হয় কিছু, খালি হাতে মেলা থেকে ফিরব?’

‘তা দেখ, বাপু, এদিকে এস। আমার দুর্নীম গেষ্টে বেড়িও না, ভালো মাল নেই, বেছে নিয়ে যাবার পর না-পছন্দ এক-আধটা আছে।’ এই বলে বাহু দোকানি দোকানের গুঁচা ভাঙা মাল হাতখালি করবার জন্ত যে কোনো দামে ক্রেতাকে গছানোর ভঙ্গিতে গোকুলকে ডেকে নিল।

পর্দা তুলে গোকুল দেখল কোনো মাল নেই, একটি মেয়ে শুধু বসে আছে, মেয়ে নয়, মেয়ের কাঠামো যেন, শুধু হাড়গুলো দেখা যায় সারা গায়ের শামল চামড়ার নিচে। গোকুল বুঝল কিসের দোকান এটা, কিন্তু হঠাৎ সে বলে বসল, ‘আমি কিনব।’

কেন বলল একথা গোকুল সেদিনও বলতে পারেনি, কোনোদিনই বলতে পারবে না। তার একার সংসারে ঝি-বঁাদীর কি বা কাজ। গ্রামের লোকেরা বলে সে খেয়ালে একাজ করেছিল। মসলিন বিক্রির টাকা বুড়োর হাতে গুঁজে দিয়ে গোকুল বলল, ‘আমার কেনা হল।’

পথে দুর্বল রোগা মেয়েটার দিকে চেয়ে-চেয়ে কষ্ট বত না হল তার চাইতে বেশি হল রাগ। সে যে ঠেকেছে, গ্রামের লোকেরা আর একবার তাকে বোকা ভাঁতী বলবে এ বিষয়ে সে নিঃসন্দেহ হয়েছে। সমস্ত শরীরে হাড়গুলো নড়বড় করছে। আধ-ময়লা ডুরে ঠোঁট পরবার ধরনটাই বা কী! চোয়ালের হাড়গুলোর নিচে চোখ ডুবে গেছে, কাঁধের হাড়ের জোড়া পর্যন্ত বোকা যাচ্ছে। কঙ্কালই হোক, কঙ্কালের গড়নের মধ্যেও একটা ছন্দ থাকে উচিত। যেন কোমর নেই এত সরু জায়গাটা, গোকুল ভাবছিল মচ্ করে একটা শব্দ হবে, তারপর ছুঁকরো হয়ে যাবে মেয়েটি। সে বললে, ‘আন্তে চল, বাপু।’ তার মনে হতে লাগল, মুচুরি মাঝে-মাঝে যেমন বুড়ো গরু হাঁটিয়ে নিয়ে যায় রাস্তা দিয়ে এও যেন তেমনি। হাতে করে তুলে ফেলে দেবার মতো হলে সে ছুঁড়ে ফেলে দিত তার বোকামির নিশানা কারো চোখে না পড়ে এমন জায়গায়।

পথে-ঘাটে বেকলে লোকে ঠাট্টা করবে এই ভয়ে গোকুল ঘরে বসে ভাঁত বোনে, আর কিছু কাজ যাতে হয় সে উদ্দেশ্যে মেয়েটাকে তাড়াতাড়ি সবল করে তোলার জন্ত যখন তখন তাকে ধমকে-ধমকে খাওয়ায়। মেয়েটা কঁাদে আর খায়, আর মাঝে-

মাঝে রোদে রাখা লাটাই ঘরে তোলে, ঘরের লাটাই রোদ্দুরে দেয় । গোকুল তার দিকে চেয়েও দেখে না । চোখের কোনায় যদি হঠাৎ কখনো পড়ে, সারা শরীর খিনখিন করে ওঠে : কি বিল্লী, কি বিল্লী ।

মাহুয যেমন হঠাৎ একদিন মরতে পারে, তেমনি হঠাৎ একদিন বাঁচতেও পারে ।

ভাদ্রমাস । সন্ধ্যার পর থেকে পৃথিবী ভাসিয়ে নিয়ে যাবার মতো বর্ষা নেমেছে । ঝাওয়া-দাওয়া সেরে গোকুল ঘরে বসে প্রদীপের আলোয় হিসাব দেখছে । আজকাল সে বুড়িয়ে গেছে যেন, বাঁদীটাকে কিনে যে লোকসান হয়েছে তাই উত্তল করতে গিয়ে সেই যে সে টাকা-পয়সার হিসাবে নেমেছে ক্রমশই তাতে জড়িয়ে পড়ছে ।

মেয়েটি চট পেতে বারান্দায় শোয় । কদিনের রুষ্টিতে মাটির দাওয়া কাদা-কাদা, তবু তারই মধ্যে সে শুয়ে থাকে । রুষ্টির তোড় বেড়ে গেলে ক্রমে দেয়ালের কাছে সরে আসে । সারা শরীর জলে ভিজে যায়, হাঁটু পর্যন্ত কাদা মেখে ঘূমের আশা ছেড়ে কোনো-কোনো রাত্রিতে সে দাঁড়িয়ে কাটায় ।

গোকুলের চোখে তল্লা এসেছিল । পর-পর তিন-চারবার প্রবল বজ্র গর্জনের সঙ্গে কাঁ-কাঁ করে রুষ্টি নামল । বারান্দার দিকের জানলা দিয়েও রুষ্টির হাঁট এসে গোকুলের গায়ে লাগছিল । সেটা বন্ধ করার জন্য উঠে এগিয়ে যেতেই তার কানে কান্নার শব্দ এল । কে বা কাঁদছে, ভয় পেয়ে ছেলেমাহুযের মতো, অসহায় অব্যক্ত কান্না । অদ্ভুত লাগল গোকুলের । অথচ তেমন লাগবার কথা নয়, বাড়িতে আর একটি শ্রাণী আছে, এই তিমির ঘন দুর্যোগের রাতে বাইরে রুষ্টির নিরাশ্রয় ধারার মধ্যে । বাঁদী কাঁদে এমন করে মাহুযের মতো ?

দরজা খুলে দিল গোকুল তবু নড়ে না বাঁদী । অন্ধকারের মধ্যে নজর ঠেলে দিয়ে গোকুলের লজ্জা বোধ হল । ঘরে ঝুলানো সকালে তাঁত থেকে নামানো শাড়ি-খানা হাত বাড়িয়ে বাঁদীর দিকে এগিয়ে দিয়ে গোকুল ঘরের অন্ধকারে সরে গেল । সেখান থেকে হুকুম করলে বাঁদীকে ঘরের ভিতরে আসতে ।

বিছানায় বসে সে ভাবতে লাগল কি বিড়ম্বনায় সে পড়েছে খেয়াল চরিতার্থ করতে গিয়ে । মাহুয, হোক সে বাঁদী, এমন নির্বোধ হয় কি করে ? লাথি আর মিষ্টি কথার তফাত বোঝে না । অবশ্য গোকুল পরখ করে দেখেনি, লাথির অপমান বুঝতে হলে খানিকটা বুদ্ধি থাকা দরকার । খিদে পেলে যে খায় না, খিদে না থাকলেও খাও বললেই যে খায়, গোবর বেঁটে হাত ধোবার ইচ্ছা হয় না যার, পায়ের নখ উটে গিয়ে ফিনকি দিয়ে রক্ত ছুটলেও যাকে বলে দিতে হয় হাত দিয়ে চেপে ঘরে রক্ত বন্ধ কর—সে যে কি পরিমাণ নির্বোধ । শুধু নির্বোধ নয় নির্বাকও ।

গোকুল রাগ করে বলল, ‘কাপড় পরেছ, তবে ঘরে আসছ না কেন ? ঘরে এসে দরজা দাও, ঘর ভিজে গেল জলে । কি আপদ !’

বাঁদী ঘরে গিয়ে দরজা দিল ।

গোকুল রাগ চড়িয়ে বলল, ‘এবার ওই কোণটায় শোও, শুয়ে চোখ বোজ, চোখ বুজে ঘুমাও । আরও বলে দিতে হবে ?’

বাঁদী দরজার পাশে দাঁড়িয়ে রইল, অঙ্ককারেও মনে হল কি যেন বলতে চায় সে ।

গোকুল বলল, ‘যাও, শোওগে যাও ।’ কিন্তু একথার পরও বাঁদী যখন নড়ল না বরং হাঁটু ভেঙে বসে পড়ল দরজার পাশে গোকুলের মনে হল বাড়ির কুকুরটির মতো বাঁদীটিও তার । উঠে গিয়ে প্রদীপ তুলে সে দেখল বাঁদীর চোখ দিয়ে জল পড়ছে । একটা মিষ্টি কথা বললে তার প্রভুত্ব বোধ হয় খর্ব হবে না, বললে সে, ‘কৈদো না, বাপু, সবার জীবনই স্থবের হয় না ।’

বাঁদী উঠে দাঁড়াল । প্রদীপের আলো তার সর্বাঙ্গে পড়েছে । সবজ্ঞে মোটা মস-লিনের অন্তরালে বাঁদীকে দেখে গোকুল নির্বাক হয়ে নিজের খুতনি চুলকাতে লাগল । হাড়ের কাঠামোর উপরে মেদমাংস লেগেছে এ খানিকটা গোকুল প্রত্যাশা করেছিল । কিন্তু কি বিজী কি বিজী করে চোখ ফিরিয়ে নেওয়া অভ্যাস হয়ে গেছে বলে সে কোনো দিনই এ পরিবর্তনের আভাস পায়নি । বন্ধের বৃত্তান্ত, নিত্যের বিস্মৃতি, উরুর মৃৎগতা, আর সব ছাপিয়ে তার চোখ দুটি ।

গোকুল কিছু ভেবে না পেয়ে বাঁদীর হাত ঘরে বলল, ‘ভয় নেই তোমার ।’ তার মনে হল এত ককণ, এত কিশোর । এ কি কখনো ভাবা গেছে এ এত অল্পবয়সী । গোকুলের মনে হল এত স্নেহ দিতে পারে একে তবু না-হয় স্নেহের শেষ, না-হয় তা জানানো । বিছানার বসে গোকুল তাকে পাশে বসাল । বারে বারে বলল, ‘কাঁদিসনে, কাঁদিসনে ।’ কোথা থেকে সাহস পেয়ে বাঁদী দু-হাতে গোকুলকে আঁকড়ে ঘরে হ-হ করে কৈদে উঠল ।

সকালে তাঁতঘরে গিয়ে গোকুল প্রথমে কিছুক্ষণ এত স্তম্ভ কাজ করল যা জীবনে করেনি । বাহুঘের শরীর যে এত তৃপ্ত হতে পারে কে জানত ? শিরা-উপ-শিরাগুলির শূন্যতা পূর্ণ হয়ে সেগুলি এত স্নিগ্ধ হয়েছে যে মনে হচ্ছে খেঁত চন্দন মাখা গায়ে ভোরের হাওয়া লাগছে । মনের খানিকটা অংশ জুড়ে (গোকুলের মনে হল বুকে) যে গুহ্রতা কমনীয় হয়ে উঠছিল, স্নিগ্ধ হয়ে উঠছিল তার একবার অসুস্থত্ব হল মেটা শুভ্র উরুদেশের ছায়া । ঘরে ফিরে এসে সে দেখল তার শয্যা উপুড় হয়ে গুয়ে আছে বাঁদী । রাত্রির স্বপ্নের সঙ্গে দিনের আলোর মিল দেখে সে অবাক

হল একটু। গোকুল ফিরে গেল খানিকটা বাদে আবার ফিরে আসবার জন্য।

গোকুলের তাঁতঘর থেকে দিবারাত্রি গান শোনা যায়, যে গান গলা নিরপেক্ষ, স্বর নিরপেক্ষ, চাষী হলুদে ধান কাটতে যে গান গায় কতকটা তেমনি।

অল্প বয়স যতদিন থাকে মানুষ প্রবীণ গৃহস্থের অনুকরণ করতে ভালোবাসে, যেমন ছোট-ছোট মেয়েরা করে খেলাঘরে। গৃহকর্তা হয়ে একদিন রাত্রিতে গোকুল বাদীর কানের কাছে মুখ নিয়ে বলল, ‘শোন বলি তোকে। একটা জিনিস আমাদের নেই। একটা ছেলে না হলে যেন চলছে না, তাই নয়। বড় খালি-খালি, শুধু দুজন।’ বাদী বড়-বড় চোখ মেলে চেয়ে রইল মাত্র।

দু-চারদিন বাদে গোকুল কথাটা আবার বললে তাকে, বাদী শিউরে উঠে বললে, ‘না।’

‘নয় কেন?’

বাদী গোকুলের কাছে সরে এসে থরথর করে কঁপে উঠল।

কথাটা গোকুল ভুলল না। কখনো বাদী না শুনবার ভান করে অল্প দিকে চেয়ে থাকে, কখনো গোকুলের মুখের দিকে চেয়ে নির্বাক মিনতি করে।

বাদীর ছোট-খাট শরীরটার মধ্যে একটা ছোট মন আছে সেটা গোকুলের গলা শুনে আড়ষ্ট হয়ে যায়। দোকানির তাঁবুতে যত মেয়ে ছিল সবার চাইতে সে ছিল ভীরা। মানুষ দেখলে তার জিত জড়িয়ে আসে, কথা ফোটে না, স্তম্ভিত হয়ে যায় ভিতরটা।

এক রাত্রিতে বাদীর করণ দৃষ্টিতে মন ভিজল না গোকুলের, সে পাশ ফিরে শুয়ে রইল। বাদী জানাতে চায় গোকুলকে স্বর্গী করতে না পেরে সে দুঃখী, সেটুকু জানানোর জন্য বাদী শব্দ করে ফুঁপিয়ে-ফুঁপিয়ে কাঁদতে লাগল। গোকুল ধমক দিয়ে উঠল, ‘কি আপদ ঘুমাতে দেবে না।’

সারা রাত বাদী বসে রইল, সারা রাত তার চোখ বেয়ে জল পড়তে লাগল। নিজের উপরেও রাগ হচ্ছিল তার।

নিজের ভুল বুঝতে পেরে গোকুল পরের দিন রাগ করল না। শুধু বলল, ‘আমার মনে হয়, ও তুই পারবিনে, সব মেয়ে পারে না।’

মিষ্টি কথায় বাদী অভিমান করে পাশ ফিরে রইল। সামান্য মাত্র, বেশি করতে সে ভয় পায়।

একদিন গোকুল নরম করে বলল, ‘এই দেখ কি এনেছি, এইটে হাতে বেঁধে দিই আর, সিঙ্কি-ধানের মাটি আছে এতে, দেখি তার পরে কি হয়।’

বাঁদী উঠে বসে হাত বাড়িয়ে দিয়ে বলল, ‘হবে ?’

‘হ্যারে হ্যা ।’

কিছুদিন পরে বাঁদী গোকুলকে নিজে থেকে বলল, ‘ককির এসেছে ও গাঁয়ে
মাঠে, যাব ?’

‘যাবি কেন ! ও বুঝেছি । তা তোর বুঝি ভরসা নেই করচে । কিন্তু কি করে
যাবি ? সে নাকি সন্ধ্যার পরে একা-একা এলো চলে নতুন শাড়ি পরে যেতে হয় ।
ভয় করবে রে । ও মাঠে রাতের বেলা গাঁয়ের লোক যেতে ভয় পায় । তা আমিও
না হয় কিছু দূর সঙ্গে-সঙ্গে যেতে পারি ।’

‘না । যেতে হয় না ।’

‘তাই বলেছে ওরা ? যাস তবে তাই ।’

বাঁদী গিয়েছিল । নতুন শাড়ি পরে, কপালে খয়ের-টিপ এঁকে, চোখে কাজলের
রেখা দিয়ে । যে রকম লোকে বলেছিল ঠিক তেমনি করে এলো চলে সন্ধ্যার অন্ধ-
কার গাঢ় হলে সে ফকিরের কাছে গিয়েছিল । যদিও বাড়ি থেকে সাত পা যাবার
আগেই সে ভয়ে ঘামে নেয়ে উঠেছিল ।

ভোরবেলার একটু আগে সে ফিরে এল । গোকুল আলো নিয়ে বারান্দায়
দাঁড়িয়ে ছিল । সে বাঁদীকে দেখে চমকে উঠল । কোথায় খয়েরের টিপ, কোথায়
চোখের কাজল । পরিক্রান্ত, সর্বহারা দৃষ্টি ।

আশঙ্কার সঙ্গে কিছুটা পরিহাস মিশিয়ে গোকুল বলল, ‘ডাকাভের হাতে পড়ে-
ছিল নাকি রে ?’

‘না ।’

‘ভয় না হয় নাই পেলি, পেয়েছিস কিনা আমি জানছি । আহা-হা পড়ে গিয়ে-
ছিল সাকো থেকে । ঠিক তাই, টোট কেটে গেছে, এই তো কাপড়ও ভিজে ।’

‘না ।’

‘রাগ করেছে পাগলি । সত্যিই আমার অন্তে এত কষ্ট হল তোর ।’

‘না ।’

গোকুল বাঁদীর হাত ধরে ধরে নিয়ে এল ; নতুন গামছা দিয়ে হাত মুখ মুছিয়ে
শাড়ি পালটিয়ে বিছানায় বসাল তাকে ।

‘আমি জানি । অভিমান হওয়া তোর অঙ্গায় নয় । আমাকে হুশী করার অন্তে
তুই যে সাহস দেখালি, যে কষ্ট করলি তারপর তোকে প্রবোধ দেওয়া যায় না ।
তুই বলেই পেয়েছিস । আর কেউ তাঁতীর অন্তে এতটা করত না ।’

‘না, না ।’

বাঁদী দু-তিন মাস কথা বলল না, ভালো করে বাঁধল না, খেল না, চুল বাঁধল না । শুধু আকাশের দিকে চেয়ে-চেয়ে দিন কাটাল । গোকুল দূরে-দূরে থেকে ভাবল, অভিমান করবেই তো বাঁদী, সে কি সোজা কথা রাত করে ওই ভয়ের মধ্যে যাওয়া ।

একদিন পাড়া থেকে বেড়িয়ে ফিরে গোকুল বলল, ‘শুনেছিস, তাঁতীবউ, তোর সেই ফকিরটা মরে গেছে । গলায় বাঘে না কিসে কামড়েছিল, তার ঘাতেই দু-তিন মাস ভুগে-ভুগে মারা গেল । ভেবেছিলাম একদিন ভালো করে সিন্ধি দিয়ে আসব, হল না তা ।’

বাঁদী দপ করে জলে উঠল, ‘গোরে দেয়নি বোধহয়, যাও যাও, এখনো দিয়ে এস সিন্ধি ।’

‘রাগ করলি তুই ? দেখতো কত বড় দয়া করেছে ফকির আমাদের । মন্তরে ফল হতেও পারে তো ।’

চৌকাঠ চেপে ধরে বাঁদী কাঠ হয়ে দাঁড়িয়ে রইল । যেন তার নিজের স্বরের তীব্রতার প্রত্যুত্তরে গোকুলের রোষের আশঙ্কায় তার মুখ বিবর্ণ হয়েছে ।

কিন্তু গোকুল রাগ করল না । এমন হয় সংসারে, অল্পগ্রহিতার একটি মাত্র আত্মদানের ফলে তার স্থান অল্পগ্রহিতার সমপর্যায়ে উঠে যায় । গোকুল অপ্ৰতিভ হয়ে পালিয়ে গেল ।

একদিন বাঁদী কথা বলল । নিজে থেকে গোকুলকে ডেকে লজ্জায় মুখ লাল করে বলল, ‘হবে, পাবে তুমি এতদিনে ।’

তারপর একটু কঁাদল বাঁদী । সারা মুখ বিকৃত হয়ে ছর্ব্বার লবণাক্ত অশ্রুর বস্তা নেমে এল ।

গোকুল বলল, ‘কঁাদ, কঁাদ । আনলে কান্না পায় ।’

তাঁতীদের মধ্যে যারা গোকুলকে খাতির করত তার ওস্তাদীর জন্ত তারা এল ! ওপাড়া থেকে জোলাদের রহিমবুড়ো এল জন কয়েক সাকরেদ নিয়ে ; যে দোকান থেকে মাঝে-মাঝে গোকুলের মসলিন বিক্রি হয় ধনীদেব মধ্যে এল সে ।

রাঙা পাড় কোরা চৌটি পরে বাঁদী (এখন সে তাঁতীবউ) বসেছে রকে । কোলে ছোট্ট ফুটফুটে, টুলটুলে একটা ছেলে । গোকুল সকলের সামনে জোড় হাত করে দাঁড়াচ্ছে । সকলে এগিয়ে গিয়ে আশীর্বাদ করছে । গোকুল কারো কথা শুনল না, রহিমবুড়োর পায়ের ধুলো নিয়ে ছেলের মাথায় বারবার মাখিয়ে দিয়ে বলল, ‘দোয়া কর, চাচামিঞা, তোমার মতো হাত হয় ।’ একমুখ হেসে বুড়ো বলল, ‘হবে

রে হবে, বাপের বেটা হবে।’

সকলে চলে গেলে গোকুল ঘরে গিয়ে বসল। শোবার ঘরের ওদিকটায় এক-খানা নতুন কাঁঠাল কাঠের চৌকি পড়েছে—সোনার মতো রঙ তার। একরাশ রঙিন কাঁথার ভাঁজ স্তরে-স্তরে সাজানো। গোকুল পাড়ার অনেককে বানাতে দিয়ে-ছিল, আজ নিয়ে এসেছে। তাঁতীবউ তখনও বাইরে বসে ছেলে কোলে করে। গোকুল ডাকল, ‘ঘরে এস বউ, খোকনমণির ঠাণ্ডা লাগবে।’

তাঁতীবউ হাসে, তাঁতীবউ কথাও বলে।

একদিন সে ছেলে শুইয়ে এসে বসল গোকুলের পাশে।

‘খুশি হয়েছ তুমি?’

‘হ্যাঁ।’

‘আমাকে এখন আর তেমন করে মনে পড়বে না, তাই নয়।’

‘বাস রে কত কথা শিখেছিস তুই-।’

তাঁতীবউ হঠাৎ যেন অজ্ঞমনস্ক হয়ে গেল, বলল, ‘তুমি খুশি হলেই হল।’

দিন যায়, রাত্রি যায়। গোকুল ছোট চৌকিখানার কাছে ঘোরে আর ছেলেকে দেখে আর বাঁড়ের মতো টেঁচার, ‘বউ দেখসে দুধ তুলছে।’ কখনো বলে, ‘দেয়াল। কাটছে দেখে যারে, দেখে যা।’ কখনো নিজেই রান্নাবরের দরজায় গিয়ে বলে, ‘একটা কথা বলি, হাসবি না। খোকা আমাকে চেনে। আমার দিকে তাকিয়ে ঠোঁট নাড়ে।’

রাত্রিতেও ওই একই কথা হয়। গোকুল বলে, ‘এই তো উঠে বসবে, চাঁদির একটা গোট বানিয়ে দেব। কিন্তু তোমার ছেলে কি ভুললোক ভেবেছিল? ফোকলা মুখের নালে-নালে বুক ভরে রাখবে।’

সোহাগের বুক থেকে তাঁতীবউ অনুযোগ করে, ‘দিনরাত তোমার ওরই কথা।’

গোকুল বলে, ‘যার জন্মে ওকে পেলাম সে বুঝি ফেলনা।’

চাঁদির গোট গড়াল গোকুল, ছেলে কিন্তু উঠে বসবার কোনো লক্ষণই দেখাল না। পাঁচ মাস গেল, সাত মাস গেল, বছর ঘুরে এল, ছেলে বাড়ল না পর্যন্ত। দেখলে মনে হয় যেন কত কালের বুড়ো, হাসে না পর্যন্ত।

গোকুল বউকে ডেকে বলে, ‘একি হল রে?’

তাঁতীবউ প্রবোধ দেয়ার সুরে বলে, ‘সেরে যাবে বড় হলে দেখো।’

রাতে ছেলে ঘুমায় না। কি একটা কষ্টে সারা রাত কাঁদে, সারা রাত কাঁদরায়। তাঁতীবউ বাইরে নিয়ে পায়চারী করে বেড়ায়। তাঁতীবউ উঠে আসে।

তাঁতীবউ বলে, ‘একি হল ছেলে?’

তাতী বলে, ‘কপাল।’

ওঝা এল। কবরেজ-হেকিম এল। চিকিৎসা হল কিন্তু সবাই যেন ছেলের জুহুটি দেখে ফিরে যায়। শেষে অনেক ধরনা দিয়ে অনেক কষ্টে গোকুল সিদ্ধস্থানের ঠাকুরাণিকে নিয়ে এল। অনেক কথা, অনেক মন্ত্র, অনেক তুক সারা সকাল, সারা দুপুর চলল। সারাদিন না খেয়ে আঙনের কাছে ঠায় বসে থেকে তখন গোকুলের মাথা ঝাঁ-ঝাঁ করছে, তাতীবউ চলে পড়েছে, দেয়ালের গায়ে। সন্ধ্যা লাগা-লাগা সময়ে সিদ্ধা মুখ খুলে বলল, ‘তুই বউ বদলা, গোকুল। এ বউয়ের রিষ্টি যোগ আছে। এর কাছে ভালো ছেলে তুই সাতজন্মেও পাবি না।’

গোকুল বোধ করি বিমিয়ে পড়েছিল, প্রথমবারে তার কানে যায়নি কথা-গুলো। সিদ্ধা স্পষ্ট করে বলবার জন্য আবার বলল বউ বদলানোর কথা। এবার লাল চোখ মেলে গোকুল সিদ্ধার দিকে চাইল, তারপর ক্ষিপ্তের মতো টেঁচিয়ে উঠল, ‘বেরো, বেরো। ভগামি করার জায়গা পাওনি।’

সিদ্ধা চলে গেল। সারা দিনে স্নান খাওয়া হয়নি তবু সে রাত্রিতে খাওয়ার জন্য কেউ উঠল না। গোকুল যন্তস্থান থেকে একটু সরে এসে মাটিতেই শুয়ে পড়ল। চূড়ান্ত আশাভঙ্গের এমন যুঁতি আর দেখা যায় না। তাতীবউ মাটির যুঁতির মতো বসে রইল। ছেলেটা রাত্রিতে কতবার কাঁদল, কেউ উঠেও দেখল না।

ব্যাপারটা গোকুলের দৃষ্টিতে ধরা পড়ল। প্রথমে সে নিজের মন নিয়ে ব্যস্ত ছিল, তাই বা দেরি হয়েছে—তাতীবউ আবার বাক্বীনা হয়ে পড়েছে। দিনকে দিন যেন সে বোকা হয়ে যাচ্ছে। যেন সেই আগের পীড়াটাই তার ফিরে এসেছে।

তাতী একদিন ডেকে বলল, ‘তুই কি আবার আগের মতো শুধু বোকা হয়ে থাকবি, শুধু কাঁদবি নাকি?’

তাতীবউ একটু হেসে পাখাটা নিয়ে বাতাস করতে লাগল।

‘সারা রাত বসে-বসে বাতাস করবি নাকি? তার চাইতে ঘুমো না হয়। তোর মনও তো ভালো নেই। শুয়ে থাক আমার পাশে।’

তাতীবউ চুপ করে শুয়ে পড়ল।

গোকুল বলল, ‘কেমন যেন আগের মতো, তোর নিজের ইচ্ছা বলে যেন কিছু নেই, শুতে বললাম আর টুপ করে শুয়ে পড়লি।’

তাতীবউ শত অছুরোধেও মুখ তুলল না; গোকুলের বুকে মুখ ঝুঁজে প্রাণপণে ছু-হাত দিয়ে তাকে আঁকড়ে ধরে রইল।

দিনকে দিন তাতীবউ শুকিয়ে যাচ্ছে। গালের হাড় উঁচু হয়ে উঠে চোখ দুটিকে

আগের চাইতে বিবৃত করে দিয়েছে । চলে যেন না-চললে নয়, বলে যেন না-বললে নয় ।

একদিন গোকুলের মাথায় খুন চেপে গেল, রাগের মাথায় সে চিৎকার করে উঠল, ‘নিকুচি করি তোর চোখের, কথা বলিস না কেন ? জিত ক্ষয়ে গেছে । চুলের মুঠি ধরে বের করে দেব পাজি কোথাকার ।’

তারপর কৌচার খোঁটে চোখ মুছতে-মুছতে নিজেই বেরিয়ে যায় ।

এক রাত্রিতে গোকুল শেষ চেষ্টা করবার জন্ত তাঁতীবউকে ডেকে নিল । মাটি থেকে কুড়িয়ে নিয়ে তাকে কোলে করে বসল । হুহাতে মুখ তুলে ধরে অনেকক্ষণ ওর চোখের দিকে চেয়ে থাকল । তার পরে বলল, ‘অন্ত বউদের মতো কথা বলতে তুই জানিস না, তা জানি । তবু যেমন বলতিস তুই নিজের তৈরি একটা-দুটো কথা তেমনি বল, বলতে হবে তোকে । বল আমাকে, সত্যি করে বল, আর ভালো লাগে না আমাকে ।’

‘লাগে ।’

‘লাগে তো ? তবে কেন অমন করিস ? এ ঘর সংসার কি তোর নয় ?’

তাঁতীবউয়ের চোঁট কঁপে উঠল ।

গোকুল ব্যাকুল হয়ে বলল, ‘বল, যা বলতে চাচ্ছি বল ।’

তাঁতীবউ বলল, ‘বউ বদলাও ।’

প্রথমে অত্যন্ত বিস্মিত হয়ে তারপর হো-হো করে হেসে উঠল, খুব হাসির কথা যেমন বারবার আবৃত্তি করে তেমনি করে গোকুল বলতে লাগল, ‘বউ বদলা, বউ বদলা...ঘুমা তুই, বদলাতে হয় কিনা সে আমি জানি । এই ভেবে বুঝি দিনকে দিন বোকা হয়ে যাচ্ছি ।’

আর একবার কবরেজ, গুণিন্ ওঝা নিয়ে মেতে উঠল গোকুল । একে পায় তো ওকে ছাড়ে, ওর খ্যাতি শোনে তো ছুটে যায়, ওর একটু দুর্নাম শোনে তো ছাড়িয়ে দেয় ওকে । ছেলেটার দিকে চেয়ে-চেয়ে দেখে আর বউকে ডেকে বলে, ‘একটু উন্নতি হয়েছে, নারে ?’ বউ সাড়া দেয় না ; সাড়া না দিলেও সে নিজেই বুঝতে পারে উন্নতি কিছুমাত্র হয়নি ।

এমনি করে ছেলেকে দেখতে-দেখতে একদিন গোকুলের খুন চেপে গেল মাথায় আবার । ‘হারামজাদা পাজি, ভাগাড়ের শকুন, বাদরের বাচ্চা কোথাকার’। যেমন দেবতা তার বরও তেমনি । অমন মরকুটে ফকির না হলে এমন ফল হয় তার মন্তরে ।’

কুজ প্রাণীটির আশাময় নিদ্রাহীন আলো অন্ধকারের অন্তিমতীর হয়তো সে-

দিনই শেষ হয়ে যেত, যদি নিজের কথাগুলি কানে যেতে কানে আঙুল দিয়ে গোকুল ছুটে না পালাত।

সারাদিন এদিক-ওদিক কাটিয়ে গোকুল সন্ধ্যার পরে ফিরে এল। একটুখানি জোছনা উঠেছে সেদিন। উঠানে দাঁড়াতেই তাঁতীবউকে দেখতে পাওয়া গেল। জোছনার এক ফালির মাঝখানে সে বসে আছে, শান্তস্থির পটের ছবির মতো। স্নিগ্ধতার আশ্বাসে পায়ে-পায়ে গিয়ে গোকুল বসল তার পাশে। সকালের তাগুবের জন্ত তার অনুতাপের অবধি নেই।

‘ও বউ, কথা বল, তোর পায়ে ধরি। আমার দোষ—সব, বুঝতে পেরেছি। তোর দিকে আমি চেয়েও দেখিনি।’

‘কি বলব বল।’

‘কিছু কি তোর বলবার নেই? আমি কাছে এলেই তোর এত কষ্ট? আচ্ছা আমি যাই।’

‘না যাসনে। আজ একটা কথা বলব তোমাকে। ও কোনোদিনই ভালো হবে না। ওর দোষ নয়, তোমার দোষ নয়। বোধহয়—’

‘কি বোধহয়?’

‘বোধহয় আমার রিষ্টি যোগ আছে।’ কথাটা বলতে গিয়ে অক্ষুট কান্নার তার চোঁট ছুটি কেঁপে উঠল।

কথাটা নতুন নয়। অনেক আঁড়ম্বুর করে, এর চাইতে অনেক দৃঢ় স্বরে সিদ্ধা বলেছিল। কিন্তু বাক্ বিহীনার স্বরে এমন সব আশা নষ্ট হওয়ার স্বর ছিল যে গোকুল আহতের মতো খাড়া হয়ে বসল।

‘বলিস কি রে?’

‘হ্যাঁ সত্যি। ওরা বলে—আমার মনে হয়...’

‘ওরা ভুয়া দেয়। তাহলে আর আমি জানতাম না?’

‘না জানতে না। আমাকে ছেড়ে দিতে হবে, যে দিকে হু-চোখ যায় চলে যাব।’

‘তুই চলে যাবি?’

‘হ্যাঁ।’ তাঁতীবউ উঠে দাঁড়াল যেন সে তখনই যাত্রা শুরু করবে।

পরদিন সকালে উঠে গোকুলকে দেখা গেল না, তার পরদিনও না, তারপরও না। তাঁতীবউ বড় কান্নাই কাঁদল। দুদিন সে উঠল না, বাঁধল না, খেল না। মাঝে মাঝে শুকিয়ে ওঠা স্তনটা শিশুর মুখে ঝুঁজে দিয়ে তার কান্না থামানোর চেষ্টা করে। অনাহারের অবসাদে আচ্ছন্ন করে দিচ্ছে তাকে তাও যেন সে বুঝতে পারে

না। গোকুলের মুখ মনে পড়ে আর সব কিছু অন্ধকার হয়ে চোখ দিয়ে অল গড়িয়ে পড়ে।

কিন্তু দুঃখে পাখর হয়ে যেতে-যেতে তাকে এক সময়ে নড়ে উঠতে হল। পেটের ভিতরটা জলে যাচ্ছে বলেই রান্নাবরেন্নের দরজা খুলতে হল তাকে। কিন্তু গোকুল নেই, কে তাকে বলবে রান্না করতে যেতে, কখন কি করতে হবে। অন্ধকারে হারিয়ে-যাওয়া শিশুর মতো ভয়ে নিচুস্বরে ফুঁপিয়ে-ফুঁপিয়ে কাঁদতে লাগল সে।

দুঃখের গভীরতা যখন বেড়ে যায় তখন সে আঁ-আঁ করে কাঁদে। এক-একদিন সন্ধ্যায় বর্ষা নামে। বর্ষার শব্দের মধ্যে তার বোবা কান্নার শব্দ ছড়িয়ে পড়ে। হাটের থেকে ফিরতে দেরি হয়ে গেছে এমন দু-একজন তার কান্না শুনে তাড়াতাড়ি হেঁটে গোকুলের বাড়িটা পার হয়ে যায়।

তারা বলাবলি করে কোনো দিন, ‘গোকুলের বাঁদীটা বুঝি। গোকুল গেছে বিয়ে করতে শুনলাম। তা হবে। বেচারার বড় কষ্ট। একা-একা ভয়-ভয় করে বোধহয়।’

গোকুলের নাম শুনে তাঁতীবউ উঠে যায় ভালো করে শুনবার জন্ত। শুনতে পায়—গোকুল গেছে বিয়ে করতে।

আকস্মিক আঘাত পাবার মতো একটা অশ্রুট শব্দ করে তাঁতীবউ সরে আসে জানলা থেকে।

এক-একদিন সন্ধ্যাবেলায় গা ধুয়ে সে গোকুলের দেয়া ভালো শাড়িগুলো বের করে পরে। কপালে টিপ আঁকে, বিহুনি করে পিঠে ঝুলিয়ে দেয় চুল। খোঁপা বাঁধে না, গোকুল পছন্দ করত না। তারপর বারান্দায় গিয়ে বসে প্রতীক্ষায়। গোকুল হাটে বাবার সময়ে এমনি করতে বলে যেত তাকে। কাজ করতে-করতে খেমে গিয়ে সে ভাবে—গোকুল কোন কাজটা কি রকম করে করতে বলে দিয়েছিল। ঠিক তাই করে সে।

কোনো-কোনো দিন সে ভাবে শুয়ে-শুয়ে, যদি কোনো দেবতা বর দিতো তাকে! এমন কি হয় না কোনো গুণিন এসে দু-হাতে তুলে একটা সন্তান তাকে দিয়ে যায়, একরাশ ফুলের মধ্যে ফুলের চাইতেও সুন্দর একটা ছেলে। দু-হাত ভরে নেয় সে তাহলে। বুকের মধ্যে টুন্টু করে ওঠে তার। ঘুমন্ত রুগ্ন কঙ্কালসার ছেলেটাকে তুলে নিয়ে তার মুখে স্তন গুঁজে দেয়। কিন্তু সেও যদি ফকিরের মতো হয়। কথটা মনে হতেই তাঁতীবউ আড়ষ্ট হয়ে যায়, দম বন্ধ হয়ে আসে, গা বিন্-বিন্ করে ওঠে। ছেলেটাকে হুন্ করে বিছানায় ফেলে দিয়ে সে উঠে দাঁড়ায়। মরেছে মরেছে, বেশ হয়েছে। বাথের কামড়ে গলা ফুটো হয়ে মরেছে। তাঁতীবউয়ের

চোখ দুটি খাপদ হিংসায় চকচক করে ওঠে । রক্তে মুখ ভরে উঠল ভেবে—থু-থু করে উঠল তাঁতীবউ । না দরকার নেই । কোনো গুণীর কাছে সে বর চায় না । শুধু গোকুল ফিরে আসুক । সে যদি বউ নিয়ে আসে, তাও আসুক ।

তবু এক-একদিন স্বপ্নে দেখে সে একরাশ ফুলের মধ্যে ফুলের চাইতেও হৃদয় একটি ছেলেকে ।

রাত্রির উঠোনে তাকাতে তার ভয় করে, তবু খুঁট করে একটু শব্দ হলেই সে উঠে যায় দরজার কাছে । মাঝরাতে উঠে বসে একদিন তার বুকের ভিতরটা ধক করে উঠল । যদি তাঁতী ফিরে গিয়ে থাকে তার মাড়া না-পেয়ে । সেদিন থেকে সে দরজা খুলে রাখল । বিছানায় শুয়ে সে সারা-রাত ঘুমোতে পারল না । দরজা বন্ধ করে গোকুলের পাশে শুয়েও যার ভয় যায় না, সেই আজ দরজা খুলে রেখেছে ।

একদিন একটা ব্যাপার ঘটে গেল । গোকুলের প্রত্যাশায় বসে থেকে-থেকে মাঝরাতে ঘুমে গা এলিয়ে এসেছে, বসে-বসে ঢুলছে তাঁতীবউ—এমন সময়ে উঠোনে পায়ের শব্দ হল যেন । তাঁতীবউয়ের মনে হল সে বলবে—এস, আমি তোমার জন্তে জেগে আছি দেখ । আজই শুধু নয় । পাছে ফিরে যাও বলে প্রদীপ জেলে রেখেছি, দরজা খুলে রেখেছি । কিন্তু কথা বলা হল না । হুৎপিণ্ডটা গলার কাছে উঠে এসে দম বন্ধ করে দিল যেন । মনে হল কাদতে না পারলে সে মরে যাবে, তবু কাদল না । দেখবে সে প্রথম মুহূর্তেই তার তাঁতীকে, পোড়া চোখ বার-বার করে মুহূর্তে লাগল ।

কিন্তু পায়ের শব্দ যখন একেবারে তার পাশে এসে থামল তখন সে মুখ তুলতেও পারল না । একটা হৃদয় হৃদয় আসছে, তাঁতীবউ ভাবল—হৃদয় ছিল গোকুল ভাই । কিন্তু অভিমান সে করবে না, মান করা তার সাজে না—কি আছে তার গরবী হওয়ায় ।

মুখ তুলে তাঁতীবউ বিশ্বাসে অভিনবত্বে দিশেহারা হয়ে গেল । স্বপ্নের মধ্যে যেন সে ভাবল—তুমি দেবতা, তুমি এলে । আমার দুঃখ, তাঁতীর দুঃখ, ওই ছেলেটির দুঃখ সব মিলে তোমাকে টেনে এনেছে । ভাই এত হৃদয়, ভাই এত হৃদয় তুমি । তোমার মুখের দিকে চাইবার সাহস নেই আমার । তুমি তো আমার মনের কথা জানো ।

অনভ্যস্ত কথা বলার পরিশ্রমেই যেন তাঁতীবউ হাঁপাতে লাগল । ‘শোন, তাঁতীবউ, গোকুল ফিরবে না । তুমি এত দুঃখ করবি কেন ? আর গোকুল যদি ফেরেই কখনো বা দিয়ে তোকে সে কিনেছে তার চাইতে দশগুণ আমি তাকে দিয়ে দেব । বুঝতে পেরেছিল আমার কথা ? আজই নয়...’ চিনিস তো আমাকে, রাজবাড়িতে

দেখেছিল ও বোধ হয় ।’

দেবযুতি সাপ হয়ে কামড়ালেও তাঁতীবউ এতটা শিউরে উঠত না । পলকে দূরে সরে গিয়ে সে সোজা হয়ে দাঁড়াল । পৃথিবী তখনো পান্নের তলায় দুলছে । তীব্র রুঢ় দৃষ্টিতে আগন্তকের মুখের দিকে চেয়ে রাগ করে কি বলতে গেল সে, কিন্তু অসীম ঘৃণায় সে বারবার বলল, ‘ছি-ছি তোমাকে দেবতা বলেছি, ছি-ছি-ছি !’

‘শোন, তাঁতীবউ ভেবে দেখ্ । সময় নে ।’

‘ছি-ছি-ছি-ছি ।’

আগন্তক কখন চলে গেল, কে তাকে তাড়িয়ে দিল এসব কিছু মনে নেই তাঁতী-বউয়ের । প্রথম সাধারণ বোধ ফিরে আসতেই ভয়ের একটা আর্তশব্দ করে উঠে গিয়ে দরজার খিলঙলো এঁটে দিল সে ।

এর বোধহয় প্রয়োজন ছিল । এমন বেহঁস হয়ে, এমন কোমল প্রাণ নিয়ে যারা চলে, তারা না-পারে নিজে বাঁচতে না-পারে অত্মকে প্রাণ দিতে । ভয় যতক্ষণ না-আসে ততক্ষণ তার আশঙ্কা এমন আড়ষ্ট করে রাখে যে নিজেকে পিঁপড়ের মতো তুচ্ছ মনে হয় । ভয় এসে চলে গেলে আশঙ্কাটা কমে যায়, কিছুটা আত্মবিশ্বাসও আসে ।

প্রাণ বাঁচাবার তাগিদে তাঁতীবউকে তার উঠোনের পৃথিবীর বাইরে পা দিতে হয়েছে । হঠাৎ কারো কথা শুনলে যার প্রাণ স্তব্ধ আড়ষ্ট হয়ে যেত এখন সে হাটে যায় । অপরিচিত দোকানির সঙ্গে দামদস্তুর করতে হয় । পরসী উপার্জনের ফিকির সে নিজেই বার করেছে । জোলায় আসে তার কাটা স্ততো নিতে । পাকা কার-বারির মতো সে বাকিতে মাল দেয় না, কথার খেলাপ করে না ।

কখনো-কখনো সমবয়সী মেয়েদের সঙ্গে গোকুলকে নিয়েও আলাপ হয় । মেয়ে-দের কাছে সে জিজ্ঞাসা করার চেষ্টা করে এরকম অবস্থা হলে তাদের স্বামীরা কি করত । কেউ বলে—ফিরবে একদিন, এই রূপ ফেলে কেউ থাকতে পারে । সেদিন রাজিতে গোকুলের দেওয়া মসলিন পরে আরসি ধরে নিজেকে দেখে তার অবাঁক লাগে—তা কি হয়, এর জন্ত কখনো কেউ ফেরে যদি এতদিনের এত কান্না তাকে ফেরাতে না-পেরে থাকে । স্ততদিন কেউ বলে—দেখ, কোথায় আবার বিয়ে-সাদি করেছে । সেদিন রাজিতে আরসির সামনে বসে সে ভাবে—কিছুই তো বদ-লায়নি । যেদিন প্রথম গোকুল তাকে বলেছিল—তোকে না হলে আমার চলবে না, সেদিনকার মতোই তো সব আছে । সে ভাবে—এ সবেই জন্তই দায়ী সে । গোকুলকে সে নিজে ঠেলে বার করে দিয়েছে বাড়ি থেকে । কিন্তু সে তো তখন বুঝতে পারেনি তাঁতী আর কাউকে বিয়ে করলে কত কষ্ট । আর কি বোকা ছিল

সে। গোকুল কথা বলতে যত অহরোধ করত তাকে, তখন সে নির্বাক হয়ে যেত। এখন যখন মেয়েরা বলে রাজিতে কে কি বলেছে খাম্বীকে তখন সে শোনে আর অবাধ হয়ে যায়—এদের চাইতে অনেক মিষ্টি কথাই তো গোকুলকে সে বলতে পারত, গোকুলের কাছে গেলে মনেও হত।

তার ছেলেটা এখন হামা টানতে শিখেছে। হোক অনেক দেরিতে তবু শিখেছে তো। পাড়ার সব ছেলেমেয়েগুলি এমন কিছু হুন্দর নয়, সবলও নয় সবগুলি। গোকুল এলে এসব সে বুঝিয়ে বলবে, গোকুল তো বোকা নয়, সে বুঝবে। হুন্দর ছেলে-মেয়েও আছে। এই তো সেদিন গাজনের মেলা থেকে সন্ধ্যার একটু আগে কয়েকজন সাখীর সঙ্গে ফিরতে-ফিরতে দুটি ছোট-ছোট ছেলেকে দেখে সে থমকে দাঁড়িয়েছিল।

কার ছেলে গো? নির্নিমেষে তাকিয়ে থেকেও সাধ মেটে না তার। ঠিক এমনি চেয়েছিল গোকুল। এগিয়ে গিয়ে ছেলে দুটির সঙ্গে ঝটিকে জিজ্ঞাসাও করেছিল সে। কিন্তু নাম শুনবার পর তার মনে হল যেন হুঃবপ্ন দেখছে। রক্তহীন মুখে তাড়াতাড়ি দৃষ্টি ফিরিয়ে নিল সে।

সেদিনকার রাজির কথা মনে পড়ল। তেমনি চোখ, এখনি যেন তেমনি ক্ষুধাতুর হয়ে জলে উঠবে।

কিন্তু সত্যি দেবশিশুর মতো দেখায় ছেলে দুটিকে।

সহবাত্রীর প্রশ্নের উত্তরে সে বলল, ‘কি খেন লাগল পায়ে।’

কিন্তু কি আশ্চর্য মানুষের মন। সেখানে একটা ক্লেশাক্ত আবির্ভাব সন্তাবনা কি করে বাসা বাঁধল কখন। তাকে অস্বীকার করার জন্তু তাঁতীবউ সারা পথ সারা মন দিয়ে আবৃত্তি করতে লাগল—চাই না, চাই না, ছি-ছি-ছি। বাড়ি ফিরে অনেকক্ষণ ধরে সে স্নান করল।

একদিন গোকুল ফিরে এল। তাঁতীবউ বসে ঘর কাঁট দিচ্ছিল, এমন সময়ে গোকুল এসে দাঁড়াল তার পিঠের কাছে। তাঁতীবউ উঠে দাঁড়াল, কান্দল না, বোকার মতো চেয়ে থাকল না, একটা জলচৌকি এগিয়ে দিয়ে বলল, ‘বস, হাত ধুয়ে আসি।’

হাত ধুয়ে আসতে একটু দেরি হল। কুয়োর পাড়ে দাঁড়িয়ে হয়তো বা একটু কেঁদেছিল সে, অনেক দিনের অভ্যাস তো। মুখে চোখে জল দিয়ে ফিরে এসে পাখা নিয়ে তাঁতীর পাশে বসে বাতাস করতে-করতে সে জিজ্ঞাসা করল, ‘কোথায় ছিলে এতদিন, মুখ শুকিয়ে গেছে কেন? খাওয়া-দাওয়া ভালো হত না?’

কিছুক্ষণ পরে বলল, ‘ভালো মন আমার, এতদিন পরে এলে প্রশংসা করতেও

ভুলে গেছি।’

নিচু হয়ে তাঁতীর খুলোভরা পা বুকের পরে চেপে ধরল। গোকুল ক্যালকাল করে চেয়ে থাকে, অন্ত খুঁজে পায় না।

তাঁতীকে সেবে-সেবে খাইয়ে ধরে নিয়ে এসে বসল সে, বেন তার বাড়িতে গোকুল অভিধি। এক সময়ে হাসতে-হাসতে সে বলল, ‘আমারই জিত হল দেখ। কই পারল ডাকিনীরা ধরে রাখতে আমার তাঁতীকে?’ তাঁতী মুখ নিচু করে থাকে। দু-হাত দিয়ে তার মুখ তুলে ধরে তাঁতীবউ যেমন গোকুল এককালে তার ধরত।

কাজ করতে-করতে ফিরে এসে তাঁতীবউ বলে, ‘কিন্তু ওরা কি লোক গো!’

‘কারা?’

‘তোমার সেই ডাকিনীরা যারা তোমাকে ধরে রেখেছিল। তারা কি শুধু ছলাই জানে? পুরুষটাকে কি খেতেও দিতে নেই!’

রাজিতে খাওয়া-দাওয়ার পাট চুকলে দেরি করে তাঁতীবউ ধরে এল। গোকুল দেখে অঝাক—মসলিন পরেছে তাঁতীবউ, চোখে কাজল। অথচ এ সবে র জন্ত অহুনয় বিনয় করে-করে শেষ পর্যন্ত রাগারাগি করেছে এককালে। তাঁতীবউ মুচকি হেসে গোকুলের কোলে গিয়ে বসল, নিজের সেধে মুখের পরে মুখ নামিয়ে আনল।

‘একি গা পুড়ে যাচ্ছে যেন, জর হয়েছে তোমার?’

‘হয়।’

‘রোজ হয় জর? কি সর্বনাশ! কি করে হল?’

‘জানিনে, রোজই হয়, বড় কষ্ট হয়রে।’

তাঁতীবউ লজ্জায় যেন মরে গেল, সজ্জা তার গায়ে পুড়ে উঠল। মসলিন ছেড়ে টেটি পরে সে ফিরে এল বিছানায়। তাঁতীকে নিজের পাশে গুইয়ে বলল, ‘কষ্ট হচ্ছে মাথায়?’

‘হ্যাঁ।’

তাঁতীবউ ভেবে পায় না কি করবে। বুকের মধ্যে তাঁতীর মাথাটা টেনে এনে বলল, ‘এখানে চোখ বুজে থাক, ঘুমিয়ে পড়বি।’

‘আমি কি বাঁচব না বউ,’ গোকুল ভয়ে-ভয়ে জিজ্ঞাসা করে।

ছোট ছেলের মতো তাঁতীকে টেনে নিয়ে তাঁতীবউ বলে, ‘বাট, বাট।’

একটু হাসি পায় গোকুলের, বলে, ‘তুই যেন মা হলি। আমি শেরে উঠব।
তোমার কাছে থাকলে শেরে উঠব।’

কবরেজের বাড়ি হাঁটাইটি করে ওষুধ এনে দেয় তাঁতীবউ, সারাদিন চোখের আড়াল করতে পারে না তাঁতীকে । অবোধ শিশুর মতো আঁকড়ে ধরে রাখে বুকের কাছে । কিন্তু জ্বর তবু কমল না, সন্ধ্যা হতেই জ্বর আসে । হাড়িসার হয়ে গেছে তাঁতী । তাঁতীবউ ভেবে পায় না—কি করে এমন হল, কিসে সারে ।

মাঝে-মাঝে মনে হয় তার মনের দুঃখেই এমন গা পুড়ে যায় । গত দিনগুলির কথা মনে পড়ে । তাঁতীর কোনো সাধই সে পূরণ করতে পারেনি । ভাবে, তাঁতী যদি নাই বাচে ?

একদিন রাত্রিতে ঘুম ভেঙে তাঁতী দেখল বউ বসে-বসে নিঃশব্দে কাঁদছে ।

‘কাঁদছিস তুই ?’

‘দূর, কই না, কাঁদব কেন ?’

ভাড়াভাড়ি চোখ মুছে ফেলে তাঁতীবউ । বলে, ‘ঘুমাও লক্ষ্মীটি, আমি হাত বুলিয়ে দিই ।’

‘কত তো দিলি ।’

‘সে কি বেশি কথা নাকি ? তোর তো কোনো সাধই মিটল না আমাকে দিয়ে ।’

‘সব মিটেছে এতদিনে ।’

তাঁতীবউয়ের ঠোট কাঁপল—একটা ছেলে চেয়েছিল, তাও পারলাম না দিতে । নীরবতার ফাঁকে একটা দীর্ঘনিঃশ্বাস পড়ল ।

তাঁতীবউ ভাবে—এর চাইতে অনেক ভালো হত যদি গোকুল আগেকার মতো গঞ্জনা দিত তাকে । গোকুলের প্রতাহীন চোখ দুটির দিকে চেয়ে-চেয়ে সে ভাবে চোখের চারদিকের ওই কালো ও যেন গোকুলের মনের ছাপ, সেখানে আশা নেই, শুধু অন্ধকার । শুধু একটা মুক অভিযোগ । সংসার করার সামান্য সাধও মেটেনি । গোকুল মুখ ফুটে তো বলেই না, জিজ্ঞাসা করলেও অস্বীকার করে পাছে তার মনে ব্যথা লাগে । সে এত ভালো বলেই না এত কষ্ট তার জন্য তাঁতীবউয়ের ।

চার-পাঁচদিন খুব বেশি জ্বর হওয়ার পর সেরাত্রিতে গোকুলের জ্বর কম ।

‘আজ ঘুমাতে পারব, তুইও ঘুমিয়ে নে একটু’—এই বলে সে ঘুমিয়ে পড়েছে । কিন্তু তাঁতীবউয়ের ঘুম এল না ।

বাইরে ভাত্রমাসের আকাশ থেকে টুপটুপ করে বৃষ্টি পড়ছে । থেকে-থেকে বাতাসের সঙ্গে বরষার করেও পড়ছে । ওপাশের বিছানায় ছেলেটা কেঁদে উঠল । গোকুলের মুঠি থেকে আঁচল ছাড়িয়ে নিয়ে তাঁতীবউ উঠে দাঁড়াল । ছেলেটাকে চাপড়ে ঘুম পাড়িয়ে আনলার কাছে গিয়ে দাঁড়াল সে । একটা স্বপ্ন সবল ছেলে কেন তার কোলে এল না ? গাজনতলার হাতে দেখা ছেলেদের মতো একটা পেলে

গোকুল হয়তো বাঁচবার জোর পেত। এত নিবিড় করে সে গোকুলকে স্থখী করতে চায় তবু কেন পারবে না সে। তাঁর অঙ্ককারে গোকুলকে দেখবার প্রথম দিন থেকে সবগুলো দিনের ছবি একটার পর একটা যেন বাইরের নিবিড় অঙ্ককারের গায়ে ফুটে উঠতে থাকে। কত সাহস তার হয়েছিল যেদিন অঙ্ককারের আড়ালে সে ফকিরের কাছে গিয়েছিল মত্তর আনতে। সে কি তার সাহস—সে তো প্রাণপণে গোকুলকে স্থখী করার চেষ্টা। তারপর একদিন গোকুল চলে গেল। গোকুলের জন্ত প্রতীকার দিব্যাত্রিগুলির কথা ভাবতে গিয়েই মনে হল তার দেহী রাজির কথা বার স্মৃতিতে পৃথিবী ঘূণায় ভরে গিয়েছিল। ছি-ছি, লজ্জায় মরে যেতে ইচ্ছা হয়। কিন্তু কি অদ্ভুত মাহুকের মন : গাজনতলার হাটে দেবশিল্পের মতো ছেলে দুটিকে দেখবার পর তাদের পরিচয় পাবার পর মুহূর্তের জন্ত যে সম্ভাবনার কল্পনাতে ঘূণায় শিউরে উঠেছিল তার মন, আজ তেমনি সম্ভাবনার ইজিত-টিই তাকে দিশেহারা করে দিল। ছি-ছি-ছি, তবু তেমনি ফুটে উঠতে লাগল কল্পনাটা।

কোথা থেকে কি হয়ে গেল। অঙ্ককারের বুক ভবিষ্যতে যা ঘটবে তা কি এমন করে চোখে দেখবার মতো হয়ে ফুটে ওঠে ? যেন ভবিষ্যতের ঘটনাগুলোর কিছু ইতিমধ্যে ঘটে গেছে, বাকিটুকু ঘটবেই। ভবিষ্যতের তাঁতীবউ যেন অঙ্ককারের গায়ে ফুটে উঠেছে।

জানলা থেকে ফিরে এসে তাঁতীবউ চৌটি পালটে মসলিন পরল, কপালে টিপ দিল, চোখে আঁকল কাজল। আবার জানলার কাছে গিয়ে দাঁড়িয়ে অঙ্ককারের বুক ফুটে ওঠা ভবিষ্যতের ওই অর্ধপরিচিত মেয়েটিকে দেখবার চেষ্টা করল। রুদ্ধ ভাস্বর রিক্ততায় সে যেন জলতে-জলতে এগিয়ে যাচ্ছে অঙ্ককারের মধ্যে।

ঘর ছেড়ে বারান্দায় এসে দাঁড়াল তাঁতীবউ। ঠাণ্ডা জলো হাওয়া ঝরঝর করে উঠল উঠোনের পারের আমগাছটার মধ্যে। তাঁতীবউ উঠোন পার হল, সদর পার হল, সদরের দরজা ঠেলে বন্ধ করে দাঁড়াল পথে। অঙ্ককারে সামনে পিছনে একাকার হয়ে গেছে। সামনে তবু নজর চলে। পিছনের যে দরজাটা এইমাত্র সে বন্ধ করে দিল হাতড়েও সেটাকে খুঁজে পাওয়া যাবে না। গাঢ় অঙ্ককারে আর সব অসুস্থতি যেন অদৃশ্য হয়ে গেছে, একটা অনির্দিষ্ট প্রাবল্যে উদরের অন্তগুলো শঙ্কুচিত হয়ে যাচ্ছে বারে-বারে।

অম্বিদার-বাড়ির বাগান পার হয়ে এল তাঁতীবউ। গ্রামের বউঝিদের কৌতূহল ও আতঙ্কের গল্প শুনে-শুনে সে জানে কোথায় সে ঘরটি। প্রতিবার পা ফেলতে শাবা গানের স্নায়ুগুলো রিন-রিন করে উঠেছে। রুদ্ধ দরজার ফাঁকে, আধ-খোলা

জানলার একটু আলো চোখে পড়ল। দরজা ধরে দম নিতে লাগল তাঁতীবউ। তার একবার মনে হয়েছিল কেঁদে ফেলবে সে। একটা অক্ষুট অর্ধজাতব আকৃতি যেন দরজার করাঘাত করল তার মনের মধ্যে। কি করে দরজা খুলে গেল তাঁতীবউয়ের মনে নেই। প্রবল প্রতিরোধে হৃৎপিণ্ডকে ঠেলে উঠতে না দিয়ে ঘরের মাঝখানে গিয়ে দাঁড়াল সে।

বর্ষগকান্ত আকাশে ভোরের পাখি ডেকে ওঠার আগে সে ফিরে এল। ঘরে তখনো প্রদীপটি জ্বলছে, যেমন সে জ্বলে রেখে গিয়েছিল। ছেলেটি এখনই জেগে উঠবে। তার আগে একটু বিশ্রাম করতে হবে। স্নায়ুগ্রহিণীগুলো অন্তত একটু স্নিগ্ধ করতে হবে। কিন্তু গোকুলের মুখখানি দেখবার লোভ হল তার। ঘুমটা আজ ভালোই হচ্ছে গোকুলের। কয়েক বিন্দু বেদ যেন দেখা দিয়েছে, আঁচল দিয়ে মুছিয়ে দিল তাঁতীবউ। এবার আবার কান্না পাচ্ছে। কিন্তু কাঁদলেও সময় নষ্ট হবে খানিকটা। সকলেরই বিশ্রাম নেবার অধিকার আছে পৃথিবীতে, তারও আছে।

মাটিতে শুয়ে দেখতে-দেখতে তাঁতীবউ ঘুমিয়ে পড়ল।

দুলারহিন্দের উপকথা।

এই একটা দেশ। সব চাইতে কাছে রেলপথ পঁচিশ ক্রোশ দূর দিয়ে গেছে। বহু বহু ক্রোশ চললেও কৃষকের দেশ শেষ হয় না। মকাই-জোয়ারের দেশ। বৃন্তের পরিধির মতো পাহাড় এবং শাল-মহুয়ার বন। সেই পাহাড় এবং অরণ্য যদি পায়ে হেঁটে পার হও তবে সভ্যতার প্রান্তগুলি চোখে পড়তে পারে।

সেই দেশে ভুখন কৃষকের জমিতে মজুরের কাজ করে, ভইসা টহলায়।

ভুখন একা নয়, তার সঙ্গে দুলারহিন্-ও থাকে। ভুখন আর দুলারহিন্ নিজের ভাইবোন বলে ভাবতে শিখেছে। ওরা মহোদয় নয়। ভুখনের মায়ের মৃত্যুর পরে ভুখনের বাবা সর্বস্বান্ত হ'য়ে যাকে ঘরে এনেছিলো তারই অপেক্ষের বেয়ে কিছা বেটা-বউ দুলারহিন্।

দুলারহিন্ যখন এই ঝুঁড়েটিতে প্রথম আসে তখন ভুখনের বয়স ছ' বছর, দুলারহিনের নিজের আট দশ হবে। দুলারহিন্ ভুখনের বাবা ও তার সংমাকে ভুখনের মতোই বাবা-মা বলতো। ভুখনের যখন আট বছর এবং দুলারহিনের বছর বারো প্রায় একদিনেই এই ঝুঁড়ের বাপ-মা প্রাণী দুটি বিদায় নিলো। এখন এমন কেউ নেই যে ওদের সম্বন্ধের জট খুলে দিতে পারে।

ভুখনের বয়স এখন একুশ বাইশ হ'লো, দুলারহিনের আরও দু'বছর বেশী। প্রায় পনেরো বছর গড়িয়ে গেছে ওদের জীবনের। বাদে সম্বন্ধ নিয়ে এত খুঁটিনাটি তাদের জীবনের পনেরোটা বছর ছুঁড়ে ফেলে দেওয়ার কি যুক্তি? বিশ্বাস করো, এ সময়ের মধ্যে কিছু ঘটে নি।

ভুখনের চেহারা নিম্ন প্রকারের : তামা ও ছাই রঙে মিশানো একটা রঙের স্বকৃৎ। ফীতপেলী দেহ, মস্ত বড় মুখে ছোট একটা নাক। মাথার চুলগুলি হুলোর কটা, আর সেই খোঁচা খোঁচা ছোট ছোট চুলের মাঝখানে প্রকাণ্ড এক গোছা কড়কড়ে টিকি। পরনে দেড়হাত চওড়া কাপড়ের ফালি কতকটা পালোয়ানী চঙে পরা।

দুলারহিনের স্বাস্থ্য ভালো। বয়সের চাপে স্বকৃৎ বেশ কেটে যাবে। তার মুখাবয়বেও শালোক্ত সৌন্দর্য আছে বলা যায় না। গত পনেরো বছরের একটি মাত্র ঘটনা—তার বসন্ত হয়েছিলো। দাগ রেখে গেছে। তার ফলে ফুটকিতে আচ্ছন্ন

তার মুখ বেলে পাথরের বহু পুরাতন প্রতিমূর্তির মতো ।

ওদের সংসার মন্দ চলছিলো না । সংসারে লোক বাড়বে এমন সম্ভাবনা চোখে পড়ে না । ভুখন বিষয়ে করতে পারছে না, অন্তত তিন কুড়ি টাকা লাগবে যে কোন রকম একটা বিষয়ে করতে, তার কমে কে মেয়ে ছাড়ে কিম্বা বোন । সম্ভাবেই দিন বাড়ছিলো ।

এমন নয় যে ঝগড়া হয় না, হয়, ইতিমধ্যেই একদিন হ'য়ে গেলো । একই কুঁড়ের মেঝেতে খেজুর পাতার ছ'খানা চাটাই পেতে শোওয়া । বাপ-মা চ'লে যাওয়ার পরে ভুখন বহুকাল দুলারহিনের বক্ষলয় হ'য়ে ঘুমিয়েছে, ইদানীং ছোট জায়গায় শুতে ভুখনের অস্ববিধা হ'তো, অতবড় হাত পা ভালোকে দুমড়ে ছোট ক'রে সে এখন ঘুমোতে পারে না । কিন্তু এক রাত্রিতে সে খুব বেকায়দায় প'ড়ে গেলো । চাল ফুটো করা, বর্ষায় তার অংশের মেঝেটুকু কাদা হ'য়ে আছে । সে ভাবলো ছ' একরাত তার মস্ত শরীরটাকে গুটিয়ে কোন প্রকারে দুলারহিনের পাশেই কাটিয়ে দেবে, কিন্তু আপত্তি তুললো দুলারহিন্, নেহিন্ ।—দেখ, দুলারী, দুলারি করো না । এমন অবস্থা নয় আমার একদিনে চালটা সারিয়ে নেবো । ছ' একদিনই তো অস্ববিধা হবে আমার, সে কিছু নয় ।

দুলারহিন্ বাড় বেঁকিয়ে দাঁড়িয়ে রইলো । তারপর কুঁড়ের শুকনো জায়গাটায় ভুখনের চাটাই পেতে দিয়ে ঘরের ঝাপ তুলে বাইরে যাওয়ার জজ্ঞ পা বাড়ালো । রাগে ভুখনের ঘাড়ের শিরাগুলি অবধি ফুলে উঠলো । লাফিয়ে গিয়ে দুলারহিনের কাঁধ দুটো তার হুই থাবা দিয়ে চেপে ধরলো । দুলারহিন্ হু'পিয়ে হু'পিয়ে কৈদে বললো,—ছোড়দে, বহিনকো ছোড়দে । কি আশ্চর্য । বহিন ব'লেই না ভুখনের এত রাগ—অভিমান । এই বাদলা রাতে বাইরে থাকা কত কষ্টের তা বোঝে ব'লেই না এত পীড়াপীড়ি করা । বেটাছেলে বাড়ির মালিক ভুখনের দারিদ্র-জ্ঞানকে অপমান করা দুলারহিনের উচিত নয় অজ্ঞ বিষয়ে সে যত ছেলেরা হুঁকি করতে চায় করুক ।

—যা ইচ্ছা হয় কর, শুধু কঁাদিস না ।

হাল ছেড়ে ভুখন শুয়ে পড়লো ।

কিন্তু হাল ছেড়ে দিলে চলে না বেটাছেলের । কাঁচা কাঁচাই হোক, আহারের সংস্থান না করেও কাঁচা কাশ কেটে বোঝা বোঝা মাথায ব'য়ে এনে তুপাকাজ ক'রে ফেললো ভুখন কুঁড়ের সামনে । তারপর সারা বিকেল, সারা সন্ধ্যা, অনেক রাত অবধি অস্পষ্ট আলোয় ব'সে ব'সে নড়ন ক'রে চাল ছাইলো ভুখন ।

দুলারহিন্ একদিন বললো,—খর ছেরেছিস, এবার সাদি কর ।

—তা হ'লে তুইও একটা কাস্তে নিয়ে চল ।

—কাস্তে দিয়ে আবার কি হবে ?

—কেন দু'জনে মেলা মেলা বাস কাটবো ।

—বাস কাটবি কেন ? আমি ভোঁ ভোঁকে সাদি করতে বললাম ।

—আমি ভাবলাম ও দুটো একই কাজ ।

কিন্তু সহজে ভুলবার মেয়ে নয় দু'লারহিন্ । যখন তখন একই কথা বলতে লাগলো । অবশেষে একদিন বললো,—পৃথিবীতে চাঁদ আর সুর্য ছাড়া আর কে আছে তাদের ? বাপ—মা কোথায় গেলো আর খুঁজে পাওয়া যাবে না । এই বেলায় তুখন যদি বিয়ে করে, কম দামে মেয়ে পাবে, বুড়ো হ'লে বুড়ী ছাড়া আর যা পাবে তার জন্ত চড়া দাম দিতে হবে না ? আর সব কথার উপরে বড় কথা : একজনের মৃত্যুর পরে আর একজনের কি উপায় হবে যদি ইতিমধ্যে তৃতীয় একজন এসে আপন না হয়ে যায় ?

মুখ গজীর ক'রে বুড়োদের মতো চিন্তাক্রিষ্ট মুখ ক'রে তুখন শুনলো সব বুদ্ধি, তারপরে বললো,—টাকা যদি ষোণাড হয় সাদি করবো, কিন্তু বউ যদি তোর সঙ্গে মারামারি করে তবে আমি কিন্তু দু'জনকেই পিটবো ।

টাকা জমানোর চেষ্টায় মানুষ কি না করে ? এমন কি হঠাৎ মানুষ নিজের একটা বিশেষ গুণও আবিষ্কার করতে পারে । এই রকমভাবে তুখন কাঠের পুতুল গড়ায় মন দিলো ।

ওস্তাদের বাড়িটা ছিলো তুখনের ঘরের কাছেই । তুখন মাঝে মাঝে শীতকালে আগুনের কাছে বসতে তার বাড়িতে যেতো । ব'সে ব'সে দেখতে দেখতে তুখন একটা পুতুল একদিন বানিয়ে ফেলেছিলো । কাঠের এক চিড়িয়া । টাকা জমানোর কথায় তুখনের মনে হ'লো পুতুল তৈরির কথা । মাথা ঝাঁকিয়ে সে মনঃস্থির ক'রে ফেললো । ওস্তাদ যে সব বড় বড় পুতুল তৈরি করে সেই সব চিড়িয়া, জাবোয়ার, আদমি-জানান সে ছোট ছোট ক'রে তৈরি করবে । বিক্রির তার ওস্তাদের ।

—আর শোন, দু'লারহিন্, এ পরসা দিয়ে খাওয়া চলবে না । খাওয়ার জন্ত সকাল-সাঁঝ খেতির কাজে যা হয় তাই ।

পুতুল বিক্রির খুচরো পরমাণুটি রোজ সন্ধ্যার গুণতে বসে দু'জনে । একদিন থাক থাক ক'রে সাজিয়ে রেখে তুখন এমন চিংকার ক'রে উঠলো যে দু'লারহিন্ ভয়ে বাঁচে না । ছুটে কাছে এসে তুখন বললো—বোড় বোঁ, কুড়িসে চার কন, ত্রিপ চার ।

ওদের জীবন ঠিক এরকম সময়ে একটা মোড় নিলো। সন্ধ্যায় ব'সে কথা হচ্ছিলো। ভুখন বললো,—যব্ তব্ শম্ভরা লোহার বাজা একটা না দেবে, ততক্ষণ কোন শম্ভরাকে পুতাই খিচুড়ি খাবে না। অর্থাৎ বিবাহ-ব্যাপারটা সমাধা হ'তে সে দেবে না।

অযুক্তির কথা নয়, ভাবলো দুলারহিন্, হয়তো সেই রূপকথার কনোয়ারের মতো ভুখনের ভাগ্য নয়, হয়তো কোন মেয়ের বাপ মেয়ে আর টাকা নিয়ে সাধাসাধি করবে না, যেমন সেই রূপকথার নায়কের বেলায় ঘটেছিলো, তা হ'লেও ভুখনের পক্ষে একটা লোহার রংদার বাজা চাওয়া অত্যাশ্চর্য নয়। তবু বিশ্বের ব্যাপারে একটু হাসি-ঠাট্টা করতে হয়, দুলারহিন্ বললো,—তুইতো ভেঙ্কন্ন হ'য়ে যাবি, টাকা দিয়ে বউ আনবি, আর ফির ই, ই, সে দেখা যাবে। তারই শিদ্‌মৎ করবি। সেই রাত্রিতেই কিম্বা তার দু'এক দিন বাদে জ্বর হলো দুলারহিনের। অল্প অল্প জ্বর প্রথমে, সেই জ্বর দিনকে দিন বাড়তে লাগলো। একদিন সারারাত দুলারহিন্ বেহ'ঁস। সেদিন সকালে ওস্তাদের কাছে ভুখন শুনে এসেছে তাদের গ্রাম থেকে চার পাঁচখানা গ্রাম পার হ'য়ে গেলে যে বড় গ্রাম সেখানে এক ওস্তাদ-ডাংদার আছে সে নাকি সব জ্বর ভালো করতে পারে। তার মনে হ'লো কি অত্যাশ্চর্যই সে করেছে এতদিনেও ডাংদার না এনে। ডাংদার কথাটাই সে জানতো না নিজেকে প্রবোধ দেবার মতো এ যুক্তিও তার মনে এলো না। দুলারহিনের পায়ের কাছে ব'সে কঁাদতে কঁাদতে তার বার বার মনে হ'তে লাগলো বিশঠো রূপয়া বার ঘরে তার দুলারহিন্ নাকি এমনি ক'রে মরে।

ভোর ভোর রাতে ভুখন উঠে দাঁড়ালো, দুলারহিনের অস্ত্রান দেহের দিকে হাত বাড়িয়ে সে বললো,—দেখ, দুলারী, দুলারি করিস না। ডাংদার আনতে চললো তোর ভুখনোয়া; যদি কঁাকি দিয়ে ম'রে বাস—

চোখের জল মুছতে মুছতে ডাংদাবের গ্রামের দিকে ছুটে লাগলো ভুখন। ডাংদার এসেছিলো। বিশঠো রূপন্যাতো গেছেই, আর বিশঠো তার কাছে ধার হয়েছে। সে ধার আবার বছরে পান রূপন্য ক'রে বাড়বে; অর্থাৎ ভুখন সেই পুরনো জালে জড়িয়ে পড়লো। তা হোক দুলারহিন্তো বেঁচে আছে।

আগের মতোই সংসার করতে শুরু করলো। মাঝের কয়েকটা দিন যেন স্বপ্ন। একটা নোতুন আশার উত্ত্বজ্জ্বলতা থেকে আছড়ে পড়ার ব্যাপারই যেন কতকটা।

কিন্তু অদ্ভুত মেরে দুলারহিন্। কয়েকদিন যেতে না যেতেই আবার একদিন সে বললো,—তুই তো আর পুতুল বানাস না?

—কি হবে?

—সাদি করবি না ?

—ভাংদারের সঙ্গে সাদি করলাম যে ।

দুয়ারহিন্ লজ্জিত হ'য়ে মুখ নামিয়ে নিলো ।

আবার চেষ্টা করার কথা ভাবতে গিয়ে ভুখনের যে অল্পভবটা হ'লো সেটা এই : ছ'মাসের যত্নে যে বিশ টাকা জমে সেটা বিশ টাকা নয়, ছ'মাসের বর্মান্তক শ্রমও বটে ।

আর সেই বর্মান্তক শ্রমকে ফিরিয়ে আনার চেষ্টা কোন বুদ্ধিমানই করে না ।

তার উপরে এলো সেই ভাংদার থাকে রোগী দেখতে আনতে গিয়ে ভুখনকে পায়ে লুটিয়ে প'ড়ে সাধ্যসাধনা করতে হয়েছিলো । সে এলো না ডাকতে ।

—ভুখন, আচ্ছো, ভুখন ?

—হ্যাঁ, সব ভালো আছি আমরা, দুয়ারহিন্ তো দিনকে দিন মোটা হ'চ্ছে ।

একটি নিটোল হাসি ফুটলো ভুখনের মুখে ।

—বেশ, তা হ'লে হুদের টাকা ক'টা দাও । কোথায় পাবে ? সে কি আমি ব'লে দেব ? টাকা যতক্ষণ না দিচ্ছ আমি নড়ছি না । সহর চেন, সহর ? সেখানে থাকে পুলিশ, তাদের ডেকে পাঠাবো । ঘরে ছ'টার পরমা বা ছিলো এনে দিলো ভুখন । সব শুনে দুয়ারহিন্ চুপ ক'রে রইলো ।

ছ'মাস পরে আবার ভাংদার এলো । আড়াই টাকা পাওনা হয়েছে, দিতে হবে ।

—আড়াই পরমা নেই ।

—দেখো, ভুখন, ধার বাড়িও না, বাড়তে বাড়তে ধার এমন হয় যে কোন-দিনই ও আর শোধ দেয়া যায় না । বেশ, আড়াই টাকা যখন দেবে তখন আমার বিশ টাকা দিয়ে দাও, আর তার সঙ্গে ওই আড়াই টাকা ।

—কি হবে যদি আমি না দি ?

—যদি তুমি না দাও ? (ভাংদার কথাটা উচ্চারণ করলো যেন আর একবার কানে শুনে অর্থটা পরিষ্কার করার জন্য ।) বেশ যদি তুমি না দাও, ভগবান আছে মাথার উপরে । টাকা দেবে ব'লেই, ওষুধের দাম তো, তোমার দুয়ারহিন্কে ভালো করেছে ভগবান, টাকা যদি না দাও তা হ'লে

—হেই ভক্তার, খারাপ বোল না । টাকা আমি দেবো, তুমি কিছু বোল না ।

ঝাঁপের আড়াল থেকে সব শুনছিলো দুয়ারহিন্ ।

ভুখন ঘরে ঢুকতেই সে বললো,—ভাংদারকে তুই আর টাকা দিবি না ।

—টাকা দেবো না তো তোর যদি আবার অস্থখ হয় ।

—টাকা তুই খরচা করতে পারবি না ।

—টাকা আমার, যা ইচ্ছা আমি করবো।

—কেন করবি ? আমি তোর কে ? তোর আপনার বহিন যে আমার জন্ত টাকা বরবাদ করবি ?

—কি বললি ?

—না, একশ'বার না। তোর সংমায়ের বেটা'বউ আমি।

—আমার কেউ না ?

—না, না।

ভুখন কথা বললো না, ঘর ছেড়ে চ'লে গেলো।

কিন্তু ঝগড়া করার জন্ত হ'লেও মুখোমুখি হ'তে হ'লো তাদের। অবশেষে পুরুষালি স্ত্রীতির চোখ-রাঙানির কাছে ছলারহিনের মেয়েলি স্নেহ হার মেনে স্বীকার করলো, আর সে নিজের অন্তরের কথা বলবে না, আর কখনও আত্মীয়তা অস্বীকার করবে না, তবে সে রাত্রিতে ভুখন রোটি খেলো।

খুব ভালো জোড়া লাগলেও কখনও কখনও একটা অস্পষ্ট দাগ থেকে যায়—
ছলারহিনের কথাটাও সেই দাগ।

ছলারহিনের স্নেহ বাইরে হার মেনে গভীর হওয়ার অবকাশ পেয়েছে। সেই গভীর স্নেহ তার মাথায় বুদ্ধি এনে দিলো। সে স্থির করলো নিজে আগে সাদি ক'রে সেই টাকা দিয়ে ভুখনের সাদি দেবে। নিজে সাদি ক'রে টাকা পাওয়া সহজ নয় যদি এপক্ষ থেকে কোন যোয়ান বেটা'ছেলে দাম না চড়ায়। এ দিকে ভুখনের বুদ্ধি যদি না খেলে ছলারহিন্ নিজেই তাকে বুদ্ধি দেবে। অবশ্য যোয়ান কোন বর হবে না তার, মুখে যে রকম দাগ; আর তাদের কেউ রাজী হ'লেও গরজ দেখাবে না টাকা দিয়ে। কয়েকদিন নিজের মনে কথাটা তোলাপাড়া ক'রে একদিন ছলারহিন্ সেটাকে প্রকাশ করলো।

ভুখন শুনে হো হো করে হেসে উঠলো,—তোর সাদির ইচ্ছা তাই বল।

—না হয় তাই হ'লো। তুই তা হ'লে আগে আমার ইচ্ছা মিটিয়ে দে।
ডাংদানের টাকা, তুই সেই টাকা শোধ কর। তারপরও যে টাকা থাকবে সেগুলো
গেঁথে আমারই না হয় হার বানিয়ে দিস।

দিন যেমন যায় তেমনি যায়। ভুখনের চাড় নেই। তার উপরে নতুন একটা উপসর্গ জুটেছে। পয়সা পেলেই ছলারহিনের জমাতে ইচ্ছা করে, আর ভুখনের খরচ করতে। এরই মধ্যে একদিন ওস্তাদকে দিয়ে একজোড়া কাপড় আনিয়ে নিয়েছে ভুখন। শুধু কি তাই, নিজের খানা ছুপিয়েছে হলুদ রঙে আর ছলারহিনের খানা পাতলা লালে। সারাদিন যে খেতির কাজ ক'রে মাঝ রাত অবধি ব'সে

ব'সে কেরোসিনের কুপির আলোয় পুতুল খোদাই করে, তার সখকে কিছু বলা যায় না। ছলারহিন্কে তাই চূপ ক'রে থাকতে হয়।

কিন্তু চূপ করে কতোই বা থাকা যায়।

একদিন সন্ধ্যাবেলায় ভুখন ঘরে ঢুকে বললো,—দেখি, এদিকে আয় তো, আরও কাছে আয়।

ছলারহিন্ ভেবে অন্ত পায় না। হাত জোড় করে সে, প্রায় যেন আড়ষ্ট হ'য়ে যায়।

ভুখনই এগিয়ে এলো।

—আরে ছাড়, ছাড় হাত জোড় ক'রে মিনতি করতে লাগলো ছলারহিন্। ততক্ষণে কাঁসার মল্ জোড়া ছলারহিনের পায়ে পরিয়ে দিয়েছে ভুখন।

—এ তুই করলি কেন ?

—হামার হিচ্ছা।

প্রতিদান না দিয়ে কি ক'রে থাকা যায় বলো। একদিন সকালে ছলারহিন্ একটা অচিন্তনীয় কাজ ক'রে ফেললো। লাল শাড়িখানা প'রে পায়ে কাঁসার মল দিয়ে ঘর ছেড়ে বেরুলো সে ভুখন যখন ভইসা টহলাতে গেছে। আর ফিরবে না ছলারহিন্, যতদিন না টাকা আনতে পারে সে। যেখানে যত স্বজাতীয় আছে ডেকে ডেকে সকলকে জিজ্ঞাসা করবে তারা কেউ বিয়ে করতে চায় কিনা তাকে। যদি কেউ বলে : বিয়ে করবো, অমনি সে বলবে,—কত টাকা দেবে ? যদি বলে পাঁচশ', অমনি সে বলবে আমার তাইএর সঙ্গে কথা বলো, অত কমে হবে না।

নিজের গ্রাম ছাড়তে ছাড়তে সূর্য প্রখর হ'য়ে উঠেছিলো, তবু ছলারহিন্ ভাড়াভাড়া পি ফেলে চলেছে, এখনও ভিন্গ্রামের স্বজাতীয়দের সঙ্গে দেখা হয়নি। সাহস খানিকটা যেন ইতিমধ্যে কমে এসেছে। নাগাদ দুপুর ভিন্গ্রামের স্বজাতীয় বস্তিতে পৌঁছালো সে। এইবার তাকে বিক্রি শুরু করতে হবে। প্রথম দেখা হ'লো একজন বিবাহিত মেয়ের সঙ্গে, জল তুলছিলো সে চাকা ঘুরিয়ে ঘুরিয়ে। ছলারহিন্ কুয়োর পাশে গিয়ে ঝাঁজলা পেতে দাঁড়াতেই সে জল খেতে দিলো। তারপরে প্রশ্ন করলো, কোন জাত কোথায় ঘর। ছলারহিন্ পরিচয় দিলো।

—একা একা কোথায় যাচ্ছো ?

ছলারহিন্ এদিক ওদিক চেয়ে নিচু গলায় নিজের উদ্দেশ্য ব'লে বললো,
—সাহায্য করতে পারো বহিন ?

বউটি হেসে ঝাঁচে না। একা একা কত আর হাসা যায়, একসময়ে থামতে হ'লো তাকে। ভুখন সে বললো,—তুমি খুব বোকা বহিন, আমি হ'লে ঘরের বাইরে

যেতাম না ; হুজনেরই সাদি দরকার, কি করতাম বলো তো ?

হুজারহিন্ উৎকর্ণ হ'য়ে দাঁড়ালো ভালো ফিকিরটা শোনার জন্তে, বউটি হেসে হেসে চোখ ছোট-বড় ক'রে বললো ।

হুজারহিন্ কাদো কাদো মুখে তার দিকে একবার চেয়ে হাঁটতে শুরু করলো । মনে মনে সে স্থির করলো, কোন মেয়ের কাছে সে নিজের উদ্দেশ্য ব্যক্ত করবে না । ছিঃ ছিঃ । মেয়েছেলের জিভে জল আছে ।

গ্রাম ছাড়তে হুপুর শেষ হ'লো । শরীরের সঙ্গে মনও ক্লান্ত হয়েছে । ক্লান্ত মনে সে ভাবলো : এত যে সে করছে, সব কি মিছে নয় ? তুখন তো একবারও জোর ক'রে বলেনি সে সাদি করতে চায় । কিন্তু আর একখানা গ্রাম এসে পড়ছে সামনে, এমন সময়ে আবার সাহস ফিরে এলো । না হয় নাই বলেছে সে, তাই ব'লে কি তার ইচ্ছা পূরণ করতে হবে না ? আর না বলার কথা বলছো ? বলে না ব'লেই তার সাধ মেটাতে আরও সাধ যায় ।

সামনের বড় বড় কাশের ঝোপে ভরা মাঠখানি পার হ'লে আর একখানি ভিন্-গ্রাম । আলো মুছে যাওয়ার আগেই এই গ্রামে পৌঁছে একটা নিম্পত্তি করতে হবে । এখনই আলোর রং প্রায় বাদামী হ'য়ে উঠেছে । এই ভাবতে ভাবতে জোরে জোরে কয়েক পা যেতে না যেতেই পিছন থেকে কে বললো, কে যায় ? হুজারহিন্ ফিরে দাঁড়ালো ।

—কোথায় যাচ্ছে একা ?

লোকটি এগিয়ে এসে কাছে দাঁড়ালো ।

—বাড়ি থেকে রাগ ক'রে এসেছো নাকি, বাপ-ভাই বিয়ে দেয় না ব'লে ?

—না নিজেই আমি বিয়ে করতে বেরিয়েছি ।

—সাবাস্ । আমার সঙ্গে করবে ?

—আমি টাকা চাই, অন্তত চার কুড়ি তো বটেই । ভাইকে টাকা দেবো আমি ।

—চার কুড়ি ? বেশ তাই হবে । আমার সঙ্গে বিশ্বের পরেও ভাইকে টাকা দিতে ইচ্ছা হয়, দেখা যাবে ।

—না, টাকাটাই আগে দিতে হবে ।

—ও, খুব দাম বাড়তে পারো বা হ'ক । আগে দেখি কত দাম হ'তে পারে । এই ব'লে হুজারহিনের আঁচলের একপ্রান্তে চেপে ধরলো লোকটি ।

কিছুক্ষণ থেকেই হুজারহিনের মাথায় একটা কষ্ট হচ্ছিলো । একটা গোটা দিনের রোদ গেছে মাথার উপর দিয়ে । তবু জেদ ক'রে লোকটির সঙ্গে কথা বলতে

গিয়ে তার চোখের পিছনে ক্রান্ত মস্তিষ্কের যে ধোঁয়াটে ছাপটা পড়েছিলো তার চাহনিতে সেটাই বিবশ তন্ময়তায় মিথ্যারূপ নিয়েছিলো। বোধ হয়, সেটাই লোকটির এত আকর্ষণ। কিন্তু কাঁধের কাছে আঁচলটার টান পড়তেই ছলারহিনের পা ছ'খানাও বিবশ হ'লো। সে লোকটির গায়ের উপরে প'ড়ে গেলো, আর সেখান থেকে মাটিতে। তখন তার কণ্ঠ বেয়ে ফেনাও গড়াতে লাগলো।

যখন ঘুম ভাঙলো ছলারহিনের, সম্মিত ফেরার সময়ে তাই মনে হ'লো তার, তখন মাঝরাত। চারিদিকে ভয়ঙ্কর অন্ধকার। লোকটির কথা মনে পড়তেই সে শিউরে উঠে স'রে বসলো। কিন্তু লোকজন দূরের কথা ধারে কাছে বোধ হয় পোকা মাকড়ও নেই, নতুবা কি'কি'টা অন্তত ডাকতো। আর বহুদূর থেকে কিসের একটা অদ্ভুত অর্থহীন, শব্দহীন শব্দ আসছে। ভয়ে ছলারহিনের নিঃশ্বাস বড় বড় হ'য়ে পড়তে পড়তে সেটা অবশেষে চাপা কান্নায় পরিণত হ'লো। কঁাদতে কঁাদতে মনে হ'লো যেদিন বাপ-মা চ'লে যায় সেদিনও এমনি কেঁদেছিলো সে, কিন্তু তখন শক্ত পৃথিবীর বদলে বুকের কাছে যে দৃঢ়তা অনুভব করেছিলো সেটা প্রায় শিশু ভূখনের ধুলিমলিন মুখখানা। নিঃশেষে শূন্য বুকে বোধ হয় বেশীকণ কঁাদাও যায় না। সেই ভূখনের মঙ্গলের জন্তাই আজ সে পথে বেরিয়েছে।

চাঁদ উঠলো। সেই আলোতে অশ্রুভারাক্রান্ত চোখ মেলে ছলারহিন্ দেখলো সে কাশবনের মধ্যেই প'ড়ে আছে। লম্বা-লম্বা ছায়া সজীব হ'য়ে দুলছে চারিদিকে। রাজির শব্দহীন ভাষা এবার প্রত্যক্ষ হ'য়ে উঠলো। খাঁক খাঁক ক'রে হেসে উঠলো যেন।

হরার ?

কিন্তু ছলারহিন্ ভয় পাবে না। চোঁট ফুলে ফুলে উঠছে তবু চোখের জল মুছে সে সোজাহুজি দেখতে চেষ্টা করলো। যদি হরারই হয় হোক। বাধা দেবে না, পালাবে না, সর্বাক আঁচল দিয়ে ঢেকে গলাটা বাড়িয়ে দেবে। হরারদের তো আঁচলের উপরে লোভ নেই। যদি খুবলে খুবলে খায়ও ততক্ষণ দেহের দুর্গতি দেখার জন্ত প্রাণ থাকবে না। গলাটা সব প্রাণীরই সব চাইতে দুর্বল অংশ শরীরের। হঠাৎ ভুখনোয়ার কথাটা যেন মনে পড়ছে। আর একবার তার সঙ্গে কথা বলতে পারলে ভালো হ'ত। আর রান্না ক'রে রেখে আসেনি সে। খেতির কাজ ক'রে ফিরলে বড় কুখা পায় বেটাছেলেদের। তখন মুখের সামনে খাবার না পেলে রাগই হয় পুরুষদের। কিন্তু তারপর সে হয়তো ছলারহিন্কে খুঁজতে এ পথেই আসবে। হয়তো এখনও খুঁজে বেড়াচ্ছে তাকে। আর যেমন লোক, হয়তো সঙ্গে একটা লাঠি পর্যন্ত আনেনি। আর দেখো তেমনি ভয় এদিকে হরারের। এই ছশমনের ব্যুহে

নিরস্ত্র ভুখন। চোখের জলে মজ্জিত হ'য়ে আবার সে মাটিতে লুটিয়ে পড়লো। হা ভগবান, হা ভগবান, সে নিজেই তো ভুখনের মৃত্যুর কারণ।

ভুখন ঘরে ফিরে প্রথমে ভাবলো ছলারহিন্ অবেলায় জল আনতে গিয়েছে। রাগ হ'তে লাগলো তার প্রতীক্ষার সময় যত দীর্ঘ হ'লো। সন্ধ্যা যখন গড়িয়ে গেলো তখন সে কুঁড়ের ভিতরে হুম হুম ক'রে পা ফেলে বেড়াতে লাগলো।

রাত যখন প্রথম প্রহর, তখন সে ভাবলো : ঠিক তাই হয়েছে, ও গিয়েছে নিজের সাদি ঠিক করতে। কেন, বাপু, আমি কি বলেছিলাম ডাংদারের টাকা আমি শোধ করতে পারবো না। তুমি শোধ করো সাদি ক'রে? না-থেকে আছি তা যদি দেখতে না এলে, তবে তোমার টাকা নিয়ে এসো দেখবো মাথা কোথায় রাখে।

কিছুক্ষণ পরে নিজের মাদুরখানা ঝেড়েঝুড়ে ঠিক ক'রে নিয়ে শুতে গিয়ে সে ভাবলো : আসলে ওসব কিছুই নয়, তোমার নিজেরই সাদি করার ইচ্ছা, একা-একা ভালো লাগছিলো না আর। আমি তোমাকে কখনও বলেছি, ছলারহিন্ আমি বউ চাই। মনে হবে না কেন, সব পুরুষের মনেই হয়। তাকে জলের ধারে দেখে আমিও এগিয়ে জলের ধারে দাঁড়িয়েছিলাম। সেও হেসে, রাগ ক'রে কথা বলেছিলো। কিন্তু আমি তো জানি বাপ-ভাইয়ে মিলে তার ছ'জন আছে, ছ'কুড়ি টাকার কমে তার। রাজী হবে না। আমি হাত জোড় ক'রে বলেছিলাম—মাপ্ কিজিয়ে। কিন্তু তার কথা তোমাকে বলেছি? বেশতো গিয়েছ, তোমার ভালো হোক। প্রায় মাঝ রাত্রে অনিদ্রিত ভুখন কিঁকিঁর ডাক শুনতে শুনতে চমকে উঠলো। সেই নীরব রাত্রির রহস্যময়ী ভাষা। চকিতে সে উঠে দাঁড়ালো। ছলারহিন্ যদি অন্ধকারে আশ্রয় না পেয়ে থাকে।

আর কিছু ভাববার সময় পেলো না ভুখন। দরজার কাঁপ ভেঙে কোন ক্রমে রাস্তায় প'ড়ে অন্ধকারে ছুটতে লাগলো সে,—ছ-লা-র-হিন্।

হুজনের দেখা হ'লো সংযোগ হারানোর দ্বিতীয় দিনের দুপুর বেলায়। ছলারহিন্ তখন ক্লান্তদেহে তার চাইতেও ক্লান্ত মন নিয়ে বাড়ি ফিরবার পথ ধরেছে। চোখমুখ ব'সে গেছে, তামাটে চুলগুলি উড়ছে বাতাসে।

ছলারহিন্ বললে,—তুই এলি কেন আবার, আমিই তো ঘরে যাচ্ছিলাম।

ভুখনের মুখে ছ' হাজার দাঁত হো হো ক'রে হেসে উঠলো,—এলাম এমনি।

সামনে একটা ঝাল, নদীর মতো তা'তে স্রোত। সেটাকে পাশে ক'রে কিছুদূর গেলে একটা গ্রাম। যখন ঘুলো উড়ছে না তখন সেখানে একটা গোয়ালার দোকান চোখে পড়ছে। ওখানে যা হোক কিছু খাবার পাওয়া যেতে পারে।

ভুখন বললো,—তুই জান করে নে, চেহারা খুব খারাপ দেখাচ্ছে। ছলারহিনেরও

খুব ইচ্ছা হয়েছিলো কিন্তু ইতস্তত করতে হ'লো তাকে ।

ভুখন বললো,—এক ক্রোশের মধ্যে কোন লোক নেই ।

তীরে শাড়ি রেখে তখন ছলারহিন্ জলে ঝাঁপিয়ে পড়লো পানকৌড়ির মতো—
বাস্ । আর গেলে ডুবে যাবি ।

ডুবে যাওয়ার ভঙ্কিতেই তবু আর একটু সাঁতার কেটে, ভুখনকে ভয় দেখিয়ে তারপর ছলারহিন্ উঠলো । তীরে দাঁড়িয়ে ছ'হাত জড়ো ক'রে চুলের জল ঝেড়ে ফেলতে ফেলতে সে ভুখনকে স্নান করতে পাঠালো । স্নান শেষে তীরে উঠে পাশাপাশি হাঁটতে হাঁটতে ছলারহিন্ বললো,—যদি ডুবে যেতাম ।

—আমিও ডুবে মরতাম ।

ছলারহিন্ হাত বাড়িয়ে ভুখনের একখানা হাত জড়িয়ে ধ'রে হাঁটতে লাগলো ।
গাঁয়ের দোকানে তারা ভইসা দহি পেলো আর মকাই-এর খৈ ।

একটি গাছতলায় ব'সে যত না খাওয়া তার চাইতে বেশী কোলাহল ক'রে তারা আহারপর্ব সমাধা করলো ।

গাছতলায় হাত পা ছড়িয়ে ব'সে ভুখন প্রশ্ন করলো—ছলারী, আর কখনো আমাকে ছেড়ে যাবি না, বল ।

—না ।

রোদের ঝাঁজ ক'মে এলো । ঝিরঝিরে হাওয়ায় পথ চলতে স্বকৃ করলো তারা । এত হাঙ্কা মন তারা বহুদিন অনুভব করেনি । ক্লান্তি নেই, শ্রান্তি নেই, যেন সধ ক'রে দু'জনে বেড়াতে বেরিয়েছে । কয়েক পা গিয়ে ভুখন বললো,—
ছলারী, এখন যদি কোন মহুয়াই-এর দোকান পেতাম—

—তুই তো নেশা করিস না, তবে ও কথা বলছিস কেন ?

—কিছুতেই যেন ঠিক ফুটিটা হচ্ছে না ।

নিজের গ্রামে পৌঁছানোর আগে সন্ধ্যার আগেকার বাদামী আলোয় কাশের বড় বড় ঝোপে ভরা মাঠটিতে তারা এসে পৌঁছালো । দিনের বেলায় ভইসা থাকে, ভইসা নিয়ে রাখালরা এখন ফিরে গেছে । ছোটবেলায় যখন ছলারহিন্ ভইসা তাড়ানো ছাড়া আর কোন কাজ পারতো না, তখন এখানে একটা ভারি মজার ব্যাপার হ'তো । ভুখন যখন ডাকতো তাকে, সে লুকিয়ে বেড়াতো এক ঝোপের আড়াল থেকে অস্ত্র ঝোপের আড়ালে ! আর মাঝে মাঝে কুই করে সাড়া দিতো ।

মাঠটা পার হ'তে হ'তে ঝিক্‌ঝিক্‌য়ে হেসে ছলারহিন্ বললো,—আমি যদি এখানে লুকিয়ে থাকি খুঁজে বা'র করতে পারিস ?

—না, পারি না। এখনও তেমনি ছোট আছি, হাঁটতে হোঁচট খাবো।

দুলারহিন্ কয়েক পা আগে চলছিলো, হঠাৎ বঁ। ক'রে সে লুকিয়ে পড়লো।
ভুখন মনে মনে হাসলো ছোটবেলায় খেলতাম, এই মনে করলেই কি আর তেমন
খেলা হয়। এখন সে হাত বাড়ালেই ঝোপের এপার থেকে ওপারের ঘাস সরিয়ে
দুলারহিন্কে দেখতে পাবে। কিন্তু দুলারহিন্ তার হৃদয় লুকাতে পারে। আর
তার পায়ের গোড়ালি যেন ধহুকের ছিলায় তৈরি। একটি ঝোপের আড়ালে তার
সাদা পেয়ে তার কাছে গিয়ে দেখলো ভুখন সে ততক্ষণে অল্প আর একটির কাছে
স'রে গেছে। তার শাড়ির একটুখানি দেখা যাচ্ছে। সেখানে যেতে দুলারহিন্
উধাও। দু'তিন বারের চেষ্টায় একবার ভুখন দুলারহিন্কে ছুঁতে পারলো।

—নে এবার চল।

ভুখন ভেবেছিলো খেলা শেষ হয়েছে, কিন্তু দুলারহিন্ আবার অদৃশ্য হ'য়ে
গেলো হাসতে হাসতে।

খেলাটা বাল্যের মতো দুর্বল হ'য়ে উঠেছিলো। ইতিমধ্যে একবার দুলারহিন্কে
সে হ'হাতে চেপে ধরেছিলো বুকের উপরে, কিন্তু হাতের ফাঁক গলিয়ে দুলারহিন্
আবার লুকিয়ে পড়লো। খেলার উত্তেজনায় ভুখনও ছুটতে শুরু করলো। কি
একরকম ঘাস পায়ের তলায় দ'লে দ'লে যাচ্ছে, একটা স্রোত উঠছে। কি একটা
উত্তাপ বিচ্ছুরিত হচ্ছে সেই শুকনো ঝটখটে ঘাসের বাদামী আলোর পৃথিবী থেকে।
এইমাত্র ভুখন ছোটবেলার পাকড়ানোর কায়দায় পাকড়ে ধরেছিলো দুলারহিন্কে।
কিন্তু এবারও রাখতে পারলো না। দুলারহিন্ হাত ছাড়িয়ে হাঁপিয়ে হাঁপিয়ে
দৌড়ে পালালো, তারপরে হাসতে হাসতে ছুটতে ছুটতে ক্লান্ত হ'য়ে আতপ্ত ঘাসের
উপরে শুয়ে পড়লো। দুলারহিন্ ছোটবেলাকার তক্তিতে শুয়ে আছে—যেমন ক'রে
ছোটবেলায় বলতো, আমি ম'রে গেছি। উরু দুটি প্রসারিত, অর্ধনিম্নীলিত দৃষ্টি,
ঈষৎ মুক্ত ঠোঁট দুটি, বুক কাঁপছে থর থর ক'রে।

কিন্তু দুলারহিন্ ধড়ফড় ক'রে উঠে বসলো। বল নিয়ে লুফতে লুফতে যদি
হঠাৎ সেটা কুয়োয় প'ড়ে যায়, তা'হলে সেই কুয়োয় চারিদিকে ঘুরে ঘুরে কুয়োয়
অন্ধকার মনে নিয়ে যেমন ফিরে যায় খেলুড়েরা—তেমনি মন নিয়ে ফিরে চললো
ভুখন আর দুলারহিন্।

দুলারহিন্ একবার বললো,—ভুখন পিছিয়ে পড়ছিস। কিন্তু সেটা যেন ভাষা
নয়, ভাষার খোলস শুধু।

ভুখন মুখ নিচু ক'রে থাকে, কথা বলে না। দুলারহিন্ ভাবে, কখনও কপালে
হাত রেখে।

একদিন খুব সাহস ক'রে ছলারহিন্ ভাবলো,—ভগবানের সামনে দাঁড়িয়ে সে বলবে ভুখনোয়ার কোন দোষ নেই, বরসে সে-ই বড়। আর এই কথা বলে যদি ভুখনকে মুখ দেখাতে না পারে, মরবে সে। মরা যত সহজ, বলা তত নয়। ভগবানকে যদি বলা যায়, মাহুযকে নয়।

ছলারহিন্ রান্না করতে করতে ভুখনের পিঠের দিকে তাকিয়ে তাকিয়ে ভাবে, আহা সন্কোচে যেন ভেঙে পড়েছে। সে ভাবে, তোর জন্ত আমি কি না করেছি। ছোটবেলায় একবার আঙনের মধ্যে গুলি ফেলে দিয়ে তুই কেঁদে উঠেছিলি। আর তোর সেই গুলি খুঁজে দিতে হাত দিয়ে জলন্ত আঙরা সরিয়েছিলাম, দাগটা ছিলো কিছুদিন। তাও কি তোর মনে নেই।

এক সময়ে ছলারহিনের চিন্তার পথ কিছু বদলালো। চিন্তায় সাহস আগে ছিলো না, এমন নয়। কিন্তু স্নেহের করুণরসে মজ্জিত হ'য়ে সে সাহসও হ'য়ে উঠতো করুণ। সমস্তাগুলোকে একদিন জীর্ণ বাসের মতো তুচ্ছ মনে হ'লো। নিজেকে অসীম ক্ষমতার উৎস ব'লে অনুভব করলো সে। সাহসে এত প্রশ্ন, এত পূর্ণতা এ কে জানতো? এতদিন পথে-পথে ঘুরে আজ তবে পথ দেখা গেলো। আবার সেই স্নেহগুলো ফিরে আসতে লাগলো। অনাস্বাদিত এক আনন্দে বর্ণাঢ্য হ'য়ে হ'য়ে। দুঃসাহসী হওয়ার জন্ত নিজের ভিতরে প্রেরণা এল তার।

সন্ধ্যার পর ভুখন ফিরে এলো তেমনি গম্ভীর মুখে। পায়ের শব্দে ছলারহিনের স্নায়ুগুলি রিন্‌রিন্ ক'রে উঠলো। নাগরদোলায় কয়েক পাক ঘুরে হঠাৎ মাটিতে দাঁড়াতে গেলে যেমন পরিচিত পৃথিবী অপরিচিতের মতো টলমল করতে থাকে তেমনি হ'লো ছলারহিনের।

ছলারহিন্ ভুখনের কাছে গিয়ে দাঁড়ালো,—ভুখনোয়া।

ভুখন অবাক হ'য়ে গেলো। রুম্ব চুলগুলি ভিজে-ভিজে পাট-পাট করা, বোধ হয় তেলজাতীয় কিছু দিয়ে বাঁধা। পরনে লাল সেই শাড়ি। কপালে কালির টিপ। আর চোখ। সে চোখ কোন দিনই দেখে নি ভুখন। অনুচ্চারিত হাসির মতো তেমনি আত্মযুক্ত কিছু ছলারহিনের সারা মুখে ছড়িয়ে পড়লো মুখের বসন্তের দাগ-গুলিকে অস্পষ্ট ক'রে। ভুখনের মনে হলো প্রবল একটা আকর্ষণ বোধ হয় আসছে তার সারা দেহে। ভুখন নিরুদ্ধ গলায় যত্ন গর্জন ক'রে উঠলো।

ছলারহিন্ একটা হাত রাখলো ভুখনের কাঁধে।

ভুখন ছ'হাতের সবটুকু জোর দিয়ে ছলারহিনের হাতখানা ছুঁড়ে ফেলে দিলো। যা কোন দিন সে কল্পনাও করে নি, তেমনি ক'রে ছলারহিনের আঁধাখোলা ঠোঁটের উপরে প্রচণ্ড একটা চড় মারলো সে। আঘাত একটা দেয়ার জন্তই মন যেন উন্মুখ

হ'য়ে উঠেছিলো। একটা কিছু প্রাবল্য দরকার এই সে অনুভব করেছে
এ কয়েকটি দিনের প্রতিটি ক্ষণ।

কিন্তু পরক্ষণেই তার মনে হ'লো—আহা এ কি করলো সে। দুলারহিন্,
বহিন্। পৃথিবীতে কে আছে তার দুলারহিন্ ছাড়া। আর যে দুলারহিন্ নাকি তার
মুখ চেয়ে তারই আশ্রয়ে থাকে, এত কোমলা, এত দয়্যাবতী। ছোটবেলার
দুজনের একজনকে বাবা মারলে অগ্গজন তাকে জড়িয়ে ধ'রে কঁদে উঠতো, তেমনি
হ'লো।

ভুখন কঁদে কঁদে হেঁচকি তোলার মতো ক'রে বললো,—আর কখনো তোকে
মারবো না। এই প্রথম, এই শেষ। দুলারহিন্ দুলারহিন্ বহিন্।

দুলারহিন্ ফুঁপিয়ে ফুঁপিয়ে কঁদে উঠলো,—মেরে লাল মেরে ভুখনোয়া,
ভাইয়া।

অনেকক্ষণ কঁদে মনের নিরুদ্ধ পীড়াগুলিকে ধুয়ে মুছে দু'জনে নিজের নিজের
চাটাইএ এক সময়ে ঘুমিয়ে পড়লো।

সকালে ধুম ভাঙলো ভুখনের। ঠিক যা মনে করেছিলো তাই এই ভাবলো
সে। বাবা মারলে তারপর কয়েকদিন খুব কাজে মন হ'তো দুলারহিনের; ভোর
থাকতে উঠে কাজে লেগে যেতো। আজ বোধ হয় তাই করছে, জল আনতে
গেছে।

ভুখন ভাবলো: কি বোকা মেয়ে রে বাবা। অনেক বেলা হ'লেও যখন
দুলারহিন্ ফিরলো না তখন ভয় হ'লো ভুখনের, সে খুঁজতে বার হ'লো।

কিন্তু সব সময়ে খুঁজে বার করা সহজ নয়। কয়েকদিন আনাহার ত্যাগ ক'রে
খুঁজেও দুলারহিন্কে সে পেলো না। ভুখন বরং বুঝতে পারলো গুল্লোলোকে বর্জন
করলে খোঁজার পরিশ্রমকেও বাদ দিতে হবে। তখন সে আনাহারের দিকে নজর
দিলো। হাতের পয়সা কয়েকটি একসময়ে ফুরিয়ে গেলো। ততদিনে সে বহুদূরে
এসে পড়েছে। গাঁয়ে ফিরে গিয়ে খেতির কাজ ক'রে আবার হাতে পয়সা ক'রে
বেকুতে গেলে দুলারহিন্কে বোধ হয় আর কোনদিনই পাওয়া যাবে না। তখন সে
পথ চলতে চলতে কাজ করতে শুরু করলো। যখন যে গ্রামে গিয়ে পৌঁছায় সে-
গ্রামেই খেতির যে কাজ পারে জুটিয়ে নেয়। কাজ ফুরিয়ে গেলে চলতে শুরু করে।
একবার খুব বিপদে পড়েছিল। এক চায়ের বাগানে কাজ করতে গিয়ে তিন বছর
এক নাগাড়ে খাটতে হয়েছিলো, পথ চলবার উপায় ছিলো না। ভুখনের ধারণা
সেই সময়েই দুলারহিন্ সব চাইতে দূরে গিয়ে পড়েছে। তাকে একজন মুকুবি
বলেছে দুলারহিন্ যে বছর হারিয়ে যায় সেবার প্রায় দু'তিন হাজার মেয়ে-পুরুষ

নাকি মরিসাস্ দ্বীপে কাজ করতে গিয়েছে। ভুখনের ইচ্ছা সে একবার মরিসাস্ দ্বীপটিও খুঁজে আসবে।

আসল ব্যাপার ঠিক এরকম নয়।

দুলারহিন্ পথে বেরিয়ে এক বুড়োর দেখা পেলো। বুড়ো তাকে প্রশ্ন করতেই দুলারহিন্ কৈদে ফেলে তাকে বললো, সে তাইকে হুখী করার জন্ত পথে বেরিয়েছে।

—কি করলে সে হুখী হয়, বিটিয়া?

—যদি অন্ততঃ ষাট সত্তর টাকা দিতে পারি তাকে।

—আচ্ছা, তুই আমার গোরুবাছুরের তদ্বির কর, দুধ দো, দুধ বেচ, আমি টাকা দেবো ধীরে ধীরে।

সেই বুড়োর কাছে থাকতে থাকতে বুড়োর ছেলে একদিন কেড়ে নিলো দুলারহিন্কে। বুড়ো খুব হুঁসিয়ার, সে ছেলে ব'লে রেয়াত করলো না। টাকা নিলো চার কুড়ি ছেলের কাছে বুঝে। সেই টাকা আঁচলে বেঁধে বুড়োর ছেলের ঘর ক'রছে দুলারহিন্। ষাওয়ার জন্ত প্রস্তুত হ'য়ে আঁচলে-বাঁধা টাকা নিয়ে দুলারহিন্ অপেক্ষা করতে লাগলো। এ-লোক সে-লোকের মুখে সংবাদ দিয়েছে সে ভুখনকে ধরে ফেরার জন্ত। ভুখন ফিরলেই সে যাবে। লোকগুলো খবর দিয়েছে নিশ্চয়ই।

এখন দুলারহিন্ আর চট ক'রে যেতে পারে না কোথাও। মাটিতে শিকড় বসিয়ে দিয়েছে সে। তিন চারিটি ছেলেমেয়ে তার। তারা সবাই তার দেহকে এবং অধিকাংশ মনকে নিজেদের পরিবারে দৃঢ়বদ্ধ ক'রে দিয়েছে। এখন বড়জোর মনের একটা উন্মুক্ত অংশ তার ছোটবেলাকার গাঁয়ের দিকে বাতাসে বাতাসে আগ্রহের পল্লব মেলে ডাকতে পারে। প্রথম শীতের মাটির রসে কোন কোন গাছ যেমন শিউরে ওঠে—তেমনি কখনও অল্পভব হয় তার; শূন্যতা যেন শীত অন্ধকার একটা প্রবাহের মতো মাটি থেকে উঠে তার হৃদয় মূলকে শিথিল ক'রে দেয় কখনও কখনও।

আর ভুখন। বলো দেখি যে ব্যবধান এসে গেছে তাদের জীবনে সে কি মরিসাস্ দ্বীপের সাগরের চাইতে কম দূস্তর? আর একটি পরিবারের দেহগুলোর ক্রমান্বিত শৃঙ্খলের একটি রক্ত যার দেহ, তাকে কখনো ফিরিয়ে আনা যায়—পারতো তাই ভুখন, যদি জানতোও সে? তার চাইতে মরিসাসের দূরত্ব-কল্পনাও ভালো।

কিন্তু ভুখন এখন আর দুলারহিন্কে খুঁজে বেড়ায় না। তবু কি খোঁজে একটা। দেশে দেশে ঘুরে বেড়ানো শেষায় দাঁড়িয়েছে। মরিসাসের কথাও বলে না। দু এক

বছর পর পর সহর বদলে কাজ ক'রে বেড়ায় সে। ভালো লাগে না অনেকদিন এক জায়গায় থাকতে। কিছুদিন সে বাংলাদেশের গ্রামে মাটিকাটার কাজ ক'রে বেড়ালো পথের ধারে ধারে। সন্ধ্যার অন্ধকারে কুপি জ্বলে কড়াইয়ে ভাত চাপিয়ে সজীরা যখন দিনজমানার গল্প করে, দেশের গল্প করে, কোন কোনদিন সে চাটাই বিছিয়ে নীরবে অন্ধকার আকাশের দিকে চেয়ে শুয়ে থাকে। তারপর শুধু গল্পটাই থাকবে।

অ্যাভলনের সরাই

ব্রজেন ওদিক থেকে ফিরে এসে এই গল্পটা বলেছে। সে জানানিতে কি ট্রেনিং নিতে গিয়েছিল, কিন্তু সেখান থেকে কি ক'রে এবং কেন মধ্য ইউরোপের অল্প এক রাজ্যে গিয়ে বাস করতে শুরু করেছিল, তা সে বলে নি। বোধ হয় বোঁকের মাথাতেই সে এই গল্পটা ব'লে ফেলেছে ; এ বিষয়েও তাকে দ্বিতীয়বার অত্মরোধ ক'রে লাভ নেই, যা কিছু অস্পষ্ট তাকে সে কিছুতেই স্পষ্ট করবে না, কিছুতেই না, তা আমরা তখনই বুঝতে পেরেছিলাম।

গল্পটা উদ্বাস্তদের নিয়ে। যুদ্ধের সময় যারা বাস্তুহারা হয়েছিল তাদের অনেক পরিবারকেই পুনর্গঠিত ইউরোপের এ নগরে ও নগরে পুনর্বসতি পেতে দেখা গিয়েছে। তাদের মধ্যে মনের দিক দিয়ে এমন অনেককেই খুঁজে পাওয়া যাবে যারা ডিসপোজালের যুদ্ধ-উপকরণের মতো কিংবা পুরনো লোহার দোকানের ফুটপাতে ভূপ করে রাখা জাংকের মতো, কারণ মানুষ কখনো অতীতকে বিস্মৃত হ'তে পারে না। তা হলেও এরা বেশীর ভাগই পুরনো উদ্বাস্ত, ওদিকের রাষ্ট্রগুলো এদের সম্বন্ধে একটা পারস্পরিক বোঝাপড়ায় এসে গিয়েছে। এদের দুঃখ, যন্ত্রণা, হতাশা, মৃত্যু এ সব সম্বন্ধেই একটা না একটা ফরমুলা প্রচলিত হ'য়ে পড়েছে।

এ ছাড়াও এক রকমের উদ্বাস্ত আছে। যুদ্ধের অত বড় জোয়ার ভাটায় যারা অন্ততঃ বাসভূমির দিক দিয়ে দেখতে গেলে স্থির ছিল, হঠাৎ তাদের মধোই কেউ কেউ যেন উন্মন হ'য়ে ওঠে। হাতারাত্তাকে কিছু সঞ্চয় নিয়ে কাঁটাতারের বেড়া ভিড়িয়ে নিজেদের দেশের বাইরে অল্প কোথাও যেতে চায়। স্বভাবতই, কাঁটাতারের বেড়ার কাছাকাছি যেখানে বড়ো বড়ো ঘাস কিংবা অল্প ঘোপ ঝাড়ের আড়াল আছে, সীমান্ত পার হওয়ার জন্য সে জায়গাগুলোকেই বেছে নেয়া হয়। ধরগোশের মতোই তারা নিঃশব্দ দ্রুতভায়ে সীমান্ত পার হ'তে চেষ্টা করে। কিন্তু কখনও দেখা যায় বর্ডার আউটপোস্টের রাইফেল থেকে একটা নগণ্য শব্দ হয়, দেখা দেয় ঋণিকটা ধোঁয়া, যা মিলিয়ে গেলে কাঁটাতারের বেড়ার কাছে ঘাসগুলোর মধ্যে মুমূর্ষু ধরগোশের মতোই একটা মানুষ উলটে পালটে আবৃক্ষিত হ'তে থাকে। অনেক সময়েই অবশ্য আউটপোস্টকে ফাঁকি দেয়াও সম্ভব হয়।

এই একক চেষ্টা কখনও কখনও দলবদ্ধ প্রয়াসে পরিণতি লাভ করে। এরকম

সময়ে কাঁটাতারের ওপারে সাহায্য করার মতো লোকও কিছু কিছু থাকে। আউট-পোস্টের পাহারাদারদের মনেও সম্ভবত বিশৃঙ্খলা দেখা দেয়। কোন কোন জায়গায় কাঁটাতারের বেড়াটাই কারা ভেঙে ফেলে। তার পরে অবশ্য আউটপোস্টের পাহারাদারদের মধ্যে আরও কড়াকড়ি পড়ে যায়। রাইফেলের বদলে মেশিন গান আসে। বেড়ার এপারে ওপারে, বেড়ার গায়ে অনেক মৃতদেহ—শিশু বৃদ্ধ যুবক এবং নারীর—জমা হয়। কিন্তু ততক্ষণে অনেকে সীমান্তের ওপারে জঙ্গলে আগাছায় ঢুকেও পড়েছে। এরকম সময়ে বিপ্লব, প্রতিবিপ্লব—এমন সব শব্দ রয়টারের মতো সংবাদ-বণিকরা সংবাদে ব্যবহার করে।

এরকম একটা নতুন উদ্বাস্ত দল কিংবা দলের ধ্বংসাবশেষ নিয়েই এই গল্প। কথাটা ও ভাবে বলা বোধ হয় ঠিক নয়। এটা এমন একটা দল নয় যারা একই সঙ্গে সীমান্ত পার হয়েছিল। সীমান্তের নানা অংশে নানা দলে পার হওয়ার চেষ্টা করেছিল হঠাৎ, একদিন বা দু-তিন দিন ধরে সে সব দলের থেকে ধরা পড়ার পরে, এবং যুদ্ধের পরে যারা অবশিষ্ট ছিল তারা সকলে মু শহরে এসে পৌঁছেছিল। সেখানে খোলা আকাশের নিচে এই দলটি গড়ে উঠেছে। এদিক দিয়ে দেখতে হলে দলটি অবশ্যই নতুন, কিন্তু অল্পজুতির দিক দিয়ে এটা সত্য ছিল না, কারণ দলের প্রায় প্রত্যেকটি মানুষের হৃদয় ছিল পূর্ব অবস্থার ধ্বংসসূচক। এমন কেউই ছিল না যার সঙ্গী অথবা সঙ্গিনীদের দু-একজন সীমান্ত পার হ'তে ব্যর্থ না হয়েছে।

এ বিষয়ে ব্যতিক্রম বোধ হয় সেন্ট সাইমন, সে একাই। তার মুখ দেখে তার মনের ভাব কিছুই বুঝবার উপায় ছিল না, তার সম্বন্ধে এরকম ধারণা হওয়ার এটা কারণ হ'তে পারে। আর তার মুখ দেখে মনের ভাব বুঝতে না পারার একটা সহজ কারণ এই ছিল যে তার মুখটা ছিল মুখোশে ঢাকা। ফ্যালি ড্রেস বলে যে রকম কিস্তৃত মুখোশ পরা হয় তেমন কিছু নয়, বরং মুখোশটাকে মুখোশ ব'লে যাতে মনে না হয় প্রস্তুতকারক সে দিকেই নজর রেখেছিল। পাতলা হলুদ রঙের রবারের তৈরী। কাছে থেকেও প্রথম বারে ব্যাপারটা ধরা না পড়তে পারে কিন্তু দ্বিতীয় বার চাইলেই বোঝা যায়। চোখের নিচে থেকে চিবুক অবধি তার মুখের যে মোমের মতো মসৃণতা, বা চিন্তাতেও স্থির, এমন মানুষের মুখের স্বকৃ হয় না। দলে এ কথাটা ক্রমশ ছড়িয়ে পড়েছে, এখন সকলেই জানে। কে প্রথম বলেছে তা নিয়ে এখন আর কেউ আলোচনা করে না, এখন সকলেই চায় মুখোশ যেন সে না খোলে। ব্যাপারটা যুদ্ধের সময়ে ঘটেছিল। বা তার মুখ ছিল এখন হয়তো তা পোড়া কৃষ্ণিত খানিকটা চামড়া, নাকের জায়গায় হয়তো ছোটো গর্ত আছে যেমন কঙ্কালের থাকে। দলের সর্বসম্মত অভিমত এই যে সেন্ট সাইমন মুখোশ প'রে

ভালই করেছে।

অল্প দিক দিয়েও সেন্ট সাইমনের কাছে দলের সকলেই কৃতজ্ঞ বোধ ক'রে থাকে। লোকটি সব চাইতে কম কথা বলে, সব চাইতে কম হা হুতাশ করে। দলের প্রায় শেষে যেখানে সব চাইতে ক্লান্ত মানুষ কয়েকটি প্রায় দলের সঙ্গে সংযোগ ছাড়া হ'য়ে চলে, পথের ধারে ব'সে পড়ে, যে কোন সরাইয়ে ঢুকে প'ড়ে পকেটের শেষ কয়েকটি ফ্রাঁর বিনিময়ে গাদা গাদা বিয়ার খায়, কিংবা সস্তা জুয়ার আড্ডার ধারে ঝুঁকে দাঁড়ায়, তখন সেন্ট সাইমনকে তাদের কাছাকাছি দেখতে পাওয়া গিয়েছে। তার ফলে রাস্তায় ব'সে পড়ার মোহ যখন কাটে, তখন দলের সেই পথভ্রষ্ট লোকগুলো তার সঙ্গে দলের ভিড়ে আবার ফিরে আসতে পারে। যদিও এটা সেন্ট সাইমনের নিজের মুখোশের জ্ঞান হীনমস্ততার ফলই হয়তো যে সে দলের শেষ দিকে চলতে অভ্যস্ত হ'য়ে পড়েছে।

নিনা, পুরো নাম নিনচ'কা, একবার এমন একটা অভিজ্ঞতার সঙ্গে নিজেকে জড়িয়ে ফেলেছিল। অটমের মাঝামাঝি তখন, দুপুরে দলটি একটা গ্রাম পার হ'য়ে চলেছিল। সীমান্ত পার হওয়ার পরে তখন প্রায় পনেরো দিন হ'য়ে গিয়েছে। ধুলো, তৃষ্ণা, পথের ধারে ধুলোয় ঢাকা সাইট্রাস। নিনা পিছিয়ে পড়েছিল। তার ক্যানভাসের জুতোও যেন পায়ের পক্ষে দুঃসহ। গরমের ফলে স্ট্র হ্যাটের নিচেও তার দুই চিবুকওয়ালা মুখটা গাজরের রং নিয়েছে। পথে তখন খড় বোঝাই ট্রাকগুলো চলেছে। তাদের একটিকে সে হাতের ইশারায় থামিয়েছিল। হিচ-হাইকিংএর পদ্ধতিতে চললে মন্দ হয় না। ড্রাইভার পঁচিশ ছাব্বিশ বছরের একটি কৃষক। নিনার ভায়েই যেন ট্রাকটার গতি মন্থর হ'য়ে গেলো। পিছনের কয়েকখানা ট্রাক পার হ'য়ে গেল সেটিকে, আর পার হওয়ার সময়ে দ্ব্যর্থক ভাষায় নিনার ট্রাকের ড্রাইভারকে শুভ সন্ধ্যা জানিয়ে গেলো, যদিও তখন দুপুর পার হয় নি।

বিকেলে পথের ধারে একটা সরাইতে ট্রাকটা থেমেছিল। জানলার ভাঙা কাঁচে কাগজ-সাঁটা, দরজার পাশে ফ্লাই পেপার ঝুলছে, টেবিলে ভন ভন করে মাছি উড়ছে—সেই সরাইতে গিয়ে নিনা ট্রাক ড্রাইভারের টেবলসজ্জিনী হ'য়ে বসেছিল। বিয়ার দিয়ে স্তব্ধ ক'রে, পুরনো কেক যার গন্ধটা পচা নাশপাতির মতো, আর কালো কফি যার স্বাদ অনেকটা রং করা চকের মতো তা দিয়ে তারা ক্লান্তি দূর করেছিল। আর তারপর হাঁটতে হাঁটতে তারা যেখানে ট্রাকটাকে পথ থেকে নামিয়ে নির্জন মাঠের মধ্যে একটা খড়ের পীজার পাশে রেখে গিয়েছিল ড্রাইভার, সেখানে পৌঁছালো। নিনার কাছে পুরুষ নতুন নয়। তার এক কামরার ফ্ল্যাটের নোংরা হলুদ রঙের সস্তা কাগজে মোড়া চার দেয়ালের সঙ্গে সোনালী লাল হ'য়ে আসা

খোলা আকাশের আবহাওয়াটাতেই যা পার্থক্য, আর অস্ত্র নতুনত্ব বোধ হয় এই যে ট্রাক ড্রাইভারের ভাষা তার কাছে বিদেশী ভাষা ।

কথা ছিল ট্রাক ড্রাইভার তাকে পৌঁছে দেবে দলের কাছে, কিন্তু নিনা যখন ট্রাকের কাছে এসে পৌঁছেছে, তখন সে সেন্ট সাইমনকে দেখতে পেয়েছিল । নিনা বর্ণহীন হাসি দিয়ে—তার ফ্ল্যাটের দরজায় ক্রেতাদের যে হাসিতে বিদায় দিতে অভ্যস্ত ছিল—ট্রাক ড্রাইভারকে বিদায় জানিয়ে সেন্ট সাইমনের পিছন পিছন হাঁটতে শুরু করেছিল । কিছুক্ষণ নিনার মনে বিদেশী যুবক ট্রাক ড্রাইভারটির ষিধাগ্রস্ত অকোশলী আচরণগুলো রিমঝিম করতে লাগলো । সে ভাবতে চেষ্টা করলো, এমন কিছু সে অসম্ভব করেছে কিনা এরও আগে । তখন তার কম বয়সের পলিটেকনিকের ছাত্রদের কথা মনে পড়লো, যাদের একজনকে অশিষ্ট কৌতূহলের জ্ঞাত শাসন করেছিল সে এক দুপুরে । কিন্তু তারপর থেকে সে ছাত্রটির কাছ থেকে অনেকদিনই কিছু নেয় নি । এবং তার সন্দেহ হয়, পঁয়তাল্লিশ বছরের সাদা ও বাদামী রঙের চুলের মাথা ও দুটি চিবুক সমেত মুখ আঁকবার ছুতো ক’রে আঁট স্কুলের যে ছাত্রটি সপ্তাহে একবারের বেশী তার ঘরে এসে বিকেল থেকে রাত দশটা অবধি কাটাতো, সে পলিটেকনিকের সেই ছাত্রটির কাছেই কিছু শুনে থাকবে । ছাত্রমহলেই তার পসার ইদানীং কিছু দিন ধ’রে বেড়ে উঠছিল ।

কিন্তু হঠাৎ একটা অহুতাপের মতো কিছু নিনা অসম্ভব করেছিল, যেন শুক্রবারে সে মাংস খেয়েছে । যেন একটা পবিত্র কোন দিনে—সব জীবনেই এমন একটি পবিত্র দিন আছে, নিনারও ছিল নভেম্বরের সাতাশে, সেদিন তার মায়ের মৃত্যুদিন—যা উচিত নয় তাই সে করেছে । সে কি অ্যাভলনের সরাই—এর উদ্দেশ্যে যাচ্ছে না ? নিনা লক্ষ্য ক’রে দেখলো কয়েক বাপ আগে সেন্ট সাইমন হেঁটে চলেছে । মাথায় ক্যানভাসের হ্যাট, গায়ে সাদা—এখন ময়লা মেটে রং-এর—পা পর্যন্ত লম্বা ঝুলের অক্ ফ্রক । ঝানিকটা দৌড়ানোর ভঙ্গিতে চ’লে সে সেন্ট সাইমনের পাশে পাশে চলতে শুরু করেছিল, তারপরে এক সময়ে খুব হালকা ক’রে আঙুলের ডগাগুলো সেন্ট সাইমনের আঙ্গিনের উপরে রেখেছিল । আর সেই সঙ্কীর্ণতেই নিনা আবিষ্কার করেছিল, অস্পষ্ট অন্ধকারে সেন্ট সাইমনের ক্যানভাস হ্যাট এবং লম্বা ঝুলের অক্ ফ্রক পরা চেহারাটা কতকটা পাদরীর মতো দেখায় । নিনা সেন্ট সাইমনের সঙ্গে দলে ফিরে এসেছিল । ফিরে আসতে আসতে সঙ্কীর্ণ হাওয়ায় শরীরটা জুড়িয়ে এলে অহুতাপের জ্বালাটাও ক’মে গেলো ।

পঁচিশ থেকে ত্রিশ জনের দল । সংখ্যাটা অনির্দিষ্ট থাকার কারণ এই, একেবারে সামনে সামনে যারা চলেছিল আর একেবারে পিছনে যারা, তাদের

মধ্যে অনেক সময়ে ধুলোভরা গ্রাম্য পথের এক আধ মাইল ব্যবধান থেকে যাচ্ছিল। অশ্বদিকে বেশ কিছুদিন হ'লো সামনের এবং পিছনের মাহুগুলোর ছাড়াছাড়ি হচ্ছে না, যে পথে সামনের লোকগুলি চলেছে সে পথেই একেবারে শেষের লোকগুলিও। আর অন্ততঃ দু একবার তারা একই জায়গায় একত্র বসেছে—একটা পরিত্যক্ত স্থল ঘরের বারান্দায়, কিংবা একটা গুমনিবাস স্টেশনের সেডের নিচে।

দলের মাঝামাঝি যারা চলেছে তাদের মধ্যে একজন ছিল যাকে আমরা যোশেপ বলবো, কারণ এখন তার কৌলিক উপাধি অর্থহীন, যেহেতু তার একমাত্র পুত্র যে তার পরে সেই প্রাচীন কৌলিকতাকে জীবিত রাখতে পারতো, সে সীমান্তের কাঁটাতারের কাছেই একভলি সাব মেশিনগানের গুলিতে নিশেষ হ'য়ে গিয়েছে, এবং কারণ তাকে এখন আর প্রফেসর ব'লেও লাভ নেই, যেহেতু সে কোনদিনই আর কোথাও অধ্যাপনা করবে এমন সম্ভাবনা নেই। এ বিষয়ে সে চিন্তাও করেছে। তার অধ্যাপনার বিষয়টাও কি নিরর্থক হ'য়ে যায় নি? তার লেখা বইগুলোতে জাতির প্রাচীন ঐতিহ্য সম্বন্ধে যে শিক্ষান্ত আছে তা সবই বন্ধ্য প্রমাণিত হ'য়ে গিয়েছে। এক সময়ে তার ছাত্ররা তার মাথার পিছন দিকের মরচে আর সাদায় মিশানো ফাঁপা ফাঁপা চুলগুলো দেখে কল্পনা করতে ভালবাসতো ওই চুলগুলোর নিচেই অধ্যাপকের প্রকাণ্ড মস্তিষ্কটা থাকে। এখন তাকে কেউ হয়তো ফ্রাপি জো বলতে পারে তার দক্ষণ সস্তা কমরেডারি দেখাতে।

অধ্যাপকের সঙ্গে তার স্ত্রী আছে। তাকে দেখলে বরং অধ্যাপকের ছাত্রী বলে মনে হয়। তার বেশভূষাতেও বেশ একটা ছিমছাম বাবুনার ভাব আছে। তার পায়ে যে ব্রাউন রঙের জুতো, তার গায়ে যে মসলিনের গাউন তা বেশ দামী। মনে হ'তে পারে অধ্যাপকের দ্বিতীয় পক্ষের স্ত্রী। আসলে তা নয়। অধ্যাপকের প্রাপ্ত-বয়স্ক যে ছেলেটি কাঁটাতারের বেড়ার কাছে চিরকালের জন্ত মুক্তি পেয়েছে তারই মা সে। ভুলটা হওয়ার প্রথম কারণ তার দেহের গড়ন, দ্বিতীয় কারণ অধ্যাপক সীমান্তের এপারে প্রথম শহরে পৌঁছে তার যথাসর্বস্বের একটা মূল্যবান অংশ ব্যয় করেছে স্ত্রীর পোশাকের জন্ত যেন তা ক'রে, কিছুই হয় নি, যা হয়েছে তাকে সে গ্রাহ্য করে না—এমন কিছু প্রমাণ করা যাবে। অধ্যাপকের স্ত্রীর নাম রুথ।

যোশেপ এবং রুথের সঙ্গে অনেকেরই রোজ দেখা হয় না, সেট সাইমনেরও হয় না। এমন নয় তারা কাউকে এড়িয়ে চলে, কিংবা দলের প্রত্যেকের সঙ্গে প্রত্যেকের রোজ দেখা হয়। দেন্ট সাইমনের সঙ্গে একবার তাদের দেখা হয়েছে, দলের এমন অনেকের সঙ্গেই দু-একবার তাদের দেখা হ'য়ে থাকবে। কিন্তু তার

সম্বন্ধে একবার তারা আলাপ করেছিল নিজেরদের মধ্যে। যোশেপ বলেছিল—ওর পূর্বপুরুষ বোধ হয় ফরাসী দেশ থেকে এসেছিল আমাদের দেশে। ফরাসীদের এমন নাম হয়। রুথের মনে কোতুহল ছিল, কাজেই যোশেপ প্রায় আধঘণ্টা ধরে মধ্য ইউরোপে প্রচলিত কৌলিক উপাধি নিয়ে, কোনটা কোন দেশের পক্ষে স্বাভাবিক, সেটা অল্প দেশে গিয়ে কিভাবে উচ্চারণে ক্রমশ বদলে যায়—এমন সব আলোচনা করে গেলো চলতে চলতে। রুথ তার পাশে পাশে হেঁটে যেতে যেতে বেশ মন দিয়েই শুনলো। কিন্তু এতে তার কোতুহল মিটলো না। মিটবে এমন আশাও ছিল না। তার ধারণা হয়েছে সেন্ট সাইমনের ছেঁড়া অক্ষ ফ্রকের নিচে অন্তত সে একবার একটা পিতলের তারা দেখতে পেয়েছে, যার গায়ে কলঙ্ক জমলেও, অস্পষ্ট আলোয় যা চিক চিক করছিল। কোন লিভিঅনের সভ্য হওয়ার চিহ্ন। অথচ এ নিয়ে আলাপ করতে তার সাহস হচ্ছিল না। এ রকম তারা এর আগেও সে দেখেছে ব'লে তার মনে হয়েছে। তার ছেলের বন্ধুদের, যারা অনেক সম্ভ্রান্তেই আসতো তাদের ক্ল্যাটে, কোটের বুকে লাগানো দেখেছে। তার ছেলে তারাতুলো নেহাত পিতলের তৈরী ব'লে রসিকতা করে হাসতো। ছেলের হাসি ছেলেকেই মনে করিয়ে দেয়। আর তখন সব সাহসই ফুরিয়ে যায়। কিন্তু এখন তা হ'লে চলবে না, কারণ অ্যাভলনের সরাই কোথাও আছে এবং সেখানে পৌঁছতে পারলেই ওরা আসবে সাহায্য নিয়ে এগিয়ে। রুথ বুঝতে পারলো তার নিজের চোখের জলের স্বাদই সে পাচ্ছে। তা হ'লে সে স্টোঁট দুটোকে চেপে রাখতে পারে নি, তারা কাঁপছে।

অ্যাভলনের সরাই-এর দিকেই উদাস্তদের দলটি এগিয়ে চলেছে। পথ চলার শ্রম, এবং উদাস্ত হওয়ার হাজার রকমের অস্ববিধার কথা—এক কথায় অভিজ্ঞতা কম হয় নি বলা যেতে পারে। এ বিষয়ে অল্পতম নির্ভরযোগ্য বক্তা বোধ হয় জন। জন নিজের শহরে রাজমিস্ত্রী ছিল। অন্তত তাই সে বলতো নিজের পরিচয় দিতে গিয়ে। সে জানতো এটা তার দস্তের অল্পচিত্ত প্রকাশ, এবং এই অল্পচিত্তের বোধ থেকেই সে এমনটা বলতো তা সে জানতো না। কারণ রাজমিস্ত্রী হ'য়ে জীবন স্মৃষ্টি করে উদাস্ত হওয়ার ঠিক আগে যেখানে পৌঁছেছিল সেখানে রূপের কর্ণিক হাতে করেও তাকে ইট বসাতে হ'তো না। কিন্তু কিছুই সে সঙ্গে আনতে পারে নি, অল্প দিক দিয়ে সে যোশেপের চাইতে ভাগ্যবান। কারণ যোশেপের ছেলের পক্ষে যা সম্ভব হয় নি তার মেয়েদের—দুটি মেয়ে তার—পক্ষে সেই কাঁটাতারের সীমান্ত পার হওয়া সম্ভব হয়েছে। অবশ্য এসবের মধ্যে এমন কোন কারণ খুঁজে পাওয়া যাচ্ছে না যার জন্ত সে পথের রোজনামচা রাখবে। এই একটা বিশেষত্ব ছিল সে

রোজনামচার যে তারিখ তাতে খুব কমই লেখা হয়েছে। তার ফলে এ রকম মনে হয় যে লেখকের কাছে সব দিনগুলি মিলে একটিমাত্র দিনে পরিণত হয়েছে। তা হ'লেও তার রোজনামচা, যা তার পুরনো নোট বই-এর এখানে সেখানে, কিন্তু প্রায় প্রত্যেকবারই ফেলে রেখে আসা ব্যবসা সম্বন্ধে টুকিটাকি মন্তব্যের নিচে, পেনসিলে লিখে রাখা মতামতমাত্র; আমাদের আলোচনার দিক দিয়ে মূল্যবান, কারণ তা থেকে উদ্বাস্ত দলের পথপরিক্রমার একটা ধারণা করা যায়। উদাহরণ হিসাবে দু'তিনটি দিনলিপি উদ্ধার করা যেতে পারে।

এই গ্রামের পথে ওমনিবাস পাওয়া যাবে ভাবা যায় নি। কোন বিশেষ গন্তব্য নয়, ড্রাইভার বলেছিল, এই হাই রোডের উপরেই মাইল পনরো পরে সে বাক নেবে, ততদূর সে পৌঁছে দিতে পারে। অনির্দিষ্ট থেকে আর একটি অনির্দিষ্ট বিন্দুতে এগিয়ে যাওয়া। কিন্তু হাত দিতে ঘূণা করে, চড়তে ভয় হয় এরকম ওমনিবাস কাদের কাজে লাগে? গ্রামের কৃষকরা মেলায় যায়? উৎসবের মতো মনের ভাব থাকে তাদের তখন, বোধ হয়, তাই নিজদের ঘোড়ার গাড়ির বদলে এই বাসটাকে ভাড়া করে। বাসের দু-একজন যারা যাত্রী ছিল, তাদের কারো কারো গলায় উৎসবের ভঙ্গিতেই ক্রমাল জড়ানো। বিশেষ কারো জন্তেই তারা বাসে ওঠে নি, শাশার পায়ে ফোসকা পড়েছে এটাকেই কারণ হিসাবে দাঁড় করানো যেতে পারে। কিন্তু অভিজ্ঞতাটা কেমন হ'লো না? বাফ রঙের কলুই-হেঁড়া পুরনো কোটপরা, গলায় হলুদে ক্রমাল জড়ানো, সেই যাত্রীটি নিজেকে বোধ হয় নিজের হারেমের উৎসবরত কোন তুর্কী স্থলতানের মতো কিছু মনে ক'রে থাকবে। সে তার বিদেশী, হুতরাং জনের কাছে দুর্বোধ্য, ভাষায় চিংকার করছিল, গান করছিল, শাশার উকতে চাপড় দিয়ে রসিকতার মর্মটা ধরিয়ে দিচ্ছিল। আর জন তখন নিষ্ক্রিয়, কতকটা স্থলতানী হারেমের খোজা পাহারাদারদের মতো, সেই বেহায়া ইতরতার সাক্ষী হ'য়ে বসে রইলো; কিন্তু ঠিক খোজা পাহারাদার তো নয় সে। তার মন থেকে উঠে একটা ভয়ঙ্কর কালো, ভয়ঙ্কর হিংস্র, তেমনি অসম্ভব অসহায় কিছু তার হৃৎপিণ্ডটাকে কামড়ে ধরেছিল। উদ্বাস্তদের পক্ষে বা সম্ভব তাই করেছিল শাশার মা। জনের গলার টাই খুলে দিয়েছিল, জলের বোতল থেকে ক্রমাল ভিজিয়ে জনের কপাল। ঘাড় মুছে দিয়েছিল। কিন্তু ওমনিবাস থেকে নেমেই ড্রাইভারের সঙ্গে বা ঠিক হয়েছিল তার চাইতে বেশী দু-এক ফ'। তাকে দিয়েছিল জন। তার হাত ধরে তাকে বিদায়-সংবর্ধনা জানিয়েছিল। আর শাশার মা তখন নিজেকে ধরে রাখতে না-পেরে শাশার কাঁধে মাথা রেখে কাঁদছে। ঠিক তখনই যেন কালো একটা ভয় জনকে মুহূর্তে মুহূর্তে দিলো। কি আহান্নক সে। হাসি এবং ভাবভঙ্গি দেখে মনে

হচ্ছিল পাসপোর্টহীন এই ভ্রমণকারীদের কথা লোকটির জানা আছে একরকম সহানুভূতিই বরং আছে তার—যা প্রায় ধর্মভাবের মতো। কি হয় কেউ যদি শাশার উরুতে চাপড় মেরে রসিকতা করে থাকে, এ কেমন রাগ তার? এ কেমন বেহিসেবী রাগ?

অ্যাভলনের সরাই-এর দিকেই সকলেই চলেছে। কিন্তু সকলেই পৌঁছুবে এমন কথা নেই। ভ্যান ব্রনও পারলো না। সে যুবক ছিল, যোদ্ধা ছিল, লেফটানেন্টের ইনসিগনিয়া তার প্রমাণ। কিন্তু হয়তো ক্ষয়রোগ ছিল তার। যুদ্ধ থেকে অনেকেই এমন রোগ নিয়ে ফিরেছে শত্রুপক্ষের বন্দীশালায় না-গিয়েও।

গ্রামটার নাম কারো জানার কথা নয়। যুদ্ধের সময়ে হঠাৎ বিখ্যাত হ'য়ে উঠে যুদ্ধ চলতে চলতেই বিস্মৃত হয়েছে, এমন কোন গ্রামই হবে। দলের প্রায় সকলেই ক্রমশ এসে এসে কিছু দূরে দূরে ভাগ হ'য়ে হ'য়ে বসেছে বিশ্রাম করতে। কিন্তু এখনও অনেকদিন পরেও ধ্বংসস্থূপের মধ্যে যুদ্ধ বিরাজ করছে ব'লে মনে হয়। শহরের ধ্বংস-স্থূপ যেমন হ'য়ে থাকে তেমন নয়। ছোট ছোট কয়েকটি বাড়িই ছিল এ গ্রামে তাদের ধ্বংসস্থূপ, ধ্বংসের ছবিতে যেমন দেখা যায়, ঠিক তেমন করেই সাজানো। গ্রামে ঢুকবার মুখে একটা ট্যাক্সের ধ্বংসাবশেষ। তারপর কামানের গোলায় তৈরী গহ্বর সমেত পথটা যতই এগোতে থাকে, অদ্ভুত নিস্তব্ধতার মধ্যে অনেক ধ্বংসের চিহ্নের মধ্যে অবত্রে পড়ে থাকা জীবনের স্মৃতিবাহী ছোটখাটো জীবনের উপকরণ ছড়ানো—একটা ভাঙা খেলনা, একটুকরো খবরের কাগজ, পথের পাশে একটা লাইটপোস্ট, যার গায়ে বিভিন্ন কোণে লাগানো কালো এনামেলের ফলকে সাদা অক্ষরে লেখা অল্প কয়েকটি নগণ্য গ্রামের নাম পড়া যায়।

এখানে তাদের ভালোই লাগছিল—তার কারণ এখানে তারা ছাড়া কেউ ছিল না। এমন কি তাদের দু-একজন যেন পথের ধারের সাইনপোস্টটাতে একটি নাম খুঁজলো—যে নামটা লিখিত অবস্থায় কোথাও তারা দেখে নি কিন্তু যা তাদের মনের মধ্যে যেন লেখা দেখতে পেয়েছে। কিন্তু সিনেমায় বা চিত্রে সাধারণত যা থাকে না তেমন কিছু ছিল। একটা ঘরের ধ্বংসাবশেষে—আগুন ধরে গিয়েছিল তা দেয়ালের কালিতে বোঝা যায়—একটা ঘোড়ার কঙ্কাল। মাটিতে প'ড়ে না থেকে একটু যেন খাড়া হ'য়ে আছে সেটা, দানা-দেয়ার টাবে আটকে যাওয়ার ফলেই হয়তো। আর সেই কঙ্কালের দাঁতগুলোতে বীভৎস হাসির মতো একটা হেঁচা জড়ানো।

এটা দেখেই কি ভয় পেয়েছিল ভ্যান ব্রন? কিন্তু ভয়ের চাইতেও বড় ঘটনা ঘটেছিল। সে তার মার্কিন রিভলবারটা দিয়ে নিজের মাথার খুলি ফাটিয়ে দিল।

ভ্যান ব্রন খুব সম্ভবত ক্ষয়রোগীই ছিল ; (নতুবা আতঙ্ক রোগের কথা বলতে হয়, আর সে রোগের নাম কে কবে শুনেছে ?) তাদের আশা একটু বেশী স্পর্শকাতর হয়, সহজেই জলে ওঠে, তেমনি সহজেই নিবে যায়। অবশ্যই সাইন-পোস্টের গায়ে কোন ফলকেই ‘অ্যাভলন’ লেখা ছিল না। সে কি খুব জোর দিয়ে আশা করেছিল, দক্ষিণ-পশ্চিমের দিকে বাঁকানো কোন ফলকে লেখা থাকবে—অ্যাভলন ৪২ কি: মি: ?

কিন্তু কান্না বোধ হয় সংক্রামক হ’তে পারে। হঠাৎ অনেকেই যেন কাঁদতে শুরু করলো। হুঁপিয়ে কেউ, কেউ ক্রমাগত চোখ ঢেকে। অথচ ভ্যান ব্রনকে কেউ চিনতো ব’লে মনে পড়ে না। নিরর্থক, একেবারেই নিরর্থক শোকের দিক থেকে। উত্তর সমুদ্রের কোন নীতের রাতে নীলরা দল বেঁধে এমন কাঁদে বটে। যেন কোন অদ্ভুত উপায়ে সকলেরই বয়স ক’মে গিয়েছিল।

একদিন যেমন অনেকে কঁদেছিল, কেন এবং কবে তা ঠিক মনে পড়ছে না (জনের), আজ আবার সকলে হাসছে। সবাই দাঁড়িয়ে কোমরে হাত রেখে সামনে হুঁকে প’ড়ে হাসছে তা নয়। প্রফেসর ঘোশেপের মুখে একটা হাসি খেলা করছে, তার চশমার উপরে প্রতিবিম্বিত আলোর শিখার মতোই। তার জ্বী কেরোসিন চৌকিতে চায়ের জল ফোটাচ্ছে পথের ধারে ব’সে। সে কিছু ব’লে থাকবে, নিজে ব’লে নিজেই খুশী হয়েছে খুশীটা তার মুখে জড়িয়ে আছে। জনের দল—সে নিজে, শাশা, মিশা এবং তাদের মা—বসবার মতো জায়গা খুঁজে নিতে এগিয়ে চলেছে। ঘোশেপের কাছে পৌঁছানোর আগেই সে আরও দু-একটা উপদলের পাশ দিয়ে এসেছে। নিনা তার মাথায় সাদাপাড় টকটকে লাল রঙের ক্রমাল বেঁধেছে। সে ছোটো গাছের ডালে দড়ি টাঙিয়ে জামা কাপড় মেলছে, গুন গুন ক’রে একটা শব্দও উঠছে যেন। কিন্তু বুড়ো আইজ্যাকের হাসিটাই সব চাইতে স্পষ্ট। পুরনো স্টেশনের ধারে, ট্যান্ডি স্ট্যান্ডের পিছনে, যে বুড়ো ভামাকের একটা দোকান রাখতো, কতকটা তারই মতো, ছুঁচলো চিবুক সমেত তার টাক মাথাটা যেন একটা বড়ো ডিম যার উপরে তুলো লাগিয়ে ভুরু ঝাঁকা হয়েছে। লম্বা লম্বা শুকনো হাতপা লটপট করে তার। সেই লটপটে ভান হাতখানা, যেন তা সাইনপোস্টের গায়ে লাগানো তেরছা ফলক, সামনের দিকে বাড়িয়ে দোলাতে দোলাতে খুঁত খুঁত ক’রে হাসছিল। এরকম মনে হ’তে পারে সে সামনের দিকে কিছু একটা দেখিয়ে দিয়েছে, আর তা সকলকেই।

কিছুক্ষণের মধ্যে যেন রটেও গেলো—যেমন ক’রে বরা পাতা থেকে বসন্তের কথা রটতে থাকে—অ্যাভলনের কথা নতুন ক’রে কেউ বলেছে। কিন্তু কে

বলতে পারে ? এমন কি সম্ভব অ্যাভলনের সরাইতে যারা আসবে তাদের দলেরই কেউ সমস্তটা পথ সঙ্গে সঙ্গে থেকে উৎসাহ দিয়ে চলেছে ? স্বভাবতই, তা হ'লে, সে নিজেকে গোপন রাখবে। এই প্রশ্নটাই যেন অনেকের মনে একটা আশ্বাসের ঢেউ তুলে চলেছে হাসির আড়ালে। এরকম সময়ে সহযাত্রীদের অনেকের মুখ নতুন ক'রে চিনতে চেষ্টা করা স্বাভাবিক। সে কি বুড়ো আইজ্যাক, কিংবা সেন্ট সাইমন ? সেন্ট সাইমনের মুখোশের কাছেই প্রশ্নটা একটু বেশী কৌতূহলী হ'য়ে ওঠে। মুখোশ মাত্রেরই অমন কৌতূহল জাগাবার যোগ্যতা আছে অবশ্য।

কিন্তু কেউ যেন সত্যি বলেছে অ্যাভলন আর বেয়াল্লিশ কিলোমিটার।

জনের রোজনামচায় বুড়ো আইজ্যাকের কথা আছে। এতদিন প্রায় নিঃশব্দে চলেছে সে অনুজ্জ্বলযোগ্য ভাবে। এই পাহাড়টার কাছাকাছি এসে সে যেন একটু চঞ্চল হ'য়ে উঠেছে। অথচ পাহাড়টা খুব একটা উঁচু কিছু নয়, যদিও পথে এই প্রথম পাহাড় ব'লে তাকে কিছু সম্ভ্রম না দেখালে চলে না। আইজ্যাকের পায়ের তলা শির শির করে উঠছে এই ভেবে—চূড়ায় উঠতে সে হয়তো পারবে, কিন্তু সেখানে গম্বুজের মতো জায়গাটার চোখ খুলে দাঁড়াতে সে কি পারবে ? ইদানীং নিজের ফ্ল্যাটের সিঁড়ি দিয়ে নামতে তার মাথা ঘুরে উঠতো নিচের দিকে চাইলে। এটা একটা ক্রাইসিসের মতো কিছু ব'লে মনে হচ্ছে। আইজ্যাক বলার মত স্পষ্ট ক'রে ভাবলো, কিংবা বলা এবং চিন্তা করাকে যেখানে পৃথক করা যায় না, সেখানে শব্দ দুটি শোনা যাচ্ছে—আভে মারিয়া, আভে মারিয়া।

কিছুদিন থেকে কিছু একটা যেন সে অনুভব করছিল তার বুকের মধ্যে এখন তা উঠে এলো। অনেক সময়ে পুরনো প্লেজা বুক আটকে শরীর অস্থির করে, পরে সেটা উঠে গেলে শান্তি পাওয়া যায়। বিশেষ ক'রে বুড়ো বয়সে আইজ্যাক এটা নিজের অভিজ্ঞতা থেকে জানে। খানিকটা কাশি ফেললো সে। আভে মারিয়া। তা কথাটা প্রায় চল্লিশ বছর পরে উঠে এলো মনের তলা থেকে। আইজ্যাক মিত মিত করে হাসলো যেন খুব একটা আবিষ্কার করেছে সে।

সামনের পাহাড়টার চূড়ায় একটাও গাছ নেই। খয়ের রঙের পাহাড় আর তার গায়ে ছাই রঙের পথ, যেখানে পাহাড় ভেঙেছে সেখানে পাথরের রং সাদা দাঁতের মতো ধারালো।

একটা তুলনাই যেন আসছে তার মনে যে জন্তু তার ধারণা হচ্ছে, চল্লিশ বছর আগেও সে একবার যেন উদ্ভাস্ত হয়েছিল। অবশ্য এখন কিছু আর এসে যায় না, যদিও সে পরে জানতে পেরেছিল, রেবেকার ক্ষয়রোগ ছিল আর তার সন্তানও

কোনদিন হয় নি। কিন্তু একদা সে ধর্ম এবং হুতরাং সমাজ থেকে উদ্বাস্ত হ'য়ে রেবেকার বাবার তামাকের দোকানের পিছনে সেই ছোট ক্যাটাঁয় পৌঁছেছিল এক সন্ধ্যায়, যেখানে রেবেকার আপত্তি ছিল না। শেমিজ প'রে তার সামনে দাঁড়াতে। তার পর থেকে দশ বারোটা বছর—এই মোটামুটি সময়টা, নিচের তামাকের দোকান আর দোতলার শোবার ঘরের বাইরে যায় নি সে, কারণ সেখানে রেবেকা ছিল, সবুজ শেমিজ পরা, লেসের শেমিজ পরা, লাল শেমিজ পরা, লাল, সোনালী, সবুজ মদের সঙ্গে মিলিয়ে মিলিয়ে শেমিজ পরা, হাতীর দাঁতের তৈরী রেবেকা।

ধর্ম আর সমাজ এক না হ'লেও তাদের গণ্ডি দুটো সমকেন্দ্রিক বৃত্তদ্বয়ের মতো। আর তখন—পঁচিশ বছর বয়সেই—একটা ধর্মীয় ক্রাইসিসের অভিজ্ঞতা হ'য়ে গিয়েছিল আইজ্যাকের। যদিও ধর্ম বিষয়টাই যৌবনের পক্ষে আকর্ষণীয় নয়, সত্য সমাজে যুবকদের চার্চে যাওয়ার রীতি থাকলেও। উপরন্তু সে তখন গ্রাশনাল আর্মির এক সাবল্টার্ন, আর তার চোখের সামনেই একটি একুশ বছরের মেয়ে বিরাজ করছে। তার বেলায় কিন্তু যৌবনই, অর্থাৎ এই মেয়েটিই, ক্রাইসিসটাকে টেনে এনেছিল। আইজ্যাক আবার হাসলো—বুড়োটা একটা বুড়ো শেয়ালই ছিল।

কিন্তু এখানে আসল কথা হচ্ছে—রেবেকাকে ছই বাছুর উপরে তুলে নিলে পবিত্র কিছু মনে হ'তো না?—যদিও তা একটা উষ্ণ নারী দেহ। উদ্বাস্ত হ'লেই অপবিত্র কিছু হয় না। কে জানে মারিয়া রেবেকার মতো হালকা গড়নের ছিল কি না।

এখানে আসল কথা এই নয়—সাইনাগগ আর চার্চের মধ্যে যে পথ তা পাহাড়ী পথের মতো ঢালু, যে পাহাড়ে উঠতে গিয়ে মহত্তম মাতা মারিয়ার কথা মনে হবে। আইজ্যাক পবিত্রতা কথাটাকেই আবার অনুভব করলো।

এর একটা কারণ খুঁজে পাওয়া যেতে পারে, এই সিদ্ধান্তে পৌঁছতে চায় আইজ্যাক। নিনার জন্মই—যদিও সে নিমিত্ত মাত্র হ'তে পারে, মনে আসছে এ সব কথা। নিনা নোংরা মেয়েমানুষ, তা বোঝা যায়। এবং তখন বিশেষ ক'রেই বোঝা গিয়েছিল রুথের নিজেকে গুটিয়ে নিয়ে দাঁড়ানোর ভঙ্গি থেকে, যখন নিনা যোশেপকে জিজ্ঞাসা করেছিল, পাহাড়টা পেরোলেই সত্যি একটা রেল স্টেশন পাওয়া যাবে কিনা, যে রেল স্টেশনে কয়লা টানার ফ্রেট কারে তাদের জন্ম জায়গা হবে। গৃহিণী মেয়েরা ওদের দেখা মাত্রই বুঝতে পারে। তাছাড়া নিনার বাদামী-সাদা মেশানো চুলে, খয়েরী চেক হুতোর গাউনে এমন একটা স্বস্থ পশুর ভাব আছে, যা থেকে ওর শরীরটার কথাই মনে হয়।

কিন্তু রাত্রিতে আইজ্যাক চাপা গলার একটা যুদ্ধ বিনবিনে আওয়াজ শুনতে

পেয়েছিল। সেটা অবশেষে একটা প্রার্থনার রূপ নিলো। মহান মাতা মেরির কাছেই কেউ প্রার্থনা করছে। মাথা তুলে এদিক ওদিক চেয়ে সে দেখতে পেলো নিনাই যেন—নিনা ছাড়া আর কে—প্রার্থনা করছে। একটা ক্ষীণ মোমবাতি জ্বলছে একটা পাথরের উপর। অস্পষ্ট ছায়ার মতো কেউ যেন এগিয়ে এলো সেই আলোর দিকে। যেন অতিকায় একটা পুরুষ, যার গায়ে রোমান চার্চের পাদরীদের মতোই পোশাক, যদিও সে ধোঁয়াটে অন্ধকার এবং মোমবাতির অস্পষ্ট আলোয় তৈরী। মোমবাতি নিবে গেলে নিনা শুয়ে পড়েছিল, আর সেই আবির্ভাবটাও মিলিয়ে গেলো। মিলিয়ে যাওয়ার পদ্ধতিটা আইজ্যাকের বিশেষ ক’রে মনে আছে। কেউ দাঁড়িয়ে থেকে তার পরে বসলে যেমন পা ছুঁখানা প্রথমে অনুশ হয়, তেমন ক’রে যেন দৃশ্যটা মিলিয়ে গেলো।

কিছুক্ষণ আগে নিনা, সেন্ট সাইমন, জনের পরিবার পর পর তাকে পার হ’য়ে চলে গিয়েছে পাঁহাড়ের দিকে। সে সেন্ট সাইমনকেই জিজ্ঞাসা করেছিল—গাড়িটা পাওয়া যাবে তো ?

আইজ্যাক এবার হামাঙড়ি দিয়ে পাঁহাড়টার দিকে চলতে শুরু করলো।

সকালে উঠে সে মনে করেছিল উৎকণ্ঠায় তার ঘুম হয় নি, খুব সকালে সকলের আগেই সে উঠে পড়েছে, কিন্তু সে দেখতে পেয়েছিল নিনা ইতিমধ্যে উঠেছে, খয়েরী একটা নেটে সে তার বাদামী-সাদা চুলগুলোকে জড়াচ্ছে, আর তার কিছু পিছনে নিজের বাঁধা বিছানার উপরে ব’সে সেন্ট সাইমন কফি খাচ্ছে।

আভে মারিয়া। আইজ্যাক হাসলো খুঁত খুঁত ক’রে। কয়লার গুঁড়ো থাকবেই ফ্রেট করে, আর ভিড়ও হবে। হয়তো সীমান্ত পার হওয়ার সময়ে—কি জানি আর একটা সীমান্ত পার হ’তে হবে কিনা—লোহার দরজাগুলোও এঁটে দেবে ওরা। কিন্তু এখানে আসল কথাটা—একটা ক্রাইসিস নয় ? ধর্মের ক্রাইসিসেও একটা যন্ত্রণা থাকে।

পাঁহাড়ের উপরে ইতিমধ্যে কাউকে দেখা যাচ্ছে, তার চেহারাটা আকাশের গায়ে কেটে বসেছে যেন। অবশ্য কাল রাত্রিতে সেন্ট সাইমনই হয়তো নিনার প্রার্থনার জায়গার কাছাকাছি দাঁড়িয়ে পাঁহাড়টাকে লক্ষ্য ক’রে থাকবে।

পাঁহাড়টাকে পার হয়েছে উদাস্তদের প্রথম দল, আর প্রথম দলেই নিনা পাঁহাড়তলির ছোট রেল স্টেশনে এসে পৌঁছেছে। তার আগে যারা এসেছে তাদের মধ্যে সেন্ট সাইমন আর জনের পরিবার আছে।

নিনা দেখতে পেলো, জন ইতিমধ্যে নিজেদের বসবার জায়গা খুঁজে নিয়েছে

পুরনো একটা পিয়ার গাছের নিচে, আর সেন্ট সাইমন লাইনের পাশে দাঁড়িয়ে যেন লাইনটাকে খুঁটিয়ে খুঁটিয়ে দেখছে। যেখানে তারা বসেছে তার থেকে দূরে, বরং বিকেলের আলোয় বাদামী হ'য়ে ওঠা একটা বনের কাছাকাছি, একটা গাড়ি দাঁড়িয়ে আছে ব'লে মনে হচ্ছে। অনেকটা দূরে চ'লে যাওয়া গাড়ির শেষে গার্ডের কামরা যেমন দেখা যায়। নিনা ভাবলো—আজই ব্যাপারটা প্রমাণ হ'য়ে যাবে। অল্প সকলে এসে পৌঁছানো পর্যন্ত এখন অপেক্ষা করা চলছে, কিন্তু সকলে পৌঁছে যাওয়ার পরেই যে গাড়িটার দিকে যাওয়ার জ্ঞাত প্রথমে উঠে দাঁড়াবে, সেই যে প্রকৃতপক্ষে এই দলটিকে নিয়ে চলেছে তা বোঝা যাবে। কিন্তু কে হবে সেই লোকটি? প্রফেসর, আইজ্যাক, জন কিংবা সেন্ট সাইমন? নিনা হাসলো মনে মনে আর সেই হাসির প্রভায়ে তার মুখখানি উজ্জ্বল হ'য়ে উঠলো—অল্প কেউ লক্ষ্য না করলেও সে এ সূযোগটাকে নষ্ট করবে না, বরং চোখ খোলা রেখে সে দেখে নেবে, যদিও উত্তেজিত হ'য়ে কোনদিকে লক্ষ্য না রাখবার যথেষ্ট কারণ থাকবে।

স্টেশনটা খুব ছোট এবং একেবারেই নির্জন। স্টেশনের ঘর বলতে একখানিই ঘর আছে, আর তার দরজাতেও একটা মরচে ধরা তালা ঝুলছে। স্টেশনের সীমাটাকে চারিদিকে দৃশ্যপট থেকে আলাদা করা বজ্র যে লোহার বেড়া ছিল তা অনেক জায়গাতেই নেই, যেখানে আছে সেখানে রংচটা, স্বতরাং মরচে ধরা, লোহার গায়ে শুকনো লিকেন। চোখে দেখা এই খুঁটিনাটিগুলো বিড়বিড় করে আঁওড়ালো সে, যেন আগে থেকে জানা কিছুর সঙ্গে মিলিয়ে মিলিয়ে নিচ্ছে। তার পরে সে ভাবলো, কিন্তু গাড়িটা হয়তো ওখানেই থাকবে, আর উদাস্ত দলটিকে ওখানে গিয়ে উঠতে হবে। ব্যাপারটা তো প্রকাশ্য কিছু নয়। ডানদিকে পাহাড়টা এখন গাঢ় বাদামী হ'য়ে উঠেছে, আর এখান থেকে পাহাড়ের গায়ে একটা গ্রাম চোখে পড়ছে—গ্রাম ঠিক নয়, বাদামী পর্দার মধ্যে দিয়ে দেখা দু-একটা বাড়ির সাদা দেয়াল, লাল ছাদ। নিনা অচুত্ব করলো, ওই গ্রামটার নিচেই, কিংবা আড়ালেই হয়তো, কয়লার সেই খনি যেখান থেকে কয়লা নেয়ার জ্ঞাত এই স্টেশন।

শুকনো পিয়ার গাছটার নিচে একটা পুরো সংসারই যেন গুছিয়ে নিয়েছে জন—শাশা, মিশা আর তাদের মাকে নিয়ে। ইতিমধ্যে ওরা খাবার ব্যবস্থা করে নিচ্ছে। তাদের যুক্তি এরকম হ'তে পারে, যে হঠাৎ কখন গাড়িটা এসে থামবে, আর তখনই তাড়াতাড়ি ক'রে উঠতে হবে সেই গাড়িতে। কিন্তু একটা কথা বোধ হয় ওরা বুঝতে পারে নি। নিনা ভাবলো। যদিও এটা নিনার আন্দাজ মাত্র, এবং তার পক্ষে এ সব বিষয়ে নিশ্চিত কিছু বলার মতো কোন অভিজ্ঞতাই নেই; যদিও

সে বারোয়ারী স্নানের ঘরে মিশাকে স্নান করতে দেখেছিল অনেকক্ষণ ধরে—এক সপ্তাহের স্নান একদিনে। অতীতকে শাশাকে যুবতী বললে মিশাকে কিশোরী বলতে হয়। জনের স্ত্রীর নিশ্চয়ই বুঝতে পারা উচিত, কিংবা সে হয়তো বুঝতে পেরেছে, কিন্তু তার ঠোঁটের দুপাশে চিন্তার চিহ্নের মাঝে মাঝে দুঃখের মেছোতা আছে—তার ফলে নতুন কোন চিন্তা-ভাবনার ছাপ আর স্পষ্ট ক’রে ফোটে না। অথবা—কথাটা নিনার মনে হঠাৎ নির্লজ্জ সাহস নিয়ে ফুটলো—হয়তো জনও জানে, কিন্তু এটাকে ওরা হয়তো নতুনের স্ত্রপাত বলে মনে করেছে। ওপারের প্রথম নতুন মানুষ। সম্ভবত এ ব্যাপারে মিশার অপরপক্ষ সীমান্তের ওপারে থেকে গিয়েছে, স্তত্রাং পুরনো বীজ থেকে নতুন চারাগাছ। মিশা এত ছোট, হয়তো তখন তার মৃত্যুও হ’তে পারে, ভগবান না করুন। কিন্তু নতুন প্রাণটুকুকে জনের স্ত্রী হয়তো বাঁচিয়ে রাখতে পারবে। এ যেন প্রার্থনার মতো পবিত্র কোন কথা। কিন্তু কেন মন জুড়ে যাচ্ছে এ কথায় তা সে বুঝতে পারছে না।

চোখ তুলতে সেন্ট সাইমনও আবার চোখে পড়লো। সে তখন রেল লাইন থেকে সরে এসেও দূরের রেল লাইনের দিকে চেয়ে দাঁড়িয়ে আছে।

তাকে দেখে, নিনা চিন্তায় যা খুঁজছিল তার যেন একটা অবলম্বন পেলো, মনে পড়লো, তার মায়ের মৃত্যুর পরে কফিনের ধারে যে প্রার্থনা করেছিল, সেই পাদরীর মুখেই পুরনোর বীজ থেকে নতুনের জন্মের কথা কিছু শুনেছিল।

ওদিকে পিয়ার গাছটার নিচের সংসারে তখন শাশা চর্বিতে কিছু ভাজছে। আর পাশে ব’সে মিশা চায়ের জল ফোটানো। তার মা জনের এক জোড়া মোজা হাতে নিয়েছে সারতে। শাশার চাটু থেকে পোড়া পোড়া একটা মিষ্টি গন্ধ উঠছে ঘোঁয়ার সঙ্গে। জনের স্ত্রীর হাতের কাঁটা দুটো মুছ দ্রুত শব্দে চলছে। জন তার হ্যাভারসাক থেকে তামাকের কোটো আর পাইপ বার করলো। তা করতে গিয়ে রোজনাংচার বইটাও চোখে পড়লো তার। এখন কিছু লিখলে চলে—এরকম একটা আয়াসের ভাবও এলো তার মনে। গাছটার দিকে সে চাইলো পাইপে তামাক ভরতে ভরতে। সমতল মাটির উপরে বাঁধানো পথ এরকম দেখা যায় না, পাহাড়ের গায়ের পথটাকে যেমন দেখা যাচ্ছে—যেন তার নিজের অতীত বলতে যা বোঝায় তারই একটা অংশ। কিন্তু প্রফেসরকে নামতে দেখলো জন। লোকটা মোটা, পিঠে হ্যাভারসাক, একটা বোঝাও। পাশে রুথ, তার হাতে একটা লাঠি। তার পিঠেও একটা বোঝা। কষ্ট হচ্ছে, ওদের নামতে দেখেই বোঝা যায়, হয়তো ওদের খুবই কষ্ট হচ্ছে। কষ্টের শেষটাই সব কষ্টের চূড়ান্ত হ’য়ে থাকে। স্টেশনে পৌঁছলেই তখন আবার সাহস ফিরে আসবে, এখন যদিও এ পথটুকু নামতে আশ

বণ্টা লেগে যাবে হয়তো। আর এক জন প্রফেসরের পক্ষে বাত হওয়া, অসম্ভব নয়, হয়তো বা আছেও তা যোগেশের। পাইপে আগুন ছোঁয়ালো জন।

স্টেশনটা খুবই ছোট—তাই ব'লে সে নিজের শহরের নতুন স্টেশনটার মতোও কিছু আশা করে নি—আর সম্ভবত এ সব ব্যাপারে এমন স্টেশনই উপযুক্ত, এবং এ বিষয়ে তার পূর্বের অভিজ্ঞতা যখন নেই তখন মেনে নেয়াই ভালো।

কিন্তু কিছু লিখবার কথা সে ভাবছিল—এই চিন্তায় ফিরে এলো সে। রোজ-নামচার খাতাটাকে বার করলো। কয়েকটা পাতা উলটে একটা সাদা জায়গা সে দেখতে পেলো। ঠিক সাদা নয়—উপরের দিকে লেখা আছে। ফার্মের বুড়ো অ্যাকাউন্ট্যান্ট ম্যালিঞ্জারকে বেরিয়ে আসার কয়েক দিন আগে বিদায় দিয়েছিল জন। লেখা আছে ম্যালিঞ্জার রিটায়া করবে। সেই সভায় ম্যালিঞ্জার কেন্দ্রে ফেলে বলেছিল—তাহ'লে আমি আজ থেকে ফার্মের কেউ নয় আর? যদিও সে মাইনে-করা কর্মচারীই শুধু। কিন্তু দেখো নিনা কেমন সামনের দিকে চেয়ে বসে আছে—গলাটা সামনের দিকে বাড়ানো। ওকেই উদ্গ্রীব হওয়া বলে। কিন্তু পথের পরিশ্রমে হাঁপাচ্ছেও যেন সে। তা'হলেও এটা স্বাভাবিক—একটা জীবনের হিসাব ক'রে করা পরিশ্রম—যা আদর্শের মতো পবিত্র ছিল—তা যদি একদিনেই নিরর্থক শূন্যতা হয়, তাহ'লে কষ্টের কারণ হয় না? তবু তো ম্যালিঞ্জার কর্মচারী ছিল। কিন্তু সময়েই সব হয়—এই স্টেশনটা পাওয়ার পরেও সময় ভবিষ্যতের দিকেই চলবে আরও অনেকদিন। ওপারেও বাড়িঘর আছে—কেমন কিনা?

কি ভাজছে আজ শাশা? জন মুখ তুললো—তারি স্নগন্ধ চর্বিতে ভাজা এই শাকটর।

আইজ্যাক তখন আর হামাগুড়ি দিয়ে চলছে না বরং সামনে হাত রেখে টাল সামলাতে সামলাতে সোজা হ'য়ে চলার চেষ্টা করছে। যোগেশের দলে লোক বেশী নেই ব'লেই যেন আইজ্যাক তার সঙ্গে ভিড়েছে, যদিও আসল কারণটা এই আইজ্যাক একা চলতে পারছিল না তার শ্বায়র দুর্বলতার জন্ত, আর যোগেশ অল্পদিনের তুলনায় ধীরে চলেছিল, যেহেতু সংসারের সমস্ত বোঝা স্ট্র্যাপে বেঁধে অনভ্যস্ত পিঠে ঝুলিয়ে পাহাড়ে উঠতে সে সহজে পারছিল না। সে ভাবছিল আরথুইটিস নামে যে রোগটা আছে তা সংক্রামক কি না, অথবা তা কি আকস্মিক, আর এ ভাবতে গিয়ে তার কপালে বাম ফুটে উঠছিল। কিন্তু পাশে কথ বার মুখ ছাই—এর মতো ফ্যাকাশে। অবশেষে যোগেশ তার গলার মধ্যে কিছু অনুভব করতে লাগলো, কপাল বেয়ে গাল বেয়ে যে বাম কপালের মধ্যে দিয়ে

ঘাড়ের উপরে নামছে, তার মতোই কিছু, যেন তা চোখের জল হ'তে পারে ।

ঠিক এই সময়ে আইজ্যাক আলোচনাটা শুরু করেছিল : ফ্রেট কারে আলো থাকবে না, আর তা কয়লার গুঁড়োতে ময়লা হবে । বেশ খানিকটা সময় তারা এ নিয়ে আলোচনা করতে পেরেছিল—কখনও গভীর হ'য়ে, কখনও লঘুভাবে, খুঁটিনাটি বিষয়গুলোকে মূল্য দিয়ে দিয়ে । অবশেষে তারা দুজনে একমত হয়েছিল ফ্রেট কার তার কয়লার গুঁড়ো এবং গুয়ট অঙ্ককার নিয়ে যুদ্ধের সময়ে যে সব ট্রেকে তারা কাটাতে শহরে বাস করেও, তার চাইতে খারাপ হবে না । এ আলোচনাটা পথ চলার ব্যাপারে তাদের অনেকটা সাহায্যও করলো ।

অবশেষে যখন রেলের লাইনটা চোখে পড়লো তখন তারা হঠাৎ স্তম্ভিত হ'য়ে দাঁড়িয়ে পড়লো । এইটাই তো প্রত্যাশার বিষয়, অথচ যেন বিশ্বাস হচ্ছে না । রেলজোড়া তখনও এক কিলোমিটার দূরে এবং তখনও তাদের সম্মুখে এক কিলোমিটার হাঁটুর জোড়া খুলে দেয়া উত্তরাই । আইজ্যাকের হঠাৎ মনে হ'লো, পিছনে যারা আসছে তারা কত পিছনে তা যেন দেখা দরকার । একটা অবীরতাই সে সম্ভবত বোধ করলো, ট্রেনটা খুব দেরি না করতেও পারে । যোশেপ, অবশ্য, রুথের দিকেই তাকালো । তার বিবর্ণ মুখে যেন একটা চিন্তার ছায়া নড়ছে । যোশেপ অহুভব করলো সে রুথকে বলতে পারবে—আমরা তাহ'লে পৌঁছে গেলাম দেখো ।

এখানে আমরা রুথের কথাও বলতে পারি, কারণ অদ্ভুত রকমে এক বিন্দুভি তার মনে কাজ করছিল । তার মন অহুভব করতে পারছিল না, যে প্রশ্নটা তার মনে একটা আকৃষ্টিত বেদনার সহযাত্রী হিসাবে দেখা দিয়েছে তা বিশ বছরেরও অতীত এক বিকেলের স্মৃতি । গভীর রাত্রির ব্যাপার যদি হয়, তবে তা হবে একটা পরিপূর্ণতার প্রতীক, দিন যেহেতু রাত্রিতে পরিপূর্ণতা লাভ করে ; আর যদি খুব সকালের দিকে ঘটে, তবে সেটা হবে আগন্তুক আশার ইশারা । এর পরে তার মনে পড়লো—এসব কথাই সে লজ্জায়, আশায়, আনন্দে, বেদনায় ক্লিনিকের সেই পোর্সিলেনের দেয়াল দেয়া ঘরে নার্সের সঙ্গে আলাপ করেছিল যেদিন তার ছেলে হয়েছিল ।

মাথাটা নেড়ে সে যেন অস্বীকার করলো, না, না, একথা সে ভাবতে চায় নি, ভাবে নি । দাঁত দিয়ে চোঁট চেপে ধরলো সে, চোরা চোখে যোশেপকে দেখলো, যাচাই করতে চাইলো তার কাছে তার চিন্তা ধরা পড়েছে কিনা । এ ব্যাপারটাকেই বিন্দুভি বলা যেতে পারে এ জন্ত, যে রুথ গোড়ায় ভাবছিল ফ্রেট কারটা গভীর রাত্রিতে ছাড়বে কিংবা খুব সকালে ।

চিন্তায় ফ্রেট কারটাকে ফিরে পেয়ে সেটাকেই তার মন ঝাঁকড়ে ধরলো। কিন্তু চোখের জল তার গালের উপর ঘামের সঙ্গে একাকার হ'য়ে গেলো। সন্তানহারা কোন মা—সেই যেন সব আশার প্রতীক—এরকমের একটা বক্তব্যকে, যা প্রার্থনার মতো পরিপূর্ণ এবং বহু পরীক্ষিত, তার মন স্মৃতিতে খুঁজতে লাগলো। যেন অন্ধকার হ'য়ে আসা কোন ক্রশের নিচে কোন মা, সে মা-ও কি আশা করছে না কোন এক সরাইয়ে পৌঁছে ছেলেকে ফিরে পাবে, কিংবা সেই শেষ সরাই-ই তার ছেলে।

নিনা আজ রান্না করতে পারলো না উৎকণ্ঠায়। এমন উৎকণ্ঠা তার একারই নয়। সন্ধ্যার পরে রাত্রি আসছে। প্ল্যাটফর্মের উপরে ততক্ষণে সব উদ্বাস্তুই এসে পৌঁছেছে। অগ্নি আলোকিত আকাশের নিচে তারা বিশ্রাম নিতে বসেছে। ক্লান্তিতে কেউ নিজের হাঁটুর উপরে মাথা রেখেছে, কেউ পুঁটুলির উপর শরীর ছেড়ে দিয়েছে, যেন মরুভূমির প্রান্তে বিশ্রামরত ক্লান্তিতে অঞ্চল একদল শান্ত মেঘ। কখন গাড়িটা এসে যাবে তার ঠিকানা নেই। কেউ শোয়ার কথা ভাবতে পারে নি।

নিনা একটা চাদর বিছিয়ে বসেছিল তার উপরে। দৃষ্টি কখনও কিছুক্ষণ আগে যেখানে রেল লাইন জোড়া দেখা যাচ্ছিল, কখনও যেদিক থেকে গাড়িটা আসতে পারে, সেদিকে ঘূমের পর্দা সরিয়ে সরিয়ে চলেছে। তখন কথাটা আবার তার মনে এলো ফিরে। সব ব্যবসায়ের মতো তার দোকানদারিতেও প্রতিযোগিতা আছে এবং প্রতিযোগিতা থাকলে যা হয়, সব দোকানেরই বিশেষ আকর্ষণ আছে নতুবা সব ক্রেতাই এক দোকানে যেতো। তা যায় না। নিনার কাছে ছাত্ররা আসতো, পাশের বিক্রেতা তাকে একদিন রসিকতা করে বলেছিল—নিনার ছেলেরা; আর পলিটেকনিকের সেই ছাত্রটা একদিন যা বলেছিল নিনাকে, বেশ মায়ের মতো দেখায়। এটাই হয়তো আকর্ষণ, এই মায়ের মতো গাভীর তার দোকানের নিজস্ব বৈশিষ্ট্য। কথাটা নিশ্চয়ই লজ্জার, কিন্তু ছাত্রদের আদর তার ভালো লাগতো না এমন নয়, এবং শেষের দিকে ছাত্রদেরই ভিড় হ'তো। কিন্তু সে এই চিন্তায় পৌঁছেছে মিশার কথা চিন্তা করতে গিয়ে, মিশা মা হবে—এই চিন্তা থেকে স্বরু করেছিল সে। সকলেই কি তা পারে—এই নতুন হ'য়ে ওঠা? একেবারে যেন প্রথম যৌবনে ফিরে যাওয়ার অব্যক্ত উচ্ছ্বাসের মতো। নিনা এই ভাবলো, কিন্তু প্রপ্ণটার উত্তরের দিক দিয়ে সে নিরপেক্ষ নয়, বরং খুব ছোট একটা সলজ্জ ইয়া শুনতেই যেন তার পক্ষপাতিত্ব। অ্যাভলনের ডাক্তাররাই, কিংবা নির্বিশেষে ডাক্তারী বিচাই যদিও এ বিষয়ে শেষ কথা বলার পক্ষে উপযুক্ত, তা সত্ত্বেও এখন এরকম বলা যায়—নিনার সেই অনেক ছাত্ররা নয়, নিনার একমাত্র ছেলে পরে যে

এক সময়ে ছাত্র হবে, আর মায়ের মতো গান্ধীর্থে পরিপূর্ণ এই শরীরটা যার প্রাণের অপব্যবহারে হেতু না হ'য়ে, প্রাণ হবে, স্নেহ হবে। রেল লাইন জোড়াও অনেক দিনের অপব্যবহারে মলিন কিন্তু তার সম্বন্ধে সেটাই শেষ কথা নয়। মিশা নতুন হ'য়ে উঠবে, যদিও সে পুরনো বীজই বহন করছে। স্বপ্নের মতো একটা অব্যক্ত আবেগের পরিমণ্ডল—পরম সার্থকতার প্রতীকের মতো একটা উষ্ণ শূন্য আলিঙ্গনে নিনা মগ্ন হ'য়ে রইলো। নিনার মনের বিস্মৃতির অন্ধকার গহ্বর থেকে, একটা অপরিচিত আশার মতো, যেন বাক্যটা মুক্তি পাবে। আমিই রেসোরেকসন। এই কথাটাকেই নিনা মনে আনবার চেষ্টা করতে লাগলো; তা না পেরে এই অনেকগুলো কথায় সে ভাবলো।

কিন্তু ভোর হওয়ার আগেই কেউ কথাটা ব'লে থাকবে, হয়তো নিঃসংশয়ে নয়, হয়তো অস্ফুট স্বরে, হয়তো ক্লান্ত কোন শ্রমিক যার উচ্চাশা কোনদিন নিরঙ্কুশ উচ্চতায় পৌঁছুতে অভ্যস্ত নয়, কিন্তু বলেছে কেউ।

ঠিক যখন প্রফেসরের চিন্তাটা পরিচ্ছন্ন হ'য়ে এসেছে, সে স্থির করেছে প্রায়—হয়তো আর একখানা বই-এ এই অভিজ্ঞতার আলোকে সত্যের কাছাকাছি কিছু বলতে পারবে সে, এখনও হয়তো তার জন্তে কিছু সময় অবশিষ্ট আছে, তখনই যেন কথাটা সোচ্চার হ'য়ে উঠলো। কোথায় ফ্রেট কার? একে কি রেল লাইন বলে? দিনের আলোয় প্রকাশ পেলো, যেন কাল দিনের আলো ছিল না, কিংবা শ্রমিকরা যখন তাদের ক্লান্ত দেহ টানতে টানতে এখানে এসে পৌঁছেছিল তখন দিনের আলো অস্পষ্ট হ'য়ে গিয়েছে, এখন দিনের আলোয় তারা বুঝতে পেরেছে যাকে পাহাড়ের গায়ে কয়লার খাদ মনে করেছিল তারা, সেটা ডিনামাইটের গর্ত। হয়তো কোন কালে পাহাড় ফাটিয়ে পাথর নেয়া হ'তো, হয়তো বিশ বছর আগে, হয়তো তখন ফ্রেট কার আসতো। দেখছো না মরচে ধরা লোহার রেল লুটোর নিচে প্লেট নেই।

মিশা ফুঁপিয়ে ফুঁপিয়ে কেঁদে উঠলো; আর দিনের উত্তাপ যত বেড়ে উঠতে লাগলো, উদাস্তর দল হাঁপাতে লাগলো তৃষ্ণায়, ক্লান্তিতে, যেন কাল এমন তাপ ছিল না দিনের। হাঁপিয়ে হাঁপিয়ে নিশ্বাস নিচ্ছে তারা, তা থেকে যেন অব্যক্ত একটা সাবধানী বাক্য উচ্চারিত হচ্ছে,—ভ্যান ব্রেনের মতো ক'রো না, কেউ যেন ভ্যান ব্রেনের মতো ক'রো না।

এটা কি মরুভূমি? রেল লাইনের ওপারের নেড়া পাহাড়ে ওঙলি কি ক্যাকটাস সত্যি সত্যি?

সাত দিন হ'য়ে গিয়েছে প্রাচীন ক্ষীয়মান একটা গ্রন্থ উপত্যকার বাঁক ঘুরেছে উদাস্তর দল। কোন এক সময়ে সবুজ ছিল এই পাহাড়ের গা—এখন খুসর, খুমল। কোথাও মনে হয় আগ্নেয়শিলার চাঙড়াগুলো ভেঙে পড়বে নিখাস পড়লে, কোথাও মনে হয় পায়ের তলায় গোল ক্ষয়িত শিলাগুলো পিছলে যাবে, আর সবটা মিলে পাথরের গুঁড়োর আঁধিতে তারা পথ হারিয়ে ফেলবে। নিখাসে নিখাসে ছাই-এর গুঁড়োর মতো পাথরের গুঁড়ো আসছে নাকে, মুখে জমা হচ্ছে।

এখনও ফেরেন্স ইঁপিয়ে ইঁপিয়ে চলেছে। অনেকটা ঢালু উঠতে হচ্ছে। এতক্ষণ হাতের লোহা বাঁধানো লাঠিটা সে পাথরে ঠুকছিল, তারপর হঠাৎ মনে হয়েছিল ব্রথা শক্তিক্ষয় হচ্ছে। ফেরেন্স থুথু ফেললো। থুথুটাও আঠার মতো, মুখ থেকে সহজে সরছে চায় না। যে রকম মনে হচ্ছে, বরনা বা নদীর দেখা না পেলে কাল সারা দিন জলের খোঁজেই কাটাতে হবে। হাত দুটো মুঠ হ'য়ে উঠলো ফেরেন্সের। একটা হতাশ নিরুপায় ক্রোধ চাপা প'ড়ে প'ড়ে অবশেষে স্থায়ী খিটখিটে মেজাজে পরিণত হবে ব'লে মনে হয়েছিল। এখন সে সামনের দিকেই যেতে চায়। ফেরেন্সের মুখটা কালো, আরও কালো দেখাচ্ছে ময়লার জন্তে, শুধু তার চকচকে ধারালো চোখ দেখে, যা মাঝে মাঝে নিশ্চিন্ততাকে কাটিয়ে উঠছে, আর তার চিবুকের কাঁচা পাকা গোটি দেখলে মনে হয়, সে হয়তো নিছক শ্রমিক নয়।

কিন্তু এই পাহাড়ের চূড়াটা এখানে থাকবে পথের উপরে, দিন যখন ক্রান্ত অবসাদগ্রস্ত, তা এতক্ষণ বোঝা যায় নি। ফেরেন্স বোলাটা পিঠের উপরে ঠিক ক'রে নিয়ে হাত আর পায়ের সাহায্যে উঠতে লাগলো। প্রথম দু মিনিটেই তার হাতের তালুটা একটা ধারালো পাথরে কেটে গেলো, ছাই ঢুকে জালা করতে লাগলো।

নিনাও আবার চলেছে। পা টিপে টিপে চলার মতো ভঙ্গি তার। তার একমাত্র তুলনা হ'তে পারে ধ্বিভা একটা নারীর সঙ্গে, তেমনি সর্বস্বলুভিতা, তেমনি ভবিষ্যৎ মুছে যাওয়া; তার চোখে মুখে ধুলোর আন্তরণ, তার পোশাক ছিন্নভিন্ন। যদিও তার সম্বন্ধে, মনে হ'তে পারে, এ কথাটা বলার খুব বেশী মূল্য নেই।

হুদিনের পথে ছড়িয়ে প'ড়ে উদাস্তরা আবার চলেছে, যেন শামুকের মতো বৈষ্য তাদের। ঘোষণা বা আইজ্যাক অথবা সপরিবারে জন কোথায়, আগে না পিছনে তা সে জানে না। সকাল থেকেই তার সামনে একজন চলেছে, তাকে দেখে যদিও সে বুঝতে পারছে না সেও উদাস্ত কিনা, তাকেই সে অনুসরণ করে চলেছে, কারণ কাউকে অনুসরণ না করলে যেন সে আর চলতেও পারবে না।

এখন আর ভেবে লাভ কী? (এই কথাটাই হুঁরিয়ে ফিরিয়ে ভাবতে চেষ্টা

করছে নিনা) —দলের চেহারাটাও বদলে গিয়েছে—এ যেন অল্প কোন দল। কিন্তু তাতো নয়, পুরনো সেই দলটাই এমন হয়েছে। অবশ্য তার একটা বাস্তবসম্মত কারণও প্রত্যক্ষ—যোশেপ, জন, আইজ্যাক নেই, তাদের বদলে, গ্যাংম্যান সিয়ার, ট্রাক্টর ড্রাইভার ফ্লিট আর ফেরেন্স আছে।

কিন্তু প্রত্যক্ষর আড়ালেই যেন এই পরিবর্তনের কারণটা লুকিয়ে আছে, এর কম অনুভব করছে নিনা আর সেই কারণটার এমন অপ্রাকৃত প্রভাব থাকা সম্ভব, এটা মেনে নিতে গিয়ে অবাক হ'য়ে যাচ্ছে। তখন সেই রেল লাইনের ধারে নিনা গিয়েছিল প্রফেসর যোশেপের কাছে—প্রফেসরের মতো কে আর এত জানতে পারে—যেন প্রবঞ্চনাটাকে তখনও সে যাচাই ক'রে নিতে চায়, যদিও প্রবঞ্চনার দিনটা গড়িয়ে গড়িয়ে তখন তৃষ্ণার একটা জ্বালায় সন্ধ্যায় পৌঁছে গিয়েছে, তখনও তবু যেন যাচাই করার মতো কিছু অবশিষ্ট আছে। কিন্তু প্রফেসরের স্ত্রী রুথ তখন যেন বার বার তার গায়ে জলন্ত কোন অ্যাসিড ঢেলে দিয়েছিল। তার কথাটার পিছনে হয়তো বিশ্বাসের জোর ছিল, হোক তা ভুল বিশ্বাস, আর কিছুক্ষণ নিনাও যেন সেই বিশ্বাসকে আশ্রয় করেছিল, কিংবা সেই বিশ্বাসই তাকে মুহূর্ত্তমান করেছিল, আসল কথা একটা অমুভূতির অন্ধকারে তলিয়ে যেতে যেতে সে ভেবেছিল, তার অপবিত্রতাই এ প্রবঞ্চনার কারণ। কথাটা অ্যাসিড নয়, বোধ হয় বিষ, আর তখন মানুষগুলি যেন বঞ্চনার জ্বালায় সরীসৃপের মতো ছুবেলে দিতে প্রস্তুত হয়েছিল। নিনার ক্ষেত্রে বলা যায় সে নিজেকেই শতবার দংশন করেছিল, আর সেই রাক্ষুসেই সে নিজের হাতে নিজের পুতুল ভাঙার মতো প্রমাণ করেছে, সেন্ট সাইমন তার অল্প অনেক ক্রোড়ের মতোই একজন সাধারণ মানুষ, যে উদাস্তও বটে। সে যন্ত্রণায় অস্থির হ'য়ে সেন্ট সাইমনের কাছে প্রার্থনা করার মতো অমৃতপ্ত মন নিয়ে গিয়েছিল কি না—এখন এ প্রশ্ন অবান্তর। অথচ এই ঘটনাটাই যেন স্বপ্নে পাশ ফেরার মতো কোন ব্যাপার, যার ফলে দলটাই বদলে গিয়েছে ব'লে অনুভব করছে নিনা।

চলতে তার কষ্ট হচ্ছে এই পাহাড়ের ঢালু গা বেয়ে উঠতে, যদিও তার হতাশার মধ্যে একটা যান্ত্রিক একওঁয়েমি আছে এখনও। পাহাড়ের গা ধ'রে ধ'রে সে আরও কিছুদূর এগিয়ে গেলো, কিন্তু সামনে না-চেয়ে পিছনে চাইলো সে। ফেরেন্সকে সে দেখতে পাচ্ছে, তা সত্ত্বেও সে একটা পাথরের উপরে ব'সে পড়লো।

রেলের গ্যাংম্যান সিয়ারই হয়তো সেই লোক যে প্রথমে কথাটা বলেছিল—প্রবঞ্চনার কথা, অন্ততঃ তার পক্ষেই তা স্বাভাবিক কারণ পরিত্যক্ত রেলজোড়ার অবস্থা দেখে সে নিশ্চয় বুঝতে পেরেছিল, তার উপর দিয়ে ভবিষ্যতের সব আশার

প্রতীক সেই ফ্রেট কারটার আসা সম্ভব কিনা। কিন্তু অসীম ধৈর্যের মতো কিছু—
 যাকে সে অনুভব করছে অন্ধকার রাত্রির কানায় কানায় ভরা কালো জলের মতো,
 সে নিজের বুকের মধ্যে ধরে রাখবার চেষ্টা করেছে। সে ইতিমধ্যে স্থির করেছে
 ফেরেন্সের সঙ্গে এখন কয়েকটি দিন দেখা যাতে না হয় তেমন ভাবেই সে চলবে।
 ততদিনে তার চিন্তাটা শীতল হওয়ার সুযোগ পাবে। জারোর পাশে পাশে কাল সে
 হেঁটেছিল আর তখন জারো বলেছিল বোশাম্পের কথা। জারোর কাঁধে যেখানে
 মেশিন গানের গুলিটা ছুঁয়েছিল সেখানে মাংসে পচন ধরেছে বলে সন্দেহ হয় গন্ধ
 থেকে। জারো হয়তো তা জানে না। আর জারো আরও কিছু জানে না। ফেরেন্স
 এর আগে সিমারকে বোশাম্পের কথা বলেছে—তা এই যে বোশাম্প স্কুলের
 ফরাসী ভাষার মাস্টার আর ফেরেন্স কাস্টমস-এর কেরানী হ'লেও তারা দুজনে
 এক সঙ্গেই একই কোম্পানিতে থেকে যুদ্ধে যোগ দিয়েছিল, এবং একদিন এমন
 হয়েছিল কোম্পানির মৃত্যুবশেষ তিন জনের মধ্যে তারা দুজন ছিল, আর সেদিনই
 সেই যুদ্ধক্ষেত্রে প্রথম বোশাম্পের জামার নিচে ব্যাজটাকে দেখতে পায় ফেরেন্স।
 জারো যা বলেছে তা স্মরণে ফেরেন্সকে বলা যায় না অন্ততঃ এখন বলবার মতো
 স্থিরতা নেই সিমারের, হয়তো তার মুখটাও কালো হ'য়ে উঠেছে, আর নিজের
 মুখের মধ্যে যে লোনা আর তরল কিছুর স্বাদ পাচ্ছে যাকে রক্ত বলে মনে হয়
 হয়তো, তা তার মনের উপরে জারোর গল্পেরই ফল, যেহেতু জারো বলেছে রেল-
 স্টেশনের ছোট কফি হাউসেই বোশাম্পকে তার নিজের রক্তে স্নান করানো
 হয়েছিল, রসূইকরই স্রু করেছিল ব্যাপারটা আঙুন খোঁচানো লোহা দিয়ে। অথচ
 সে লিসার কথাই ভাবতে গিয়েছিল।

সিমার লিসার কথা ভাববে তা আশ্চর্য নয়। ইউনিয়ানের হলে গিয়েছিল
 তারা যাত্রার আগে শেষবারের মতো সমবেত হওয়ার জন্তে, কিন্তু ব্যারাকের কাছে
 ফিরে সিমার এবং তাদের মতো অনেকে দেখতে পেয়েছিল, ব্যারাকের দরজা-
 গুলোয় তালা ঝুলছে, আর সেই বন্ধ দরজাগুলোর সামনে স্টেনগান হাতে পাহারার
 সারি। উদ্বেগ খুব সহজে বোঝা গেলো। যাতে ব্যারাকের ঘর থেকে শ্রমিকদের
 জীরা, ছেলেমেয়েরা বাইরে আসতে না পারে। ব্যারাকের একটা তালাবন্ধ ঘরে
 সিমারের জী লিসা থেকে গিয়েছে। সিমারকে দেখতে পেয়ে জানলার গরাদে মাথা
 ঠুকে কাঁদছিল সে তখন।

সিমারের মুখটা কঠিন হ'য়ে উঠলো, সে দেখতে চেষ্টা করলো ফেরেন্সকে দেখা
 যায় কিনা, কিন্তু সে আগ্নেয় শিলার কালো একটা ভূপকেই দেখতে পেলো, আর
 তখন উঠবার পরিশ্রমেই যেন সে হাঁপাতে লাগলো কারণ পথটা চড়াই।

নিনা উঠে দাঁড়িয়েছিল, কয়েক পা চলেও ছিল, কিন্তু আবার প'ড়ে গিয়েছে। হাত দিয়ে সামলেছে ব'লে চোট লাগে নি, কিন্তু ভয় কিছু গিলে ফেলেছে। অবাক হ'য়ে সে ভাবলো এত অশ্রুমনস্ক সে হয়েছিল কি ক'রে? যেন তার মন একটা গভীর গহ্বর বা থেকে স'রে যেতে গিয়ে সে প'ড়ে গেল। কিছু একটা ভাবতে গিয়েই এমন একটা ধাঁধা তৈরী হয়েছে মনে। তারপর সে অনুভব করলো, একটা অযৌক্তিক অসম্ভব কিছু ক'রে বসেছে সে—প্রায় আধঘণ্টা ধ'রে কারো কাছে থেকে পালানোর জন্তে সে এই পিছল পথে ছুটছিল অশ্রু ষাড়ীদের বিশ্রামের সময়ে, আর যার কাছে থেকে পালানোর এই চেষ্টা সে যেন মৃত কেউ।

কিন্তু আসলে ভয় নয়, নিনা চারিদিকে চেয়ে চেয়ে দেখলো যেন সে-ই এই প্রথম দেখছে ব্যাপারটা, যতই সে ধ'রে নিয়ে থাক সাময়িকভাবে লাভার ভয়ে ঢাকা উপত্যকায় সে ছুটেছে, ধুলোর মতোই হালকা তুষার যা কাল থেকে পড়ছে। আর আসলে দলের সকলের আগে এই এখানে সে ছুটে এসেছে। নিজের কাছে থেকে পালানোর জন্তেই, যেন নিজেকেই খুব ভয় পেয়েছে সে, কিন্তু একটা প্রশ্ন তাহ'লে থেকে যায়, ভয়ই বা পেলো কে? হাত দুখানা যেন মচকে গিয়েছে এরকম ব্যথা করছে, কাঁকি দিয়ে দিয়ে সে হাত দুটোকে সহজ করার চেষ্টা করলো। তা হ'লে এই দাঁড়ায়, ভাবলো নিনা, তার জীবনের সবগুলি রাত্রি মিলে একটা মৃত্যু, কিংবা সেই মৃত্যুগুলির প্রতীক তার দেহ। জীবনের আধারে মৃত্যু। এরকম কোন কথা হয় নাকি? আর তার কাছে থেকে পালাচ্ছিল সে?

ফ্লিট কাল পর্যন্ত ভেবেছিল বরফপড়ার মতো উঁচু পাহাড়ে উঠে পড়েছে তারা, কিন্তু আজ সকাল থেকে হিসেব ক'বে নিজেই সে বুঝতে পেরেছে পরে, উঁচু বটে, অনেক উঁচুতেই তারা, বিশেষ ক'বে এই শেষ তিন দিনে, কিন্তু তুষারপাতের কারণ প্রথম শীতের অবতরণ। শীত এসে পড়েছে তা হ'লে।

হ্যাঁ, এখন থেকে এসবই দেখবে সে, ঋতুর পরিবর্তন, পাহাড়ের বাঁক, আকাশের চেহারা। এসব মিলে এমন একটা কিছু হ'তে পারে, যা একটা গোঁলকের মতো, যার মধ্যে বাস করা যায়। এ ব্যাপারে তার মস্তিষ্কও সায় দিচ্ছে। মস্তিষ্কের যেন লেবুর মতো একটা ত্বক আছে, সেই ত্বকটাই যেন এখন স্পর্শ পাচ্ছে; ভিতরের কোমল অংশটুকু যা সার, যার অনুভূতি আছে তা যেন গুঁকিয়ে গিয়েছে—স্বাতি এবং যুক্তি সমেত। অর্থাৎ একেবারে নিকট এবং বর্তমান যা, স্থান ও কালের দিক দিয়ে, তার বাইরে সে যাবে না। কাল একটা নিউটকে দেখে একটা বিকেল সে কাটাতে পেরেছে। আজ এই তুষার নিয়ে কাটাতে পারে সময়।

ফেরেল এই তিনদিন ধ'রে সিমারকে বোশাম্পের কথা বোঝানোর চেষ্টা

করেছে, সিমারের কাছে বোশাম্পের পরিণতির কথা শুনবার পর থেকেই, কিন্তু কাল যখন রাত্রির বিজ্ঞানের জ্ঞান তারা বসেছে পথের ধারে, তখন কিন্তু বোশাম্প মতো অস্পষ্টতার মতো কিছু একটা তার চিন্তাকে ঢেকে দিচ্ছিল, আর তারই ফলে বোশাম্প সম্বন্ধে সে এতদিন যা বলেছে এবং ভেবেছে, তা সবই যেন নতুন ক'রে ভেবে দেখা দরকার হ'য়ে পড়েছে। তুলনাটা এই হ'তে পারে বোশাম্প অনেক আশা নিয়ে চলেছিল, অল্প অনেকেই তাকেই অনুসরণও করেছিল, কিন্তু অস্পষ্ট অস্বকারের রাত্রিতে শহরের এমন একটা অংশে পৌঁছেছিল, যেখানে পথ তার অপরিচিত আর গলির সংখ্যাও অগণ্য। দু-তিনবার সে বলেছিল—এই পথ, এই পথ, আর প্রতিবারেই সেই একই চেহারার প্রায় নিবে যাওয়া ল্যাম্প-পোস্টটার নিচে এসে পৌঁছেছিল সে, এবং তখন লজ্জায়, হতাশায়, আর একবার ব্যর্থ চেষ্টা করার তাগিদে সে নিবাক হ'য়ে গিয়েছিল, তখন সম্ভবত পোকারের আঘাত-গুলোও সে বুঝতে পারছিল না। তখন রাজপথে হুক, ক্রুক, হতাশ মানুষেরা বেরিয়ে পড়েছে, তাদের মুখ কঠোর একটা হিংস্রতায় কালো, কারণ তারা অসুস্থ করেছিল কেউ তাদের ঠকিয়েছে, যে পথ নিজের জানা ছিল না সে পথেই তাদের টেনে এনেছে।

ফেরেল আরও কয়েক ধাপ হাত ও পায়ের সাহায্যে উঠে মুখ তুলে দাঁড়ালো, যেন কিছু একটা তখনই ভেবে নেয়া দরকার হ'য়ে পড়েছে, যদিও এই তুষারে পিছল ঢালু পাহাড়ের গায়ে পথ ছাড়া আর কিছু চিন্তার বিষয় হওয়া উচিত নয়। এমন কি হ'তে পারে, বোশাম্প ঠিক মূল কথাটাকে জানতো না? আর এই প্রশ্নটাই যেন সেই বিষয় যাকে ভালো ক'রে লক্ষ্য করবার অঙ্কে সে চোখ তুলে চেয়েছে। হয়তো জানতো না, যার ফলে অনেক যুক্তি যা মূল কথাটার দিকে এগিয়েছে ব'লে মনে হয়েছিল, তার কাছে প্রকৃতপক্ষে সেগুলো বন্ধ-গলি। যে জানতো সে সম্ভবত বোশাম্পকে অথবা বোশাম্পের মতো অনেককে চলতে নির্দেশ দিয়ে দূরে দূরে থেকেছে, কিংবা নিজের ভুল বুঝতে পেরে আত্মগোপন করেছে। এই চলার পথ যেমন একটা প্রবন্ধনায় শেষ হ'তে পারে, তেমন কিছু হয়েছে তাদের যারা অনুসরণ করেছিল। অল্পদিক দিয়ে দেখতে গেলে, এই উপত্যকার অনেক কষ্টের পথ চলার মতো বোশাম্পের ধৈর্য ছিল। যন্ত্রের মতো ভাঙিতে চড়াইটাকে বাগে আনবার চেষ্টা করতে লাগলো তখন ফেরেল, যন্ত্রের মতোই আশা আর হতাশার অতীত হ'য়ে রইলো তার হঠাৎ উদাস হওয়া মন।

সাতদিন ধ'রে বরফ পড়ার পর আজ আকাশটা পরিষ্কার হয়েছে আবার, অবশ্য সাতদিনে আর তিনদিনে কি তফাত এখন? কাঁধের বা-টার পক্ষে এই

তুষারটাকে বরং ভালো মনে হচ্ছে আরোর কাছে। সেজ্ঞেই সে কাল অনেক তুষার দিয়েছে কাঁধে, থাণা থাণা তুষার তুলে তুলে। কিন্তু আরো নিজেকে শোনালো কথাটা, এখন সে পথের উপরে কাজেই প্রস্তুত যা দাঁড়াচ্ছে তা এই পথ নিয়েই বলা যেতে পারে : অ্যাভলনের সরাই ছাড়া অন্য কিছুই হ'তে পারে না। আর এটা যেমন খাঁটি কথা তেমনি আর একটি ব্যাপারকেও মানতে হবে : এই অপরিচিত পথে পথ চেনে এমন কেউ হয়তো আছে, নতুবা অ্যাভলনের সরাই থেকে আগে তারা যেমন দূরে ছিল তেমনি আছে। কিন্তু এখন আর ব'সে থাকাও চলে না, কারণ অনেকটা এগিয়ে গিয়েছে আর সকলে, এমনকি সেই কৃষকটিও যাকে দু-একজন এখন সেন্ট সাইমন ব'লে ডাকে। কৃষক কিংবা মেম-পালক, তা ছাড়া আর কি হ'তে পারে ? শ্বক্ আর তোবড়ানো ক্যানভাসের টুপি দেখে তাকে অন্য কোন দলে ফেলা যায় না, যদিও তার এই ঝুলঝুলে আলখাল্লার মতো শ্বক্‌টায় রঙের মিজীর মতো এখানে ওখানে রং লেগে আছে ব'লে মনে হয়। এ থেকেই ভাবতে অবাক লাগে তার সেই দূরগ্রামে, যেখানে কোন কৃষকের মজুর ছিল সে হয়তো, কিংবা সেই পাহাড়ের উপত্যকায়, যেখানে হয়তো সে মেম-পাল চরাতো, সেখানেও রাণধানীর এই ওলোটপালটের সংবাদ গিয়েছিল। অবশ্য তার মুখোশ দেখে তার মনের কথা জানবার উপায় নেই, যেমন সব মুখোশের বেলাতেই হ'য়ে থাকে, এমনকি এমন দু-একজনও আছে মুখোশ ছাড়াও যাদের চেনা যায় না, যেমন নিকোলা। আরো এই সময়ে এদিক ওদিকে তাকালো যেন কেউ তাকে দেখে ফেলেছে। আসলে ব্যাপারটা এই, নিকোলার কথাটাকে মনে না আনার জ্ঞেই সে নিজের কাঁধের ব্যাথা দিয়ে এবং অ্যাভলনের আশা দিয়ে মনকে ভ'রে তুলবার চেষ্টা করেছিল, কিন্তু সে এখন অহুভব করলো নিকোলার দামী স্মার্ট, সোনার চশমা, আর মৃগ আলোপ থেকে তাকে তুল চেনা হয়েছিল, যেন তা একটা মুখোশের আড়ালে ব'লেই—একথাটা প্রকৃতপক্ষে সেন্ট সাইমনকে দেখেই তার মনে হয়েছে আজ সকাল থেকে।

কিন্তু এখন আর থামলে চলবে না, কারণ সকাল থেকেই শোনা যাচ্ছে আর শ'হুয়েক ফুট উপরেই পাহাড়ের মাথা, তার ওপারে পথ নিচের দিকে নেমেছে উপত্যকায়, এরং হয়তো তা এমন কিছু যা আশার অতীত, অন্ততঃ ওদিকে সম্ভবত তুষারের এই হুঃসহতা নেই।

নিনা এখন চোখে খুব কমই দেখতে পাচ্ছে, চোখের উপরে হাত রেখে তুষারের উপর ঠিকরে আসা আলো থেকে চলবার চেষ্টা করেছে সে দুদিন থেকে। উদাস-দের পায়ে পায়ে নরম তুষারের উপরে যেন লাঙ্গলের চাব পড়েছে, তুষার সরে

গিয়ে কাদা বেরিয়ে পড়েছে—পিছল কাদা বা তুবার আর লাভার ঝঁড়োয় তৈরী। কাল, তখন সন্ধ্যা হবে, হঠাৎ জোরে জোরে আলাপ করা করেকটা কথা সে শুনতে পেয়েছে, যদিও এমন হ'তে পারে তা তার মনের মধ্যেই কেউ ব'লে থাকবে ; এ সব কথা কে বলে তা অনেক সময়েই ধরাও যায় না অবশ্য ; কিন্তু কথাটা এই, পাহাড়ের চূড়া থেকে দেখা গিয়েছে একটা সবুজ অধিত্যকা, সবুজ অধিত্যকায় আইভির লতা সমেত। আইভি ছাড়া আর কি ? যদি তা আঙুরের না হয়। বাড়ি ঘর, হলুদ দেয়াল, লাল ছাদ, আর তাদের একপাশে সাদা গম্বুজের চার্চ। যেখানে তারা দাঁড়িয়েছিল তা থেকে কিছু নিচে, হয়তো পৌঁছুতে একদিন লাগবে, তা হ'লেও অ্যাভলনের সরাই। এবার আর প্রবঞ্চনা নয়, যদিও এ সংবাদ আসবার সঙ্গে সঙ্গেই আর একটি সংবাদ এসেছে, এবং তা আইজ্যাক সম্বন্ধেই ; সে নাকি পথ হারিয়ে নয়, বরং তা ছাড়িয়ে পাহাড়ের ঢালু বেয়ে কোথাও নেমে গিয়েছে, কবে তা কেউ জানে না। কতকটা প্রত্যাশিত কারণ অনেক পিছনে থেকেও সে আর চলতে পারছিল না, তাহ'লেও হঠাৎ যেন দেখা যাচ্ছে সে নেই। কালো কোলা কোলা চৌঁট দুখানা বাঁকা ক'রে ক'রে সে নিশ্বাস নিলো থেমে থেমে আর তখনই স্মরণ করলো, প'ড়ে গেলে চলবে না, এর আগে কোথাও সে শুনেছে এরকম অবস্থায় প'ড়ে গেলে কেউ ওঠে না। এখন কাছাকাছি কেউ নেই। চার পাঁচ দিন আগে সেন্ট সাইমনের সঙ্গে তার একটা বাঁক ঘুরতে মুখোমুখি দেখা হয়েছিল। নিনার মনে এমন একটা ভাব এসেছিল যা বহু অভিজ্ঞ একজন ব্যবসায়ীর পক্ষে প্রায় অস্বাভাবিক, একটা থমকে দাঁড়ানোর ভঙ্গি যা কতকটা লজ্জার মতো। কিন্তু সেন্ট সাইমন যখন চ'লে যাচ্ছে, নিনা স্পষ্ট ক'রে তার নাম উচ্চারণ করে ডেকেছিল। এটা একটা অদ্ভুত ব্যাপার শরীর দুটোর পরিচয়ও এক রকমের কমরেডারি তৈরী করতে পারে যেন, নতুবা সেন্ট সাইমন তার পুরনো শক্ত কুটিটা ছিঁড়ে খানিকটা নিনার দিকে এগিয়ে ধরবে কেন ? এখন আবার কাদা কাদা তুবারের দিকে চোখ পড়লো নিনার। যাত্রীদের পায়ে পায়ে পিছল ভাষা শিলার ঝঁড়োয় কালো যে তুবার। কিছু পেলো সে অবশ্য খেতে পারতো, আর এ পথে আসবার পরে সেন্ট সাইমনের সঙ্গেই সে কুটি ভাগ ক'রে খেয়েছে। নিনার ফুলে-বাওয়া কালো চৌঁট দুটো কিছু খাওয়ার ভঙ্গিতে নড়তে লাগলো যুহু যুহু। তারপর আবার থেমে থেমে নিশ্বাস নিলো সে। কিছু একটার কারণ দেখালো সে—কারণ কথাটা শেষ পর্যন্ত তার মনের ছবি না হ'য়ে কারো কাছে হয়তো সে শুনেছে। এবার আর প্রবঞ্চনা নয়।

জারোর কথায় আবার ফিরতে পারি আমরা, যেহেতু জারো বেশ স্বচ্ছ ক'রে চিন্তা করার চেষ্টা করছে। জারো বসেছিল, উঠে দাঁড়ালো একটু সামনের দিকে

ঝুঁকে, যদিও এভাবে হাঁটতে কষ্ট হয় কাঁধে, এ ছাড়া অন্য কোন ভাবে সে চলতেও পারছে না। শেষ দিকে নিকোলাও এমন করে ঝুঁকে চলতো।

পার্লামেন্টের সেই সময়ে কিন্তু সে সোজা হয়ে দাঁড়িয়েছিল, আর সভ্যদের মাথার উপর দিয়ে তার তর্জনী দেখা যাচ্ছিল যার সাহায্যে স্পীকারকে সে অভিযুক্ত করছিল তার শেষ বক্তৃতায়। কিন্তু মেজরিটির টেবলের মাইকগুলো থেকে বিশ্বাস-ঘাতক, সমাজদ্রোহী ইত্যাদি শব্দের ঝড়ের মধ্যে তার গলা শোনা যাচ্ছিল না, তার উপরে তার টেবলের মাইকটার তার কেউ ছিঁড়ে দিয়েছিল। নিকোলার গাল বেয়ে ঘাম আর চোখের জল ঝরে পড়ছিল। পার্লামেন্টের স্টেনো লিখে রেখেছিল — তার বক্তৃতা কিছু শোনা যায় নি। খুব স্বাভাবিক, খুব স্বাভাবিক। কিন্তু নিকোলা পার্লামেন্টে এসেছিল ব্যাপারটা জেনেই, মেজরিটি সভ্যদের আসনে পাটির বিশেষ সভ্যরাই থাকবে যাদের কাছে সংবিধানটাই ছিলো। প্রতিক্রিয়াশীলদের, একটা অর্থহীন আইনের খসড়া, নিকোলা জানতো বিরোধী দলের পঁচাত্তরজন সদস্যের একজন তাকে সেদিন হস্তোত্তে বিশ্বাসঘাতকতার অজুহাতে গ্রেপ্তার করা হবে। তা সত্ত্বেও সে পার্লামেন্টে গিয়েছিল। আর উঠে দাঁড়িয়ে বলেছিল পবিত্র সংবিধানের নামে সে স্পীকারকে সম্বোধন করছে।

হয়তো কাঁধে একটা অপারেশন দরকার হবে, আর সেটা অসম্ভবও নয়, কারণ এখন তারা আশা করতে পারে, জায়সঙ্গতই সে আশা, অ্যাভলনের সরাই আর দূরে নয়। এবং এ থেকেই প্রমাণ হচ্ছে যেন নিকোলা এবং বোশাম্পের পরে আর একটা পথ আছে যা অ্যাভলনের দিকে চলে গিয়েছে।

কিন্তু নিকোলার সাহস ছিল, ইঁ্যা তাকে সাহস ছাড়া আর কিছুই বলা যায় না, যেহেতু সে জানতোই এমন ব্যাপার হবে, এমন কি পার্লামেন্টের সিঁড়িতে উঠতে উঠতে যখন তার গায়ে ধাক্কা দিয়ে বিদ্রূপ করেছিলো কোন কোন সদস্য, তখনই বুঝতে পারা গিয়েছিল।

যে কথাটা জারো ভাবতে চাচ্ছে তা এই : নিকোলাকে কিন্তু বর্তমানে বিশ্বাস-ঘাতক প্রমাণ করাই যথেষ্ট বিবেচনা করে নি ওরা, বরং মানবতার নামে এই অভিযোগ করা হয়েছিল, নিকোলার বন্ধুপ্রীতি অস্বাভাবিক, যাতে তার অতীতের যুদ্ধে প্রতিরোধের ব্যাপারটা লোকে আর মনে না রাখে, আর সেই দলিলে নিকোলার আবাল্যবন্ধু জারো স্বাক্ষর দিয়েছিল। কিন্তু কিছুই কি এসে যায় কারো এখন ? যদিও জারো যে উত্তাপটা অনুভব করছে হয়তো তা নিকোলার সাহচর্যের অভ্যস্ত স্মৃতি। এসে যায় না কিছুতেই আর, কারণ যদিও তিন দিন ধরে ধরে চলে চলেও অ্যাভলনের অধিত্যকায় নামার পথটা পাওয়া যায় নি, এটাও সত্যি

পাহাড়ের কিনারায় পৌঁছেই দেখা যায়, পর পর তিন দিন পথ বদলে চলেও দেখা গিয়েছে, অ্যাভলন যেখানে ছিল ঠিক সেখানেই আছে, খুব দূরেও তারা স'রে আসে নি।

ব্যাপারটা ফ্লিট অভ্যাসে আনার চেষ্টা করেছিল, কিন্তু তাতে তার স্বাভাবিক দৃষ্টিই যেন নষ্ট হওয়ার উপক্রম। খুব কাছে দৃষ্টি আটকে রাখতে গিয়ে সে কিই বা দেখবে আর সহযাত্রীদের পোশাক, কিংবা তাদের মুখ দেখা ছাড়া, কারণ এখানে এই তুষারে নিউট, নেই, ক্রোকাস ফোটাও সম্ভব নয়। এখন একথাটা সকলের মুখেই শোন যাচ্ছে, অ্যাভলনের শহরটাকে দেখা গিয়েছে, যদিও এক সপ্তাহ হ'য়ে গেলো তারা তাকে কেন্দ্র ক'রেই এক পাহাড় থেকে আরও পাহাড়ে উঠে, এক পাহাড় থেকে অন্য পাহাড়ে নেমে ঘুরে ঘুরে চলেছে। আকস্মিক ভাবে, এবং প্রবল ভাবেও বটে, অহুভূতিটা হ'লো তার, কতকটা কোতুকের সঙ্গে মিশানো কোতুহল : ফেরেন্সের বুদ্ধি ? কিংবা কাঁধ হুইয়ে চলেছে যে জারো, অবশ্য সেন্ট সাইমনের মুখোশের কথাও আছে, কারণ তার আড়ালে ফেরেন্সের চাইতেও দৃঢ় চিবুক আছে কিনা কে বলতে পারে নিশ্চিত ভাবে। কিন্তু ওরা যেন অ্যাভলনের দিকে না-চেয়ে পথের দিকেই চোখ রেখে চলে, যেহেতু তাতে অতীত এবং ভবিষ্যৎ কালকে এড়িয়ে চলা যায়, বিশেষ ক'রে এই কর্দমাক্ত শীতের তুষারে ক্রোকাস যখন ফুটবে না। অথচ ব্যাপারটা কি অভ্যস্ততায় তারই এসেছে ? বরং অভ্যাসটার আবরণ ভেদ ক'রে ভিতরটা আবার আজ ফুটে উঠতে চাচ্ছে, এবং হয়তো তা অ্যাভলন সত্যি হ'তে চলেছে ব'লেই। ভিতরের অহুভূতি যা ভুলতে পারে নি তা এই : ফ্লিটের বড়ো ভাই, যে বিশ্ববিদ্যালয়ের ছাত্র ছিল, রাজপথের উপরে একটা ট্যাক্সের তলায় গুঁড়িয়ে গিয়েছে, আর তার মার তলপেটে, যা একটা সন্তান বহন করছিল, একটা বেয়োনেট বিঁধেছিল সীমান্তের তারের বেড়ার কাছে। কিন্তু অ্যাভলনে পথের ধারে হয়তো ক্রোকাস ফুটেও পারে, ক্রোকাস ফুটেও পারেও হয়তো।

আবার একদিন সিমারই প্রথম, সেই গর্জন ক'রে উঠলো, যেন আনাড়ী কশাই-এর ছুরিতে বেঁধা খাঁড়ের মতো। পাহাড়ের একটা খাঁজে সে ব'সে পড়েছিল [এখন দুপুর হ'তে চললো] সকাল থেকে চ'লে চ'লে, যদিও বরফে পাহাড়ের গা পিছল হ'য়ে গিয়েছে এবং তীব্র শীতে যাত্রীদের হাত পা অসাড় হ'য়ে আসছে। একশ' ফুট উপরে পাহাড়ের মাথা, যদিও এখন বাতাস তুষার ব'য়ে আনছে। ন' দিন হ'লো আজ, ঠিক ন' দিন—একরশি পথ এগিয়ে আসে নি অ্যাভলন, যদি পিছিয়ে গিয়েও না থাকে। এই মাথার দিকে আর কেউ চেয়ে না, মুখ ফিরিয়ে নাও, মুখ ফিরিয়ে নাও। আবার কেউ তাদের প্রবঞ্চনা করেছে, যে হয়তো বোশাম্পের মতো রাজ-

নীতির চোরাগলিতে পথ চেনে না।

উদাস্তরা এখন নামছে পাহাড়ের গা বেয়ে। কে বলেছে তা কেউ বুঝতে পারছে না, হয়তো পরিবেশ তাদের সকলের মনেই চিন্তাটাকে এনে দিয়ে থাকবে, আর ভিড়ের মধ্যে নুকিয়ে থাকা কারো কথায় চিন্তাটা রূপ পেয়েছে। কথটা এই, ক্রিটের গোলকধাঁধার চাইতেও ভয়াবহ এই বিপদ থেকে স'রে যেতে হবে, যদিবা পাহাড়ের নিচে কোন পথ আছে, যে পথ অ্যাভলনের পথের দিকে ধীরে ধীরে উঠেছে, উচ্চাশার পাহাড়-চূড়ার চাইতে যা নিচে নিচে চলে।

নিনার মনে হয়েছে এই যত্ন—যে পচনশীলতাকে সে দীর্ঘদিন বহন ক'রে এনেছে, যার কাছে থেকে এক দিন সে পালাতে চেয়েছিল, ফুলে অসাড় হ'য়ে যাওয়া আঙ্গুলগুলো দিয়ে যাকে সে ধরতে যাচ্ছে, অনেক রাত্রির জীবন প্রতিষ্ঠার ব্যঙ্গ প্রতিধ্বনি দিয়ে যে পচনশীলতা সব রেসারেকসনের অতীত হ'য়ে তার দেহের কোষে কোষে সঞ্চারিত হয়েছে। এখন দিনকে আর বোঝা যাচ্ছে না, অস্পষ্ট একটা আকাশ শুধু মাথার উপরে। উদাস্তরা আবার থমকে দাঁড়িয়েছে, হুশিয়ার কালো হ'য়ে উঠেছে তাদের মুখ। আবার কেউ খবর এনেছে সামনে গভীর কনিয়ন। সেতু? দড়ির একটা কিছু আছে বটে এপারে ওপারে বিস্তৃত। ক্ষিপ্ত হ'য়ে উঠলো যাত্রী দল। আবার : অ্যাভলনের গুজবের, যা অর্বাচীন কোন রাজনৈতিক স্বপ্নদ্রষ্টার ছড়ানো ব'লে বোঝা যাচ্ছে, এটাই পরিণতি—পঞ্চাশ বছর আগে যদি কেউ এ দড়ির সাহায্যে ওপারে গিয়ে থাকে এখনও যেন এক উদাস্তদের পক্ষে তা সম্ভব হ'তে পারে।

খবরটা উদাস্তরা এখন সকলেই জানতে পেরেছে, দড়ি ধ'রে যে ওপারে যাওয়ার চেষ্টা করেছিল সে সেন্ট সাইমন। তা হ'লে এমন কি হ'তে পারে সে-ই নেতৃত্ব ক'রে দলটিকে এনেছে এতদূর? আর তা যদি হ'য়ে থাকে, তবে সে তার যোগ্য কাজই করেছে, এ সাহসও তবে তাকেই দেখাতে হবে, অর্থাৎ অনেক সময়েই নেতাকে যেমন দেখাতে হয়।

ফেরল ইঁটুতে চিবুক রেখে ভাবছে। তুষার পড়ছে এখন, কিছুক্ষণ পরে অনেক কিছুই তুষারে আবৃত হ'য়ে যাবে।

নিনা কিন্তু পাগল হ'য়ে গিয়েছে, অন্ততঃ তার বিড়বিড় ক'রে বকা দেখে তা অযুক্তির মনে হবে না। সেন্ট সাইমন যখন দড়িটা ধরে চলতে শুরু করবে তখন সে কাছে ছিল। আর তখন সেন্ট সাইমন তার মুখোশটাকে খুলে ফেলেছিল, অন্ধ ফ্রকটাকে গুটিয়ে নিয়েছিল। বিপজ্জনক পথে যাত্রার উত্তোষ বলা যেতে পারে।

কিন্তু কি দেখেছে তখন নিনা? সেন্ট সাইমনের মুখে নাকের বদলে শুধু দুটো গর্ত ছিল।

উরুগুয়ীকে ইদানীং শহর বলা হচ্ছে তলে তলে, আর শোভা তা জানে। হয়তো আগে তা বলা হতো না।

কথাটা জাতীয় সড়ক নম্বর চৌত্রিশ। কালো পিচের পঞ্চাশ ফুট চওড়া রাস্তা। কোথাও বেশ চক্চকে পালিশ তোলা, অনেক জায়গাতে বসে যাওয়া, টুকরো পাথর, ঘুটিংএর দাঁত বার করা। সেখানে ট্রাকগুলো, হাটুরে বাসগুলো লাফায়, ধাক্কা খায়, ডাইভাররা মুখ খিস্তি করে ওঠে। সেই সড়ক বরাবর 'পাঁচ-সাতশ' গজ আর সড়কের দুপাশে কোথাও তিনশ' গজ, কোথাও দেড়শ', অল্প কোথাও ষাট-সত্তর গজ পর্যন্ত—এই উরুগুয়ীর আরতন।

অবশ্য প্রাইমারি পরীক্ষায় এরকম অঙ্ক দেয় না। এর ক্ষেত্রফল বার করতে এমন কি নিতাইও পারবে না যে নাকি উরুগুয়ী প্রাইমারি স্কুল থেকে এবার বৃত্তির জন্য পরীক্ষা দেবে। নিতাই পরীক্ষা দিচ্ছে এটাও একটা প্রমাণ যে এখানেই থামা গেল।

ঠিক সমতল নয় পথের দুপাশে জমি কোথাও উঁচু কোথাও নিচু। উত্তর বরাবর সড়কের মাথায় মেঘ যেখানে জমে তার নিচে নীল নীল যা দেখা যায় তা নাকি পাহাড়, আর পশ্চিমে মাঠগুলোর শেষে যেখানে মেঘ নেমেছে মনে হয় সেটা নাকি বন, ফরেস্ট।

তিন চারদিন গেল কেউ নজরে আনল না, তিন চারদিন বেড়ে এক মাস হলো কেউ ধাক্কা দিয়ে তুলে দিল না। আর এখন তো ছ-মাস হতে চললো। এখানেই নাকি? ক্ষতি কি তাই যদি হয়? অবশ্য বৃষ্টিই বা কার কোথায় কলনায় ছিল? বাহান্ন জনের বাইশ জন অবশিষ্ট।

টাকাটা তা হলে আর এগোলো না। চায়ের দোকানগুলোর সামনে এক পাক খুলো উড়িয়ে থামলো। ওটাকেই বাজার বলা হয়। ওখানেই সড়ক বেশ খানিকটা বসা, বেয়েরাযৎ, এই শুকনোর দিনেও কাদা, মোটরের ভেলভাসা জল আর বাজার-ঝাঁটানো আবর্জনা। ওটাই বাজারের রৌয়াওঠা যেহেতু স্কুইটার আড্ডা।

রাস্তার এপারে ওপারে কাঠ আর টিনের সরলা চেহারার ছাপড়ার নিচে কয়েকটি দোকান। তার মধ্যে একটি চায়ের আর একটি মিষ্টির। আর একটি চায়ের

দোকান ইতিমধ্যে উঠেছে। সেটা গজুর। মিষ্টি দোকানের উণ্টো দিকে উরুগুণী পোস্টঅফিস। জংঘরা চিঠির বাস্কাটাই তার প্রমাণ। আর তার সামনে পুরনো রং-চটা গদি ছেঁড়া খান তিন-চার সাইকেল-রিক্সার দাঁড়া। এখানেই সড়ক থেকে যে গলিটা নেমে গিয়েছে তার শেষদিকে এখানকার বেশ্যাপল্লী।

এই বাজারের ওপারেই করাতকল। ইয়া রীতিমত চিমনি চোঙ বসানো। চারিদিকে কাঠের গুঁড়ি ছড়ানো। আর তারই কাছাকাছি পথের উণ্টো দিকে উরুগুণী হাট। সপ্তাহে তিনদিন হাট বসে। হাটের উত্তরদিকে যে গলি তার উপরের টিনের বেড়া টিনের ছাদের ঘরগুলো ব্রক ডেভলপ্‌মেন্ট অফিস। ওটাই নাকি সাবেক বাড়ি করাতকলওয়ালার।

হেল্থ সেন্টারটা অবশ্য শোভার বাড়ি থেকে দেখা যায় না। মৌজা হিসাবে সেটা নাকি উরুগুণীর মধ্যে নয়। সরকারি কাগজপত্রে উরুগুণী হেল্থ সেন্টারই নাম সেই রোদে পোড়া হলুদে বেঁটে বেঁটে ঘরগুলোর। কি রোদ কি রোদ। একটা গাছ দেখবে না। গাড়া মাঠেই উঠেছিল বাড়িগুলো। আর এখন গাছ লাগানোর কথা ভাবাই যায় না। কারণ নাকি মাথার উপর দিয়ে আকাশছোঁয়া লোহার গম্বুজের মাথায় মাথায় হাইডাল প্রোজেক্টের যে তার গিয়েছে তা থেকে বিদ্যুৎ নামবে। তখন নাকি বাজারেও বিদ্যুৎ আসবে। আর হেল্থ সেন্টার যে উরুগুণীর মধ্যে তার প্রমাণ ওদিকেই করাতকলের মালিকের ধানকল উঠছে।

অবশ্য এসব নাম দেয়ার ব্যাপারে স্নেহ ভালোবাসাই বড় কথা। উরুগুণীকে, আমরা যারা ভালোবাসি না, তারা গ্রাম বলতেও বিন্দু করবো। কিন্তু আমাদের জ্রু কপালে উঠলেও, উরুগুণীকে গোপনে আড়ালে শহর বলে এমন লোকও আছে। উত্তুরে পাহাড়ের ছায়া, পশ্চিমে বনের আভাস, মাথার উপরে হাইডালের তার আর পিচের সড়ক।

এখানেই থামা নাকি ? আশ্চর্য। তা তোমার কলকাতা পৌঁছালেও মনে হবে এরই এত নাম ? আশ্চর্য। কিংবা হিমালয়ের চূড়ায় দাঁড়ালেও এরকমই মনে হয়।

আর থামা যে তাও বোঝা যাচ্ছে। কয়েক মাস হয়ে গেল তাদের ঘরগুলোরই বয়স। নিতাই প্রাইমারি বৃত্তির জন্তু তৈরি হচ্ছে দেখো। নরেশের ছেলে নিতাই। দলের ছ-টি শিশুর একটি। কিন্তু কথাটা কি ? শোভা ভাবলো। কলার পোয়া। তা কি হবে ? কলার পোয়া রোদে ভরা মাঠে গেরস্থ বা লাগায়। তা কি জন্তু ? তারপর কথাটা শোভার মনে এলো শিশুদের একজন অন্তত এই মাটিতে শিকড় ছেড়েছে। আর তার মানে—শোভার মুখ হাসি হাসি দেখালো।

তারপর খেমে দাঁড়ালো দলটা। বাহান্ন জনের তখন বাইশ জন আছে।

শোভা জানলা দিয়ে দেখলো গছ আর ভাসান এগিয়ে আসছে। কিন্তু এটা আশ্চর্য স্থরেন যে খবর এনেছে।

কিন্তু...এটা ভারি আশ্চর্য।

খুব আশ্চর্যের কথা নয় যে সরলা মাসি যার চাপে পড়ে শোভা...সে কোথায় থাকলো! জায়গাটা শোভার মনে আছে, অল্প কারো কারো থাকবে। এক হাঁটু জলের এক নদীর ধারে ডাঁটসার বনতুলসী ঝোপের আড়ালে মুখে আগুন ছুঁইয়ে দিয়ে দলটা হাঁটেতে শুরু করেছিল। সে আগুনে কতটুকু দাহ হলো কেউ জানে না। অবশ্য সারা পৃথিবীতেই তখন দাউ দাউ করে আগুন জলছিল দুপুরের। দলের আর কোন মেয়েছেলে আগুন জালানোর কথাটাও জানে না। শোভা জানে, কারণ তাকে যেতে হয়েছিল, কারণ সরলা তার মাসি ছিল। কিংবা জায়গাটা বলা ঠিক হল না। সেটা কোথায়? কিন্তু আগুনটা মুখে দিতে হয় কেন?

কিন্তু কি মজা দেখো সরলা মাসিই প্রথম স্বাভাবিক মৃত্যু দলের। তাকে যে মরতে হবে পথের ধারেরই তা কেউ কখনও ভাবেনি। অথচ তারই জন্তু, তারই চাপে পড়ে, কথাটাও কি দেখো—ওকে ধরে রাখতে হবে না?

—কাকে? শোভা হতভম্ব।

—কাকে? ঝিঁচিয়ে উঠলো মাসি। পুলিশকে। বোঝ না? সারাদিন কার পাশ পাশ হাঁটে তা দেখো না?

—পুলিশদা কি চলে যাবে বলছে? জিজ্ঞাসা করবো।

জায়গাটা আড়াল আবড়াল ছিল। শোভা একটু থেমে বললো, গেলেই বা তাকে আটকাবে কি করে? আমাদের মধ্যে তার আপন কে আছে?

মাসি সেদিন বোধহয় তার সেই জরের নেশায় বেহাশ কথা বলছিল—দু-মাস ধরে পাশে চলে চলে পুরুষকে তাতিয়ে তুললে আর বোঝ না কেন সে বিরক্ত?

দরজা খুললো শোভা।

—কি ভাসান? শোভা এগিয়ে এসে বললো।

—কিন্তু ব্যাপারটা অল্প রকমে ঘটেছিল। মাসির কথা তাকে...

ভাসান বললো, কখন যাবে ঠিক করলে?

--- খবর-টবর নিলে?

—বিকেল বেলা মিটিং, গছ বললো, ইস্কুলে। আর স্থরেন বললো সামনে নাকি ইলেকশান, তার তোড়জোড়।

—তাতে আমাদের কি?

—স্থরেন বলে এই কীকে পারো কিছু আদায় করে নাও।

—তাতে স্মৃতির লাভ ? শোভা হাসলো এখন কোথায় যাবে তোমরা ।
নেতের বাড়ির দিকে । যাও আমি ভাত নামিয়ে যাচ্ছি ।

শোভা তার ঘরের বাইরের দিকে দরজা বন্ধ করলো ।

নেতের বাড়ির দিকে তাকে জল আনতে যেতেই হতো । টিউবওয়েলট
ওখানেই । স্মৃতি বোধহয় একেবারে ভুল খবর আনে না । এই টিউবওয়েলট
ধরো । বিডিও অফিসে চেষ্টা চরিত্তির করেছিল সেই, তারও আগে খবর এনেছি
এদিকে দু-তিনটি টিউবওয়েল হবে ।

...মাসির কথা তাকে পুলিন সম্বন্ধে সচেতন করেছিল । কিন্তু তারপর কতদিন
বা মাসি টিকলো ।

কিন্তু উন্নয়ন থেকে বরং লাকড়ি টেনে বার করলো শোভা ভালটা নামাতেই
ফিরে এসে ভাত ফুটিয়ে নিলেই হবে ।

এমন এক সময় এসেছিল যখন ঘরে বসে আবার ভাত ফোটানো যাবে তা কোঁ
আশা করতে সাহস পাচ্ছিল না । অনেক রকমভাবে কথাটা বলা যায় । শোভা
নিজেই গজ্জকে একরকম বলতো যার সঙ্গে তার ধারণা মেলে না । কালো, কয়লা
আঁচ দিলে যে রকম ধোঁয়া তেমন কালো, আর তার মধ্যে তেমন নানা জন্তু
আকৃতি । সে শুধু ভয়ের কথাই বলে, অন্তত আতঙ্কের উপরে জোর দেয় । তার ও
থেকে এমন প্রমাণ হতে পারে অল্প কারো কারো ধারণা ভাসানের সঙ্গে মিলে
পারে, আর সেই কালো জন্তুগুলো তাড়া করছে, যাকে ভালো করে দেখা যায় ন
চেনা যায় না...

আবাম্, মবাল । তারা ভয়ে মবাল ।

মবাল কথাটা কিংবা তেমন একটা শোভাই বানিয়েছিল । সময় কাটানো
খেলা সেটা একটা—চলতি জানা শব্দগুলোকে ভেঙেচুরে জোড়া লাগিয়ে আবাম
একটা শব্দ তৈরি করা । পুলিনের পাশে চলতে চলতে এরকম শব্দ তৈরি করতে
সে । কিন্তু তখন খেলা ছিল না ।

—মা'নে কি হবে ? পুলিন জিজ্ঞাসা করলো ।

—মুখে কথা না যুয়ালে বোবা বলি । কারো মন যদি কোন শব্দ খুঁজে না পা
চিন্তা করার মতো তাকে বলা যাবে আবাম্ আবাম্ ।

আতঙ্ক, ভয়, জন্তু এসব সম্বন্ধে মনের তবু একটা ধারণা আছে । কিন্তু তাদে
অবস্থায় মন ধারণা করার মতো শব্দ খুঁজে পাচ্ছিল না । পুলিন যেমন একদি
বলেছিল, কথা ভাঙার কথাটা খানিকটা খেলা ছিল, খানিকটা ভা ছিল না । প্রকা
করার চেষ্টা ছিল ।

শোভা নিজের ঘরের দরজা বন্ধ করে বেরিয়ে এল। আজ না হয় এবেলা নাই
খাবে। শোভা নেতের বাড়ির দিকে চললো। পথে ভাসানের বাড়িও পড়বে।

কথাটা একদিন পুলিনই বলেছিল। শব্দটা ইংরেজি—এক্সোডাস্‌ !

—কি মানে ?

—বহির্গমন, বেরিয়ে পড়া...

—এত সোজা নাকি ? কিন্তু তখন তারা বেরিয়ে পড়েছে।

মাঠটা সড়ক থেকে উঁচু শুকনো। শুকনো ঘাসে ঢাকা। মাঝেমাঝে ঝোপ,
এখানে ওখানে দু-একটা গাছ। সন্ধ্যার পর খানিকটা আলো ফুটেছে। পুলিন একটা
গাছতলায় বসেছে। শোভাও বসেছিল এতক্ষণ। ধীরে ধীরে পা ছড়িয়ে দিয়ে
মাটিতে গা ঢেলে দিয়ে শুয়ে পড়লো। দুপুর পর থেকে তারা এই মাঠটার বিশ্রাম
করছে। মাসির রান্না শেষ করে দিয়েছে শোভা কিছুক্ষণ আগে।

—এত সোজা নাকি ?

পুলিন বললো—ফারাও ছিলো মিশরের রাজা। তার অত্যাচার থেকে এক
দল লোক বেরিয়ে পড়েছিল পিতৃভূমির খোঁজে। তাকে এক্সোডাস্‌ বলা হয়ে থাকে।
হাত বাড়িয়ে পুলিনের হাঁটুর উপরে হাত রাখলো শোভা।

আধময়লা কালো ফিতেপাড় ধুতি শোভার পরনে। তেলের অভাবে রুক্ষ চুল।
স্বাস্থ্যটা মোটামুটি ভালো। এরকম একবেলা না খেয়ে থাকা অনেকদিনের অভ্যাস
তার। বিশ থেকে এই ত্রিশ—দশ বছর তো বটেই। সেই এক্সোডাসের আগে থেকেই।

ভাসান বললো, কোথা যাও। জল ? এর মধ্যেই রান্না শেষ ?

—ও আর এবেলা না করলাম। ভাসানের পৈঠার নিচে দাঁড়ালো শোভা।

—তা তুমি পারো। গজু হাসলো।

—কিন্তু কি বলা যাবে যে আসবে তাকে, আর বললেই বা শোনে কেন সে ?
ভাসান বললো।

স্বপ্নেরনকে জিজ্ঞাসা করলে হয়। শোভা হাসলো। একটা কথা বলা যায়। আর
খান-তিনেক তাঁত হলে তোমাদের ভালো হয় না ?

—তিনখানা তাঁতে কতটাকা তা জানো ? ভাসান হাসলো।

—আর কেউ আসবে নাকি ? বিপিন ওরা ?

—আসবে নিশ্চয়, না হয় কোথাও বসলে খবর দেবে গজু বললো।

একটু ভাবলো শোভা।

—নিভাইদের ইস্কুলে তাহলে মিটিং !

—তাই শুনছি ।

—গজু কিছু বার পেলে কাটা কাপড়ের দোকান দিতে পারে । শোভা ভেবে ভেবে বললো ।

—আশ্চর্য ! ভাসান বললো ।

—কি আবার আশ্চর্য দেখলে এরই মধ্যে ।

—মানে এখানেই, এই উরগুীতেই । কি হুবাদে বলতে পারো ? অথঃ এখানেই । কেমন যেন আশা হয় না ।

কালো প্লাষ্টিকের চুড়িপরা হাত দুটো সামনের দিকে মেলে আড়মোড়া ভাঙলে শোভা । বললো—পুলিন বলতো একে ইংরেজিতে নাম দেয়া যায় ।

ভাসান অবাক—ইংরেজদের আবার কবে এ দশা হলো ?

—ইংরেজদের না । মিশরে হয়েছিলো । এক্সোডাস্ । আমার কি মনে হা জানো, মাসির সেই জায়ের ছেলে পুলিনই ছিলো মূলে ।

—মেসোর কিছু খবর পাও ?

—কি করে পাবো ?

দীর্ঘনিঃশ্বাস ফেললো ভাসান । বাহান্ন জনের এখন বাইশ জন আছে । আর কি করে মরে ছেলেমেয়েরা । তা তোমার মাসিরও কিছু মনের জোর ছিল মাসিও বটে গোড়ায় । গজু বললো, ইংরেজি কথাটা কি যেন বললে ?

—এক্সোডাস্ ।

—হাঁস ওড়া দেখছো ? সেটাই কিন্তু এ রকমই । গজু বোকা বোকা মুখ করে হাসলো ।

—দেখি নাই ।

—প্রথমে একটা ওড়ে, তারপর আর একটা, তারপর দেখাদেখি আর সবগুলো ঝাঁক বেঁধে উঠে পড়ে । গজু দুহাতে চেউ তুলে হাঁসদের ওড়া দেখালো ।

—কিন্তু তুমিই বলো তুমি কি আগে জানতে এখানেই থামা হবে ? শোভা বললো ।

—দেখো,...এই বলে ভাসান থামলো, তারপর আবার বললো, এটা এব মজাই । পরশু না কবে রাত্তিরে হঠাৎ মনে পড়লো । বুঝলে ? ভাবতেও অবাব লাগে জায়গাটা যেন ঠিক করাই ছিল—এই উরগুী ।

—কিন্তু আমাদের আর তখন চলার উপায় ছিল না । দু-তিন দিন জিরিয়ে নিতে থামা... । শোভা বললো ।

—তারপর গতর ভার হয়ে গেল ? তাও হতে পারে । গজু বললো—কিন্তু

তাহলে প্রথম হাঁসটা কিন্তু পুলিশদা ।

ভাসান বললো, আসল কথা কি জানো, এর মধ্যে অনেকটাই পুলিশদার সাহস । ওনার মত ওরা মেনে নেয় না । নরেশ বলে, আমারও তা মনে হয়, কিছুতেই মেনে নেব না এই রকমই একটা ভাব ছিল পুলিশদার । কিছুতেই না, কিছুতেই না, কিছুতেই না ।

—নরেশ তাই বলে নাকি ? শোভা বললো । খুঁটিতে ঠেস দিয়ে দাঁড়ালো সে ।

—জানো না নরেশের ঘরে পুলিশদার একটা ছোট ছবি টাঙানো আছে । গজু বলে ।

শোভা বললো, তুমি তাহলে ইস্কুলের মিটিংএ যাবে ?

—তা যাবো । নরেশ আর গজু সেদিন আলাপ করছিল তা থেকেই শুনলাম । পুলিশদা যে কত শক্ত হতে পারে আন্দাজ করো ? শক্ত না হলে বাহান্ন কমে বাইশ তবু চলছে—এ হয় না । আর তখন মাসিও নাই । কিন্তু তা না । তুমি জানো বোধহয় ।

—কি ?

—সেই সরকারের লোককে গুলি করে মারা । ভাসান চোখ ঠেঁরে গোপনতার ইঙ্গিত করলো ।

—জানি, কার কাছে শুনছি মনে নাই । এখন সকলেই জানে । তারপর অনেকদিন ফেরার আর তারপর আমাদের সামনে এসে দলের মাথায় দাঁড়ালো ।

ভাসান হেসে বললো, তা না হলে কে সাহস পেত দলের মাথায় দাঁড়াতে ? কিন্তু নামেব কি রকম মিল দেখো । আমাদের ধানকলের মালিকও আর এক ব্রজ চক্কোত্তি কিন্তুক ।

শোভা হাসলো । আশ্চর্য কি । চক্কোত্তির কি লেখাজোখা ? আর নাম ? আমার শোভা নামটাই কি উকুণ্ডীতে আর পাঁচজনের নাই মনে করো । কেন বিপিন সেনই আর একজন আছে না ? ওয়ুধের দোকান যার ? কিন্তু আমাদের বিপিন, এখন কেউ আসবে না । কলতলাও খালি, স্থান করে নি' ।

ভাসান বললো, তা করো । তোমার এখনও কিন্তু পথের অভ্যাস যায় নাই ।

—যখন তখন স্থান করার কথা বলো ?

—খাওয়ার কথাও । কোনোদিন দিনের বেলা, কোনোদিন সন্ধ্যা পার করে দিয়ে । আমরা একটু ঘুরেই আসি । বাজারের দিকেই যাব ।

ভাসান আর গজু চলে গেলে শোভা কলতলায় গেল ।

কি মিষ্টি জল উকুণ্ডীর ! কি ঠাণ্ডা ! আর কি মিষ্টি !

সেটা তখন বাতাবিকই ছিল, কিংবা সেটাই স্নানের একমাত্র উপায়। গুরু, ক্লো, কল মাহুঘ নিজের প্রয়োজনে তৈরি করে, কাজেই চোখ চোখ করে রাখে। বাকি থাকে নদী। আর নদী তোমার পথে নির্দিষ্ট একটা সময়ে রোজ দেখা দেবে আশা বোর পাগলেও দু-একবারই করতে পারে। কাজেই নদী পেলেই চান। তার আর সময় অসময় কি? শুধু ঘাট বাঁচিয়ে আর আড়ালে আবড়ালে।

আর খাওয়া...

বেশ অনেকটা সময় ধরে স্নান করলো শোভা। তারপরে ভিজ্জে কাপড়েই ঘরে ফিরে এল। গা মুছেতে মুছেতে নিজের পায়ের দিকে তাকালো। পায়ের ঘাটা কিন্তু একেবারেই সেরে গেল। শুধু বুড়ো আঙুলের নখটা আর কোনোদিন ভালো হবে না।

শুকনো কাপড় পরে, বেড়ায় গৌজা আয়না চিরুনি নামিয়ে এনে ঘেঁষেতে মাহুর পেতে চুল আঁচড়াতে বসলো শোভা। সিঁথি করে না সে। চুলটা কপাল থেকে মাথার পিছনে ঠেলে দেয়। বিশ বছরেই সিঁথি মুছে ফেলতে হয়েছিল তাকে। দীর্ঘনিঃশ্বাস পড়লো শোভার।

এখন পড়ছে বটে এমন নিঃশ্বাস, তখন?

আবার সেই শব্দটাই মনে এলো—আবাম্, মনমুক। মন একেবারে কাঁকা হয়ে যায়, কোন শব্দই খুঁজে পাওয়া যায় না সেখানে।

—মাসি বলছিলো তুমি নাকি দল ছেড়ে চলে যাবে?

শোভা মাথার নিচে দুহাত জড়ো করে ঘাসের উপরে শুয়ে।

পুলিন বললো, তুমি এমন করলে কেন?

শোভা প্রায় নিঃশব্দে হাসলো। অহুতাপ হচ্ছে?

—আ শোভা মাসি...

—একটু ঘুমিয়ে নাও। সকালেই আবার ইঁটিতে হবে। বড় নদীটা পার হতে হবে। আকাশে দেখো ওটা কালপুরুষ। চেনো? চিনতে পারলে না?

—তুমি অহুতাপ বলে ঠাট্টা করছো কিন্তু তুমি কি আমার মনকে আবার সেই আগের অবস্থায় ফিরিয়ে দিতে পারবে?

—আ, পুলিন, আচ্ছা, এখন ভোর হয়ে আসছে। কাল সকালে ইঁটিতে ইঁটিতে তখন চেষ্টা করো ভাবতে। শোভা হাসলো। আর কাল সন্ধ্যাতেও আমার জন্য একটা জায়গা পছন্দ করে রেখো।

অথচ পরদিন সকালেই মাসি বললো—তোরা কিছু খেয়ে নে যা হোক। আমার জরটা আবার বেড়েছে। হাত ধরে তুলে বসালো মাসিকে শোভা। জরে

গা গুড়ে যাচ্ছে । চোখ দুটো লাল । আর সেই চোখের প্রান্তে জল । মাসি কি উঠতে পারবে, হাঁটতে পারবে ! নিঃশ্বাস নিতে পঁজরা কঁপাচ্ছে । শোভা একসময়ে বলে ফেলেছিল, পুলিশ আর কখনও দল ছেড়ে যাবে না, তুমি দেখো । কষ্ট করে ওঠো ।

আর তার সাতদিনের মধ্যে কোথায় গেল মাসি দল ছেড়ে । আর একজন মারা গেল দলের ? অ্যা ! অবশিষ্টেরা আতঙ্কে বিবর্ণ হয়ে পরস্পরের মুখের দিকে চাইলো, যেন খুঁজছে আর কারো মুখে মৃত্যুর চিহ্ন দেখা দিয়েছে কি না । আর তার পনেরো দিনের মধ্যে মেসো আর তার ছেলে ফিরে গেল—তাকেই হার মানা বলে চূড়ান্ত হার । মরার চাইতেও হার । মরাটা হারা নয় । যেন দড়ি ধরে খাদের উপরে ঝুলে থাকতে থাকতে হাত ভেঙ্গে গেল । আতঁনাদ করতে করতে খসে পড়লো ।

অনেকেই গিয়েছে । গোপীদের পরিবারটা সেই রেলস্টেশনেই বসে পড়লো । মরণচাঁদ আর বিমলির সঙ্গে কয়েকজন পিছিয়ে পড়তে পড়তে একদিন দল ছাড়া হয়ে গেল । আর তারও আগে হিরণ আর যোগেন মরলো বিলটার ধারে, বিল পার হওয়ার পথ করতে গিয়ে । যোগেনের মৃতদেহটা সেই আমবাগানে ফেলে আসা ছাড়া কোন উপায়ই ছিল না । গোক্রমোষের মড়া নিয়ে শেয়াল-কুকুরের টানাটানি দেখেছো বটে কিন্তু মানুষের শরীর নিয়ে ?

চুল আঁচড়াতে দু-পাঁচ মিনিটই যথেষ্ট । শোভা আয়না চিহ্নি বেড়ায় ঝুলিয়ে রাখলো ।

পুলিন ছিল বলেই দলটা তবু ক্রমাগত চলেছে । নরেশের ঘরে পুলিনের ছবি আছে । ছবি না থাকলেও পুলিনকে মনে থাকবে না এমন নয় । বরং ছবিতেও যাদের স্মন্দর দেখায় তেমন নয় পুলিন । স্মন্দর অথবা জাঁকালো । আর তখন তো পথের কণ্ঠে অনাহারে, রুক্ষ, শীর্ণ, মলিন ।

এটা যদি চৈত্বের মাঝামাঝি হয়, ঠিক এক মাস আগেই সে আর একবার এসেছিল ।

—কেমন আছো তোমরা দেখতে এলাম ।

শোভা বললো, সকলের সঙ্গে দেখা হলো ? বসো ।

—নরেশ আর বিপিনের সঙ্গে দেখা হয়েছিল বাজারে । কাল সকালে আর সকলের সঙ্গে দেখা করবো ।

—র'সো । আগে উন্ন ধরিয়ে দি ।

—এত রাতে ।

রাত তখন এগারোটাই হবে। তা উরুগুীর পক্ষে একটু বেশি রাত বৈকি। আর তখন শোভার মনে হয়েছিল হঠাৎ পুলিন তার চাইতে বয়সে কিছু ছোটই হবে। আর তাকে ধরে রাখাও যাবে না।

—আচ্ছা, পুলিন, আমরা তো এখানে থামলাম। তোমার কোথাও থামতে নেই নাকি ?

—এত রাতে সত্যি তুমি বাঁধতে বসলে, মাসি ?

—আমার কথার জবাব দিলে না ?

পুলিন হাসলো।

সে রাতেও খায় নি শোভা, কারণ দিনে সে খেয়েছিল। দিনে রাতে একবারই খায়।

কিন্তু আজ যদি সে রান্না না করে এ বেলা, বাজারে গজুর দোকানে যেতে পারে, সেখানে ভাসান আর গজু ছাড়াও আর দু-একজন হয়তো এসেছে এতক্ষণ। আজ একটু নড়াচড়া করতে হবে বৈকি। স্থরেন যা বলেছে তা যদি সত্যি হয়—শোভা হাসলো।

বাজারে পৌঁছাতে নরেশের বাড়ির সামনে দিয়ে যেতে হয়। রাস্তা থেকেই শোভা দেখতে পেলো ঘরের মধ্যে নরেশ কার সঙ্গে কথা বলছে। নরেশ তাকে দেখতে পেয়েছিল। সেই ডাকলো, মাসি কোথায় যাও ? এদিকে আসো।

ঘরের মধ্যে নরেশ ছিল। নিতাই ছিল। নিতাইএর সামনে বই খোলা। তৃতীয় জন প্রাইমারি স্কুলের মাস্টার।

—পড়ানো হচ্ছে নাকি ?

মাস্টার বললো, না। দশটা বাজে। স্কুল বসবে না আজ। তাই ভূগোলটা একটু দেখিয়ে দিলাম। এখন যাই, নরেশবারু

কিন্তু আলাপটা এতক্ষণ ভূগোল নিয়ে হচ্ছিল না তা বোঝা গেল। নিতাই ছেলেমানুষের চেরা গলায় বললো, মাস্টারমশাই শোভা মাসিকে জিজ্ঞাসা করেন। নরেশ হেসে বললো, তুই থামতো।

মাস্টার বললো, বেশ তো এখন তাদের কথা বইয়ে লেখা হচ্ছে ! এখন গোপন করার কিছু নেই। তোমাদের পুলিনদাও যদি তা হয়ে থাকে কেউ না কেউ লিখবে তার কথা।

মাস্টারমশাই হাসিমুখে উঠে দাঁড়ালো :

শোভা বললো—নিতাইএর লেখাপড়া কেমন হচ্ছে ?

মাস্টার বললো—মোটামুটি ভালোই। পুজোর পর থেকে আর একটু জোর

করে ধরবো।

মাস্টার চলে গেল।

নরেশ বললো—বসো মাসি।

শোভা বললো, শুনেছো নাকি ?

—হ্যাঁ ভাসানরা বলে গেল। তুমি নাকি আর খানতিনেক তাঁতের কথা বলতে বলেছ। নরেশ হাসলো।

তুমি কি বলো ?

—তিনের বদলে এক পেলেও... নরেশ বললো। কিন্তু অল্প একটাও আছে। আমরা যেখানে বসেছি এ সব জমি সম্বন্ধেও চিন্তা করতে হয়। স্ব স্ব ঠিক করতে হয়।

—বলো কি। শোভা হাসলো।

কিন্তু নিতাইএর সব কথা ভাল লাগছিল না। ফিস্‌ফিস্‌ করে সে বলল, আচ্ছা মাসি, পুলিশদাদের দলের হাতে যে বেজ চক্কোত্তি আর তার ছেলে মরেছিল তারা সরকারের লোক ছিল না ?

নরেশও লাজুক মুখে শোভার দিকে চাইলো।

শোভা বললো, মাস্টারমশাই তো বললো। যাবে নাকি বাজারের দিকে ?

—তাই যাই চলো।

ঘর থেকে বেরিয়ে নরেশ বললো, এখন আর গোপন করার কিছু নেই তাই না ? আমাদের যে বাইশ জন আছে তারাও কিন্তু সকলে জানে না।

এটা এখনও হয়তো স্থানীয় লোকদের চোখে নতুন লাগে যে-কোন সময়ে শোভার এই রকম বাজারে আসা, পুরুষদের মাঝখানে বসে কথা বলা হাটে-বাজারে। কিন্তু এখন অন্তঃপুরিকার চালচলনে ফিরে যেতে চাওয়াই বাড়াবাড়ি হবে। অল্প অনেকে জানে না, এই লোকগুলোর সঙ্গে কত দীর্ঘ পথ হেঁটে এসেছে শোভা।

তখন গজুর দোকানের চায়ের জলের উত্থান নিভন্ত, আর সেখানে বিপিন ভাসান মাধব তিনজনেই বসেছিল, নরেশ আর শোভা গিয়ে দেখতে পেল।

মাধব বললো, এই যে শোভাদি আসছে, আমাদের গজুর ফজ্জি শোনো।

—কি এমন ? নরেশ এগিয়ে গেল।

—শোভাদি নাকি বলেছে ইংরেজদেরও এমন নাকি হয়েছিল আমাদের মতো। আর তার নামও নাকি একটা আছে। সত্যি কিনা বলো।

সে আবার কবে ? নরেশ অবাক হয়ে শোভার মুখের দিকে চাইলো।

গজু বললো—কেন একশদাস বললে না ?

—আ, গজু, এরই মধ্যে আবার ভুলে গেলে । ভাসান হাসলো ।

কথাটাকে মনের গভীরে নিতে বস্তুটুকু সময় লাগে তারপরে নরেশ বললো, বুঝলাম । তা শোভা মাসি ঠিকই বলেছে । নিতাইএর বই দেখে । তা আমাদের এই বেরিয়ে পড়াকে একশোডাস বলতে পারো ।

—কেমন বলি নাই ? গজু বললো মাধবকে ।

মাধব বললো, অহো ! এই বলে সে আনন্দে সারা গায়ে ঢেউ তুললো । এটা তার একটা বিকট মুদ্রাদোষ, এই গা কাঁকানো । কিন্তু তাকে খুশির ঢেউও বলা যায় ।

বিপিন সেন বললো গলা নিচু করে, দেখো ছ-সাত জন রয়েছি, একটু চা আনাই শোভাদিদি । শোভা ইতস্তত করতে করতে ভাসান বললো, আনাও ভাই, আনাও । তাবো এই ছপরে চা নিয়ে আড্ডা—একি কখনও ভেবেছিলে ?

শুধু ভাসান নয় । তার কথাটা যেন সকলের চোখে ফুটে উঠলো ।

—আর বাতাসটাও কি মিষ্টি দেখো । কেউ একজন বলে ফেললো ।

আবার মাধব বললো, অহো, তার হাস্তকর বিকট মুদ্রাদোষ ফুটিয়ে ।

নিভন্ত উলুনে কাঠের চাঁছানি গুঁজে দিয়ে গজু বললো—এখনও খানিক দূর ।

—আন্তে, আন্তে ।

—কিসের কথা বলে ? নরেশ জিজ্ঞাসা করলো ।

—এই আমাদের পাকাপাকি হয়ে বস । ভাসান বললো । কিন্তুক একটা কথা ভাবি । আচ্ছা বিপিন জান, মনে করো পুলিশদা যদি একদিন...তুমি পারতে না দলটাকে নিয়ে তার মতো চলতে ? ভাসানের মুখটা বোকা বোকা দেখালো ।

উত্তর দিতে গিয়ে খানিকটা মাথা চুলকে নিল বিপিন সেন । বললো, ও আর কি কাজের কথা ? রাম মরলে কি অচল ? কিন্তু রামের পর ছিয়াশি হাজার রাজা হলেও রাম কিন্তুক...

—ওই একটাই । বিপিনের মুখের কথা কেড়ে নিয়ে নরেশ বললো । এখন ভাবি, বিপিন...সেই বিমলি আর মরণচানের হারাত্তে যাওয়ার কথা তাবো ? তার-পর দিন কি হাঁটতে পারা যাবে মনে হয়েছিলো ? কিম্বা সরলা মাসিকে যেদিন পুড়ানো হলো । সেদিন কার চোখে জল পড়ে নাই ? সকালে দেখি মাসির মড়া ঘিরে সকলে কাঁদে । শব্দ নাই, কিন্তু সে কি কাঁদা । আর শুকিয়ে মাসি কি হয়ে গিয়েছিল । কি মাহুঘটা কি হইছিলো । কি জর । কি শব্দ ছিল মাহুঘটা তাবো । খানিক দূরে গাছতলায় বসে পুলিশ । মোটা এক হুচ দিয়ে ভোক্রা ভোক্রা

সেলাই করে জামা রিফু করে। বললাম। বললো, শুনেছি। তারপর জামা রেখে উঠলো। তারপর তো সবাই জানো। আঙন জলে উঠলে বললাম—এখন ?

—হাঁটো। বললো পুলিশ।

—কিন্তু সে কথা থাক, বিপিন বললো হাসিমুখে, এখন এই সমিস্তের কি করা ? যে আসছে তার ট্যাকা আছে। কিন্তু চেনা নাই জানা নাই তার সামনে দাঁড়ালেই কি ট্যাকা দেবে ? তা কেউ দেয় ?

—হরেন যে বললো ইলেক্শান, ভাসান বললো, ভাবো কি, ফাঁদ ?

কাচের গ্লাসে চা ঢেলে এগিয়ে দিতে দিতে গজ্জ বললো, কিছু যদি নাই পাও, এই অবেলায় চা খাওয়া মন্দ কি ?

মাধব বললো, চেষ্টায় ক্ষতি কি ? ফাঁদ যদি বা হয়।

নরেশ বললো, আমার তো মনে হয় দরখাস্ত লিখে শোভা মাসির হাত দিয়ে পাঠানো যায়। তা বলে এই চা খাওয়াও মন্দ নয়।

গজ্জ বললো, মাধু, আর একবার আহো বলবে নাকি ভাবো।

মাধবের গা প্রায় নেচে উঠেছিল। সে বললো, সব সময়ে ফক্কড়ি নাকি ? এটা এখন কাজের কথা হচ্ছে দেখো না। চোখ কৌচকালো সে।

মাধবের ভক্তিতেই বরং না হেসে পারা গেল না।

প্রায় দু-ঘণ্টা পরে আড্ডা ভাঙলো। পায়ের তলায় জাতীয় সড়কের পিচ ততক্ষণে গরমে দলদলে। ধুলোর ঝাপটা উঠছে থেকে থেকে। কিন্তু কি শান্তি।

ফাঁদ যদি বলো, আর কি ফাঁদ হবে ? ফাঁদ তারা কেটে এসেছে।

বিকেলের দিকে নিতাইদের স্কুলে একটা ছোট সভা বসলো। হরেন ঠিক খবর রাখে—জেলা পরিষদের ইলেক্শান। উরুগুী শহর বটে, কিন্তু তার চাইতেও বড় শহর আছে। দু-খানা গাড়িতে চার-পাঁচজন এসেছিল তারা।

সভা শেষ হলে বিপিনই হরেনের নির্দেশ মতো একজনকে দিল তাদের দরখাস্তখানা। সে দরখাস্ত পড়লো, হাসলো, বিপিনের দিকে তাকালো। বুড়ো তত্রলোকের গায়ের রং বেশ ফর্সা, হঠাৎ তার গাল দুটো লাল হয়ে উঠলো। পাকা চুলের জুলফি পর্যন্ত। অবশেষে সে বললো, সন্ধ্যার পরে দেখা করো। তারপরে হরেনের কারিগরি। দেখা হবে করাতকলের অফিসে। রাত আটটা থেকে নটার মধ্যে।

সভা থেকে ফিরতে ফিরতে নরেশ বললো, এবেলা তো উপোসে কাটালে, সন্ধ্যাতেই কিন্তু খেয়ে নিও শোভা মাসি।

গজ্জ বললো, কিছু যদি নাও হয়, তাও ভালো নয়। বেশ খেলা খেলা।

কিন্তু সব কিছু পরিকল্পনা মতো হয় না।

ভর সন্ধ্যায় কেউ রান্না করে না, খায়ও না। সন্ধ্যা গড়াতেই রান্নার যোগাড় করে রেখে শোভা কল থেকে জল আনতে গেল। উরুগুীর জল এমনি ঠাণ্ডা, এমনি মিষ্টি, কিন্তু নতুন তোলা জল আরও ঠাণ্ডা তাতে সন্দেহ কি?

...অবশ্য, শোভা হাসলো, এসবই খেলা হতে পারে আজ রাতে করাতকলে যাওয়া। আর তা নিয়ে নিয়ে সরেনকে টোকা যাবে?

জল তুলতে তুলতে আবার স্নান করার লোভ হলো শোভার...আর কি কষ্ট সেই পথে। কি ময়লা, পুরুষদের মুখে খোঁচা খোঁচা দাড়ি, আর মেয়েদের চুলে জট, আর নিজেদের গায়ের গন্ধ বিশেষ করে রুগ্মিতে ভেজার পরে কিন্তু সে সবই এখন দেখা যাচ্ছে না উত্তুরে নীল নীল ত্রিভুজের মতো পাহাড় যদি সড়ক বরাবর চাও আর পশ্চিমেও গাঢ় নীল। নেটা ফরেস্ট, আর মাঝখানে এই উরুগুী...অবশ্য এখন দেখা যাচ্ছে না। কিন্তু অন্ধকারে দেখা যায় না বলেই কি রোজ সারাদিন যা দেখা যায় তা মিথ্যা হবে? আর যেন ফাঁদ কেটে বেরিয়ে আসা হাজার হাজার যখন ধরা পড়লো তখন মানবো না মানবো না আর গছ বলেছিলো হাঁস ওড়া। কবিতার মতো না? তা তুমি বলতে পারবে না সকলে কবি না হয়ে কেউ একজন কেন কবি হয়; অনেকে যখন মানে, মেনে নেয়, কেউ একজন কেন উঠে দাঁড়ায়।

সেই অন্ধকারে শোভার মুখ হাসিতে ভরে গেল।

ঘরে ফিরে শোভা অধাক হয়ে গেল। শিকলতোলা দরজা খুলে পুলিন ঘরে ঢুকে মাদুরের উপরে কাত হয়ে বসে খবরের কাগজ পড়ছে।

—কখন এলে?

—এই মিনিট কয়েক।

—চা খেয়েছো?

—হ্যাঁ গছুর দোকানে।

—পায়ের চপ্পল খোলো। একইটু ধুলো তো।

পুলিন কাং হয়ে শুয়ে থেকে খবরের কাগজের দিকে চোখ রেখে পায়ে পায়ে ঘষে চপ্পল ধুলো।

কাজেই পরিকল্পনাটা বদলে গেল। এ তো আর একার জন্তু চাল ফুটানো নয়। ভাসানের বাড়িতে গেল শোভা আবার। কিছু আনাজ তরকারি দরকার।

ভাসান শুনে বললো, কেন তা জানি। গছুর দোকানে চা খেয়েছে তা শুনেছি। কে আবার? আমরা খেয়ে উঠে তাহলে ভোমার ওখানেই ঘুরে যাবো। কিংবা এখন থাক, বিরক্তি করার দরকার নাই। বোলো সেবারের মতো রাত

ধাকতে উঠে না চলে যায়। কাল পরামর্শ করবো। আর তোমারও করাতকলে
যাওয়ার দরকার নেই।

শোভা ঘরে ফিরে এলো। জল নামিয়ে রেখে, কাপড় ছেড়ে পুলিনের দিকে
এগিয়ে এল।

আশ্চর্য এই সেই মানুষটি। চেহারা যদি বলো বিপিনকে অনেক বেশি মজবুত
দেখায়। যদি সৌন্দর্যের কথা তোল, রোদে পুড়ে জলে ভিজে সবাই এখন চোয়াড়,
কিন্তু তুলনায় এখনও ভাসানকে স্নন্দর বলতে হবে। এই লোকটার কথা সারাদিন
আলাপ করা হয়েছে।

পুরনো কথাটাই আবার মনে হলো শোভার। অনেক অনেক লোকের মধ্যে
একজন কবি হয়, একজন দার্শনিক হয়, তেমনি আর একজন বেড়াঝাল কেটে
বেরিয়ে পড়ে।

মানুষের একপাশে বসলো শোভা।

সে বললো, আজ ওরা হাঁস ওড়ার কথা বলছিল।

—এদিকে হাঁস আছে নাকি?

শোভা হাসলো। না। তোমার বেরিয়ে পড়ার কথা। ধীরে ধীরে বললো সে।

পুলিন অস্থব্ব করলো কথাটাকে। তারপর বললো—তা হলে তোমরা এখানেই
থিতু হলে?

হাত বাড়িয়ে আঁচল দিয়ে পুলিনের কপাল মুছে দিল শোভা।

বললো, হ্যাঁ এই তো ভালো। তাই নয়?

কিন্তু তখনই শোভা উঠে দাঁড়ালো। বললো, আগে তোমার খাওয়ার যোগাড়
করে নি। ভাসান বলেছিল কাল সকালে তোমার সঙ্গে পরামর্শ করবে। কাল
সকালে দেখো সড়কের মাথায় উত্তরে নীল নীল পাহাড় দেখা যায়।

উনুনের ধারে বসে তরকারি কুটতে শুরু করলো শোভা ভাত চাপিয়ে দিয়ে...
এখন অবশ্য সরলা মাসি নেই। জরের ঘোরে বলা তার সেই তীব্র তাড়নাও নেই।
আর তখন রক্ত মাধায় উঠেছে—পুলিন দল ছেড়ে যাবে। তা হলে এখন?

পলকের জন্তু নিজের হাঁটুর আড়ালে মুখ নামালো শোভা।

সে বললো, আমার কিন্তু দেহি হবে না। হাতমুখ ধুয়ে কাপড়জামা ছাড়ো। সে
ভাবলো, তা ছাড়া মানুষ তো একটা ধারণা মাত্র হতে পারে না। কবির ধায়
না? দার্শনিকরা ধুমায় না? তখন হয়তো তাদের নাকও থাকে। আর তা ছাড়া
এটা কি দুর্বলতা?

পুলিন বললো, স্নান করলে হয়। কলটা আছে?

—আছে । এত রাত ।

—কত আর । ন-টা । আগে, মনে আছে, গভীর রাতে একবার আমরা স্নান করেছিলাম চুরি করে ।

পুলিন উঠে বসলো । সিগারেট ধরালো ।

শোভা ঘরের আর এক কোণ থেকে টিনের একটা ছোট স্টকেশ খুলে তার নিজের জন্ত কেনা নুতন একখানা ধুতি বার করে আনলো ।

পুলিন হেসে বললো—অবস্থা ভাল হয়েছে দেখছি ।

—একগাছা বালা ছিল । সেটাই একমাত্র যা ওই পৃথিবী থেকে এসেছে । সব প্রায় খরচ করেছি এর মধ্যে । জোর জোর নিঃশ্বাস নেয়া যদি তাই বলে ।

—ওই পৃথিবী ? পুলিন আবার হাসলো । বেশ বলছো হাঁস ওড়া, ওই পৃথিবী, জোরে জোরে নিঃশ্বাস নেয়া । তখন কিন্তু বলতে শব্দ করে ভেঙেচুরে ছিঁড়ে খুঁড়ে নতুন কিছু করা যায় কিনা চেষ্টা করা ভাল । আজকাল তোমরা এরকম ভাষাতেই কথা বলছো নাকি ?

—আচ্ছা, ওঠো । স্নান করে এসো । শোভাও হাসলো ।

আর তফাৎটা নতুন করে তার অল্পভবকে ছুঁয়ে গেল আবার ।

পুলিন যাচ্ছি যাচ্ছি করেও উঠলো না । বরং আর একটা সিগারেট ধরালো, আরাম করে টানলো বসে । সে যখন স্নান করতে গেল তখন বেশ রাত হয়েছে । বারান্দায় দাঁড়িয়ে শোভা দেখলো দূরে দূরে দু-একটা ঘরে আলো জ্বলছে । বাজারের কাছে খানিকটা কুয়াশা ঢাকা আলো । তার কারণ বোধহয় এখন মিষ্টিওয়ালা আঙুন দিয়েছে তার ভিড়ানে । আর এটা তো এতদিন নজরে পড়েনি, ওটা বোধহয় করাতকল । ততো উজ্জ্বল ইলেকট্রিকেরই হতে পারে । বারান্দাটা অবশ্য অন্ধকার ।

আর তা ছাড়া...কারণ সম্বন্ধীকেই মানুষ ভালবাসতে পারে । সে হয়তো রাজহাঁসকে উড়তে দেখে উঠে পড়েছিল তাই বলে নিজে রাজহাঁস নয় । আর এটা হয়তো দুর্বলতাই তার—যা তাকে বরং বিশ্বাসযোগ্য করে ।

শোভা হাসলো । আর অবশ্য এটা তার ভুল ধারণাই, কে আর তাকে এমন দুর্বল দেখেছে শোভার মতো, অসাড় সাপের মতো তাকে, ভুল ধারণাই যে তাকে, কম বয়সের একজন মনে হয় । ভুল ধারণাই কারণ সে শোভার সমবয়সী হবে । শোভা হাসলো । তা ছাড়া এটা...পুরুষদের এটাই নিয়তি সব জায়গায়, সময়ের কাছে, মাটির কাছে—কথাটা হাত পাতা বলতে পারো, আর তখনই তাকে দেখে মায়া হয় । নিজের চাইতে কমবয়সী মনে হয় ।

বেশ লাগছিল দেখতে শোভার। অন্ধকারের মধ্যে বাজারের হুয়াশা ঢাকা আলোর মহলের মধ্যে ফুটে ওঠা সার্চলাইটের মতো করাতকলের উজ্জ্বল আলো। পায়ে শব্দে একটু চমকে উঠলো শোভা।

এরই মধ্যে হলো? কে? ও! ভাসান? এসো। ওদিকে দেখা হলো? শোভা হাসি হাসি সুরে বললো।

ভাসান বারান্দার কাছে সরে এসো। পুলিশদা কোথায়? ঘরে?

—না, কলে গেল স্নান করতে। বসো। বলো শুনি কি হলো। প্রতীক্ষার হাসি দেখা দিল শোভার মুখে। অন্ধকার বলে তা দেখা গেল না।

—ভালোই। নরেশের ধানকলের চাকরি হবে পাকাপাকি। আর তাঁতের কথা বলেছিলে না? তা পাবে।

—তারপর।

—তারপর আর কি? একটা সেলাই কল তো? সেই ভদ্রলোক বললো আজ-কাল সরকার থেকে ধার দেয়। তদ্বিরের ওয়াস্তা। আর সুরেন তা করবে বলেছে।

—এত সংক্ষেপ কেন? খুলে বলো। ছোট ছোট খুশির ঢেউ লাগলো শোভার সুরে। করাতকলের ভদ্রলোক তা হলে বাজে নয়। কিন্তু তোমার যেন আর কিছুতেই মন নেই। যা পাওয়ার সব পেয়ে গেছ।

ঘর থেকে বেরিয়ে আসা লণ্ঠনের আলোর স্নান কালটায় ভাসানকে কিছুটা মাত্র দেখা যাচ্ছে। দরজার ছায়াটা তার মুখে পড়ে বরং তার মুখটাকে থমথমে, আর লম্বাটে দেখাচ্ছে। আর তা এখনই। দেখো কি রকম মজা।

সে বললো, পুলিশদা তো স্নান করতে গেল তাই না? তারি মজা কিন্তু। করাতকলের কাছে ধানকল হবে। আর তার মালিক কিন্তু সত্যি ব্রজ চক্কোস্তি।

—এমন নামটা যে তারও তা তো আগেই জানতে। শোভা ভাবল সব দিক দিয়ে আজ দিনটা ভরে উঠেছে।

—না। কই আর জানতাম। আলাপ শেষ হলে সে বিপিন স্নানকে বললো তোমাকে চেনা চেনা লাগে। মিরানি গ্রামের কুস্তির আখড়া কবেছিলে সে তুমি, না তোমার ভাই?

—বলো কি ভাসান।

বিপিন অবাক।

—বলো কি।

বিপিন অবাক। বিপিন বলে, আপনি? সে বলে তোমাদের পাশের গাঁয়ের

ব্রজ চক্রবর্তীর নাম শোন নি ? আজ দশ বৎসর গ্রাম ছাড়া। আর সে বলে, পুলিনকে চিনতে ? পুন্সু ? তোমাদের বয়সেরই। আর সে বলে, বাপ মরা সেটাকে মানুষ করেছিলাম হে, আর হাসলো শোভা, একটু খুঁটি চেপে ধরলো, হাতের কাছেই পেয়ে। ভাসানও একটু পিছিয়ে গিয়েছিল কথা বলতে বলতে। আলোর ফালিটা তার হাঁ করা মুখের দাঁতগুলোর উপরে পড়লো। কি কদৰ্শ মানুষের হাঁ করা বোকা বোকা মুখ।

—তা হলে এই ব্রজ চক্রবর্তী সেই ব্রজ চক্রবর্তীই। অশ্চর্য ! মানে পুলিন যাকে নিতাই বলেছিল না সকালে। সেই ? তা হলে ?

আমি যাই এখন ? ফিস্‌ফিস্‌ করে বললো ভাসান।

—কিন্তু। খুঁটি ছেড়ে শোভা এগিয়ে এল। কিন্তু। শোভা ঢোক গিললো। কিন্তু...এ কি ভালো না ? বলে ? এহঁ উরুগুঁী। এ কি ভালো না বলে ? কি যেন আর সেই হাঁস ওড়া...। এটাও কি মিথ্যা গল্প এই উরুগুঁী ? মানে প্রবঞ্চনা ?

—আমি যাই এখন। অ্যা। ভাসান আর একটু পিছালো। যাই এখন। অ্যা ? যাই ? অ্যা ? ভাসান তার বাড়ির রাস্তার দিকে আর একটু সরে গেল। আচ্ছা, সে কাল। যাই এখন ? অ্যা।

অবশ্য মনস্তাত্ত্বিকরা বলতে পারেন পুলিনকে মানুষ করার দরুণ তার কাছে ব্রজ চক্রবর্তী ফাদার ফিগার ছিল কি না। আর তা বললে আকোশমূলক প্রচার, গল্প তৈরি ইত্যাদিকে ক্ষমার যোগ্য বলা হয় কি না। তা আমাদের গল্প নয়।

কিন্তু অন্ধকারে আরও দু-চারজন লোক আসছিল করাতকলের দিক থেকে খুশিতে হাসাহাসি করতে করতে।

অন্ধকারে কি বোঝা যাচ্ছে এখন সড়কের উত্তর মাথায় নীল নীল পাহাড়ের আভাস। আরে বাপু, অন্ধকারে তুমি দেখছো না বলেই কি গাছগুলো লোপ পায়। ওটা নিশ্চয়ই মাধব যে আহো বল্লো বেশ জোরেই। দেখতে পাওয়া যাচ্ছে না বটে কিন্তু তা শুধু অন্ধকারের দরুণই, শব্দটা শুনেই বোঝা যাচ্ছে তার সারা গায়ে খুশির দোলানি দিয়ে তবে কথাটা বার হলো।

এখন বেতের চেয়ারের উপরে সামনের দিকে ঝুঁকে বসেছে সৌম্য, কতুই দুটো উরুর উপরে রাখা। হাত দুটো এইমাত্র অনেক কথা বলেছে, যার সঙ্গে মুখের কথার মিল ছিল না। অন্তত তাই ধারণা হচ্ছে এখন ক্রমশঃ অন্তত এই শেষ দু'মিনিট ধরে; আর তারই প্রমাণস্বরূপ যেন সে লক্ষ্য করছে; হাতের তেলো দুটো যেমন লাল, আঙুলগুলো তার তুলনায় অনেক বিবর্ণ।

হাসল সৌম্য। বলল, “স্বয়ং রবিঠাকুর খেদ করে বলেছেন কাছাকাছি একটা ভদ্রগোছের ভালুকও ছিল না। বর্তমান জীবন এমন ঘটনাহীন যে তাকে ঘোলা জলের ডোবা ছাড়া আর কিছু বলা যায় না।” এই বলেই সৌম্য থামল। আর তার নিজের কাছেও কি পানসে লাগল হাসিটা?

শমিতা সৌম্যর মুখের দিকেই চেয়েছিল। সে লক্ষ্য করল সৌম্যর চোখের প্রান্ত দুটিতে এলোমেলো কয়েকটা কৌচকানো দাগ পড়েছে। প্রকৃতপক্ষে সেটা কি রসিকতার চেষ্টার ফল, অথবা—। অথবা প্রকৃতপক্ষে সৌম্যকে সে যত তরুণ মনে করে নিয়েছে তা হয়তো নয়। আর ভেবে দেখো কেমন বদলে যায় সেই পরিচিত বসবার ঘর। এখন কটা বাজে কে জানে, অনেকক্ষণ থেকেই বিকেলের আলোটার যেন পরিবর্তনই হচ্ছে না। যদিও এটা ভাবা অযুক্তির হবে যে স্বর্ষ্য হঠাৎ কোথাও থেমে দাঁড়িয়েছে, অথবা আরও আধুনিক ভাষায় পৃথিবীটার পাক খাওয়াতে ঢিলেমি লেগেছে।

সৌম্য উঠে দাঁড়াল, ঘরের মধ্যে ঘুরে ঘুরে বুককেসের মাথায়, টেবলে, দেয়ালে কি খুঁজল, ফিরে এসে চেয়ারটাতেই বসলো আবার।

শমিতা বলল, “তুমি কিছু খুঁজছো?” সে গালের তলায় হাত দিয়ে ঝুঁকে ছিল, সোজা হয়ে বসল এবার। “ও, এই যে,” সৌম্য বললে। সামনের টিপয়ের উপর থেকে সিগারেটের কেসটাও তুলে নিল সে। যেন সে সেটাকে খুঁজছিল। সিগারেট কেসটাকে পকেটে রাখল সৌম্য যেন বেরুবে এখন। কিন্তু চেয়ারের পিঠে হেলান দিল বরং। বলল, “মালার্মের কথা বলেছিলে। এখন কি তা হবে?”

শমিতা অমুভব করল শিষ্টতার মতো কিছু যেন, গত পাঁচ মিনিটে এই দু'বার হস না? রবিঠাকুরের ভদ্রগোছের ভালুকের কথা শুরু করে মালার্মে উচ্চারণ করল

সৌম্য এবার ।

শমিতা লক্ষ্য করল সৌম্যর হাতের আঙুলগুলোকে রক্তহীন দেখাচ্ছে । নখ-
গুলো স্থল্লর, ম্যানিকিওর করা যেন । তা সবেও আঙুলগুলোর বিবর্ণতা চোখে
পড়ছে । আর কাঁপছেও যেন সেগুলো ।

শমিতা মনে মনে বলল, “আ সৌম্য, তুমি হয়তো কার্যকারণ সম্পর্ক খুঁজছো ।
কিন্তু নাটক নভেলে ঘটনার কারণ খুঁজতে হয়, কোনো ঘটনাকেই হঠাৎ আনলে
পাঠক সেটা মেনে নেয় না, আর সব চাইতে ভালো হয় যদি ঘটনাটার বীজ চরিত্রে
নিহিত থাকে । কিন্তু প্রকৃতপক্ষে তা নাও হতে পারে । বরং মেনে নাও ঘটনার
পিছনে কারণ নাও থাকতে পারে ।”

শমিতা স্পষ্ট করে উচ্চারণ করল, “তোমাকে একটু ক্লান্ত দেখাচ্ছে না ?”

“বরং—” বলল সৌম্য ।

আর তারপর সে ভাঁজ করা হাতের মণিবন্ধে চিবুক রাখল । এই প্রথম । এটা
গভীর করে চিন্তা করার ভঙ্গি তার, শমিতার চাইতে তা আর কে বেশি জানে ।

শমিতা ভাবল, “যদি তা বল তবে একটা ঘটনাকে টেনে টেনে অল্প যে কোনো
ঘটনার সঙ্গে যোগ করে দেয়া যেতে পারে । কানাডার সেই এম. পি. যে খেতাব
ফিরিয়ে দিয়েছে তার সঙ্গেও যুক্ত করে দেয়া যায় । আর সে ঘটনাটার কথা আজকের
কাগজেই আছে । বিটলদের সঙ্গে সে ব্রাকেটেড হতে চায় নি । কিন্তু তা কি এক
রকম আতিশয্য নয় মনস্তাত্ত্বিকতার ?”

শমিতা উঠে দাঁড়াল । জানালার কাছে গিয়ে দাঁড়াল । আর ফুলে ফুলে ময়ূরের
মতো চঞ্চল গুলমোরচাকে দেখতে পেলো সে । কিন্তু তক্ষুণি সে সরেও এলো ।
সৌম্যর চেয়ারের পাশে এসে দাঁড়াল, একটু তাড়াতাড়ি করে বলল, “চা করি এখন
—তাই নয় ।”

অদ্ভুত ফাঁকা শোনাল তার প্রস্তাব ?

“কিন্তু কখনও কখনও মনের হৃদয় চিন্তাকে অবহেলা করতে হয় ।” এই ভাবল
শমিতা । “হ্যাঁ, এটাকে সে অন্তর থেকেই বিশ্বাস করে । জয়েস পড়তে এবং পড়াতে
সেটাই তার এক নম্বর আপত্তি । এমন কি চিন্তাশীল ডেনকে যদি চেতনা তরঙ্গে যুক্ত
কর, চরিত্রই লোপ পেয়ে যাবে । অথচ এখন পর্যন্ত তোমাদের যা পড়িয়েছি তাতে
চরিত্রকে প্রাধান্য দিয়েছি, তাই নয় ।

“তবে ইদানীং আমার মত বদলেছে । কিংবা মতটা আগেই ছিল এখন তাকে
বিবৃত করতে পারি । সংক্ষেপে, চরিত্রকেই একমাত্র মনে করা ভুল । এবং এমন কি
একটা ঘটনা ঘাটনে চরিত্র এঁকে ফেলা কৌশল হতে পারে, কিন্তু তাতে প্রমাণ হয়

না চরিত্রটা স্থির কিছু হয়ে মানুষটার গায়ে এঁটে বসল চিরকালের জন্তে । অন্ত-
দিকে চরিত্র, ঘটনা সংস্থান, কাব্য সব মিলেই নাটক ।”

শমিতা বলল, একটু জোরে বেশ স্পষ্ট করেই বলতে পারল সে, “চা করেই
আনি । আর তারপর মালার্মেও শুনব । প্রস্তাবটা আশি করেছিলাম, আজ
বিকেলেরেই করেছিলাম । আর লক্ষ্য কর যদি, সেই বিকেলটাই এখনও রয়েছে ।”

বেশ দৃঢ় পদক্ষেপ করে করে শমিতা পাশের ঘরে চা করতে গেল । স্টোভ
ধরাল সে । একটু কাং করে মাথা বার্নারের সমতলে এনে পিন করল । কেটলি
বসাল । ছোট রেফ্রিজারেটারটা খুলল । এখন সময় নয়, তা হলেও কিছু দেবে সে
সৌম্যকে চায়ের সঙ্গে । রেফ্রিজারেটার বন্ধ করে সে ফিরে এলো চায়ের টেবলের
সামনে । স্টোভটা টেবলে বসানো । দাঁড়িয়ে কাজ করতেই পছন্দ তার । চায়ের
ক্যাডি, কাপ-প্লেট, চামচ, ছাকনি টেবলের উপরেই ছিল । সেগুলোকে সাজালো
শমিতা টেবলের উপরে । তাদের প্রত্যেকের পৃথক আকৃতিগুলোকে লক্ষ্য করে
করে দেখল । স্টোভে সাইলেন্সার দিলেও শব্দ হয় । সে শব্দটাও, তা ক্ষীণ হলেও,
শুনতে পেলো শমিতা । যেন মনোযোগই দিল সেদিকে ।

খুঁ খুঁ করে কাশলো যেন কেউ । আচ্ছা ? তা হলে— । অবিশ্বাস আর
স্বস্তির মাঝামাঝি এনে শমিতার মনে এই শব্দ কয়েকটি । পায়ের থেকে ক্রেপ-
পোলের নিঃশব্দ চটিটা খুললো সে । ঠিক পা-টিপে চলা নয়, সেটা কি যুক্তিসঙ্গত
হবে ? শব্দ যাতে না হয় এমন ভাবে চলে চলে বসবার ঘরের সামনের বারান্দায়
এলো ঘরে না ঢুকে । নিচু হয়ে কিছু কুড়িয়ে নেয়ার ভঙ্গিতে আবার সে উঠে
দাঁড়াল । এবং তারই মধ্যে সে দেখেও নিতে পেরেছে । সৌম্য সিগারেট ধরিয়েছে
—এতক্ষণে । আর তার চেয়ারের পাশের বেতের টেবল থেকে একটা কিছু তুলেও
নিয়েছে—হয়তো খবরের কাগজটাই আবার, অথবা জার্নাল, অথবা—সে যা কিছুই
হোক । কিছু একটা যে তাই যথেষ্ট ।

চায়ের স্টোভের কাছে ফিরে এলো শমিতা । ছোট একটা বেতের চেয়ার এ
ঘরেও আছে । শব্দ না করে সেটাকে তুলে আনল সে টেবলের কাছে । একটু বসে
নেবে সে । চায়ের জল হতে হতে এবং চা ভিজিয়েও খানিকটা চিন্তা করে নিতে
পারে—অবশ্য, এটাকে এমন হুশিয়ার বিষয় করা কি উচিত হচ্ছে ?

ব্যাপারটা যে ভাবে ঘটলো পর পর দেখে গেলেও হয় । চৌচৌর কোণে একটা
আঙুল রেখে, তার ডগাটাকে কোমল করে দাঁত দিয়ে চেপে ধরল সে । লোকে
বলেছিল : প্রত্যয় করা কঠিন । কেউ বললো শিব-শিবানি, অন্ত কেউ বলল
ম-মুসং, অন্তত একজন বলেছিল রবিঠাকুরের লাভণ্য-অমিত । লাভণ্য-অমিত

রবিঠাকুরের প্রচণ্ড কৌতুক কিনা এ নিয়ে মতবৈধ থাকতে পারে, অথবা ম-সুসং
 এই যোগ শব্দটি একটা অপপ্রয়োগ—তা হলেও ভাবটা বোঝা যায়। এ সবই
 তাদের বিয়ে নিয়ে। যারা উত্তেজিত হয় নি তারাও ঠাণ্ডা খুশিতে বলেছিল বিধিকে
 যদি না মানো বলে। অ্যাক্সিডেন্ট—যেহেতু কোনো সামাজিক-অর্থ নৈতিক কারণ
 খুঁজে পাওয়া যাবে না—এমন একটি চমৎকার বিয়ে। কৃশমধ্যা, পীনোম্নতা,
 স্নুগোরী শমিতার—(শমিতার গালে লাল লজ্জা দেখা, দিল, সে টেবলের উপরে
 চামচটার গায়ে আঙুল ঘষল, সে জানে তার বাস্টটা এত ভালো যে সিনেমা
 অভিনেত্রী বলে ছ একজন ভুল করেছে।) আর সৌম্য, নর্ডিক বলতে বোঁক
 আসে। কিন্তু নর্ডিক বলতে আমরা জার্মানদেরকেই বুঝি, আব তারা বেশ একটু
 গাঁট্টাসোটা। ববং ভবতাকে, ভরতচন্দ্রকে নর্ডিক বলা যায়। বিয়ের সময়ে খাটুনি-
 খাটা, এমন কি কনের পিঁড়িধরা, অচ্ছাদিকে পুলিশের সাব-ইন্সপেক্টরের চাকরি করা
 —এ সবই ভরতচন্দ্র তার নর্ডিক গড়ন নিয়ে বেশ সমাধা করতে পারে। সৌম্যকে
 কি বলা যাবে? কিছু বলা দরকারই বা কি? একটু দোহারী সোনালি রঙের
 শরীর; চোখে চশমা বটে, তাতে চোখের দীপ্তি ঢাকা পড়ে না। ইন্টেলেক্চুয়াল
 কথাটা দিয়ে শমিতা চিন্তা করে, বাংলা ভাষার প্রতিশব্দগুলোকে তেমন শানানো
 মনে হয় না। বাকি থাকে অর্থ: উচ্চ মধ্যবিত্ততায় অভ্যস্ত সৌম্য নিজেও
 এডুকেশন সার্ভিসের ক্লাস ওয়ান অফিসর। শমিতা এখনও ক্লাস টু বটে, ডক্টরেটটা
 হলে সেও প্রোমোশন পাবে—এটা ধরে নেয়া যায়। দু বছর হল তারা সংযুক্ত
 হয়েছে। শমিতার ডক্টরেটটাই তাদের প্রথম সন্তান হবে। ইতিমধ্যে তারা অত্যন্ত
 লম্বা গড়নের সাদা লালে রাঙানো একটা অটো কিনে ফেলেছে। (অটো মানে যাকে
 আমরা মোটরগাড়ি বলি।) কিন্তু আসল অথচ ছোট্ট একটা কথাও আছে। বিয়ের
 কথা যখন অগ্রসর হয়েছিল তখন দেখা হয়েছিল স্কোসিয়েলে। পরবর্তী বক্তার নাম
 যখন ব্ল্যাকবোর্ডে লেখা হল তখন সেই পরিচিত নামটি দেখে শমিতা ভেবেছিল
 কীকি দিয়ে দেখে নেয়া যাবে মালুঘটাকে। সৌম্য যখন উঠে দাঁড়াল তখন শমিতা
 লাল হয়ে উঠেছিল। সে কি খুশিই হয়েছিল! যা সে কল্পনা করেছিল তার
 চাইতেও ভালো। কিন্তু বাপারটা একতরফা হয় নি। সৌম্যও সুযোগ পেয়েছিল।
 তার একজন সহকর্মী স্টেশনে দাঁড়িয়ে বলেছিল—ইনি শমিতা রাহা, আমাদের
 নতুন অধ্যাপিকা। সৌম্য, এত ভালো! বক্তা সৌম্য, নির্বাক হয়েছিল। শমিতা যত
 খুশি হয়েছিল সে কি তার চাইতেও বেশি খুশি হতে পেরেছিল। গাড়িটা
 চলে গেলে সৌম্য বলেছিল, “আমি সব জানি, আপনিও শুনে থাকবেন। আপনার
 মত বলুন।” শমিতা বলল, তার আগে তার গাল লাল হয়ে উঠল আবার, হাতের

ব্যাগটাকে খুঁটতে খুঁটতে সে বলল, “আমার আপত্তি নেই।” সৌম্য বলল, “আমি আর একটু এগিয়ে যেতে চাই—সৌভাগ্য বলব আমার। আবার দেখা হয় না?” শমিতা একটু ভেবে বলল, “কাল সাড়ে ছটায় মিউজিয়ামের দরজায়।” বিয়ের কথাবার্তা পাকা করতে কর্তারা তিন মাস সময় নিয়েছিল—আর সেই স্থযোগে, তাকে পূর্বরাগই বলা উচিত। ঠিক একটা স্বপ্নে দেখা ব্যাপার নয়।

কোথায় যাওয়া যায় পুজোর ছুটিতে? কারনিল, স্কার্ভ, ম্যাঙ্গালোর, ব্যাঙ্গালোর, সিমলা, অথবা উটি? এসেছে দেউগিরিতে। নামের জ্ঞান? দুধ খাঁটি? যুর্গি স্প্রুং? না। পিস, শান্তি। শান্তি, ধীরে ধীরে বারে পড়ে লিনেনের ছোট-ছোট পাখা থেকে। দেউগিরি অবশ্য একটা জায়গা, কিন্তু তাদের ইচ্ছামূলক চিন্তা এবং অল্পভূতিতে গড়া দেউগিরি কোনো সারতে ম্যাপেই খুঁজে পাওয়া যাবে না। অথবা শমিতার শরীর কি সমাগরা একটা মহাদেশ নয়? কিবা সৌম্যর প্রশস্ত উঁচু কপাল কি হিমালয়ের কোনো চূড়ার মতো নয়। খানকয়েক মাত্র বই এসেছে, মাত্র খানকয়েক।

গেটের পাশে বিলেতি গাবগাছ। ছোট একটা বাগান, তারপরেই বাংলা ধরনের লাল রঙের বাড়ি। বাগানের কোণে গুলমোর। বাসায় ঢুকবার দরজার পাশে দেয়ালে উঠেছে এমন একটা লতা। শমিতার ধারণা সেটা আঙুরলতা, যদিও সেটাকে একটু শুকনো দেখাচ্ছে। ‘আঙুর’ এই শব্দটি অনশ্চ নয়? আঙুর, দ্রাক্ষা, গ্রেপ—সব কয়েকটি শব্দ স্ত্রীবা, স্ত্রীবা: এমন কি ক্রিপারের মধুর উচ্চারণ যথেষ্ট নয়, ভাইন। শমিতা আর একটু এগিয়ে যায়, দক্ষিণ ফরাসী দেশের, বিশেষ করে প্রোভেন্সের কথা নাকি তার মনে আসে।

ঠিক যেন রবিঠাকুরের সাজানো গল্প।

কিন্তু এ কথাগুলো এখন মনে হচ্ছে কেন? টিপটে চামচ মেপে চা দিতে গিয়ে হাতটা একটু কাঁপল শমিতার। দ্বিতীয় অঙ্ক শুরু করতে গিয়ে প্রথম অঙ্কের সার উদ্ধার করার মতো—অথবা, ডাক্তারের হাতের হাইপোডার্মিক সিরিঞ্জের মাথা থেকে শেষ বায়ু-বুদ্ধদের সঙ্গে ওষুধের প্রথম কিছু গড়িয়ে পড়লে ছোট্ট এক টুকরো ভয়ে চোখের পাতা যেমন বার দুয়েক কঁপে ওঠে তেমন করে কাঁপলো শমিতার চোখের পাতা, অথবা কি কি ঘটে ঘটে শেষে এই চূড়ান্ত ঘটনায় পৌঁছুলো তারা তারই হিসাব নিচ্ছে সে? ছি ছি। কেটলি থেকে টিপটে জল ঢালল শমিতা। বাস্পটা চায়ের সুগন্ধ বহন করে উঠে এলো টিপট থেকে। হঠাৎ এক বিন্দু জলের মতো কিছু টলটল করে উঠল শমিতার চোখের কোণে।

এটা খুব বাড়াবাড়ি হয়ে যাবে যদি তা হয় প্রায় স্বগতোক্তির মতো এই

হুনির্দিষ্ট চিন্তা করল সে। অথচ প্রায় রোজনামচা লেখার মতো করে শুছিরে উঠছে তার মনের মধ্যে ঘটনা পরস্পর।

আয়নার গোড়ায় চিকনি বেখে শমিতা শোবার ঘর থেকে বসবার ঘরে এলো। এদিক ওদিক চাইতে টিপয়ের উপরে চোখ পড়ল। সিগারেট কেস নেয় নি সৌম্য। প্রাচীন হাতির দাঁতে যেমন শমিতার ব্যক্তিছে যেন তেমন ফাটল দেখা দিল। গৃহিণী শমিতা ভাবল : তা ভালোই সিগারেট কম খাওয়া। ক্যানসার ট্যানসার কি সব বলে। কথাটা কি দিদিমার কাছে শেখা—ষাট, বালাই! অস্ত্র শমিতা ভাবল : নতুন প্যাকেট ছিল বোধহয় দেবাজে। সে টিপয় থেকে সিগারেট কেসটা তুলে নিয়ে ঘ্রাণ নিল। পরিচিত স্নগন্ধ। অথবা ম-বুসং হলো না : সৌম্যর স্ত্রাণ যৌগিক, তার একটা উপাদান এই টার্কিশের পরুষ-স্নগন্ধ।

ঘড়িতে দেখেছিল শমিতা সাড়ে নটা বাজে। ধারাহীন পরকলার চশমাটা চোখে দিয়ে ইজি-চেয়ারটায় বসল সে। একটা পত্রিকা টেনে নিল সে জর্নালের টেবল থেকে। হাতলের উপরে পা তুলে দিল সে। আর তখন আমাদের চোখে পড়ল তার দ্বধে আলতা রঙের বাঁ পায়ের ডিমে প্রায় এক বর্গইঞ্চি মাপের বৃত্তাভাসের মতো কালো একটা জড়ুল আছে।

পত্রিকার পাতায় চোখ দিয়ে বাঁ হাতের একটা আঙুলে গলার সক্ষ হারটাকে পাকাতে লাগল শমিতা। কবোক্ষ স্তথের প্রবাহ যেন তার শিরায় শিরায় বয়ে যাচ্ছে। অবশ্য সেটা, ডাক্তাররা জানে, সেটা তার স্তস্থ রক্তের প্রবাহই যা বহুমুখে স্তজীর্ণ, স্তস্থাদ ব্রেকফাস্টের থেকে তখন বল সংগ্রহ করছে।

আর ঠিক তখনই পাখিটা ডেকে উঠল। অবিকল যেন পাখি। শমিতার মুখে একটা হাসি দেখা দিল।

ঠিক এ সময়েই বারান্দায় জুতোর শব্দ হলো। যেন আঙুলের ডগায় ভর করে এমন লঘু পদক্ষেপে ছুটে এলো শমিতা দরজার কাছে। তার কি পায়ের শব্দ চিনতে এখনও ভুল হতে পারে! হাতের পোর্টফোলিও স্ফীতাদর।

সৌম্য বলল, “দেখো কি এনেছি, বালা।”

শমিতা পোর্টফোলিও ব্যাগটাকে দু হাতে বুকের উপরে জড়িয়ে ধরল। কিন্তু তা দু এক পলকের জন্ত। তারপরই এক হাত দিয়ে সৌম্যর হাত ধরে তাকে নিয়ে গেল চেয়ারের কাছে। তাকে চেয়ারে বসিয়ে ব্যাগটাকে রাখলো টেবলে। তোয়ালে আনলো। কপালটা মুছিয়ে দিল। কপালের উপরে কয়েকটি চুল শুছিরে দিল আর তাতেও সবটুকু হলো না।

আর সৌম্য বলল : রোজ সংগ্রহ কিছা শিকার ভালো হয় না। আজ আমার লোভাণ্য উদয় হয়েছে। এই বলে সে পোর্টফোলিও ব্যাগ খুললো। বলল, হে ললনে, দেখো এই কুরিয়ার, এই লুমিনিভের সাহিত্যসংখ্যা, হে বীরজায়া দেখো এই টাইমস্ লিটারারি সপ্লিমেন্ট, এই রিভ্যু অব রিভ্যুস। অগ্নি স্বভগে, তোমার জন্ত বাংলা পত্রিকা অমৃত ও দেশ একই সঙ্গে সংগ্রহ করেছি, কারণ আফটার অল অথবা অ্যাবভ অল বলব ?—তুমি বাঙালি মহিলা। আর এইগুলি দেখো মায়ের চিঠি, মাসীর চিঠি, এটি কোন ভরতচন্দ্রের কার্ড, বন্ধু নাকি ?—মনে পড়ছে বরষাজীদের তত্ত্বালাস করেছিল যে পালোয়ান সেই বোধ হয়—আর এই ম্যলবান চেহারার খামখানা এটা তোমার এয়ারকণ্ডিশানিং-এর এপ্টিমেট এ বিষয়ে আমার সন্দেহ নেই।

শমিতা বলল : হে বীরশ্রেষ্ঠ, আপনার যে দক্ষিণ বাহ একই কালে মৃণালের মতো স্পর্শ এবং মহাভুজের মতো শত্রুপীড়ক তা আমাকে সতত রক্ষা করুক।

এই বলে শমিতা খিলখিল করে হেসে উঠলো।

সৌম্য বলল : এর আর পর নেই।

কিন্তু—দেখো এরই মধ্যে দেরি হয়ে গেছে। ট্রের উপরে তাড়াতাড়ি পেয়ালা-পিরিচ চামচ, ছাকনি, টিপট গুছিয়ে নিল শমিতা, কেক্ প্যাটির ছোট একটা রেকাবি। তাড়াতাড়ি হেঁটে বসবার ঘরে ফিরে এলো সে। শব্দ করে টিপয়টাকে টানল সে। ট্রেটা রাখতেও যুহ একটা শব্দ হলো। হাত কাঁপিয়ে হাতের চূড়িগুলো গুছিয়ে নিল সে শব্দ করে করে একটু জোরালো গলায় বললে—‘চা এনেছি।’

এই শব্দগুলোর ফল ভালোই হবে, এই ভাবল সে, বিকেলের আলোটিয় কম বেশি হতে পারে। তুলনা দিলে এই শব্দগুলোকে বিকেলের এই থেমে যাওয়া সময়ের বিরুদ্ধে। কিংবা অচল নিস্তরঙ্গ সময়ের ডোবায় দাঁড় ফেলা বলা যেতে পারে। আর ১স লক্ষ্য করল সৌম্য চেয়ারের গভীরতায় ডুবে চোখের সম্মুখে খবরের কাগজটাকে মেলে ধরেছে। এটাকেই একটা পরিবর্তন বিন্দু বলা যেতে পারে। শমিতা ঘরের চারিদিকেও চাইল। বসবার ঘরের জানদিকের দেয়ালে দুটো জানালা। সেদিকেই ঝাবার টেবল পাতা। টেবলে কাঁচ, ক্রোমিয়াম, পোর্সিলেনের তৈজস। তা থেকে কিছু দূরে মুখোমুখি দুখানা বেতের চেয়ার। তা থেকে আর কিছু দূরে কিছু কাঠ কিছু বেতে তৈরি ইজিচেয়ার একখানা। ইজিচেয়ার আর বেতের চেয়ারগুলোর মাঝখানে টিপয়। তার উপরে সিগারেট, দেশলাই, অ্যাসট্রে। ইজিচেয়ারটার বাঁ দিকে বেতের টেবলে জর্ন্যাল আর খবরের কাগজ।

আর আজ সকালের আনা জার্নালগুলোও রয়েছে ।

কিছুই বদলায় নি এ কথাটা বললে সঙ্গে সঙ্গে প্রমাণ হয় বদলেছে এটাই অল্পত মনে করা হয়েছিল । তা না বলা, টিপস টানা, ট্রে রাখা এবং চুড়ি গোড়ানোব শব্দ যেমন তেমন এই জিনিসগুলোর পরিচিত আকৃতিগুলোকে হঠাৎ যেন অবলম্বন করার মতো কিছু মনে হলো, চা করতে উঠে যাওয়া, চা ভিজিয়ে ফিরে আসার রোজকার মতো ঘটনাগুলো যেমন ।

শমিতা বলল, “চা দিয়েছি । আর প্যাটিগুলোকে পরখ করে দেখবে নাকি ?”

সৌম্য মুখের সামনে থেকে কাগজটাকে সরাল । শব্দও হলো কাগজটাকে সরাতে যেমন ওয়া স্বাভাবিক । জার্নাল-টেবলে আলতো ভাবে ভাঁজ করা কাগজ-টাকে ফেলে দিয়ে বেশ আগ্রহেব সঙ্গেই চায়ের কাপটা তুলে নিলো । আর তা দেখে শমিতার মনে হলো ভালোই হয়েছে তা হলে চা করতে যাওয়া ।

সৌম্য বলল, “কাগজে সংবাদটা আবার পড়লাম ।”

“কোন সংবাদ ?” খালি বেতের চেয়ারটার পিঠ থেকে তুলে একটু ঘুরে এসে সেটাতেই বসল । শমিতা নিজের জুতা চা-ও ঢেলে নিলো খালি অপেক্ষমান কাপটাতে ।

সৌম্য একটু সময় নিল যেন ।

“অবশ্য, এমন কিছু নয় । ওটা বাড়াবাড়িই বলতে পারো । ক্যানাডার সেই এম. পি. যে চিঠি লিখেছে । এ বিষয়ে তোমার মত কি ?”

“তুমি কিন্তু প্যাটি ছুঁলে না !”

সৌম্য প্যাটি থেকে একটু ভেঙে নিল । বলল, হেসে হেসে, “এটা কি সমাজে এক সময়ে চলে যাবে ? বিটলদের গানের কথাই ধরো ।”

শমিতাও হাসলো । বলল, যেমন সে অনেক সময়ে অনেক কথা থেকে সরে আসার জুতা বলে, “যদি বলাও বিষয়ে আমি ভেবে দেখবো ।”

সৌম্য শমিতার মুখের দিকেই চাইল । তখন শমিতার মনে হলো ওভাবে কথাটা এড়িয়ে যাওয়া ভালো হয় নি । কিন্তু কি করে আবার কথাটাতেই ফিরে যাবে তাও সে ভেবে পেল না । সে লক্ষ্য কবল সৌম্যর সোনালা মোমের মতো রঙের কাছে যেন লাল কালির মতো লাল হয়ে উঠেছে । যেন অসহ্য চাপ লাগছে সেখানে । আর তারই ফলে যেন অস্বস্তি বোধ করছে সে । কিন্তু সৌম্য, সৌম্য বিটল বা বিটনিক বলে তুমি কি লঘু করতে চাইছ, যেমন পাগল অথবা মাতাল বলে উপেক্ষা করার মনোভাবটা আনা হয়ে থাকে ? বিটল বিটনিক পাগল, মাতাল, সমাজে আছে—তাদেরও এদের মধ্যেই ধরে নাও, কিন্তু সে রকম বলা কি—।

না। খবরের কাগজটা তুলে নিল শমিতা। একটু চোখ বুলোতেই সে খবর পেয়ে গেল। বলল, “দেখেছো—ট্রেভেল্যানের এই বইখানার আবার রিডু হয়েছে। তা হলে এবার পাওয়া যেতে পারবে।” সোম্য সাগ্রহে মুখ তুলল, যেমন হলে স্বাভাবিক হয়। রোজকার মতো হয়।

“তাই নাকি? ইংলিশ সোসাল হিস্ট্রি?”

খবরের জায়গাটাকে ভাঁজ করে সোম্যর দিকে এগিয়ে ধরলো শমিতা। সোভাগ্য, সোভাগ্য!

সোম্য বলল, “তাই তো দেখছি।”

“এবার থেকে অর্ডার দিতে দেরি করা চলবে না আর।”

চায়ের কাপটা তুলে চুমুক দিয়ে নামিয়ে রাখল সোম্য। শমিতা সিদ্ধান্ত করলে ওর মুখের দিকে না চাওয়াই ভালো। ও যা বলবে তা বলুক। কথাটাকে ঘুরিয়ে দেখা উচিত হবে না।—তা যদি বিটলদের কথাই হয়। কিংবা সোম্য কি বিটল কথাটা ইচ্ছা করেই পরিবর্তে ব্যবহার করেছে। অথবা হয়তো ও দুটো ব্যাপারই সোম্যর চোখে এক। কিছু একটা গলার কাছে অনুভব করল শমিতা। সেটাকে গিলে ফেলাই ভালো; কিন্তু তা যদি কান্না হয়? না না। আরও ক্লেশাক্ত হয় না তা হলে।

চা খেলো সোম্য, সিগারেট ধরালো। হাতের তেলো দুটো একটার গায়ে অন্যটাকে লাগিয়ে মাটিংএর দিকে চেয়ে রইল।

শমিতা বলল, “আচ্ছা, শোন, একটা কথা কি, বলছিলাম—”

হঠাৎ যেন একটা অপরিমীম ব্যাখ্যার ছাপ পড়ল সোম্যর মুখে।

আর শমিতা বরং খবরের কাগজ দিয়ে মুখ আড়াল করল।

আবার কি তাকে আড়ালে থেকে নিজের জীবনের ঘটনাগুলোকে অনুসরণ করে করে কারণ খুঁজতে হবে? অসাধারণ হয়ে ওঠে না তা হলে ব্যাপারটা। নভেল নাটকে ছাড়া তা কি কোনো নান্বিক্য করে? আর তাই বা কেন—এটা একটা—এর কোনো কারণ হিসাবে কি তার জীবনের কোনো ঘটনাকেই দায়ী করা যায়? শমিতা ভাবল : কত ঘটনার কথাই তো উল্লেখ করতে পারে সে নিজের জীবন থেকে। এই তো সেদিন—চুল আঁচড়াতে আঁচড়াতে হঠাৎ থামল শমিতা। আয়নায় তার মুখ হাসি চকমক করে উঠল। আলমারিতে বান্ধে শোয়ানো আঙুরগুলো থেকে নিটোল একটিকে ছিঁড়ে নিল সে। দু-হাতে তেলোর মাঝখানে রেখে যেন তার স্নেহদায়ক স্পর্শকে অনুভব করল। তারপর দু-হাতের চাপে হঠাৎ সেটাকে

কাটিয়ে দিয়ে রসে ভেজা হাতের তেলো দুটোকে চোখের সম্মুখে মেলে ধরল। সে কি আশা করেছিল তার তেলো দুটো রক্তের মতো লাল অথবা চাঁপার মতো সোনালি হয়ে উঠবে? জাগ থেকে জল ঢেলে হাত ধুয়ে ফেলে সে আবার চুল ঝাড়াতে শুরু করেছিল। লাল হয়ে উঠেছিল তার মুখ। এই দুঃসাহসিক রোমাণ্টিকতা অথবা যৌবনপ্রমত্ততার মধ্যে কি দুর্বলতা ছিল? কিম্বা আজ সকালের সেই ঘটনাটা—ইজিচেয়ারের হাতলে পা তুলে দিয়ে সে জর্নাল পড়ছিল। আর ঠিক তখনই পাখিটা ডেকে উঠল। অবিকল যেন পাখি। সেই ড্রাক্কানিঙডানোর সকালেই প্রথম কানে এসে থাকবে। কিন্তু দু-একদিন আগেই শমিতা বুঝতে পেরে-ছিল সেটা আসলে শিশু। (যাকে চলতি কথায় সিটি বলে। কথাটা উচ্চারণ করতে অসুবিধা বোধ করে শমিতা।) বাংলোটোর সামনেই বাগান, কিন্তু ডান-দিকের রাস্তাটা আর ঘরের দেয়ালের মধ্যে চার-পাঁচ হাত জমিও নেই। সেই রাস্তায় এই সময়েই কেউ জোর শিশু দেয়, অজ্ঞাত পাখির ডাকের মতো, কিন্তু ভীত। খাবার টেবলের ও-পাশে, কাঁচের জানালা দুটোর পরেই রাস্তা। দু-একদিন আগেই, অনুমান করে শমিতা, শিশু-ওয়ালাকে দেখতেও পেয়েছিল সে, জানালার কাঁচের মধ্যে দিয়ে। কালো রঙের ড্রেনপাইপ প্যাণ্ট, সোনালি টি শাট, পায়ে নাগরা। মাথার চুল পিছনে কাঁধ, সামনে জু পর্যন্ত, শীতকালের কালো রেশমের টুপি হতে পারে। শমিতা পা নামিয়ে সোজা হয়ে বসেছিল। আর ঠিক তখনই আজ শিশুর বদলে গানের সুরটা কানে এল তার। দু-একটা কথা তারপরে আলতো গলায় আনন্দপ্রকাশ—হা-হা, অজু কলি তারপরে তেমনি আলতো গলায় হো-হো। সুরটা তার জানালা পার হয়ে চলে গিয়েছিল। বল, একে কি তোমরা অপরিণামদর্শী প্রশ্ন দেওয়া বলবে? তাহলে (চৌঁটটা কাঁপল শমিতার) নিজের বাসায় ইজিচেয়ারে বসেটাও দোষের বলবে?

অদ্ভুত একটা গরম লেগে উঠল শমিতার। যেন কয়েক বিন্দু ঘাম দেখা দেবে তার কপালে। আঁচল তুলে কপালটা মুছল সে।

সৌম্য পুড়ে-খাওয়া সিগারেট থেকে আর-একটা ধরিয়ে নিল। আচ্ছা এমন করে কি সিগারেট খায় সৌম্য, বেশি খাচ্ছে না। কোথায় যেন পড়েছে সে, মনস্তত্ত্বের বইয়েতেই নিশ্চয়, পুরুষমানুষ সিগারেট সব সময়ে নেশার জন্তাই খায় না। না, সময় কাটানোর জন্তও নয়। আপদে-বিপদে, ভয় পেলে, অজ্ঞাত আশঙ্কায় মায়ের স্তনে আশ্রয় নেয়ার প্রবৃত্তি সিগারেটকে অবলম্বন করে অনেক সময়ে। একে কি তাই বলবে, সৌম্যের এই সিগারেট খাওয়া, কিংবা একবারই

তো নজরে পড়ল। হিসাবের বাইরে একটা সিগারেট।

শমিতা উঠে দাঁড়াল। বলল, “আলোটা জ্বালি, কি বল ? আলোটা জ্বালি।” তাহলে হয়তো বিকেলটা পার হতে পারে।

আলো জ্বালাল শমিতা। আর তা যেন শমিতার সহায় হল। ইলেকট্রিসিটির আধুনিকতাই যেন তার পাশে এসে দাঁড়াল।

জেদি মেয়ে শমিতা, একথা কি কেউ জানে। সৌম্য তো নয়ই। তার পরীক্ষার বিষয়গুলো কখনও কষ্টসাধ্য হয়ে উঠলে সে জেদের পরিচয় পেয়েছে।

সে ভাবল : আর ইতিপূর্বেই অন্তত আর একবার বিকেল ধেম্মে যাওয়ার আগেই জীবনের ঘটনাগুলোকে হাঁটকে দেখেছে সে। সে তো একটা পরীক্ষার সূত্রপাত যার শেষ ধাপই শুধু বাকি। জেদ চাপলে যেমন হতে পারে তেমন করে চৌতের কোণ দুটি শব্দ হয়ে উঠল শমিতার। প্রস্তাবটা শুনে শমিতা বলেছিল, “সৌম্য, এই আচমকা স্বপ্ন এনে দেয়ার জন্তুই তুমি দেবতার মতো বড়ো।” স্বপ্নটা আচমকা বটে, টমটমে গুঠার সময়ে এ-কথাটা বললেও প্রস্তুতি চলছিল ঘণ্টা-খানেকের আগে থেকেই।

প্রস্তাবটা শুনে শমিতা কোলাহল করে উঠছিল। “তুমি এত ভালো, এত ভালো সৌম্য। কিন্তু—আচ্ছা, আমরা যদি নিজের কাপ-প্লেট নিয়ে যাই ?”

“কিন্তু খাবারের ঝড়ি ? তাতে দোকানির আপত্তি নেই। আর মালার্মে কিনা বোদলেঅর অথবা দুই-ই, সে আর একদিন, কি বল ?”

“আমি পোশাক পালটে নিচ্ছি ; তুমি কিন্তু ছাই-নীল গ্যাবার্ডিনটা পরবে। আমি এসে টাই দেখে দেব।”

টাই বাছাই করতে যা একটু দেরি হয়েছিল। লালের জমিতে শাদা আঙুরের মোটিফটা অবশেষে পছন্দ হল শমিতার।

আর দেখ এখন কোথায় ক্রটি ছিল ? সেই টাইটাতে ? অথবা কেউ যদি মালার্মে কিনা বোদলেঅর অথবা দুই-কেই সরিয়ে রেখে এগিয়ে যায় হাঁস-নামা জলার দিকে সেটা কি ক্লাইম্যাঙ্কের বীজবাহী ঘটনা সংস্থাপন হতে পারে ?

এটা দেউগিরির বৈশিষ্ট্য যে এর ছোট নদীটা হোগলা আর হাতিঘাসের স্কলের মধ্যে দিয়ে বয়ে যায় শহরের আধ মাইল বাইরে। সে নদীকে বরণার চাইতে কিছু বেশি বলা যায় না, কিন্তু তা একটা ডোবা তৈরি করেছে। কোথাও বড় বড় ঘাস জলের উপরে, কোথাও টলটলে জল। জলের উপরে বটের ডাল ছুয়ে গড়ে জল ছুঁয়েছে কোথাও। আর সেখানে নেমেছে হাঁসের কাঁক। প্রতিবারেই নামে, এবার কিছু আগে। এখনও খবর পায় নি শিকারীরা, অথবা বনবিভাগ

কাউকে এখানে শিকারের অনুমতি দেয় না। খুব ভিড় হয় না দর্শকের তার প্রমাণ এই যে হাঁসরা ভয় পেয়ে পালায় নি, অন্তত একশ লোকের ভিড় হয়, তার প্রমাণ ছাতিম গাছের তলায় একটা ছোট শাদা ঘরে একটা ছোট রেশ্মারী চালু আছে।

শমিতা উঠে দাঁড়াল, পায়ে পায়ে জানালার গোড়ায় গিয়ে দাঁড়াল। হাত বাড়িয়ে গরাদটা চেপে ধরল। সে অনুভব করল রেশ্মারী খাবারের চাঙারি থেকে যা সে খেয়েছে তার কিছুই সম্বন্ধে তার শরীরের খুব আপত্তি দেখা দিয়েছে। একবার লোবস্টার ডিনার খেয়ে এরকম হয়েছিল তার। আর এই শরীরের আপত্তির তীব্র অনুভবটা এই নিয়ে দু'বার হল। প্রথম যখন সৌম্য তার সেই সেকলে গল্পটা বলেছিল। সে গল্পটা এখনও যেন সে শুনতে পাচ্ছে। যেন সৌম্য নাবালক-বিবাহের স্বপক্ষে কোনো যুক্তি দিচ্ছে, এমন শুরু ছিল গল্পের। আর অধ্যাপক-উচিত ভঙ্গিও ছিল, ওটা বোধহয় অভ্যাসের ফল। ধনুকের কাণ্ড ক্রমশ এগিয়ে এসে ছিলার সঙ্গে মেলে, তারপর আবার বেশ খানিকটা বাঁকা হয়ে ছিলার থেকে দূরে সরে যায় কাণ্ডের প্রান্তভাগ দুটো। মনে করা যাক কাণ্ডের এই বাঁকা প্রান্তিক ভাঁজ দুটোকে কটি বলা হবে। আর বিবাহ, উদ্‌বাহ, যাই বল তার মধ্যে বহন করার জিন্মাটা থেকে যাচ্ছে। এ দুটো মনে রেখে গল্প শোনে। মাঝখানে দাদামশায় তার দুপাশে চোদ্দ বছরের বউ আর ষোল বছরের বর। দাদামশায়ের নাক ডাকছে। তখন বর-বধূর ইচ্ছা হল গল্প করবে। খুবই স্বাভাবিক। দিনমানের গল্প, আর রাজির গল্প এক নয়। কি করা যায়? দাদামশায়কে ডিঙোনো যায় না। অনেক ভেবে শুয়ে থেকেই ছেলেটি নিজের ধনুকের কাণ্ডটি দারুণে ডিঙিয়ে এগিয়ে দিল বউ-এর দিকে। শেয়ানা বউ। সেও কটির ভাঁজে শরীরটাকে রাখল। তারপর ধীরে ধীরে ধনুকের কাণ্ডটা উঁচু হতে শুরু করল বউ সমেত। কি অসম্ভব শক্তি বুঝবে যদি শুয়ে থেকে হাত লম্বা করে একখানা মোটা গোছের বই তোলায় চেষ্টা কর। প্রায় পার করে এনেছে দাদামশায়কে, কিন্তু কাণ্ডটি আর সহিতে পারল না। ভেঙে গেল, বউ দাদামশায়ের গায়ের উপরে পড়ল। ঘুমন্ত দাদামশায় ঝাঁচ করছিলেন, অথবা এরকম ঘটনা তিনিও নিজের প্রথম বয়সে ঘটিয়েছেন! বললেন, শুধু—থোরা কুছ দেড় বা।

আর শমিতা এই গল্পের টানে এগিয়ে যেতে চেয়েছিল। বলেছিল, হৃন্দর গল্প, কিন্তু ছেলেটার কি দোষ। কাণ্ডটাই তো ভাঙল।

দাদামশায় বলতে চেয়েছিলেন তোমার ধনুকের কাণ্ডটা যদি বউ-এর ভারে ভেঙে পড়ে বুঝতে হবে বিবাহের উপযুক্ত হতে যে ধনুক দরকার তোমার সে ধনুক

ব্যবহার করতে ধোঁরা কুছ দেখে বা ।

কিন্তু হঠাৎ বিবর্ণ হয়ে উঠেছিল সৌম্যর মুখ । আর তখনই তার গল্পের উদ্দেশ্য বদলে গিয়েছিল ।

জানালা থেকে সরে এল শমিতা । মনে মনে বলল, এটা একটা রগরগে কথা, একটা রংদার গল্প । তুমি কি ভাববে সৌম্য তুমি সেই ভগ্নমনোরথ কিশোর ? আর এটা খাবারের দোষ নয় । ঠোঁট দুটো কাঁপল শমিতার, সে প্রশ্নসটাকে চেপে ধরল নিঃশ্বাসের সমতা আনতে । তারা আমাদের অপমান করেছিল । বার বার । থেঁৎলে থেঁৎলে দেয়ার মতো তাদের কথা, নাচের ভঙ্গি, শিশু দেয়া আর ছড়াগান আমাদের বার বার অর্পমান করেছিল তোমার চোখের সামনে । তুমি বলেছিলে ভদ্রলোকের সঙ্গে তেমন ব্যবহারই করতে হয় । তারা জোড়া সাপ খেলানোর মতো হাত দুটোকে হাওয়ায় নাচিয়ে নাচিয়ে, ঠোঁটের কোণে সিগারেটসমেত মাথা তুলিয়ে, ড্রেনপাইপ প্যাট আর নাগরাসমেত পা নানা কোণে কোণে ফেলে তারা নেচেছিল । তুমি অপমান বোধ করে বলেছিলে কিছু, উঠে দাঁড়িয়েছিলে প্রতিবাদ করে । তখন দোকানদারই এসে বলেছিল—এদের সঙ্গে পারবেন না কেউ পারে না চলে যান । সেই হাঁসের হৃদের ধারে, সেই ছাতিম গাছের তলায়, সেই শাদা চায়ের দোকানেই ।

ঠোঁট কেঁপে উঠল শমিতার থর থর করে । তার মুখের সেই অদৃশ্য মোলায়েম কচি কচি পেশীগুলো কঁচকে কঁচকে গেল । এভাবেই চোখে জল নামে সাধারণত । কান দুটো পুড়ে পুড়ে যাচ্ছে । আবার সেই কথাই মনে হল : কান্না বরং ক্রেদাস্ত করবে । কিষা কান্নাই যদি তা সব সমুদ্রের চাহতে গভীর এক কান্না হতে পারে । কিন্তু তেমন কান্না হয় না, হয় না বোধহয় ।

কিন্তু সৌম্য উঠে দাঁড়াল । নিঃশব্দে শোবার ঘরের দিকে এগিয়ে গেল । আর শমিতা তখন ভাবল, বল তোমার ওই ধনুক-ভাঙার গল্পটা কি এ-ব্যাপারে অর্থবহ হয়ে ওঠে না । তা কি গল্প মাত্র থাকে ? তার চাহতে সৌম্য আমাদের ফিরে যাওয়াই ভালো । কিষা দেউগিরিতে আর নয় । চল ফিরে যাই, চল । কিছু না বলে ফিরে যাই চল ।

সৌম্য শোবার ঘরে গিয়ে আলো জ্বালল । বুককেসটার সামনে চেয়ার টেনে নিয়ে বসল । না, এখন আর সে সিগারেট খাচ্ছে না । বরং পিয়ানোতে আঙুল চলার মতো সাজানো বই কয়েকটির পিঠের উপর দিয়ে আঙুলগুলো চলে চলে বেড়ালো সৌম্যর । তারপর সে একখানা বই টেনে নিল । না, এখন আর সে সিগারেট খাচ্ছে না । যদিও মনস্তত্ত্বের ব্যাখ্যাটা সত্যও হয় অনেক ক্ষেত্রে সিগারেট

সম্বন্ধে। এটা ভালোই হবে যদি বই-এর জগতে সৌম্য কিছুক্ষণ সময় কাটাতে পারে।

সে কি! সৌম্য ডাকছে?

শমিতা প্রায় নাচার ভঙ্গিতে এগিয়ে গেল। ই্যা একে ট্রিপিং বলে। ইংরেজির অধ্যাপিকা শমিতার ইংরেজি শব্দটা মনে এল।

সৌম্য বলল, “দেখ আগারগ্র্যাঙ্কুয়েটরা—আচ্ছা তাদের সম্বন্ধে তুমি পড়েছ তো মানে ওদের দেশেও। তাদের সম্বন্ধে, মানে ক্ষমা করার কথা বলছি না। তা তুমি তো জান যেসব কলেজটা স্থাপন করা হয়েছিল একটা নানারি তুলে দিয়ে কারণ অবশ্য আগারগ্র্যাঙ্কুয়েটদের অত কাছে নানদের খাঁকাটা কেমন যেন হয়ে উঠেছিল। ওরা একটু কেমন—কিংবা যদি তুমি বল এখন পড়াও যেতে পারে।”

এই বলে সৌম্য হাসল। একটা বই তুলে নিল সেলফ থেকে, দু-একটা পাতা উল্টাল। আবার তেমন করেই রেখে দিল। আর তখন টুপ টুপ করে মিনিটগুলো বয়ে পড়তে লাগল। যেমন চোখের জলই পড়ে। “আচ্ছা, শমি, একটা গল্প বলি এস।” সৌম্য হাসল যেন। “দেখ আমি ঔপন্যাসিক হতে পারি কিনা।” মাসীর চিঠি মামির চিঠি শেষ করে কার্ডভরা খামটা তুলে নিল শমিতা। তার মুখে কোতুকের হাসি দেখা দিল। সত্যি ভরতচন্দ্র। কার্ডটা একটা খামে মোড়া। খামের বাঁদিকের কোণে লেখা ভরতচন্দ্রের নাম ঠিকানা। ঠিকানায় সগর্ভ ঘোষণা চাবাগান অঞ্চলের এক থানার অফিসর-ইন-চার্জ। খাম থেকে কার্ডটা বার করল শমিতা। পুলিশের এস. আই. বোধহয় সাব ইনস্পেক্টর বলে। আরে, আরে অশুটবরে শমিতা বলল। দেখ কাণ্ড। কার্ডটায় ভরতচন্দ্রের পাশে তার নব-পরিণীতা। ভরতচন্দ্র পাঞ্জাবি-চাদর পরে সভ্যশান্ত হয়ে দাঁড়িয়েছে বটে কিন্তু একটু লক্ষ্য করলেই বোঝা যায় ভদ্রটাব আড়াল থেকে তার সেই আর ভক্তি উকি দিচ্ছে, ঝাঁটরা কিম্বা বেহালা-স্ত্রীর। কার্ডের পিছন দিকে কয়েক লাইনের চিঠি : শমিতা-দিদি এতদিনে বিয়ে করলুম, আপনাদের ও সৌম্যবাবুর আশীর্বাদ চাই। শমিতা বলল সৌম্যকে—দেখ দেখ। বিয়ে করেছে। কি উপহার দিই বল তো। সৌম্য বলল, সম্বন্ধটা না জানলে উপহার বাৎলানো যায় কি? এ তো তোমাদের সেই ভরত। খুব পারবেশন করেছিল, তোমার পিঁড়িও ধরেছিল। উত্তীষের মতো কেউ নাকি? শমিতা বলল হয়তো : যাও, আমার চাইতে না হোক দু-বছরের ছোট। সৌম্য বলল, উত্তীষ আমার চাইতে কত ছোট ছিল তা রবিঠাকুর রেকর্ড করেন নি।

সৌম্য চশমাটা খুলল, বলল, “গল্পটা শুনছ?”

শমিতা বলল, “বল।”

সৌম্য আবার গল্প শুরু করল : ভরতচন্দ্রর এক ব্যায়ামশিষ্ঠ, নাকি সাগরেন্দ বলে তাদের ?—আমাকে ঘটনাটার কথা বলেছিল । বাসস্টপে দু-তিনজন বিরক্ত করতে শুরু করেছিল । তখন ভরত ফুলে আর তার শমিদিদি বি. এ. ক্লাসে ভর্তি হয়েছে । একদিন সঙ্গে সঙ্গে চলছিল ভরত ।

ঠাণ্ডা শমিতা বলে ফেলল, “দেখ ছোকরা তিনটে বড় বিরক্ত করেছে মেয়েদের ।” আর কথা কি ইয়ং ক্যাভেলিয়ার এগিয়ে গেল । কি মারটাই সে খেল ছোকরা তিনটির হাতে । হৈ-চৈ, সেদিন শমিতাদের কলেজ যাওয়াই বন্ধ ।

শমিতা বলল, “এরকম ঘটেছিল ।”

সৌম্য বলল, হাসিই জড়িয়ে রইল তার মুখে, “ছ-মাস বাদে, পুজোর বছর পরে কলেজ খুলেছে আবার । শমিতারা লক্ষ্য করল পর পর কয়েকদিন ভরত রোজ বাসস্টপে দাঁড়িয়ে থাকে । পাড়ার মেয়েরা শঙ্কিত । রোগটা কি ওকেও ধরল । তার-পর আবার সেই তিন মূর্তির আবির্ভাব । তখন বেশ বোঝা গেল ভরত এদেরই প্রতীক্ষায় ছিল । তার পরের মূহুর্তে হৈ-চৈ, যাকে উইদ গাস্টো বলে, লেফট হুক, রাইট হ্যামার । একি সেই ভরত । বাস ছুটে পালাল । শমিতারা বাড়ির দিকে যে যার গলি । বিকেলে ভরতকে দেখা গেল শমিতাদের বাড়ির সামনে পথ চলতে । গলায় গাঁদার মালা ছিল না বটে, চোখ দুটিও নীল বর্ণ—”

হা হা করে জোরে জোরে হেসে উঠল সৌম্য, চেয়ার ছেড়ে উঠেও দাঁড়াল সে যেন হাসির দমকে । সিগারেট কেসটা খুলল । যেন বিশেষ একটা সিগারেট বেছে নেবে । বলল, “কেমন, বেশ একটা গল্পের প্যারডি নয় !”

কিন্তু, চশমাটা আবার পরল সৌম্য সেজ্ঞাই কি লক্ষ্যে এলো, ভাবল শমিতা—রগের শিরা দুটো যেন ফুলে উঠেছে । যেমন নাকি, গল্পে বলে. উত্তেজনার সময়ে হয় ! আর তখনই তার মনেও পড়ল গোড়ার দিকে সৌম্য প্রশ্ন করেছিল, তুমি যে মহাত্মজগের মতো ঘনালস্পর্শ বাহুর কথা বলেছিলে সে কি কোনো নাটক থেকে ? মহাত্মজগতুল্য বাহু যা বধুকে রক্ষা করে ? তখন এমন দেখিয়েছিল সৌম্যকে ।

শমিতা বলল, বলতে গিয়ে মুহূ শব্দ করে গলাটা সাফ করল, “রান্নার দিকে যাই । তুমি বরং পড় ।”

রান্নাঘরে এল শমিতা । সে নিজের মনকে শাসন করল—এটা সিকিয়ারিটিস্টদের কেস নয় । জানালা দিয়ে সে অবশ্যই দেখবে না চুরি করে এই ঘরের মধ্যে, চা করতে গিয়ে যেমন সে করেছিল । বেরিয়ে যে-কোনো একদিকে সোজা চলা ভালো, বার বার নানা পথে শুরু করে একই জায়গায় আসার চাইতে । একটু দাঁড়াল সে বারান্দায় । তাড়াতাড়ি শেষ করবে সে রান্না । আর তারপরে যদি সম্ভব হয় এটস

নিয়েই না হয় সময় কাটানো যাবে । সৌম্য এটসভক্ত । আর গল্পটা সে ঠিকই বলেছে ভরতের সঙ্গে সেই স্বভেদেই পুলিশের পরিচয় আর তারই ফলে সে দারোগা ।
কিন্তু—

বারান্দায় দাঁড়িয়ে সন্ধ্যার ছায়াগুলোকে সে দেখল—এও ভালো এমন উদাস ভঙ্গিতে চুপ করে দাঁড়িয়ে থাকা । বারান্দায় সবুজ সেমিজটা যেনা আছে দেখছি । ছপরের বিউটিশ্যাপ—সৌম্যই বলে কথাটা—সে সময়ে গায়ে ছিল তার । লজ্জায় লাল হয়ে উঠেছিল ছপরে জাপটা টুটতেই কারণ ছপরে সৌম্য শোবার ঘরে নিজে সোজা হয়ে বসে পড়ে । আর এখন দেখ সেই বিকেলটাও নেই । কিন্তু বার বার একই জায়গায় আসার চাইতে যেকোনো খুশি চলা ভালো ।

স্টোভটা জালিয়ে দিয়ে আবার ঘরে ফিরল শমিতা । না—এটা সাইকাই আর্টিস্টদের ব্যাপার নয় । দেখ এখনও ওটার উচ্চারণ আমি নিজেই গুলিয়ে ফেলি । ব্যাপারটা গোলমালে নয় ?

বেতের চেয়ারে সৌম্য গভীরে ঢুকে বসেছে । তা কি একটা গুহার মতো হতে পারে ? তেমন গভীর ?

পায়ে পায়ে চলে শমিতা চেয়ারের পিছনে গিয়ে দাঁড়াল । কিছু কি বলবে সে ? ঠিক তখনই—অডিকোলনের গল্পটা তখন নাকে এল তার ।

“মাথা ধরেছে ?”

শমিতার মনে হল অডিকোলনের অতিক্রীণ ধারাটাই যেন রগ থেকে নেমে সৌম্যর চশমার তলা দিয়ে নাকের পাশ দিয়ে গড়িয়ে আসছে । এই অডিকোলনের ব্যাপারটা সৌম্যর নিজস্ব—অর্থাৎ তার অবিবাহিত জীবনের একটা বিষয় যাতে শমিতার সংযোগ ঘটতে দেয় না অনেক সময়ে । প্রয়োজন হলে নিজেই ব্যবহার করে । কাউকে জানায় না ।

সৌম্য এতক্ষণে আবার একটা সিগারেট ধরাল । বলল, “দেরি হবে ? অথবা আজ না হয় ডেম সিটওয়্যেলকে নিয়েই আলোচনা করা যাবে ।”

“আচ্ছা, দেখো—না হয় তাই হোক । এ ছাড়া আর কি হতে পারে ?”

সাইমিয়া ক্যাসিয়া

পাহাড়ের দু'টো দেয়ালের মধ্যে এই সরু গলি দিয়ে বনমোরগ তার হারেম নিয়ে কিছুক্ষণ আগে চ'লে গিয়েছে। তাদের পিছনে পিছনে নেমে আসছিলেম। বুটের নিচে সঁাতসঁাতের পাতার ছাড়া আর কোনো শব্দ নেই। আজও দেখলেম পথের বাঁকটায় পা ঝুলিয়ে ব'সে আছে সে। তার পায়ের তলায় হাত ছুঁয়ে নিচু একটা খাদ। সেই খাদে একটা ফুল-সমেত গাছ। অনেক ফুল। গাছটার দিকে চেয়ে সে স্থির হ'য়ে ব'সে আছে। যেন ঘুমিয়ে পড়েছে এমন স্থির।

বলনুম, আজও দেখছি।

সে যুহু হেসে ফুলন্ত গাছটাকে দেখিয়ে দিলো।

বলনুম, কাল বললেই পারতে। ওটাকে সাইমিয়া বলে, ক্যাসিয়া সাইমিয়া।

ফুলটা গোলাপী দেখছি। কখনও হলদে ফুল হয় নাকি? গোলাপীর মধ্যে দু'-চারটে হলুদ বা সোনালি?

উচিত নয় হওয়া।

সে তার শাদা কেশর-সমেত কদমফুলের মতো মাথাটা ঝাঁকালো।

বলনুম, কেউ যদি গ্র্যাফ্টিং করে তবে গোলাপী কুঁড়িতে ভরা ডালগুলোর মধ্যে এমন একটা ডাল দেখা যেতে পারে যেটায় হলদে ফুল ফুটেছে।

সে গ্র্যাফ্টিং বিষয়ে জানতে চাইলো, বুঝিয়ে বলনুম।

সে বিড়বিড় ক'রে বললো, উত্তুরে কুকুর যখন চিল্লানী শূকরীকে মাতৃদেবে তখন অমিতাভ আর থাকবে না পৃথিবীতে।

সুনতে না পাওয়ার ভান করাই ভালো। ভাষাটা বিদেশী নয় শুধু, বিদেশের সাক্ষ্যভাষা।

বলনুম, তোমাকে সংক্ষেপে বলি। আমাদের দেশে খেন হেডিন, এমন কি ইয়ং-হাজব্যাকের মতো ভ্রমণকারী নেই বটে, কিন্তু আধুনিক কালেও দু'একজন ছিলো না এমন নয়। এই সেদিন নিষিদ্ধ দেশ, তিব্বতেও আমাদের শরণ দাশ গিয়েছিলো। নিরাপদে ফিরেও এসেছিলো। আমরা জানি শরণ দাশ তিব্বতের সঙ্গে ইংরেজের বাণিজ্যপথ খুলতে গিয়েছিলো। ইয়ংহাজব্যাকও পরে তাকে অত্মসরণ করে। আরও পরে তাদের বাণিজ্যপথ সীমান্ত সংক্রান্ত ঠাণ্ডা যুদ্ধে হারিয়ে যায়। আমরা জানি

শরৎ দাশের নিষিদ্ধ দেশে প্রবেশ এবং সেখানে অবস্থানের ব্যাপারে সাহায্য করার জন্ত অন্তত দু'জন লামার প্রাণদণ্ড হয়েছিলো। এইটুকু ইতিহাস।

সে আবার তার কদমফুলের মতো মাথাটা কাঁকালো। আমার কথাটা তার মনে ধরেনি।

বললুম, আর আমি এক পর্যটকের সাক্ষ্য থেকে জানি লামার কিছুদূরে একটা গুহা আছে। যার সম্বন্ধে সেখানকার লোকের ধারণা অতীশ সেখানেই বাস করতেন নির্বাণ লাভ পর্যন্ত।

সে এবার আমার দিকে দৃষ্টিটা স্থির করলো। দু'এক মিনিটের চাইতেও বেশি। তার চাঁপা রঙের ময়লা আলখেল্লার নানা ভাঁজের একটিতে হাত ঢুকিয়ে মালা বার করলো। তার অর্থ আমার চাইতে আর কে ভালো জানে? মালাটা আঙুলে নিয়ে সে উঠে দাঁড়াবে, আর তারপর সে নামতে আরম্ভ করবে তার আস্তানার দিকে। একে উৎরাই তাতে পাহাড়ে অভ্যস্ত পা; তাকে ছুট দৌড় ছাড়া আর কিছু বলা যায় না। তখন তার পিছনে ছোট্টা যায় বটে, কিন্তু তাকে আলাপচারীর উপযুক্ত ভঙ্গী ব'লে না বোধ হয়। সে উঠে দাঁড়ালো। হাসলো। হাসিটা বর্ণনার উপযুক্ত : চোখের প্রান্ত থেকে প্রান্ত স্নিগ্ধ শান্ত একটা ঐচ্ছল্য ছড়িয়ে পড়লো সারা মুখে। ভাইনে বাঁয়ে মাথা দোলালো—এটাই বিদায়-অভিনন্দন। কখনও সময়কে ব্যর্থ হ'তে দেয় না। চিন্তা করছিলো—যাকে ধ্যানও বলা যেতে পারে উপযুক্ততর শব্দের অভাবে। তারপরে আমার সঙ্গে আলাপ করেছে। এর পরের কাজ আস্তানায় ফিরে পুঁথি পড়া। পথ চলাটা কাজ নয়, দু'টো কাজের মধ্যে সেতু, স্ততরাং তাঁকে যত ছোটো করা যায় তা করতে হবে। তাই এমন ক্ষিপ্রগতি।

লোকটি দলের মধ্যেও স্বতন্ত্র। তার হাসি, মাথা দোলানো, পাহাড়ী অঞ্চলের লামাদের হাতে যে ঘূর্ণ্যমান প্রার্থনাময়ন থাকে তার বদলে মালাও কখনও কখনও—যেন হৃদান্তরের সময়ে এক জাতীয় হাঁসের ঝাঁকে অস্ত্র জাতীয় একটি হাঁস এসে পড়েছে।

তার ইতিহাসজ্ঞান সঠিক। অতীশ দীপঙ্কর বাঙালী, সে বাংলাদেশ থেকে গিয়েছিলো তা সে জানে। ইয়ংহাজব্যাপ্ত, হোয়াইটের আগে বাঙালী পর্যটক গিয়েছিলো আধুনিক কালের তির্যতে তা সে জানে। সে লাসার চীনা আশ্রনদের কথা জানে। দলাই লামাদের ব্যবস্থা চিরস্থায়ী নয়—এক সময়ে দলাই লামা থাকবে না এ প্রবাদ যে একশ বছর আগেই প্রচারিত ছিলো, চীনা আশ্রনরা যে দলাই লামা বাছাইয়ের ব্যাপারে ভেজাল চালাতে চাইতো, চীনা-তির্যতে মামা-ভাগনে সম্বন্ধ, কখনও যাজক যজ্ঞমানের, এমন সব মন্ত সে সমর্থন করে। সে বলেছে কিছুদিন

আগে যখন তিব্বতীরা চীনাদের আক্রমণ ঠেকানোর জন্য আধুনিক রাইফেল চেয়ে-
ছিলো ইংরেজরা তখন টালবাহানা করেছে, কাৰ্পণ্য করেছে । নতুবা সেবারেই
চীনকে নির্লোভ ক'রে দেয়া যেতো । তা হ'লেও দলাই লামাকে ইংরেজরা দাঙ্গিলাং
শহরে আশ্রয় দিয়েছিলো এজন্ত তিব্বতীরা কৃতজ্ঞ ছিলো । এ সবই ইতিহাসে
পাওয়া যায় ।

কিন্তু লোকনাথ ? অবশ্য তার মুখে শোনা নামটির আক্ষরিক অর্থবাদ ক'রে
যা পাওয়া যায় তাতে লোকনাথ, লোকপাল, নরনাথ ও নরপাল এই চারটি
নামই তৈরি করা যেতে পারে । কিন্তু এরকম কোনাে লোক কি তাদের দেশে
গিয়েছিলো বজ্রযোগিনী থেকে ? যায়নি তা বলা যায় কি ক'রে ? একই সঙ্গে
স্কাউণ্ডেল এবং মহাপুরুষ এমন লোক সব দেশেই জন্মায় । বাংলাদেশে জন্মাতো
না তা বলা যায় না । শরৎ দাশের আগে কিম্বা পরে আর কাউকে বাংলাদেশের
ইংরেজ গভর্নর পাঠায়নি বাণিজ্যপথ খুলতে, যার অজ্ঞ নাম গোয়েন্দাগিরি হ'তে
পারে এ কে হলপ ক'রে বলবে ? হয়তো তার উদ্দেশ্য সাফল্য লাভ করেনি কিম্বা
খুব বেশি করেছিলো ব'লে ফাইলের তলে চাপা প'ড়ে তার নাম চিরকালের জন্য
হারিয়ে গেছে । হয়তো বা তার জন্তও দু'একজন লামাকে প্রাণ দিতে হয়েছিলো ।
ধর্ম না-মেনেও তা নিয়ে বিশদ আলোচনা, কমিসরিয়েটর দফ এবং দুঃসাহসী
চাকরি, নিছক গোয়েন্দাগিরি এগুলো অন্তত বাঙালীর পক্ষে অসম্ভব ছিলো না তা
সে বজ্রযোগিনী কিম্বা বাঁকুড়ার হোক ।

লোকনাথ অবশ্যই একটা তিব্বতী খচ্চর যোগাড় করেছিলো । সে তার নাম
রেখেছিলো দধিকর্ণ । খচ্চরটার কান দু'টো শাদা ছিলো কিন্তু সেজন্তই নামটা নয় ।
বিড়াল যেমন গাছে ওঠে খচ্চরটাও তেমন পাহাড়ে উঠতে পারতো । এই নামকরণ
থেকে লোকনাথের মনের আন্ডাজ পাওয়া যাচ্ছে ? প্রবাদ এই দধিকর্ণ একবার
একটা ত্রিভুজের পচা কাঠের মেঝে ভেঙে আট-ন' ফিট নিচে প'ড়ে যায় । লোকনাথ
বলেছিলো : এই অবস্থায় যখন দধিকর্ণকে পাথর কাদা আবর্জনা থেকে উদ্ধার করা
হ'লো তখন তিনবার পিছনের পা ঝেড়ে, একবার সামনের পা ঝেড়ে নাকি
পাহাড়ের উৎরাই উঠতে সক্ষম করেছিলো আবার । লোকনাথের সঙ্গে খাবা-খাবা
কুইনাইন, কয়েক বোতল হুইস্কি, এবং দু'দুটো গুলি-গাদা আর্মি পিস্তল ছিলো ;
মাথায় কান-ঢাকা টুপি, গায়ে হলুদ রঙের আলখেল্লা । লোকনাথের গায়ের রং
পীতাম্ব ছিলো । এক রকম লোমশাশক চূর্ণ ব্যবহার ক'রে দাড়িগোঁফ নিশ্চিহ্ন ক'রে
দিয়েছিলো সে । প্রায় এক বছর তার মিশনসংক্রান্ত কাজকর্ম ক'রে লোকনাথ ফিরে
এসেছিলো । সীমান্তের পাহাড়ে যখন সে পৌঁছেছে তখন তার কানে সংবাদ এলো

তাকে যে লামারা আশ্রয় দিয়েছিলো তাদের মৃত্যুদণ্ড হয়েছে । তখন সে সেই লামাদের দেশের দিকে ফিরে আঙুল মটকে আঙুল ঝেড়ে ফেলোছিলো । তারপর কি ভেবে তার একটা মাভিস পিগুলের চোং খালি ক'রে দিয়েছিলো আকাশমুখো । এটা কি অভিশাপ অথবা নাচকীয় কায়দায় মরুকগে যাক বলা ?

যে লামারা তাকে আশ্রয় দিয়েছিলো তাদের একজন একটু বিশিষ্ট ছিলো । সে ভারতীয় ভাষা পালি সংস্কৃত কিছু-কিছু শিখেছিলো । বিদেশী ভাষা জানার একটা অস্ববিধা এই বিদেশী পেলো তার সঙ্গে তার ভাষার কথা বলতে মুখ স্তর-স্তর করে । আর লোকনাথ টুলো পণ্ডিত না হ'লেও দু-এক পদ পালি বা সংস্কৃত এমন কি না জানতো ?

কিন্তু এসব আলোচনা হয়েছিলো গল্পটা শুনবার পরে । গল্পটাই আগে । তারও আগে যদি কিছু থাকে তবে সেটা বটানি-চর্চা ।

গুঁড়িটা হুধের মতো শাদা হ'য়ে ওঠে আর তখন থলো থলো গোলাপী ফুলে গুঁড়ি, ডালপালা সব ঢেকে যায় এ-রকম গাছ দেখেছো !

বলতে যাচ্ছিলুম, ইউক্যালিপটাস খোসা ছাড়লে তেমন হয় বটে, কিন্তু ইউ-ক্যালিপটাসে আমি তেমন ফুল দেখিনি ।

সে আজ খাদের গাছটাকে দেখিয়ে দিলো যদিও স্নাতস্নাত্তে জায়গায় ব'লে এর গুঁড়ি ডালপালা সবই বেশ কালচে রঙের ।

ক্যাসিয়া সাইমিয়া এর নাম ।

এর পরেই গল্প ; ইতিহাস এবং লোকনাথকে নিয়ে আলোচনা অনেক পরে । পেমার বাড়িটা দেখলে পরিত্যক্ত অথবা ভুলে যাওয়া গ্রাম্য সরাইখানার কথা মনে হবে । পূর্ব থেকে পশ্চিমে যাওয়ার প্রধান সড়ক থেকে এবং পাহাড়ের গায়ের অল্প বাড়িগুলো থেকে বেশ খানিকটা উঁচুতে, বরং পাহাড়ের একটা ভাঁজে, নিজের এক টুকরো উপত্যকায় একা, কিন্তু তা হ'লেও হঠাৎ দেখলে সরাইখানা ব'লে মনে হয় । সরসর ধুলো-ঢাকা পায়ে-চলা ছ'টো রাস্তা তার বাড়ির কাছে এসে মিশেছে । সেটাও একটা কারণ বটে, কিন্তু আসলে বাড়িটার নিঃসঙ্গতাই সরাইখানার স্মৃতি মনে এনে দেয় । যে-কেউ এখানে গোপন আশ্রয় নেয়ার কথা ভাবতে পারে । অল্পদিকে লজ্জিতিকের বিচারে এটা একটা ছোটো ট্রান্সমিটারের গোপন আড্ডাও হ'তে পারে । কিন্তু এসব গল্পটার শেষটা জানি ব'লেই বলতে পারছি । এখন সে কথা থাক ।

সামনে, যাকে স্কাইলাইন বলে, সেখানে একটা পাহাড়ের কাঁধ । ঠিক এখানেই কালো পাটকিলে পাহাড়টার গায়ে বেশ খানিকটা জায়গা শাদা, না জানা থাকলে ধস নামার চিহ্ন ব'লে মনে হবে ।

পেমার বাড়ি থেকে অল্প রকম দেখতে পাওয়া যায়। কিম্বা দেখতে পাওয়া যায় কথটা ঠিক হ'লো না। পেমা জানে বলেই বলতে পারে তার বাড়ির বাইরের দিকের বারান্দা থেকে সোজা পথে দু' ফার্লং আর বোরা উৎরাই-এর পথে হেঁটে দু' মাইল গেলে ওখানে একটা কোয়াটজ জাতীয় পাহাড়ের গুহা আছে। সোজা কথায় বলতে হবে ধুমল রঙের একটা চমরী বাছুরের শাদা কপাল, পাঁশুটে-শাদা জিত; জিতের সক হ'য়ে আসা ডগাটা নিচের পথটার ধারে নেমে এসেছে। শহর থেকে পনরো-শোল মাইল দূরের এই নির্জন পাহাড়টাকে বাচ্চা-চমরী বলা হ'য়ে থাকে।

কিন্তু তুলনার অর্থ এই নয় যে প্রতিটি বিন্দুতে মিলতে হবে। গুহাটার মুখের কাছে যে কাঠগোলাপের ঝোপ আছে তাকে না হয় বাচ্চা-চমরীর কপালের পশম বলা গেলো, কিন্তু যাকে জিত বলা হয় তার উপরে একটা গাছ আছে। তাকে কি চমরীর জিতে জড়ানো একটা পল্লব বলবে?

পেমার কাছে এটা আশ্চর্য লাগে শক্ত শাদা পাথরে কি ক'রে এই গাছটা বেঁচে চলেছে। পুরনো কথটা মানতে হ'লে তা প্রায় ষাট-সত্তর বছর বয়স হ'লো গাছটার। নিজে থেকেই হয়েছে। বাড়েনি, বুড়ো হয়নি, মরেও যায়নি। এ জাতীয় গাছ এদিকে দেখাও যায় না। গুঁড়ির একেবারে গোড়ার মাপ দু'হাত হবে। কাণ্ডটা বেলচার হাতলের মতো পশ্চিম থেকে পূবে বঁকে গিয়েছে। সেখান থেকে ডালপালা শুরু। ছবিতে যেমন সাজিয়ে আঁকা হয় তেমন সাজানো ডালপালা। গুঁড়িটা শাদা। বসন্ত আসতে না-আসতেই থলো-থলো গোলাপী ফুলে আপাদ-মস্তক ঢেকে যায় গাছটার। গোড়া থেকে তিন-চার হাত বড়জোর বাকি থাকে। আর থলো-থলো গোলাপী ফুলের মধ্যে কখনও কখনও নাকি ছোটো ডালে সোনালি ফুল ফোটে। পেমা দেখেনি, খেনডুপ দেখেছে। অন্তত তাই বলে সে। হলুদ এমন যে তাকে সোনালিই বলতে হয়।

পেমার মাথায় চ্যাটালো খড়ের টুপি। টুপির নিচে থেকে লম্বা পিগ্‌টেল পিঠের উপরে ঝুলছে। তার কাঁধে জলের বাঁক, বাঁকের দু'দিকে দু'টো তামার হাঁড়িতে জল। গায়ে ময়লা, ব্যবহারে জীর্ণ হাঁটু পর্যন্ত ঝোলা আলখেল্লা, আলখেল্লার নিচে পেশীবহুল, দীর্ঘ তামাটে রঙের পা দেখা যাচ্ছে।

ছ'ফিট উঁচু শক্ত সমর্থ দেহ। দু'মণ বোঝা সে অনায়াসেই বইতে পারে। আর শক্ত সমর্থ হ'য়ে ওঠার কারণও আছে। ভুলে যাওয়া সরাইখানার মতো এই বাড়িতে পঁচিশ বছর ধ'রে একেবারে একা জীবিকা অর্জন করা, এমন কি এই বাড়িটাকে তৈরি করাও বলা যেতে পারে নিজের দু'হাত দিয়ে। বাড়ির পিছন দিকের পাহাড়ের গায়ে ধাপ কেটে যব, রসুন, রাইশাকের ক্ষেত তৈরি করা—

এক কথায় পাথরের চাইতেও কঠিন প্রতিকূলতার সঙ্গে লড়াই করে সে এখন লড়াইবাজ।

পথ এখানে ঝাড়াই, পাক খেয়ে উঠেছে। কিন্তু সময় বাঁচানোর জন্য পেম্মা দু'হাতে বাকের দু'মাথার দড়ি ধরে প্রায় দু'ফুট উঁচু একটা পাথরের উপরে পা রাখলো, অবলীলায় তার উপরে উঠে দাঁড়ালো, তারপর আবার ডান পা রাখলো আর একটি পাথরের মাথায়। যেন ঘরের সিঁড়ি এমন করে পেম্মা উঠে এলো চড়াই-এর বোরা পথকে কাঁকি দিয়ে।

তার বাড়ির সামনে একটা রোগাটে খচ্চর, আর বাছুর সমেত তিনটি চমরী গাই। গোবরের ডাঁইটার উপরে একটা মাদী শুয়োর। আধপচা গোবরের তীব্র গন্ধটা নাকে এলো পেম্মার, চমরীর ঘামের গন্ধও। হাত তুলে শুয়োরটাকে ধমকালো পেম্মা—হুস, হুবাঁই! বুড়ী চমরীটা ডাকলো, ক্ষু।

পেম্মা পাথরের সিঁড়ি বেয়ে বারান্দায় উঠলো। কাঁধ থেকে বাকটা নামালো। যত শক্তসমর্থ দেহ হোক, আধ মাইল ঝাড়াই পথ দু'মণ জল তুলে আনা খুব সহজ কথা নয়। বারান্দার ধারে পাথরের উপর পাথর রেখে দুপুরের ঝড়ো বাতাসকে রুখবার প্যারাপেট। তার উপর বুক রেখে দাঁড়িয়ে জিরিয়ে নিতে লাগলো পেম্মা। আলখেঞ্জার ভাঁজ থেকে মোটা কাগজে জড়ানো হাতে পাকানো সিগারেট বার করে ধরালো সে। অসংস্কৃত কড়া তামাকের তীব্র গন্ধ—এত তীব্র যে অভ্যাস সবেশে পেম্মাও খক খক করে কেশে উঠলো, থুপ করে কফ ফেললো।

তারপর তার চোখ পড়লো বাচ্চা-চমরীর মাথায়, বাচ্চা-চমরীর জিভে জড়ানো গাছটার উপরে। খেনডুপ বলে, সে নাকি ওই গাছটায় গোলাপী ফুলের মতো এক-বার হলুদ ফুল দেখেছিলো। তা অনেক বছর আগে, ত্রিশ বছর তো হবেই!

তা দেখো, পেম্মা সিগারেট হাতে নিয়ে স্বগতোক্তি করলো, ও গাছটা সাইনিয়া তা বুঝতে আর বাকি নেই। কংমো বলেছে। এখানে কেন? সখ করে কেউ লাগিয়ে থাকবে। গাছের ওঁড়ি শাদা কেন? গাছটার কাছাকাছি শাদাটে রঙের পাথর, ধুলোও স্তবরাং শাদা। হাত দিয়ে ঠুলি বানিয়ে চোখের উপর রেখে পাহাড়টাকে খুঁজলো পেম্মা। খেনডুপকে দেখতে পাবে ভেবেছিলো সে। জিভের উপরে দাঁড়িয়ে থাকলে চোখে পড়তো। সে হয়তো ওদিকেই গিয়েছে, কোথায় যাবে তা ছাড়া? (ইঠাং হুঃখের ছায়া পড়লো তার মুখে) খেনডুপ সোজা হ'য়ে দাঁড়াতেই পারে না। কাঁকড়ার মতো চলে সে।

পেম্মা দীর্ঘনিঃশ্বাস ফেলে স'রে এলো, জলের বাকটা কাঁধে নিয়ে রান্নাঘরে গিয়ে ঢুকলো। উত্তনের উপরে হাঁড়ির ঢাকনাটা নড়ছে, বাষ্পের সঙ্গে সঙ্গে ঝাঁঝালো

রসুন আর আষসেক মাংসের মিষ্টিগন্ধ ছড়িয়ে পড়ছে। উত্তরের পাশে চায়ের হাঁড়িটা থেকেও মুহু মুহু ধোঁয়া উঠছে। আর একটু ফুটেবে মাংস-ঘরের সুপ। ঘরের এক কোণে তরকারি আনাজের খোঁসা জমানো ছিলো বালতিতে। সেটা হাতে ক'রে বের হ'লো। বাড়ির পিছন দিকের সিঁড়ি দিয়ে নেমে সে বাড়ির মেঝের তলায় ঢুকলো। ক্যাঁ ক্যাঁ ক্যাঁ ক'রে একদল আনোয়ার ডেকে উঠলো—সাত-আটটি শুয়োর বাড়ী-বাচ্চা। বালতিটা উগুড় ক'রে দিলো পেমা। হুস, হবাই।

কর্তব্য শেষ ক'রে পেমা উঠে এলো, কিন্তু একটার পর আর একটা কাজ। যে জলটা সে ঘরের কাজে ব্যবহার করে সেটা রসুন ক্ষেত থেকে সরিয়ে রাইশাকের ক্ষেতের দিকে চালিয়ে দিতে হবে। তার মানে ছোটো একটা বাঁধ বেঁধে নতুন ক'রে নালি কাটা। ছোটো হাতলের কোদাল হাতে নেমে গেলো সে ক্ষেতে। রসুন এবার ভালো হয়েছে তার; টোপা-টোপা, রসালো। ভাবতে জিতে জল আসে। ঘরের রুটি, রুন, আর পর-পর তিন বাটি চা, তাতেই দু'মণ জল আঁধ মাইল তুলে আনা যায়। নতুন আলুর ক্ষেতটা চোখে পড়লো। কোদাল চালাতে চালাতে পেমা ভাবলো আনুগুলো যদি রসুনের মতো হয়। দু'কাঠা পরিমাণ জমি। পাঁহাড় থেকে দখলে আনতে ছ'মাসের পরিশ্রম গিয়েছে। তিন মাসের সবটুকু চমরীর গোবর মিশিয়েছে সে ক্ষেতটুকুতে। এখানে যে আলু হবে সেটাও সাধারণ নয়। শাও চি বলেছে গ্র্যাফ্টিং ক'রে মিশ্র জাত তৈরি হয়েছে।

এই কথাটাই যেন তাকে দাঁড় করিয়ে দিলো। নিবে আসা সিগারেটে জোরে একটা টান দিলো সে। তীব্র কাঁচা তামাকপাতা পোড়ার গন্ধ ছড়িয়ে ধোঁয়াটা মুখ থেকে বার হ'তে হ'তেই হাসি দেখা দিলো সেখানে। এখান থেকে গাছটাকে দেখতে পাওয়া যায় না, তবে যে দিকে মুখ ক'রে সে দাঁড়িয়েছে সেদিকেই গাছটা থাকার কথা।

সাইমিয়া গাছটায় গোলাপী ফুলের মধ্যে কদাচিৎ যদি সোনালি ফুল দেখা যায় তবে তার কারণ গ্র্যাফ্টিং। গাছটা যে লাগিয়েছিলো সে গ্র্যাফ্টিং জানতো। আর এ বিষয়ে সে খেনডুপকে চাক্ষুষ প্রমাণ দিতে পারে। তার শুয়োরের পালে দুটোর রং একেবারে শাদা, অল্পগুলো বাদামী। তার কারণ কংমোর বুড়ো শাদা শুয়োরটা। শাও চি এসব বিষয় তাকে বুঝিয়ে দিয়েছে। কে আবার শাও চি? কংমোর ছেলে, যে তাকে হানুভাষার পুঁথিগুলো পড়তে দেয়। শাও চি হাসতে হাসতে বলেছিলো, আমাকেই দেখো, আমি কি একেবারেই হানু? তা নয়, তবু তাদের মতো। তা হানু'রা আমাদের চাইতে ধূর্ত বটে।

নালার কাজ শেষ ক'রে পেমা ঘরে উঠে এলো। কপাল থেকে আঙুল দিয়ে

ঝাম মুছে ফেললো। আজ সে স্নান করবে। কালকের বাসি জলটাকে সে কাজে লাগাতে পারবে, নালটা তৈরি হ'য়ে গেছে। স্নান মানে ক্ষেতে জল দেয়ার আর এক নাম।

অবশ্য, আবার স্বগতোক্তি করলো পেমা, একথা কেউ অস্বীকার করছে না যে বজ্রযোগিনী থেকে কেউ এসেছিলো। তাকে আশ্রয় দিয়েছিলো খেনডুপের ঠাকুরদা। সেজগতই তাকে মৃত্যুদণ্ড দেয়া হয়েছিলো। তখন দেশে বিদেশীকে আসতে দেয়া রাষ্ট্রদ্রোহ মনে করা হ'তো। পঁচাত্তর বছর আগে চমরীর জিভের উপরেই মোদল-ঘাতক খেনডুপের ঠাকুরদা গিয়াংসোর মাথা কেটে ফেলেছিলো, হয়তো সাইমিয়া গাছটা যেখানে উঠেছে সেখানেই। এ গল্পটা এ অঞ্চলে সকলেই জানে। আর গিয়াংসোর নাম খানিকটা ভয়ে ভয়ে উচ্চারণ করে এ অঞ্চলের লোকে, এমন কি বুড়ো কংমোও। কিন্তু তাই ব'লে কি গিয়াংসোর আত্মা ক্রমশ উর্ধ্বে উঠছে আর গোলাপী ফুলের সংখ্যা বাড়ছে? গোলাপী ফুল যদি লামার রক্ত হ'তো তা হ'লেও অর্থ থাকে, কিন্তু আত্মা?

শরীরটাই আসল। হাঁড়িটা উলুন থেকে নামালো পেমা। এ পৃথিবীর সব কিছুই শরীর। যা শরীরে ধরা পড়েনি, তা নেই। চায়ের হাঁড়িটা উলুনে বসালো সে। তার চমরী গাই, তাব শুয়োর, তার কোদাল, জঁতা, জলের হাঁড়ি, পাথর, পাহাড়, রাই-শাক, কার না শরীর আছে? এমন কি গিয়াংসোরও শরীর ছিলো। নতুবা ঘাতক কি নষ্ট করতে পেরেছিলো?

পিছন দিকে বারান্দায় বড়ো একটা জলের হাঁড়ি বসানো। এখানে পেমা স্নান ক'রে থাকে আর এঁই নির্জন সরাইখানায় তাতে তার অহবিষাও নেই। গায়ের আলখেল্লাটা থেকে সে কৌশলে দুটো হাত দুটো কাঁধ বার করলো। খ্যাস খ্যাস ক'রে খানিকটা গা চুলকে নিলো। তারপর জল ঢালতে লাগলো এ হাত, ও হাত, এ কাঁধ, ও কাঁধ। ভয়ঙ্কর ঠাণ্ডা জল। গা থেকে ধোঁয়া উঠছে মনে হ'লো। সোজা হ'য়ে দাঁড়ালো পেমা। বেগী ব চুলগুলো আলগা ক'রে দিলো মাথার পিছনে হাত দিয়ে। আর তখন দেখা গেলো শক্তির আশ্রয় দুটো বাহর মূলে, চওড়া কাঁধের নিচে সোনার কলসের মতো স্তন দু'টি এখনও পরিপুষ্ট। গোড়া থেকে জানা সহেও এখনই যেন প্রমাণ হ'লো পেমা স্ত্রীলোক। আর সোনার কলস বলার সার্থকতা আছে। কজ্জি থেকে আঙুলের ডগা, হাঁটু থেকে পায়ের পাতা দেখে আন্দাজ করা যায় নি যে এমন সোনালী রঙের ত্বক। আলখেল্লাটা কোমর থেকে নামিয়ে পায়ের ওলা দিয়ে গলিয়ে ঘরের মধ্যে ছুঁড়ে ফেলে দিলো পেমা। কুমাবীর মতো মসৃণ উদর তার। ঝুপ-ঝুপ ক'রে জল ঢালতে ঢালতে সে দেখতে গেলো কাঠো

মেঝের ফাঁক দিয়ে জলের ধারা নিচের ডোবাঘ্র জমে নালা বেয়ে ক্রমশ রাইক্ষেতের দিকে ব'য়ে যাচ্ছে ।

জান শেষ ক'রে সে শোবার ঘরে চ'লে এলো । ঘরের কোণে একটা আঁকড়া থেকে জামা পেটিকোট নামিয়ে নিয়ে পরলো । সে এবার চা খাবে । এখন দিনে পাঁচ-সাত বার চা খাওয়া আর বিলাসিতা নয় তার কাছে । অবশ্য শহরের ধনী লামাদের মতো বিশ বার চা খেতে চায় না সে । অতগুলো চমরী যার তার যখন-তখন চা খেতে আটকায় কিসে ? তাছাড়া তার এই শোবার ঘরটাই দেখো । দেখলে অবস্থাপন্ন গৃহস্থের কথাই মনে হবে । ছ'পায়া চৌকির উপরে কব্বলের বিছানা, পায়ের কাছে গায়ে দেবার কব্বল ভাঁজ করা । সেখানা শাদা আর ভেড়ার লোমের । ওদিকের ত্র্যাকেটে আর-এক প্রস্থ জামা পেটিকোট, অবশ্য তা দামী না হতে পারে । ত্র্যাকেটের পাশে কুলুঙ্গি, তাতে দু-একখানা ছাপানো চটি বই । বহ-গুলোর পাশে একটা চীনা টেবল-ল্যাম্প । এদিকে একটা কাঠের তোরঙ্গ, তোরঙ্গের উপরে প্রার্থনা-যন্ত্র । এটা খেনডুপের মায়ের কাছে পাওয়া । এদিকেও একটা কুলুঙ্গি । কুলুঙ্গিতে একটা মাঝারি বড় কাচের বোতল । কুলুঙ্গির উপরে দেয়ালের গায়ে মরচে-ধরা একটা সাভিস পিস্তল কোমরবন্ধ সমেত ।

সতরো বছর বয়স তখন পেয়ার—খেনডুপকে লামারা ধ'রে নিয়ে গিয়েছিলো । সতরো থেকে বেয়াল্লিশ এই পঁচিশ বছর পেয়া নিজের শরীরের পরিশ্রমে এই সম্পন্ন গৃহস্থের ভাবটা তৈরি করেছে । বাড়িতে খাবার লোক একা সে । অবশ্য, এ জন্তেই পরিশ্রমের ফলে সঞ্চয় হয়েছে ।

পেয়ার মুখে হাসি দেখা দিলো । সতরো বছরে কি হাঙ্কা-পঙ্কা চেহারা ছিলো তার । কি ভয়ই পেতো সে । খেনডুপকে ধ'রে নিয়ে যাওয়ার কয়েকদিন পরেই খেনডুপের মা মারা গেলো । এখন যেটা রত্ননের ক্ষেত সেখানেই একা-একা গর্ত খুঁড়ে শান্তিডিব দেহটাকে বসিয়ে মাটি চাপা দিয়েছিলো পেয়া । খেনডুপের দাদা দোর্জেলামা খবর পেয়ে তিনমাস পরে এসেছিলো, মন্ত্র পড়েছিলো । তার সঙ্গে একজন লোক বলেছিলো কাজটা ভালো করেনি পেয়া, ওতে আত্মার রাগ হয় । কিন্তু কি উপায় ছিলো ? তখন লামাদের ভয়ে অপরাধী খেনডুপের পরিবারকে এমন কি কংমোরাও সাহায্য করেনি । শান্তিডি কি রাগ করেছে ? রত্ননের ক্ষেত তার ভালোই হয়েছে, বরং একদিন সে স্বপ্ন দেখেছিলো শান্তিডি হাসছে । সে যে খেনডুপের ত্রিশ বছর মেয়াদ শেষ হওয়ার জন্ত অপেক্ষা ক'রে আছে, তার ঘরবাড়ি সংস্কার করছে, এসব দেখেই শান্তিডি যেন স্থবী হয়েছে । ছেলের ভালো দেখলে সব মা-ই খুশি হয়—তা সে রত্ননের জমির তলা থেকে হ'লেও ।

চা করতে রান্নাঘরে ঢুকলো পেমা। কিন্তু এখনও খেনডুপের কোনো চিহ্নই নেই। সে কি খেনডুপের উপরে বিরক্ত হবে? পাঁচিশ বছর জেল খেটে ছ'মাস হ'লো খেনডুপ ফিরেছে। বিরক্ত হওয়ার অনেক কারণ ঘটেছে ইতিমধ্যে; কিন্তু পেমা বিরক্ত হয়নি, কিছুতেই সে বিরক্ত হবে না। খেনডুপ বোধ হয় আজ নিচের সড়কের দিকেই গিয়েছে। এই কথাটাকে নিজের মনের মধ্যে একবার ঘুরিয়ে নিলো পেমা। কাজটা ভালো হয়নি। না ঠিক ভয় নয় - তা হ'লেও অস্বস্তি তো বটেই। নিচের পূব-পশ্চিম সড়ক দিয়ে আজ এমন দু-একখানা গাড়ি যেতে দেখেছে পেমা যা এর আগে কোনোদিন সে দেখে নি। খেনডুপ যদি সেখানে গিয়ে থাকে তবে এই আধ মাইল উঠে আসতে এক ঘণ্টা লাগবে। ততক্ষণে অনেকবার চা ছড়িয়ে যাবে।

নিজের জ্ঞান চা ঢেলে নিয়ে তাতে এক থাণ্ডা মাখন ভাসিয়ে পেমা চায়ের পাত্র হাতে ক'রে বাইরের দিকে সিঁড়ির উপরে গিয়ে বসলো। আগের চিন্তায় ফিরে এলো পেমা: শুধু ভয় নয়, তখন সেই সতরো বছর বয়সে সে বোকাও ছিলো। বোকা মানুষ যদি একা থাকে তবে ভুলও করে। পেমার মুখে লজ্জার চিহ্ন দেখা গেলো। এখন সে জানে ওটা ইংরেজি মদের বোতল। কয়েক বছর আগে মাখন-উৎসবে সে শহরে গিয়েছিলো, উদ্দেশ্য ছিলো খেনডুপকে গোপনে সংবাদ দেয়া যে সে এখনও বাড়িঘর ধ'রে ব'সে আছে, আর চেষ্টা ক'রে দেখা কোনো ফিকিরে তাকে বাব ক'রে আনা যায় কিনা। এদিক-ওদিক ঘুরতে ঘুরতে একটা দোকানে একটা বোতল দেখে পেমা চমকে উঠেছিলো। পাশের লোকটি, অনেকক্ষণ থেকেই পেমার সঙ্গে না-ডাকা সহেও ঘুর-ঘুর ক'রে বেড়াচ্ছিলো, বলেছিলো, ওটা ইংরেজি মদ, ভিক্সি নাম। তার শোবার ঘরে কুলুঙ্গিতে যে বোতলটা আছে সেটা পাঁচাস্তর বছরের পুর্বনো বটে, কিন্তু ছবি পর্যন্ত এক। ওটাও ভিক্সির বোতলই। বোধগম্যর জল নয়। ওর দু-এক ফোঁটা খেলে সব রোগ সারে না, ঢক-ঢক ক'রে অনেকটা খেলেও কোনো মেয়ে অতঃস্থ হয় না। অথচ সে দু'বার ভুল করেছিলো। বোতল খুলতেই তার এক ঘণ্টা লেগেছিলো, দস্তার ঝালাইয়ের নিচে টাচের ঢাকনা, তার নিচে মোম কাগজ, তার নিচে কক। কয়েক ফোঁটা ঢেলে দিয়েছিলো সে মুমূর্শু শান্তির মুখে। পরম শান্তিতে তাঁর চোখ দু'টো বুজে এসেছিলো, মুখে হাসি ফুটেছিলো, কিন্তু তাতে রোগের আরোগ্য হয়নি। তা সহেও দ্বিতীয়বার ভুল করেছিলো পেমা। অসম্ভব রকমে একা, অপরিণীত নিঃসঙ্গ বোধ হ'তো তার। শান্তির মৃত্যুর পর বোতলটা তেমন ক'রে আর মুখ বন্ধ করা হয়নি যেমন খেনডুপের ঠাকুমা করিয়েছিলো গিয়াংসোর মৃত্যুর পরে। এক রাত্রিতে বোতল থেকে তার

অর্ধেকটা ঢক্ ঢক্ করে খেয়ে ফেলেছিলো পেমা। কয়েকদিন অস্থির ছিলো সে, আর কিছু হয়নি। বরং মাখন-উৎসবে যে পুরুষটা ঘুর ঘুর করছিলো পেমার পাশে পাশে, প্রশ্রয় দিলে সে যা ঘটতে পারতো ভিক্টর বোতলটা তা পারে নি, কিন্তু সে-রকম অধিকার একমাত্র খেনডুপের, একমাত্র তারই।

এ থেকে প্রমাণ হয় না শরীরই সব? শরীর থেকেই শরীর জন্মায়। এই ইংরেজি মদের বোতলটা আর তার উপরে সেই মরচে-ধরা আর্মি পিস্তলটা প্রমাণ করে লোকনাথ, কিম্বা তা'কে যাই বলো, সে এসেছিলো। আর তা'কে আশ্রয় দিতে গিয়েই গিয়াংসোর ছোটোভাই রিস্পোচে লামাকে শহরে আর গিয়াংসোকে এখানে সামনের ওই চমরীর জিতে যুত্যাৎ দেয়া হয়েছিলো।

স্নানেব কবোঞ্চ আরাম। তারপর এই উত্তপ্ত চায়ের পাত্র—এটা একটা আরামদায়ক বিশ্রাম হ'তে পারে। সে এখন শান্ত হ'য়ে কিছু ভাবতেও পারে। একা থাকলে কেউ-কেউ নিবিষ্ট হ'য়ে চিন্তা করতে শেখে। পেমার এ বিষয়ে একটু সন্দিগ্ধ ছিলো। সে খেনডুপ এবং শান্তিড়ির কাছে স্থির হ'য়ে ব'সে থাকার ভঙ্গিটা আয়ত্ত করেছিলো। একে অল্প কথায় ধ্যান বলা যেতে পারে। সে এ-রকম সময়ে অনেকটা সাজানো-গোছানো ভাবে চিন্তা করতে পারে। এটাই কি অতীতের সঙ্গে তার একমাত্র যোগসূত্র?

অথচ লোকনাথ, কিম্বা যাই বলো, এসেছিলো। পেমা যেন তাদের সেই পঁচাত্তর বছরের পুরনো মিছিলটাকেও চোখে দেখতে পেলো। ছপুয়ে ছ'টোয় দুর্বর্ষ ঝড় উঠেছে। পাথরের কুচি উড়ছে ছিটেগুলির মতো। ঝড়ের গতি ঘটায় একশ' মাইল। আপাদমস্তক ঢাকা, এমন কি মুখেও মুখোস। তা সবেও ঝাঁড়ানো যায় না, এগোয় কার সাধ্য। এর চাইতে প্রাণঘাতী তুষার-ঝড়ও ভালো।

গিয়াংসোর ভাই রিস্পোচে লামা বললো, সন্ধ্যার আগেই লা'তে পৌঁছনো দরকার, অথচ একপাও এগোন যাচ্ছে না।

গিয়াংসো বললো, প্রবাদ যদি সত্যি হয়, তবে তার এই প্রমাণ হবে যে ঝড়ের মধ্যে এগিয়ে গেলে তবে আমরা তার দেখা পাবো।

গিয়াংসো তার রেশমের ঝড়-মুখোসের আড়ালে হাসলো কিনা বোঝা গেলো না।

খচ্চরের পিঠে লাফিয়ে উঠলো রিস্পোচে। গিয়াংসো তার পিছনে রওনা হ'লো। কিছুদূরে তাদের অস্থচরেরা। জ্বাড়া উপত্যকাটা পার হ'লো তারা কিছু-ক্ষণের মধ্যেই। পাহাড়ের আড়াল পেলো। ঝড়ের শব্দটা কানে আসছে, কিন্তু ঝড়টা পায়ে লাগছে না আর।

গিয়াংসো বললো, নামগিয়াল, অমিতাভ আর একবারই পুনর্জন্ম নেবে এ প্রবাদ সম্বন্ধে তুমি কি পড়েছো ?

প্রবাদটা প্রাচীন, তবে পনরো পুনর্জন্মের জায়গায় সতরো হ'বে না, তা বলা যায় না।

গিয়াংসো বললো, আমাদের দেশে বিদেশী ঢুকলেই কি পুনর্জন্ম হওয়াও শেষ হবে ?

রিম্পোচে বললো, না, ওটা ভয় দেখানোর জন্ত বলা। চীনা আমনরা চায় না, নেপালিরাও চায় না তারা ছাড়া আর কোনো বিদেশী ঢোকে আমাদের দেশে।

কিন্তু কবে পুনর্জন্ম শেষ তার তো একটা প্রবাদ আছে।

সে এরকম নয়। উত্তুরে কুকুর যখন চিল্লানি শূকরীকে সতান দেবে, তখন। গিয়াংসো মাথা দোলালো। সেও শুনেছে, সেও জানে। তখনই, উত্তুরে হিংস কুকুরের পাল যখন আসবে তখনই এদেশ আর স্বপ্নের দেশ থাকবে না। কিন্তু সময় হয়ে যাচ্ছে। রিম্পোচে পিছনে ফিরে অহুচরদের হাতের ইশারায় তাড়াতাড়ি এগোতে ব'লে নিজের খচরটার পেটে পায়ের ওঁতো দিয়ে সেটাকে জোরে ছুটিয়ে দিলো।

গিয়াংসোও তাই করলো। রিম্পোচের কাছে পৌঁছে আবার সে বললো, আচ্ছা খবরটা ঠিক তো ?

ঠিক, ঠিক, একশ' বার ঠিক। আমাদের অন্তত সাত-আট জন চর খবর এনেছে। সে দক্ষিণ থেকে আসছে সিগাংসের পথ ধ'রে। শহরে জানে না এমন কেউ নেই, আর তুমি কিনা সন্দেহ করছো। সৈন্তদলকে হুকুম দেয়া হয়েছে দেখলেই সাবাড় করতে কিম্বা ধরা দিলে কয়েদ করতে।

শেষ পর্যন্ত যদি না আসে ? গিয়াংসোর মুখ হতাশায় বিবর্ণ দেখালো।

ভয় পাবে ? সে জানে চব্বা খবর পেয়েছে। ভয় পাবে না এটাই একটা প্রমাণ যে সে অতীশের লোক।

লা'র মুখে দাঁড়িয়েছে দুটি খচর, তাদের পিঠে গিয়াংসো আর রিম্পোচে। কিছুদূরে তাদের ছ'জন সশস্ত্র অহুচর। পথে গুপ্তচরের ভয়, সৈন্তদলের ভয়। ডাকাতের ভয়।

গিয়াংসো বললো, এই শেষবার, রিম্পোচে ! আচ্ছা বলো আমরা কি সেই আদিকাল থেকে অতীশের গুহা পাহারা দিচ্ছি ? আমরা মানে আমাদের বংশ।

রিম্পোচে সিন্ধের মুখোসটা সরালো মুখ থেকে। বললো, তুমি সন্দেহের পাহাড়, গিয়াংসো। সব লামা হ'লে গেলে বংশের ধারা নষ্ট হ'লে যাবে। এরকম অনেকবার

হয়েছে। পরে আর একজন বুঝতে পারে অতীশের গুহার কাছের জায়গাটাই তার জায়গা। নতুন ক'রে বাড়ি তোলে, বংশ বাড়ায়। যেমন আমাদের কাকা করেছিলো।

গিয়াংসো বললো, হায়, হায়। এবার দেখো তুষার-ঝড় উঠে পড়লো।

অতীশও ঝড়ের মধ্যে এসেছিলেন।

ঠিক এমন সময়েই লা'র মুখে শোনা গেলো : হুম মণিপদে, হুম মণিপদে। গিয়াংসো রিস্পোচের মুখের দিকে চেয়ে হাসলো। খচ্চর থেকে নেমে দু'জন পাশাপাশি দাঁড়ালো। একহাত অগ্ন্যহাতের আস্তিনে ঢুকিয়ে, মাথা সামনের দিকে নোয়ানো। শাদা কান দুটো খাড়া ক'রে একটা খচ্চর ক্রান্ত ভঙ্গিতে তবু লাফ দিয়ে লা'র মুখের পাথরটার উপরে উঠে দাঁড়ালো। তার পিঠের উপরে ভারতীয় শ্রমণের কানঢাকা টুপি পরা একজন কেউ।

রিস্পোচে এগিয়ে গেলো। দক্ষিণ থেকে নামলো ভারতীয় শ্রমণ। রিস্পোচে প্রাকৃত লেখাপড়া করেছিলো, হানুদের ভাষা জানতো, এমনকি দক্ষিণ মহাদেশের ভাষাও কিছু-কিছু জানতো। সেই ভাষার দু-একটি প্রার্থনাও।

সে এক পা এগিয়ে গিয়ে মাথাটা সামনের দিকে আরও হুইয়ে বললো, বুদ্ধ শরণং...

লোকনাথ বললো, গচ্ছামি, সজৎ শরণং গচ্ছামি।

গিয়াংসো এগিয়ে গিয়ে লোকনাথের জামার প্রান্ত তুলে চুমু খেলো।

এবার দক্ষিণের মিছিল উত্তরে ফিরলো। সামনে সশস্ত্র লস্কর। ভাইনে রিস্পোচে : বাঁয়ে গিয়াংসো, মাঝে লোকনাথ।

পিছনে তুষারের ঝড়। মিছিল এগিয়ে চললো। আর—অমিতাভায় লোকনাথায়, অমিতাভায় অমিতাকারণ্যে লোকনাথায়। এ রকমই কি একটা কিছু তখন শোনা গিয়েছিলো? পেমার শান্তি কখনও উচ্চারণ করতো। খেনডুপ উচ্চারণ করতে গিয়ে ধরা পড়লে হাসে। না, এখন দিনের আলোর মতো স্পষ্ট দেখতে পায় পেরা সেই মিছিল। সে দেখতে পেলো পথের উপরে কিছু একটা নড়ছে। 'কিছু একটা' না বললে কীকড়া বলতে হয়। কীকড়ার মতো চলে সে। খেনডুপকে এখন আর মাহুস ব'লে মনে হয় না। এই দিনের আলোতেও।

কাল সন্ধ্যাবেলায় কথাই ধরো। গিয়াংসোদের নিয়ে খেনডুপের সঙ্গে অনেক-কণ কথা হয়েছিলো। বারবার তখন তার মনে হয়েছিলো একি সেই? একি সেই খেনডুপ? মুখের আদলে তার কথাই মনে হয় বটে, কিন্তু—। পঁচিশ বছর আগে যে চ'লে গিয়েছিলো সে ছিলো হুড়ি বছরের এক যুবক চাবী, হাসতো কথায়

কথায়, রসিকতা করতো কথায় কথায়। আজ কোমরের কাছে দোমড়ানো এই কথ বৃদ্ধ ? একটা চূড়ান্ত অহুত্বের বর্ণনা থেকে ব্যাপারটা বুঝতে পারা যায়। খেনডুপ ফিরে আসার একমাস পরে। সেদিন সকাল থেকেই পেমা নিজেকে প্রস্তুত করতে শুরু করলো। অথচ সেই উষ্ণ বিকেলের শয্যায় আচ্ছাদনহীন নিজের শরীর খেনডুপকে উৎসর্গ করতে গিয়ে হঠাৎ যেন পেমা ঘুণায় শিউরে উঠেছিলো। ‘ছি-ছি এনি করছে ? খেনডুপের বিছানায় এ কাকে এনেছে সে ?’ এ কি বিশ্বাসঘাতকতা ? কিন্তু গ্লানি এবং ঘুণাই।

অবশ্য, পেমা পথের উপরে খেনডুপের দিকে লক্ষ্য স্থির রাখলো ; প্রতিটি পদক্ষেপই কি যন্ত্রণা খেনডুপের, অবশ্য, ভাবলো পেমা ; খেনডুপ-স্মৃতির মুখোশ ছিঁড়ে বাস্তবের খেনডুপকে প্রকাশ করতে পারতো, কিম্বা স্মৃতির খেনডুপের সঙ্গে এক হ’য়ে যেতে পারতো। যদি সে—। কিন্তু তা কি ক’রে হবে ? সাড়ে তিনফুট উঁচু, পাঁচফুট লম্বা, তিনফুট চওড়া একটা অঙ্ককার ঘরে যাকে পঁচিশ বছর কাটাতে হয়েছে, সে কি আর সোজাভাবে দাঁড়াতে পারে ? কোমর দুমড়ে গিয়েছে, উরু দু’টো গুঁকিয়ে পায়ের গুলের সমান, আর যাকে পেমা ফুলের কলি বলতো তার অস্তিত্বই নেই। চমরী খাঁড়দের অমন করা হয় বটে।

খেনডুপকে জিজ্ঞাসা ক’রে লাভ নেই। সে তার কয়েদখানার কথা তুললে হাদে কিন্তু কংমোর ছেলে শাও চি বলেছে সেই ঘর নাকি অঙ্ককূপের চাইতেও ভয়ানক।

হঠাৎ যেন মেরুদণ্ড বেয়ে একটা দুঃসহ উত্তাপের জ্বালা উঠে এসে পেমার হৃৎপিণ্ডকে জ্বলন্ত লোহার বেড় পরিয়ে দিলো। এত পরিশ্রমেও যা দেখা যায়নি, সমস্ত কপালটা ঘামে ভিজে উঠলো—তার ছ’ফিট উঁচু শরীরটাকে কেউ যেন একটা সাড়ে তিনফুট উঁচু ঘরে অনন্তকালের জন্য আটকে রেখেছে। দাঁড়ানোর উপায় নেই, পা মেলে শোবার উপায় নেই, শুধু ব’সে থাকা, ব’সে থাকা।

পেমা ডান পা’টাকে সামনের দিকে ছড়িয়ে দিলো, বুড়ো আঙুলটাকে উঁচু করলো। নিতম্ব থেকে আঙুলের ডগা পর্যন্ত প্রতিটি পেশী তার বাধ্য, অহুগত, মুখের কথার দরকার হয় না, ইচ্ছা অর্ধফুট হ’তেই ঢেউ তুলতে শুরু করেছে। কিন্তু লজ্জিত হ’লো পেমা। খেনডুপ যদি দেখতে পেয়ে থাকে ! অথচ খেনডুপকে বিড়বিড় ক’রে ছকুম করতে হয় তার পা দু’খানাকে। এটা অবশ্য মূদ্রাদোষও হ’তে পারে। একটা ঘরের চার দেওয়ালের মধ্যে একা পঁচিশ বছর শুধু ব’সে কদাচিৎ আবশ্যোয়া অবস্থায় যাকে কাটাতে হয়েছে তাব নিজের সঙ্গে কথা বলার মূদ্রাদোষ জন্মাতো পারে। কিন্তু তাই বলে—এখনও হয়তো খেনডুপ প্রতি পদক্ষেপে ব’লে চলেছে

ওঠো খেনডুপ, এটা একটা পাথর, ই্যা, এইতো উঠতে পেরেছো, এবার নামো, আবার ওই পাথরটায় ওঠো, ওঠো, ওঠো, এ কষ্ট কিছুই নয়, খেনডুপ, না পারলে চলবে কেন ?

এটাকি বিশ্বাসযোগ্য যে খেনডুপের শরীরটা একটা বুড়ো, অশক্ত, বদমেজাজী চাকর, যার কাঁধে চেপে আসল খেনডুপ অমন হুকুম করতে থাকে ? আসল খেনডুপ ? সে কি এখনও কুড়ি-একুশ বছরের মতোই তরুণ স্বন্দর হঠাম ; কখনও কখনও যে খেনডুপের চোখের হাসিতে এখনও এক যুহূর্তের জন্ত দেখা দেয় জানলা দিয়ে সিগাংসের বড়ো লামা যেমন দর্শন দান করেন ?

পেমা মাথা হুলিয়ে নিজের এই অসম্ভব কল্পনাকে অস্বীকার করলো । সে সিঁড়ি দিয়ে নিচে নেমে গেলো । খেনডুপের অশক্ত শরীরটাকে সাহায্য করা দরকার ।

কাল সন্ধ্যাবেলায় খেনডুপ যা বলেছিলো তা ভাবতে গিয়েই তার চিন্তা অস্ত-পথে চ'লে এসেছে । খেনডুপ স্বীকার করেছিলো কাল, জেলখানায় সে নিজের সঙ্গে কথা বলতো । সে নিজেকে বলতো : খেনডুপ, বিশ বছর হ'লো, আর দশ বছর পরে ; খেনডুপ, চব্বিশ বছর হ'লো আর ছ' বছর পরে । আর তোমার পেমা, তোমার সেই পুণ্যদেব বউ তোমার জন্ত আরও স্বন্দর হ'য়ে অপেক্ষা করছে । কখনও কখনও খেনডুপের সন্দেহ হ'তো পেমা কি পুরুষের লোভ নিজের মধ্যে গুটিয়ে রাখতে পারবে ? দেবীরাও পারে না । তখন খেনডুপ নিজেকে খুব ধর্ম-দিতো, সারাদিন উপবাসে থাকতো । অবশেষে একদিন সে বললো, বলতে পেরে-ছিলো নিজের মনকে, খেনডুপ, পেমা যদি অচ্ছ কোনো পুরুষকে নেয়, আশীর্বাদ ক'রো । অচ্ছ একদিন হঠাৎ তার এই সাইমিয়া গাছটার কথা মনে পড়ে । তারপর থেকেই তার কষ্টও ক'মে যেতে থাকে । কষ্ট হ'লেও সে বলতো, খেনডুপ গাছটার কথাই ভাবো, গাছটাই গিয়াংসো । অভ্যাসে এসে গিয়েছিলো । কষ্ট হ'লেই গাছটা ফুল ফুটিয়ে দাঁড়াতো মনের মধ্যে, আর সেই জেলখানার অন্ধকারে কখনও কখনও হঠাৎ তার ছ'একটা ফুল সোনালি হ'য়ে উঠতো ।

পেমার চিন্তায় বাধা পড়লো । এখন খেনডুপকে স্পষ্ট দেখা যাচ্ছে । মানুষ যখন চলে তার পা ছ'টো সোজা হ'য়ে পড়ে মাটিতে । খেনডুপের পা ছ'টো পড়ছে কোনা-কুনি, কোমর থেকে মাথাটা এগিয়ে আছে রাত্তার সমান্তরাল, যেমন চমরার থাকে ।

আবার সেই আঙনের বেড়াটায় লেগে পেমার হৃৎপিণ্ডটা জলে পুড়ে গেলো, ছটফট ক'রে দাপাতে লাগলো সে । আর এ-সবই সময়মতো পেমা ছ'সাত শ' টাকা যোগাড় করতে পারেনি ব'লে । তাই বলে শাও চি । লামাটাকে ধাক্কা দিয়ে নিচে

খাদে ফেলে দেয়ার অভিযোগে যখন ওরা খেনডুপকে ধরে নিয়ে গেলো তার তিনদিন পরে একজন এসে বলেছিলো প্রতিবেশী কংমোকে, ছ'শ টাকা হ'লে খেনডুপের মুক্তি কেনা যায়। কিন্তু এর চাইতে যত্নদণ্ড ভালো ছিলো। গিয়াংসোর মতো মৃত্যু ভালো। খেনডুপ কি গিয়াংসোর চাইতেও বড়ো বিশ্বাসঘাতক? মৃত্যু? শিউরে উঠলো পেমা। না, না। খেনডুপ ফিরে এসেছে সেই ভালো। হোক বিকলাঙ্গ, তবু সে খেনডুপ। পেমার চোখে জল এসে গেলো।

খেনডুপ এসে পড়েছে। চমরীর বাছুরটা অবাক হ'য়ে রাস্তার দিকে চেয়ে আছে। মুক্তি পাওয়ার পর যে খচ্চরটার পিঠে চাপিয়ে খেনডুপকে সে শহর থেকে এনেছিলো সেটা কান খাড়া ক'রে কি শু'কছে। হঠাৎ বাছুরটা ল্যাজ তুলে ছুটে পালালো, খচ্চরটা ব্যাঙের মতো লাফিয়ে লাফিয়ে দূরে স'রে গেলো, বয়স্ক চমরী দু'টো ক্ষু ক'রে একসঙ্গে ডেকে উঠে দাঁড়ালো।

খেনডুপ অবাক হ'লো এই ডাকাডাকি, এই আকস্মিক চাকল্যে। তারপর হেসে ফেললো। বিড়বিড় ক'রে বললো, ভয়? ভয় পেয়ো না, ভয় বিষেষ একই। যাকে ভয় পাবে তাকেই হিংসা করতে ইচ্ছা হবে, যাকে হিংসা করেছেো তাকেই ভয় পাবে।

পেমা বললো, কিছু বললে?

খেনডুপ লজ্জিত হ'লো। যেন নতুন বউয়ের সামনে মুদ্রাদোষ প্রকাশ ক'রে ফেলেছে। বললো, একটা জিনিস পেলাম।

কি জিনিস?

জড়ানো সরু তারের জাল খানিকটা বার করলো খেনডুপ জামার ভাঁজ থেকে। এ আবার কি এমন জিনিস? এরই জন্তু এতো দেরি?

তোমার চৌকির তলায় লুকানো যন্ত্রটা এবার কথা বলবে। জামার ভাঁজ থেকে একখানা চটি বই বার করলো খেনডুপ, হানুদের লেখা পুঁথি দেখো, আমাকে প'ড়ে শুনিয়ে।

সে হবে খাওয়ার পরে।

ঘরে এসে পেমা বললো, শ্রান করবে?

যদি বলা।

পেমা শ্রান করিয়ে দিলো খেনডুপকে। পিঠ, কোমর, উরু ড'লে ড'লে দিলো গরম জল দিয়ে। এতে কি রক্তের প্রবাহ ফিরতে পারে পঁচিশ বছরের শুকিয়ে যাওয়া শিরায়? নিজের পরিপুষ্ট হাত দু'খানা পেমার চোখে পড়লো। বুড়ি বলবে কোন মূর্খ? কিন্তু, হঠাৎ যেন তার চোখে জল আসবে মনে হ'লো—তাদের ছেলে-

পুলে হওয়ার কোনো সম্ভাবনাই আর নেই। এই তো, সে দেখতেই পাচ্ছে।

থেনডুপকে পোশাক পরিয়ে চোকিতে বসালো পেমা। হাত-পায়ের জল মুছতে মুছতে বললো, আসলে গাছের বীজ না হ'লে গাছ হয় না। থেনডুপ, তোমার এই সাইমিয়া কেউ লাগিয়েছিলো ওখানে বাচ্চা চমরীর জিভে।

সাইমিয়া বলছো? অসম্ভব কি?

শোবার ঘরের মেঝেতে লম্বা জলচোকিটার উপরে কাপড় বিছিয়ে থালা রাখার জায়গা। মেঝেতে আসন বিছিয়ে বসবার জায়গা করলো পেমা। শান্তির প্রার্থনা-চক্ৰটাকে রাখলো জলচোকির ওপরে। প্রদীপ জ্বালালো একটা চমরীর মাঝনে। বড়ো দু'টো বাটিতে মাংস, রসুন দেয়া খবের গাট স্থপ। ধোঁয়া উঠছে। থেনডুপকে পাশে নিয়ে খেতে বসলো পেমা। এবার থেনডুপ প্রার্থনা করবে। পেমাই অবশ্য এই প্রার্থনার জন্ত দায়ী। থেনডুপ ফিরে এলে সব আবার আগেকার মতো হোক ব'লে পুরনো প্রার্থনার প্রথাটাকে সেই চালু করেছিলো। আজও সে প্রার্থনার যন্ত্রটাকে এনেছে।

কিন্তু থেনডুপ আজ প্রার্থনার কথা মনে মনে বললো কি না বললো, এক মুহূর্ত চোখ বুঁজে থেকেই খেতে শুরু করলো।

পেমা তার পুরনো কথায় ফিরে এলো, আর গোলাপী ফুলের মধ্যে যদি কখনও হনুদ ফুল ফোটে তাবও কারণ আছে। ওকে গ্র্যাফ্টিং বলে। বিশ্বাস না করো। আমাদের বাদামী শূকরের পালে শাদা বাচ্চা দু'টোকে দেখো। আমাদের পাটকিলে শূকরীটাকে কংমোর বুড়ো শাদা মন্ডাটাকে দেখিয়েছিলাম। শুধু শাদা নয়, কেমন বড়ো হয়েছে, না?

থেনডুপ বললো, তা হয়।

পেমা বললো, আর সেই লোকটা, যাকে লোকনাথ বেলো, আচ্ছা, তার সম্বন্ধে তোমার কি ধারণা? সে যে সোমাত্র পার হ'য়ে আঙুল বেড়েছিলো আমাদের দেশের দিকে চেয়ে, পিস্তলের একটা চোঙ খালি করেছিলো আমাদের দেশের আকাশের দিকে—তার অর্থ কি? সে কি গিয়াংসো আর রিম্পোচে লামাকে হত্যা-নও দেয়ার জন্ত অভিশাপ?

থেনডুপ বাটি থেকে কাঠের চামচ দিয়ে গরম স্থপ ঝানিকটা মুখে দিলে। মানের পরে এই সুখাত্ত আহার। তপ্তিতে শরীরে একটা বিশ্রামের ভাব আসছে। এ অবস্থায় চোখ বুঁজে চিন্তা করা চলে। থেনডুপ কি চকিতের জন্ত সেই মিছিল-টাকেই দেখতে পেলো? ডাইনে রিম্পোচে, বাঁয়ে গিয়াংসো, পিছনে তুষার-ঝড়। যা কিছুক্ষণ আগে পেমা দেখেছে।

কিন্তু সে বললো, হয়তো বলেছিলো, মরুক গে যাক ।

তা হ'লে ? আর ওই বোতলটাকে তুমি কি মনে করো ? জানো ওটা ইংরেজি চোলাইয়ের বোতল ।

বুধগন্নার জল নয় ? খেনডুপ হাসলো ।

ছাই-ছাই । পেয়ার তা'মাটে গাল লাল দেখালো । একরাতে আধাবোতলের সবটুকু শেষ করেছিলাম গলায় ঢেলে । হ'লো কিছু ? হ'লে তো দেখতেই পেতে, খেনডুপ । এতদিনে বাইশ বছরের যোয়ানটি হ'তো ।

হাসিতে খেনডুপের চোখ দু'টো মিটমিট করলো ।

একটু থেমে বললো আবার পেমা, সে যে ইংরেজের বাগিজের জন্ত আসেনি তা কি তুমি বলতে পারো ? ওটা বুধগন্নার জল নয়, ইংরেজি চোলাই । মিথ্যা হ'লো না ব্যাপারটা ?

অদ্ভুত ঠাণ্ডা গলায় বললো খেনডুপ, আমি জানি । গিয়াংসো জানতো । সেই তুষার-ঝড়ের রাত্রিতে, একশ' বছরে সে রকম ঝড় হয় নি, অতীশের গুহার মুখও ঢেকে গিয়েছিলো । শহর থেকে গিয়াংসো ফিরছিলো দু'দিন পরে । সারা দুপুর বরফ কেটে একটা আনলা বার ক'রে তবে নিজের বাড়িতে ঢুকতে পেরেছিলো সে । তখন ওই ইংরেজি চোলাই গিয়াংসোর জ্বীকে খেতে দিয়েছিলো লোকনাথ ।

পেমা একেবারে অবাক হ'য়ে চেয়ে রইলো । তুমি জানো ? এ সবই জানতে ?

কিছুক্ষণ আর কথা না ব'লে খেতে লাগলো । তারপরে হঠাৎ যেন দীর্ঘনিঃশ্বাসের মতো খেনডুপ বললো, সকালে যে তার এনেছি সেটার দু'টো মাথা দু'টো ত্র্যাকেটে লাগাও । ওকে এরিয়েল বলে ।

খেনডুপের নির্দেশমতো ঘরের সিলিং-এ এরিয়েল লাগালো পেমা । যন্ত্রটাকে টেনে বার ক'রে দিলো খেনডুপের সামনে । খেনডুপ যন্ত্রের সঙ্গে এরিয়েলের তারের মাথা লাগাতেই সেটা একটু পৌঁ-পৌঁ ক'রে উঠলো ।

বাহ, তুমি যন্ত্রের কাজ শিখলে কোথায় ? পেমা অবাক হ'য়ে গেলো ।

যে তার দিয়েছে সে-ই ব'লে দিয়েছে ।

এতে কি গান শোনা যাবে ? শাও চি-র বাড়িতে এমন একটা আছে ।

কথাও শোনা যাবে । তোমার ঘরের মাথায় ওরা একটা শুঙ্গ লাগিয়ে দেবে । আর এ যন্ত্রটায় একটা চোঙ বসাবে । তখন কথাও বলা যাবে ।

ক'র সঙ্গে কথা বলবে যে দু'মাস হ'লো যন্ত্রটা এনে রেখেছো ?

খেনডুপ নিঃশব্দে হাসলো ।

পেমা খেতে বসলো । বললো, রহনগুলো আমাদের ক্ষেতের । হানুদের বইতে

চাবের কথা আছে। তেমন ক'রে লাগিয়েছিলাম। কেমন মাথনের দলার মতো মোলায়েম নয়? আর একটু নাও, অনেক আছে হাঁড়িতে।

কাঠের হাতা দিয়ে পেমা খেনডুপের খালাতে খানিকটা মাংস, রহন সমেত হুপ তুলে দিলো। সে আবার বললো, গিয়াংসো জানতো? আশ্চর্য লাগছে না তোমার ভাবতে?

খেনডুপ হেসে বললো, জানতো। গিয়াংসোর স্ত্রীর কাছে কোন পশম ভালো, কোন পশমের কেমন দাম এসবও জিজ্ঞাসা করতো লোকনাথ। আর তা জানার পরেও লোকনাথকে আর ছ'মাস নুকিয়ে রেখেছিলো গিয়াংসো। পেমার মুখের দিকে চাইলো সে। হাসলো। তারপর বিড়বিড় ক'রে বললো, মুখের ছাদ, জিহ্বা আর দাঁত, এরই সাহায্যে শব্দ; কিন্তু এদের কোনোটাই এমনকি সবটা মিলেও শব্দ নয়।

পেমা বললো, তুমি কিন্তু সেই লামাকে তিনশুলী কোদাল দিয়ে মারতে গিয়েছিলে।

হ্যাঁ। আমি কি গিয়াংসো? সে আমার খুবদেনী বউকে অত্যন্ত খারাপ কথা বলেছিলো।

তাতে তোমার পেমার কি ক্ষতি হয়েছিলো?

হয়তো ক্ষতি হ'তো না। খেনডুপ যেন পঁচিশ বছরের দূর দেশটাকে একুশি দেখতে পেলো, কিন্তু তখনই আবার ফিরে এলো, ওখানে এখন এমন কিছু আর নেই যা নিয়ে চিন্তা করা যায়।

রেডিও ট্রানসমিটারটা গোঁ-গোঁ ক'রে উঠলো। কে যেন ঘরঘরে কিন্তু চড়া গলায় কি ব'লে থেমে গেলো। দুম্‌দাম্‌ ক'রে শব্দ হ'লো কিছুক্ষণ ধ'রে।

খেনডুপ বললো, লামাদের উপদেশ দেয়ার মতো ভক্তি তার যদিও সে কোনোদিনই লামা নয়—রিম্পোচে লামা অদ্ভুত স্ত্রানী ছিলো। সে কনফুসির পুঁথি পড়েছিলো, ইংসির পুঁথি পড়েছিলো। অতীশের অনেক পুঁথি আগাগোড়া মুখস্থ ছিলো তার। আর শুনলে অবাধ হবে যে দক্ষিণ মহাদেশেব ভাষা জানতো, যে ভাষায় নিজে বুদ্ধ ভগবান উপদেশ দিয়েছিলেন। আর লোকনাথও সেই ভাষা জানতো। লোকনাথের সঙ্গে কথা ব'লে পরে সে বলেছিলো লোকনাথ ভগবান বুদ্ধের ভাষাতেই তাঁর উপদেশ বলতে পারে। অতীশের পরে কে আর তা বলেছে আমাদের দেশে? বরফের ঝড়ে পড়লে তোমার কষ্ট হবে, কিন্তু জানলা দিয়ে বরফের মতো আর কাকে পবিত্র দেখায়? আঙুন তোমাকে পোড়ায় বটে, কিন্তু আঙুন প্রাণবর্ধক; আর তার রং?

হঠাৎ ট্রান্সমিটারে কথা শোনা গেলো আবার। স্পষ্ট চড়া গলায় কেউ কিছু বলছে।

আরে। আরে। থেনডুপ উঠে দাঁড়াতে গেলো। এখনই, আশ্চর্য!

বিস্ময়ে পেমার মুখ হাঁ হ'য়ে গিয়েছিলো। সেটা বন্ধ করতে ভুলে গেলো সে।
এসব কি?

রেডিওতে উত্তুরে হান্দের ভাষায় কেউ কিছু বলছে।

কি বলছে? ভালো ক'রে শোনা তো, ভালো ক'রে। উত্তেজিত হ'য়ে উঠলো থেনডুপ।

পুবদেশী মেয়ে পেমা হান্দের ভাষা বোঝে। নিচু হ'য়ে কান পাতলো ট্রান্স-মিটারের কাছে।

হঠাৎ পেমা ভয়ে বিবর্ণ মুখে উঠে দাঁড়ালো। সে বললো, সর্বনাশ, সর্বনাশ। আমাদের শহর হান্দ্ৰা দখল করেছে। লামারা পালাচ্ছে। পথে পথে যুদ্ধ হচ্ছে।

সে বিচানায় কাছে ছুটে গেলো। কষল টেনে নিয়ে তাড়াতাড়ি ক'রে একট পুটুলি বাঁধতে শুরু করলো।

থেনডুপ বললো, পালাচ্ছে?

হায়, হায়, এখন কি করি! কোথায় পালাবো। দিশেহারা হ'য়ে বললো পেমা।

থেনডুপ বললো, তুমি কি হান্দের পুঁথি পড়েনি? তাদের মতো রত্ন চাষা শেখেনি? সে সব বইয়ের কোনো পৃষ্ঠায় তুমি কি পড়েনি, সব মানুষ সমান?

কিন্তু রত্ন চাষের সঙ্গে হান্দ্ সৈন্যদের কি সম্বন্ধ? আর মানুষ সমান তো উত্তুরে হান্দের দেশে।

তুমি যা বলো ওরাও তাই বলে—শরীরই সব। থেনডুপ হাসলো, যার শরীর নেই তার কিছুই নেই।

আমাদের দেশ, আমাদের দেশ।

সাম। ছাড়া অবিদ্বেষ হয় না। থেনডুপ বিড়বিড় ক'রে নিজেকে শোনালো।
বিদ্বেষ থেকে ভয়, ভয়ের অস্থ নাম মৃত্যু।

পেমা বললো, তুমি জানতে হান্দের আসার কথা?

নতুবা কোথা থেকে হান্দের বই আনলাম তোমার জন্তে?

পেমা কোমরে হাত দিয়ে অবাক হ'য়ে থেনডুপের দিকে চেয়ে রইলো। তার-পর তার মুখে হাসি দেখা দিলো। শরীরের আড়ষ্ট ভাবটা ঢিলে হ'লো। সে ধীরে ধীরে বললো, আমি পড়েছি, শাও চি চাষ-আবাদের যে-বই দিয়েছিলো তাতে বড়ো রত্ন চাষের কথা ছিলো। আর তাতে সাম্যের কথাও ছিলো। থেনডুপ, সাম্য

ভালো। কেউ কারো উপরে অত্যাচার করবে না। ছ'শ টাকা না পাওয়ার জন্য বাকে খুশি তাকে জেলখানায় রাখা যাবে না। শাও চি-র স্থির বিশ্বাস। কিন্তু আমার ভয় করে। ভয়েই যেন পেমার আপদমন্তক একবার শিউরে উঠলো।

ট্রানসমিটারে আবার শোনা গেলো, এবার স্পষ্ট আর হুকুমের স্বরে : লামার! পালাচ্ছে। তারা দেশদ্রোহী। তাদের যারা আশ্রয় দেবে, তাদেরও দেশদ্রোহী বলে গণ্য করা হবে। গ্রামের লোকরা মনে রেখো—এরাই তোমাদের উপরে অত্যাচার করেছে শতাব্দীর পর শতাব্দী।

পেমার মুখে একটা টানা হাসি ফুটে উঠলো। অত্যাচার, অত্যাচার। খেনডুপ, তুমি লামাকে খাদে ফেলোনি। হয়তো চাষ করার তিনশুলী কোদালের ভয় দেখাতেই চেয়েছিলে তুমি। সে-ই তোমাকে পিছন থেকে ধরার জন্তে খাদের ধারে ধারে এগিয়ে যাচ্ছিলো। কিন্তু বিচারক লামারা তা শোনে নি। কারণ সেই মেয়েমাহুষের মাংসলোভী লামা খাদে প'ড়ে শামুকের মতো ভেঙে গিয়েছিলো।

খেনডুপ বললো, সকালে জল আনতে গিয়ে কিছু দেখেছিলে নিচের সড়কে ?

পেমা মনে করার চেষ্টা ক'রে বললো, দু'য়েকখানা গাডি।

ভালো ক'রে দেখেছিলে ? অন্তত পঞ্চাশখানাকে যেতে দেখেছি আমি। কিন্তু আজই ঘ'টে গেলো।

ট্রানসমিটার আবার ঘোষণা করলো : এইমাত্র খবর পাওয়া গেলো উত্তর পাহাড়ের দিকে একজন বড়ো জাতের লামা পালিয়েছে। সে নরহত্যার অপরাধ করেছে। সে দেশদ্রোহীও বটে। তাকে কেউ আশ্রয় দিও না। তাকে আশ্রয় দেওয়া বা পালাতে সাহায্য করা দেশদ্রোহের অপরাধ হবে।

ওরা কি সাম্য নিয়ে আসছে ? আচ্ছা খেনডুপ ওরা কি সব অস্ত্র দূর করবে ? পুরনো অস্ত্রায়ও ?

তা পারে। নতুন অস্ত্রায়ের শিকড় পুরনো অস্ত্রায়। নতুন অস্ত্রায়কে দূর করতে হ'লে হয়তো শিকড় উপড়োতে হবে। খাবার বাসনপত্র সরানো এখন। পটু হাতে কাজ শুরু করলো পেমা, নিমেষে শেষ করলো। কিন্তু তার সর্বাঙ্গ চকল হ'য়ে উঠেছে। রান্নাঘরে গিয়ে সে চায়ের জল চাপিয়ে এলো : একবার বাইরের বারান্দায় গিয়ে দাঁড়ালো। তারপর শোবার ঘরে খেনডুপের সামনে ফিরে এলো। কাজ করার জামার পকেট থেকে কুচনো তামাকপাতা আর কাগজ নিয়ে খেনডুপের চৌকির পাশের কাছে বসলো। সিগারেট পাকাতো গিয়ে তার হাত কাঁপছে। হঠাৎ তার চোখ দু'টো যেন জলে উঠলো। বললো সে, আচ্ছা, খেনডুপ, তোমার অস্ত্রায় বিচারের বিচার হবে ?

থেনডুপ ব'সে ব'সে তুলতে লাগলো। তারপর হাসলো। হেসে বললো, যদি তুমি তেমন বিচার চাইতে পারো।

তারপর আবার সে নিঃশব্দ হাসলো—একটানা আলোর মতো হাসি।

হাতে পাকানো সিগারেটটা দু'হাতের তেলোয় গড়িয়ে নিয়ে ছোটো একটা উল্কার তুলে সিগারেট মুখে দিলো পেমা। আঙুন ধরিয়ে একমুখ ধোঁয়া ছেড়ে বললো, থেনডুপ গত বছর মাখন-উৎসবে শাঁও চি আমাদের একখানা হান্দের পুঁথি কিনে দিয়েছিলো। সেই বই প'ড়ে রহুন লাগিয়েছি ভালো হয়েছে, শুয়োরের বাচ্চাগুলোও কেমন বড়ো হয়েছে তা তুমি দেখেছো। সেই বইয়ের প্রথমই সাম্যের কথা আছে—রহুন আর শুয়োরের বেলায় যদি বইয়ের কথা সত্য হয়—সাম্যের কথা মিথ্যা হবে কেন ?

অদ্ভুত শান্ত গলায় থেনডুপ বললো, সাম্য ভালো। সাম্য এলে বিদ্বেষ থাকে না। আর বিদ্বেষ থেকে ক্রোধ আর ভয় জন্মায়। স্বতরাং সাম্য একটা পথ। পেমার মুখ উজ্জল হ'য়ে উঠলো; সে বললো, মুখের ধোঁয়া অলসভাবে ছড়িয়ে দিয়ে, ই্যা, থেনডুপ, তুমি বলেছিলে বটে সেই জেলখানায় যতদিন তোমার রাগ ছিলো ততদিন ভয় আর বিদ্বেষ ছিলো। তারপর একদিন তোমার রাগ গেলো। গিয়াংসো যেন সোনালি ফুল হ'য়ে উঠলো তোমার মনে। তারপর বিদ্বেষ গেলো। তারপরে ভয়কে আর খুঁজে পাওয়া গেলো না। তারপর থেকে জেলখানার আর কোনো ঝগড়াই রইলো না তোমার।

ঝির-ঝির ক'রে হেসে ফেললো পেমা। ধোঁয়ায় বেদম হ'য়ে থক-থক ক'রে কাশলো। উঠে গিয়ে কফ ফেললো। ফিরে এসে বললো, থেনডুপ, তুমি দেখো আমি বিচার চাইতে পারবো। হান্দের বই আনবো ? প'ড়ে শোনাবো তোমাকে সাম্যের কথা ? এ ভারি মজার ব্যাপার—পড়তে পারি, কিন্তু তুমি শুনে যত বোঝ, আমি প'ড়ে তা বুঝি না।...কিন্তু তুমি কি গিয়াংসোর মতো মিছিল করবে নাকি ? তোমাদের বংশে সেই কতদিন থেকে অভীশের প্রবাদ। গিয়াংসো গেলো লোকনাথকে আনতে ! আর ভয়, বিদ্বেষ, এসব কথার সঙ্গে, লোকনাথের নাম জড়ানো। তুমিও সাম্যের কোনো লামাকে আনতে যাবে নাকি ? হো-হো-হো ক'রে হেসে উঠলো পেমা।

নিঃশব্দে থেনডুপও হাসলো। বললো, আসবে কেউ তা শুনেছি। আমাদের বাড়িটাকে নাকি ওরা ভালো রকমে ব্যবহার করতে পারবে। কাজে লাগার মতোই বাড়ি। কিন্তু আজই স্বপ্ন হ'য়ে যাবে তাবিনি।

আ, থেনডুপ, ওরা এলে কি খেতে দেবো ? কি দিয়ে অত্যাচার করবো ? আজ

না এলেই ভালো। আমাকে তৈরি হ'তে সময় দাও।

রসুন, হুন, ঝাল, মাংস, ববের গুঁড়ো আর চা কোনটার অভাব তোমার ?

একটু ভাবলো পেমা। বললো, আমি কিন্তু তোমার বিচারের বিচার চাইবো। তা তুমি দেখে নিও। কিন্তু মনে রেখো গিয়াংসোকে দেশজ্রোহী বলা হয়েছিলো।

থেনডুপ বললো, আমার সম্বন্ধে তোমার ভয় হচ্ছে নাকি ? ভয় না করাই ভালো। এসব ব্যাপারে খুঁকি নিতে হয়।

হু'খানা হাত পিছনে রেখে তার ওপরে শরীরের তার ঢেলে দিয়ে পা হু'খানাকে সামনে বিছিয়ে দিলো পেমা।

এখন তুমি তাদের সম্বন্ধে সব কথা বলতে পারো আমাকে।

কিন্তু পেমার বিশ্রাম করা হ'লো না। হঠাৎ মেঝের নিচে ক্যাঁ-ক্যাঁ ক'রে চিংকার উঠলো। মাদী, মদা, বাচ্চা সবগুলো শুয়োর একমুখে চ্যাঁচাচ্ছে, দাপাদাপি করছে। নেকড়ে ? পেমা উঠে দাঁড়ালো তড়াক ক'রে। তখনই আবার ব'সে প'ড়ে ঘরের মেঝের ফোকরে চোখ রাখলো। ইশারা ক'রে বললো, মাহুঘ। আশ্চর্য, সাম্যের মাহুঘরা ওখানে কেন ? তা নয় ? তবে চোর ? শুয়োর-চোর এই দিনছপু'রে !

বলতে বত সময় লাগে তার চাইতে কম সময়ে ঘটনাটা ঘ'টে গেলো। ক্ষেত থেকে পাথর আলাগা করার তিনশুলী কোদালটা ঘরের কোণ থেকে নিয়ে তরতর ক'রে নেমে গেলো পেমা। কিছুক্ষণ কাকে ধমকালো সে। তারপর একজন লোককে ধাক্কাতে ধাক্কাতে উপরে নিয়ে এলো।

চাষীদের মতো ময়লা জামা পরা, সারা গায়ে ধুলোমাটি ; বয়স অসুমান ষাট ; মাথার চুল শাদা, কিন্তু স্বাস্থ্য ভালো। আর হাতের মস্তণ প্রায় রক্তবর্ণ আঙুল-গুলো দেখলে বোঝা যায় তাকে চাষীদের কাজ করতে হয় না।

ভয়ে তার মুখ একেবারে ফ্যাকাসে, কপালে ঘাম। কাঁপছে সে।

থেনডুপ বললো, কে তুমি ? তোমাকে দেখে শুয়োর-চোর ব'লে মনে হয় না।

লোকটা বললো, না, আমি চোর নই। তোমরা আমার স্বদেশবাসী ; আমাকে তোমরা রক্ষা করো।

থেনডুপ বললো, ভয় নেই, তোমার ভয় নেই ; কিন্তু কে তুমি ?

লোকটা কিছু বলার আগে এদিক-ওদিক চাইলো। ঢোক গিললো। হু'দিকের দরজাই খোলা। সামনের দিকের দরজা দিয়ে পথের খানিকটা চোখে পড়ে। হঠাৎ সেদিকে চোখ পড়ায় লোকটা চমকে উঠলো। অমিতাভের দোহাই, দরজাগুলো বন্ধ ক'রে দাও। সে বেন নিজেই দরজা বন্ধ করবে এমনভাবে এগিয়ে গেলো সেদিকে।

থেনডুপ বললো, তুমি বসো, এখানে ভয় নেই। পেমা দরজা ছুঁটোকে বন্ধ ক'রে দাও।

পেমা ছুঁটো দরজাই বন্ধ ক'রে দিলো। লোকটা একটা জলচৌকির উপরে বসলো। সে যে কত ক্লান্ত এবার তা বোঝা গেলো। বসেও সে থরথর ক'রে কঁপে উঠলো।

থেনডুপ বললো, তোমাকে কিছু খেতে দেবো ?

লোকটা বললো, ভগবান বন্ধের দোহাই, তোমরা আমার স্বদেশবাসী, আমাকে পাঁচাও।

কি হয়েছে তাত্তো বলছো না। পেমা বললো।

লোকটা বললো, তোমরা কি কিছুই খবর রাখো না ? অথবা চাষাদের এই রীতি। তাদের চাইতে যারা ভালো তারা যখন স্বদেশ রক্ষার জন্য প্রাণ দিয়ে নিশ্চিন্ত হয়ে যায়, তারা তখন নিশ্চিন্ত হয়ে গুলোব পালে।

তা পালে, থেনডুপ হেসে বললো, কিন্তু তোমার বিপদটার কথা না জানলে কি ক'রে তোমাকে সাহায্য করবো তখন বুঝতে পারছি না।

লোকটা বললো, উত্তুরে কুকুরবা এসে পড়েছে সে খবর কি তোমরা পাওনি ? আমাদের সব গেলো, উদ্ভারের আর আশা নেই। উত্তুরে কুকুরদের দাঁত বকবক করছে, জিভ থেকে লাল গড়াচ্ছে। তারা আমাদের দেশের মাংস ছিঁড়ে ছিঁড়ে খাচ্ছে।

পেমা বললো, কাদেব কথা বলছো, সাম্যবাদীদের ?

তাই বলে বটে নিজেদের তারা। কিন্তু আমি তাদের রাঙ্কুসে ক্ষুধা দেখেছি। নরকের কুকুর, যদি উত্তুরে কুকুর না হয়।

কিন্তু, থেনডুপ বললো এখানে কোনো কুকুর নেই। তোমার পোশাক দেখে যাই মনে হোক, কিন্তু কথার কাষদা, চেহারা থেকে ধরা পড়ছে তুমি সাধারণ লোক নও এমন কি তোমার জুতো জোড়ার দামও একশ' টাকা হবে।

লোকটা ভয় পেয়ে ফ্যাকাসে মুখে উঠে দাঁড়ালো আবার। কিন্তু ভয় গোপন করার চেষ্টা করলে যেন। বললো, তুমি যখন বুঝতে পেরেছো, বলি তাহলে। আমি শহরের উত্তর দিকটারক্ষা করার চেষ্টা করছিলাম। আমার সৈন্যদের যারা পালায়নি, তারা মরেছে। আমি পালিয়েছি। আমাকে ধরাব জন্য লোক পাঠিয়েছে ওরা। আর সগাই পালিয়েছে দেশ ছেড়ে। আমাদের মতো কয়েকজন শেষ চেষ্টা করছি হান্দের হাত থেকে দেশ রক্ষা করতে। যদি আমি এবার বেঁচে যাই, তোমাদের কথা মনে রাখবো। যত টাকা চাও দেবো তোমাদের। পাঁচ'শ, ছ'শ, হাজার।

থেনডুপ হেসে বললো, তা দিও ।' পেমো আমাদের অতিথির জন্ত একটু চা ক'রে আনো । অহুমতি করো আমার স্ত্রী তোমার জন্ত চা আনুক । বসো তুমি ।

পেমো চা ক'রে আনতে গেলো । লোকটা আবার বসলো জলচৌকির ওপরে । থেনডুপ কিছুক্ষণ তার দিকে চেয়ে রইলো, কিছুক্ষণ যেন নিজের মনো ডুবে হাতড়ে হাতড়ে কি খুঁজতে লাগলো । হঠাৎ যেন তার চোখ দু'টো উজ্জ্বল হ'য়ে উঠলো । খুব আগ্রহ নিয়ে সে জিজ্ঞাসা করলো, তোমাকে, অথবা ঠিক তোমার মতো একজনকে যেন এর আগে আমি কোথাও দেখেছি ।

অসম্ভব নয় ; শহরে গেলে, রাজ্যের নানা কাজেই আমাকে দেখে থাকবে ।

থেনডুপ কিছুক্ষণ ভাবলো ; আগন্তকের মুখ থেকে চোখ সরিয়ে নিলো ; আবার তার মুখের দিকে চাইলো । হাতজোড় করার ভঙ্গিতে এক হাত দিয়ে অগ্ৰহাত চেপে ধরলো । যেন তা ক'রে সে হাত দু'টোকে আটকে রাখতে চাইছে । ধীরে ধীরে বললো, আচ্ছা, তুমি বিচারক ছিলে না ?

আগন্তক চঞ্চল হ'য়ে উঠলো । বললো, তুমি ঠিকই চিনতে পেরেছো । তা হ'লে ব্রহ্মতে পারছো, আমার উপকার করলে তা তোমার বখা যাবে না ? দেশ আর অমিতাভ দুইয়েরই রূপা লাভ করবে তুমি ।

থেনডুপ বিভবিড ক'রে বললো, গিয়াৎসো, তোমার গাছের কথা ভাবতে ভাবতে এ মুখটাকে ভুলে গিয়েছিলাম : কিম্বা লামার পোশাকের বদলে চেনা যায়নি ।

আগন্তক বললো, কিন্তু এখন পর্যন্ত তুমি বলেনি কি ক'বে তুমি আমাকে বাঁচাবে । বিভবিড ক'বে কি বলছো । তুমি তো শরীরের দিক দিয়ে একেবারেই অকেজো দেখছি । তোমার মেয়েমানুষটিকে না হয় ডাকো, সেই কিছু বুদ্ধি দিক ।

থেনডুপ আবার বিভবিড ক'রে বললো, অকেজো, একেবারেই অকেজো । মানুষের মতো দাঁড়াতেও পারি না । পেমো চা নিয়ে আসুক । সে নিশ্চয়ই ব্যবস্থা করবে । তোমার পরিচয় পাওয়ার পর তোমাকে সাহায্য করার ব্যাপারে আমি অকেজো হ'য়ে পড়েছি । বিদ্রোহকে তাড়ালে কি কাজের শক্তিও চ'লে যায় ? অথবা কে জানে ?

ঠিক এই সময়েই মোটর গাড়ির গোঙানি ভেসে এলো । পর-পর কয়েকটি, যেন কনভয় এগিয়ে চলেছে । পেমাব বাড়ির পিছনের দরজা দিয়ে যেন শব্দটা ভেসে এলো । যেন এদিকেই আসছে সেই মিছিল । আগন্তক চমকে উঠে দাঁড়ালো । ঘরের কোণের দিকে ছুটে গেলো । যতদেহের মতো রক্তহীন মুখ থেকে দুটো দাঁত বেরিয়ে পড়লো । নিজের হাত মোচড়াতে লাগলো সে । হ'লো না, হ'লো না ; তুমি কথা

বলছো না কেন ? ওই গাড়ির শব্দে বুঝতে পারছো না আমার উদ্ধারের আশা শেষ হ'য়ে গেলো । বলো, কিছু একটা বলো । তোমাদের স্ত্রীরের খোঁয়াড়ে থাকতেও আমার আপত্তি নেই । দোহাই তোমার, আমাকে কোনো রকমে লুকিয়ে রাখো ।

থেনডুপ বললো, আচ্ছা তোমার থেনডুপ গিয়াংসো নামে কারও বিচার করার কথা মনে পড়ে ? একজন লামাকে নাকি খাদে ফেলে দিয়েছিলো সে । এরকম কিছু মনে পড়ে ?

হাঃ, এটা কি এমন সব ঠাণ্ডা আলাপ করার সময় । সব মিটে গেলে একদিন আমার প্রাসাদে যেনো, অনেক মামলার গল্প বলবো । আমি দু'হাজার মামলার বিচার করেছি । ডাকো না হয় তোমার মেয়েমানুষটাকে, দেখো সে কি বুদ্ধি দেয় । আমাকে এ যাত্রা কোনো রকমে বাঁচাও ।

থেনডুপ বললো, তুমি ভালো ক'রে মনে আনার চেষ্টা করো । তার নাম ছিলো থেনডুপ, থেনডুপ গিয়াংসো । আর সেদিনও কোনো কারণে তুমি এমনি অধীর ছিলে । বিচারের সব দিকে দেখবার মতো সময় ছিলো না । কি একটা রাজকার্য ছিলো । তোমার বিচারে থেনডুপের ত্রিশ বছরের জেল হয়েছিলো ।

আগন্তুক বললো, তা হয়, এমন হয়েই থাকে । হ্যাঁ, মনে পড়ছে বটে, যদি তাতে তুমি স্থবী হও । পরে মনে হয়েছিলো সাজাটা বেশি হ'য়ে গেলো হয়তো । কিন্তু তুমিই বলো এখন কি এসব আলাপ করার সময় ?

থেনডুপ ভাবতে লাগলো । বারবার তার মুখটা বিকৃত হ'লো যেন সে ভয়ঙ্কর শক্ত একটা কিছুকে মুখের মধ্যে কায়দা করার চেষ্টা করছে । সময় সন্মুখ দিকে আর এগোচ্ছে না, বরং পিছন দিকের চানে একই জায়গায় পাক খেয়ে ঘুরছে ।

কিন্তু আজ পেমার এই সরাইখানার মতো বাড়িতে আধুনিক কাল চুকে পড়বে তার লক্ষণ তো লুকনো ট্রানসমিটারেই । গৌ-গৌ ক'রে একটা মোটরের শব্দ জেগে উঠলো । টপ-গিয়ারে চলার শব্দ যেমন হ'তে পারে, যেন খুব কাছেই । আন্দাজ হয় নিচে বড়ো সড়ক থেকে গাড়িটা খেন উপরের দিকে উঠবার চেষ্টা করছে । পেমার এই সরাইখানার মতো বাড়িটার দিকেই এগিয়ে আসছে ।

দোহাই তোমার, দোহাই তোমার, আগন্তুক হাহাকার ক'রে উঠলো, বাঁচাও আমাকে, বাঁচাও । তোমার কাছে প্রাণভিক্ষা চাচ্ছি ।

কিন্তু কিছু সে বলার আগেই পেরা এলো অতিথির জন্ত চা নিয়ে । তার মুখে খুশি, চেষ্টা করেও তা গোপন করতে পারছে না । সে যেন কিছু বলতে চায়, কিন্তু বাইরের লোকের সামনে বিধা বোধ করছে । অতিথির সামনে চা দিয়ে কিন্তু সে ব'লে ফেললো, বড়ো সড়ক থেকে একটা মোটর আমাদের এদিকের ছোটো রাস্তায়

উঠবার চেষ্টা করছে। জানলা দিয়ে দেখা যায়।

খেনডুপ বললো, তা কি উঠতে পারে? ওরা কি দক্ষিণের মতো কোনো টাটু?

পেমা বললো, ওরা কি সাম্যের লোক?

খেনডুপ বললো, হয়তো। তুমি জানলা দিয়ে দেখো। আগেই দরজা খুলো না। খেনডুপ গিয়াংসোর নাম না বললে তো নয়ই। আমি ততক্ষণ আমাদের অতিথির সঙ্গে কথা বলে নিই।

গাড়ির শব্দ আগন্তুক স্তন্যে পেয়েছিলো। সে বুঝতে পেরেছিলো মোটর কাদের হ'তে পারে। পেমার কথায় তার আর সন্দেহ রইলো না। চূড়ান্ত হতাশায় কপাল চাপড়াতে লাগলো সে। ফুঁপিয়ে ফুঁপিয়ে উঠলো। প্রায় কান্নার স্বরে বললো, ফাঁদ, ফাঁদ, হা ভগবান বুদ্ধ, শেষে ফাঁদে পড়ে—, বলো তোমরা কি সাম্যবাদী? বলো, তাই বলে। তোমরাও কি বিদ্রোহী?

খেনডুপ বললো, পেমা, যাও, যাও, আমি অতিথিকে চা খাইয়ে নিই।

পেমা হাসিমুখে বললো, আমি কিন্তু তোমার বিচারের বিচার চাইবো। আর শাও চি এ ব্যাপারে নিশ্চয়ই আমাকে সাহায্য করবে। সেই আমাকে বলেছে তোমার বিচারটা আদৌ বিচারই হয় নি।

খেনডুপ হেসে ঘাড় নেড়ে বললো, সে হবে, সে হবে। তুমি দরজাটা আগলাও। পেমা চ'লে গেলে খেনডুপ বললো, আমরা সাম্যকে ভালোবাসি। এটা তোমার এতক্ষণ বোঝা উচিত ছিলো। এই ট্রানসমিটারটাকে দেখো। আর ওপাশের কুণ্ডলিতে হানু ভাষায় লেখা বই আছে। আমার স্ত্রী হানুদের পদ্ধতিতে ভালো রহন ফলিয়েছে। আর বিদ্রোহ? তা, ইয়া গিয়াংসোর সময়েও এরকম বলা হয়েছিলো। তোমার কি জানা আছে সেই লোকনাথের সময়ে কি হয়েছিলো?

কিন্তু পেমার শাস্ত সরাইয়ে বর্তমান কাল এসে পড়েছে। বাইরে ঝড় উঠলে বন্ধ ঘরেও যেমন দমকাই দমকাই শব্দ ভেসে আসে, তেমনি ক'রে অস্থিরতা আর উত্তেজনার দমকা আঘাত এসে লাগছে। ভয়ঙ্কর রাগের চিংকারে ট্রানসমিটারটা যেন কঁপে উঠলো। ক্রুদ্ধ হানু ভাষায় কথা ভেসে এলো। অভিজ্ঞতা থাকলে বুঝতে পারতো খেনডুপ শব্দটা কাছের কোনো মোটর থেকে নিকৃষ্ট হচ্ছে। ট্রানসমিটারটা গোঁ-গোঁ ক'রে বললো, এদিকে একজন লামা পালিয়েছে। লোকটা তথাকথিত প্রতিরোধ আন্দোলনের নেতা। মুক্তিফৌজের দু'জন অফিসার এবং পঁচিশ জন সৈন্যকে হত্যা করেছে সে। তাকে যে লুকিয়ে রাখবে অথবা পালিয়ে যেতে সাহায্য করবে তার মৃত্যুদণ্ড হবে।

চূড়ান্ত হতাশায় আগন্তুক স্থির হ'য়ে গেলো। বিড়বিড় ক'রে বললো, আমি, আমি ; আমার কথাই বলছে। আমার আর নিষ্কৃতি নেই।

নিশব্দে খেনডুপ হাসলো। তার হাসিটা কিরণের মতো তার চোখের দু'প্রান্তে স্থির হ'য়ে রইলো। খানিকটা সময়। তারপর সে ব'লে গেলো, তোমাকে দেখছি আমাদের পরিবারের কলঙ্কিত নামের সঙ্গে জড়িয়ে যেতে হবে। জুতো পোলো। ওই জুতোজোড়াই তোমাকে ধরিয়ে দেবে। পেয়ার জুতো দেখো ওই কোণে, মস্তবড়ো আর দেখতেও এমন কিছু সুন্দর নয়, তা হ'লেও ও দু'টোকে প'রে নেওয়া উচিত। ওই তিনশুলী কোদালটা নাও। আমার হাতে গুরুত্ব একটাকে হাঁকড়াতে দেখেই ত্রিশ বছর আগে সেই বেচারী লামা পালাতে গিয়ে খাদে প'ড়ে মরেছিলো। ওতে আত্মরক্ষা আর ছদ্মবেশ দুই-ই হবে। বাইরের বারান্দায় ঝাড়ি বাঁধা বাঁক আছে, দেওয়ালের গায়ে পেয়ার খড়ের টুপি। তোমার অবস্থায় এ দু'টোকেই আমি সঙ্গে রাখতাম। পথে বেরিয়ে বাচ্চা চমরীর মাথার দিকে চলতে শুরু করে। কেউ জিজ্ঞাসা করলে বলবে বাদামী কয়লা কুড়োতে যাচ্ছ। জেনে রাখো মাইল দু'-এক উত্তর-পূবে একটা পুরনো বাদামী কয়লার খাদ আছে। আর পরিচয় জিজ্ঞাসা করলে বলবে, হ্যাঁ কলঙ্কের কথাই—তুমি পেয়ার বাবা। মেয়ের নামটা মনে রেখো—পেমা গিয়াংসো। বলবে, তুমি খেনডুপ গিয়াংসোর শ্বশুর। পরিবারের ইতিহাসটা জেনে নাও নহলে জেরায় দাঁড়াতে পারবে না। গিয়াংসোর প্রাণদণ্ড হয়েছিলো হুংরেজ গোয়েন্দাকে আশ্রয় দেয়ার জন্ত। তারই নাতি খেনডুপ গিয়াংসোর ত্রিশ বছরের জেল হয়েছিলো এক বড়োগোছের লামাকে ধাক্কা দিয়ে খাদে ফেলে দেয়ার অপরাধে। আর দেরি নয়, আর দোষ নয়...

আগন্তুক নিজের জুতো খুলে পেয়ার জুতো প'রে ফেললো। খেনডুপ তাকে উৎসাহ দিতে লাগলো।

খেনডুপ বললো, আমি হ'লে কিন্তু রাত্রি পর্যন্ত বাচ্চা চমরীর জিভ বেয়ে তার মুখে ঢুকে থাকতাম। কারণ এ দিকটা খুব নির্জন। পথে বেশি লোক চলাচল করে না যে তাদের দলে মিশে এগিয়ে যাওয়া যাবে। তা ছাড়া পাহাড়ের উপরে অনেক দূর থেকে দেখতেও পাওয়া যায়।

মাটিমাথা তিনশুলী কোদাল নিয়ে বারান্দায় গিয়ে দাঁড়ালো বিচারক লামা।

দরজার ভেতর থেকে চাপা গলায় বললো খেনডুপ, বেরিয়ে পড়ো। বাঁকটা কাঁধে নাও। টুপিটা মাথায় চেপে বসো। চাষীদের স্বরে কথা বলো। মনে রেখো তুমি পেয়ার বাবা।

অনেকক্ষণ গল্পটা হ'লো। অহুমান করছিলুম এবার বোধ হয় লোকনাথের

দ্বির্কণ সঙ্কে কিছু শোনা যাবে। কারণ তখন বেলা দুপুর, আহারের পরে এখন পেমার বাড়িতে বিশ্রামের সময়। সর্বাঙ্গ দিয়ে দিনের আলোর উত্তাপটাকে গ্রহণ করার ভক্তিতে খেনডুপ শুরু হ'য়ে ব'সে থাকে। মোটর গাড়ি, ট্রানসমিটারের শব্দে আগন্তকের ব্যাপারটাতে যে আলোড়ন উঠেছিলো তা পেমার হারিয়ে-বাওয়া সরাইখানার মতো এই বাড়টাকে অতিক্রম ক'রে চ'লে গেলো এমন ধারণা হয়েছিলো। বায়ুমণ্ডলের বিকোভ যেমন শান্ত সমুদ্রের তুলনায় নগণ্য, এই আধুনিক সময়ের ঝড়কেও পেমার বাড়ির অনন্ত সময়ের তুলনায় তেমন কিছু হবে বলেই অনুমান হ'লো।

কিন্তু হঠাৎ পেমা বাইরের বারান্দায় হাততালি দিয়ে উঠলো। তার বাড়ির সামনে একটা জঙ্গী জীপ সত্যি উঠে আসতে পেরেছে আর তা এমন সহজে যে পারবে তা আগে থেকেই যেন ঠিক করা ছিলো। সেই জীপ থেকে একজন হান্ মেজর আর ছ'জন হান্ সৈন্য লাফিয়ে নামলো। তাদের দেখে অ্যাপ্রিকট গাছটার নিচে চমরাগুলো তাদের দিকে ডাব্‌ডেবে চোখে চেয়ে রইলো।

পেমা বললো, দেখো, দেখো, চমরীগুলোও ভয় পায় না। ওরাও নাকি বোঝে। সাম্য এলে ভয় থাকবে না। কি যেন বলো তুমি—

খেনডুপ বললো, পেমা ঘরে এসো। নিজেকে দেখিও না। অপেক্ষা করো। ওদের রীতিনীতি বুঝতে দাও। দু'ঘণ্টা এমন কি বেশি সময়? এখন নিজের মধ্যে নিজেকে ধ'রে রাখা।

খেনডুপের কথা মেনে আমরাও গল্পটাকে নীরবতার মধ্যে দিয়ে নিয়ে যেতে পারি। যদিও সে নীরবতা পেমার বাড়ির অভ্যন্ত নীরবতা নয়, বরং অস্থ এক দৃশ্যে যেন আলোড়নটাই এসে পড়েছে যা পেমার বাড়ি পার হ'য়ে গেলো ব'লে ভুল হয়েছিলো।

সৈন্য নিয়মমাফিক মাপাজোখা পথে চলে : ইতিমধ্যে দু'জন পেমার বাড়ির ছাদে ট্রানসমিটারের উঁচু গুঁড় তুলে দিয়েছে, অ্যাপ্রিকট গাছটার নিচে চমরীগুলোকে তাড়িয়ে দিয়ে গর্ত খুঁড়ে রান্নার যোগাড় ক'রে নিয়েছে দু'জন, বাকি দু'জন বাড়ির চারিদিকে সরঞ্জামে তদন্ত করছে। রাইশাকের কচি-কচি পাতা চিবিয়ে চিবিয়ে খেলো তারা, শুকিয়ে-আসা রসুন গাছগুলোকে উপড়ে উপড়ে তুলে কাঁচা রসুন-গুলো খেতে লাগলো। একজন ভাতের দলা বার করলো ঝোলা থেকে রসুনের সঙ্গে খাওয়ার জন্তে। জানলা দিয়ে তা দেখে পেমা হেসে বাঁচে না। একদল শিশু যেন অথচ দেখতে কতবড়ো জোয়ান। কিন্তু হঠাৎ হাসিটা মুছে গেলো পেমার মুখ থেকে। একটা বাচ্চা গুয়োর খোঁয়াড় থেকে বেরিয়ে পড়েছিলো। ওদের এক-

জন রাইফেল তুলে ধরলো। এক বলক আঙন, দুমক'রে একটা শব্দ, কিছু ঘোঁষার সঙ্গে একটা করুণ আর্তনাদ। বাচ্চা গুল্লোরটা পা ছুঁড়তে লাগলো ক্ষেতের ধারে। আর ঠিক তখনই কিনা পেমা ভেবেছিলো জানলা দিয়ে হাত গলিয়ে হাত নেড়ে নেড়ে গুদের ছেলেমানুষি রক্তন খাওয়াকে উৎসাহ দেবে। মুখে একটা ব্যথার চিহ্ন নিয়ে পেমা স'রে এলো জানলা থেকে—বাচ্চা গুল্লোরটাই যেন ব্যথায় থরথর করছে পেমার হৃৎপিণ্ডে।

এদিকে বাইরের বারান্দায় খেনডুপের সঙ্গে কথা বলছে মেজর। খেনডুপ আর সে মুখোমুখি দু'টো জলচৌকিতে। খেনডুপের মুখে একটা হাসি দেখা দিয়েছে—স্থির উজ্জল একটা হাসি। সে কিছু ভাবছে, আর ভাবনাটা অত্যন্ত সুন্দর কিছুর, যেন তা কিরণ হ'তে পারে। পেমা দরজার ফাঁকে চোখ রাখলো। তার মুখ থেকে ব্যথার চিহ্নটাও চ'লে গেলো; ব্যথার দরজা দিয়েই স্থখ আসে অনেক সময়।

মেজর তখন তার দু'পটা খুলেছে—সুন্দর চকচকে চুলগুলোকে অনাবৃত ক'রে। পেমার মনে হ'লো এই হানু মেজরের মতো এমন সুন্দর আর কাউকে সে দেখেনি। মুখের দিকে চেয়ে দেখো, বিবেষ নেই, ভয় নেই। অমিত কারুণ্যে...। ঠিক বলেছে খেনডুপ। সাম্য না এলে বিবেষ যায় না, বিবেষ যতদিন ভয় ততদিন থাকবেই। আর একথাও ঠিক যে খেনডুপ তার ঠাকুরদা গিয়াৎসোর মতো নতুন কিছুকে চিনে নিতে পারে। ইয়া সাম্যের কথাই বলছে তারা।

গিয়াৎসোর জা নিশ্চয় নিজের ঘরদোর পরিষ্কার পরিচ্ছন্ন করেছিলো, নিজের পোশাকও যখন লোকনাথকে নিয়ে ফিরে এসেছিলো গিয়াৎসো আর রিম্পোচে লামা। সেটাই স্বাভাবিক নয়? আর বোধ হয় তারও তা করা উচিত, কারণ এখনই হয়তো খেনডুপ তাকে মেজরের জন্ত চা নিয়ে যেতে বলবে।

তাড়াতাড়ি শোবার ঘরে গিয়ে কাঠের তোরঙ্গটা খুলে সিল্কের জামা আর ব্রোকেডের পোটকোট বার ক'রে পরলো পেমা। সেই কবে বানিয়েছিলো মাখন-উৎসবে পরার জুতো, আজ পর্যন্তও পরার সুযোগ আসেনি। কিন্তু আজকের মতো উৎসব আর কি হয়? রান্নাঘরের চুল্লিতে আরও কিছু ঘুঁটে দিয়ে চায়ের হাঁড়িটা চাপালো তাতে।

আবার পা টিপে টিপে দাঁড়ালো সে দরজার এপারে, কান রাখলো দরজার ফাঁকে। আবার চোখ পড়লো তার মেজরের মুখের ওপর। রোদে ঘুরে ঘুরে সে মুখটা একটুবা লাল। ফপালের ওপর ঢেউ খেলানো চুল, টানা চোখ দু'টোতে যেন স্বপ্নের আবেশ। হঠাৎ একটা সলজ্জ স্তম্ভর অহুভূতি পেমার বুকের মাঝখানটাতে জেগে উঠলো; আহা, তার যদি কোনোদিন ছেলে হ'তো হয়তো এমনটাই হ'তো

সে এতদিনে । কিন্তু কোনোদিনই সে ছেলেকে আদর করতে পারিনি, কি ক'রে তা করতে হয় তা কি সে জানে ?

এরপরে চা নিয়ে যাওয়ার হুকুম দিলো খেনডুপ । পেমা তো প্রস্তুতই ছিলো । চা নিয়ে গেলো পেমা, খেনডুপ তখন মেজরের সঙ্গে তার আলাপ করিয়ে দিলো ।

প্রায় এক ঘণ্টা ধ'রে মেজর ব'লে গেলো সামোয় কথা, আর অবাক হ'য়ে শুনলো পেমা আর খেনডুপ, সামা এলে বিদ্বেষ আর থাকবে না । কেউ কাউকে হিংসা করার কারণই খুঁজে পাবে না ; অত্যাচার অবিচার আর থাকবে না ; ভয় কোথায় তখন ? সে তখন নরকে, যদি নরক ব'লে কিছু থাকে । এই ব'লে অফিসারটি হাসলো । আর পেমার তখন মনে হ'লো একেই বোধ হয় সর্বাঙ্গসুন্দর বলে ।

পেমা বললো, আগে যে সব অত্যাচার হয়েছে তার শিকড়ও তোমরা তুলে ফেলতে পারো ?

হবে, কমরেড, তাও হবে ! শুধু বিশ্বাসঘাতকতা ক্ষমা করা হবে না, যেমন ধরো যে লামা এদিকে পালিয়েছে তাকে কিছা তাকে যে আশ্রয় দেবে তাকে ক্ষমা করা হবে না ।

দুপুর পার হ'য়ে এখন বিকেল । রান্না শুরু করেছে পেমা । যত রকম রান্না সে জানে, সাধামতো তা সবই করবে । জীবনে এতটা পরিপূর্ণ সুখ কি সে পেয়েছে ? বর্তমান ভবিষ্যৎ সার্থক । ইতিমধ্যে শীতের তুষারেও পাকে এমন যবের কথা জিজ্ঞাসা ক'রে নিয়েছে সে এক অবসবে । আর মেজর আশ্বাস দিয়েছে সে সবই আসবে । আর অতীত ? তারও ছায়া বিচার হবে ।

ততক্ষণে বাড়ির ছাদের শুষ্ক থেকে তার এসেছে টানসমিটারে । নিচে অ্যাপ্রিকট গাছের তলায় সৈন্যদের রান্নার স্বগন্ধ ভেসে আসছে । মেজর দেয়ালে ঠেস দিয়ে আরাম ক'রে বসলো । এটা ঠিক একটা ক্যাম্প হেড্ কোয়ার্টার্সের মতোই —এই সরাইখানা ।

খেনডুপ বললো মেজরকে, সে একবার বাইরে যাবে পারিবারিক প্রয়োজনে । কমরেড মেজর যেন এ বাড়িকে নিজের বাড়ি ব'লেই মনে করে । পেমা রইলো । সে কমরেডের সুখ সুবিধার সব ব্যবস্থাই ক'রে দেবে । পূবদেশী মেয়ে, সে অফিসারের ভাষা শুধু বলতে পারে না, পড়তেও পারে ।

পেমা স্বীকার ক'রে মাথা দোলালো খুশিতে ।

পেমা একটা রান্না শেষ ক'রে আর একটা রান্না চড়ালো । খেনডুপ চিন্তা করতে বসলো রান্নাঘরের সামনেই । চিন্তায় যেন অতীত আর বর্তমানকে সে

একত্রিত করছে।

ষেবের গুঁড়ো ঠাসতে বসেছিলো পেমা। কিন্তু হাত দুটোকে খামিয়ে হাসি-হাসি মুখে কিছু ভাবলো সে, তারপর খানিকটা মাখন নিয়ে নিচে নেমে গেলো যেখানে সৈন্তরা রান্না করছে। কোমর ভাঁজ ক'রে খুঁকে প'ড়ে দাঁড়িয়ে তাদের রান্নার তদারক করলো। ভাঙ্গা-ভাঙ্গা হান্ ভাষাতে বুঝিয়ে দিলো রান্নায় মাখন দেয়ার কথা। আব হাসলো ওদের আনাড়িপনায়। যেমন তরতর ক'রে নেমে গিয়েছিলো তেমনি হিল্লোল তুলে সে ফিরলো রান্নাঘরের দিকে। থমকে দাঁড়ালো। একেবারে অবাক হ'য়ে গেলো। তার বাড়ির ছাদে মস্ত একটা শুভ লাগিয়েছে দেখে, আর তার পাশেই একটা লাল পতাকা। টকটকে লাল। গিয়াংসোর সাইমিয়া ফুলে-ফুলে ছেয়ে গেলেও এত গভীর লাল দেখায় না। লালের জ্বিতে কি একটা জাঁকও আছে বটে। অবাক, অবাক, লালের মধ্যে ফুটে ওঠা সোনালি ফুল যেন। আচ্ছা। দাঁড়াও, খেনডুপকে বলবে সে এদিকেও দেখো গোলাপী ফুল সোনালি হ'য়ে উঠছে।

তরতর ক'রে সিঁড়ি বেয়ে উঠে এলো পেমা। তার ছ'ফুট উঁচু শরীরে স্বাস্থ্য যেন আনন্দের জোয়ার তুলছে এখন। খুশি, খুশি, এমন খুশি সে আর কবে হ'তে পেরেছে। মেজরের সামনে এসে মাথা নুইয়ে সে বললো, যেমন নাকি অভিজাত রমণীরা ক'রে থাকে ব'লে সে শুনেছে, চা, একটু চা আর ?

ফুটন্ত হাঁড়ি থেকে চা ক'রে আনলো পেমা আবার।

মেজর হাসিমুখে বললো, তোমার বাটিও নিয়ে এসো। বেশ লাগছে এই বিকেল।

মুখোমুখী চা নিয়ে বসলো পেমা আর মেজর। দেখো, একেই তো সাম্য বলে, মনে মনে বললো পেমা। সে এক সামান্ত চাবীর মেয়ে আর এ এক মুক্তিফোজের মেজর। ভাবতে না ভাবতে পেমা ব'লে ফেললো, তোমার মতো শান্ত, স্থল্লর কেউ হয় কল্পনাই করিনি, দেখা দূরে থাক। তোমার গালে কি একটু হাত বুলিয়ে দেয়া যায় ?

মেজরের ঘাড়, গলা লাল হ'য়ে উঠলো তা শুনে।

পেমা ভাবলো : সময়ে তার ছেলে হ'লে সে এতদিনে এমনটাই হ'তে পারতো, আর সে অনেকদিন পরে ফিরে এলে এমন ক'রেই আদরের কথা বলতো সে। চা শেষ ক'রেই আবার রান্নাঘরে গেলো সে। কত রান্নাই সে করবে। এমন উৎসব যে তার জীবনে আসবে তা কে জানতো ?

অদ্ভুত শান্ত, স্তব্ধ এই বাড়িটা। বর্তমান তো এসেই পড়েছে, তবু তা যেন

খিতিয়ে যাচ্ছে কোনো কিছুই প্রভাবে, শ্রোত হ'য়ে বইতে পারছে না। বিকলের দিকে ঝুঁকে পড়েছে দিন। তার এক বিশেষ নীরব প্রভাব যেন। শুষ্করঙলো, চমরী কয়েকটিও ডাকছে না। নিচে ওরা রান্না করতে করতে কথা বলছে হয়তো তার শব্দও কানে আসছে না। যদিও ঘোঁয়ার সঙ্গে তৃপ্তিদায়ক আহ্বারের অগন্ধ ভেসে আসছে কখনো। চমরীগুলো তাদের কাছেই শুয়ে শুয়ে জাবর কাটছে যেন ঘুমের ঘোরে। এ শান্তি, যাকে অবিষেব বলে, এই তো সমতা, যাকে সাম্য বলে।

মেজর উঠে দাঁড়ালো। যেন এই কবোফ স্নিগ্ধতাকে আর একটু অনুভব করার জন্যই বাড়ির ভিতর দিকে চ'লে এলো সে। পিছন দিকের সিঁড়ির গোড়ায় গিয়ে দাঁড়ালো। পড়ন্ত রোদে ঘুমন্ত একটা রাইশাকের ক্ষেত। আশ্চর্য শান্তি এই বাড়িটাতে। মনে হয় দু'মাইল দূরে কোনো ঝিঁঝিঁ ডাকলেও এখান থেকে শোনা যাবে। নিজের নিঃশ্বাসের শব্দও শোনা যায়। বুগ-বুগ ক'রে একটা ক্ষীণ শব্দ উঠছে কোথায়। কিছু ফুটছে রান্নাবরে। সেদিকেই এগিয়ে গেলো সে।

ঠাণ্ডা মেজরের চোখে পড়লো মধোর ঘরের জলচৌকির পাশে নতুন একজোড়া দামী রাইডিং বুট। কেউ মাত্র দু'একবার ব্যবহার করেছে। বেশ সৌখিন তো? মেজরের মুখে হাসি ফুটলো যেন। নিজের পা জুতো জোড়ার পাশে রেখে দেখলো, না বড়ো হয়। খেনডুপ কি এমন জুতো পরতে পারে? না। তা হ'লে এটা ওই মেয়েমানুষটার। কি চেহারা। এমন ছ'ফুট চেহারার মেয়েমানুষ হয় নাকি? সৌখিনও আছে খুব, পোশাক দেখছো না? চাষীদের মতো বদ গন্ধও নেই গায়ে। আর চলাফেরা দেখছো? চেউ উঠছে না? মেজরের গালের পাশ দু'টো লাল হ'য়ে উঠলো। রান্নাবরের দিকে উঁকি মেরে দেখলো সে। উইনের দিকে ঝুঁকে পড়ে রান্না করছে পেমা। তার অগঠিত কিছুবা স্থল নিতম্বই চোখে পড়লো মেজরের।

মেজর ধীরে ধীরে ফিরে গিয়ে বাইরের বায়ান্দায় এসলো আবার। কাঁধ থেকে ফিতে সমেত বাইনোকুলারটাকে খুলে রাখলো পাশে। দরু একটা হাতে পাকানো সিগারেট ধরালো। তা যাই বলো, ভাবলো সে, চারিদিকে অতুর্বর পাহাড় হ'লেও আবহাওয়াটা আরামদায়কই বটে। খুব কষ্ট হবে না এদেশে থাকতে। আর একেবারেই অতুর্বর বলাও যায় না। রাইশাকের ক্ষেতটাই তার প্রমাণ। ওখানে ওই রাইশাক জন্মানো সহজ ব্যাপার না হ'লেও, ভালোই হয়েছে। বাইরে থেকে যে কর্কশ ও রুক্ষ তার মধ্যে উর্বরতা লুকিয়ে থাকে। তিন-চার দিন আগে তার ইউনিটের পোলিটিক্যাল অফিসার বলছিলেন বটে চারদিকের প্রতিকূলতার মধ্যে এদের এখনও নির্বংশ হ'তে দেখা যায়নি, যদিও এদের অর্বেক

পুরুষই যৌবন আসবার আগেই সন্ন্যাসী হ'য়ে যায়। বাধাও দিচ্ছে এরা। তা থেকে বুঝতে পারা যায় কোথাও এদের নতুন হ'য়ে ওঠার মতো শক্তি নুকানো আছে। অবশ্যই পোলিটিক্যাল অফিসার এদের জাতের প্রশংসা করছিলেন না। সিগারেটে টান দিলো মেজর। মুক্তিফৌজের অফিসার হ'লে কিছুটা তাস্তিক হ'তে হয়। সে রকম চিন্তার অভ্যাস রাখতে হয়। মেজরের মন তবু পৌঁচে গেলো : মানে, ওই রাইশাক ফলিয়েছে এই মেয়েমানুষটাই যদিও তার স্বামীকে দেখে সন্ন্যাসীর চাইতে অপটু মনে হচ্ছে। অর্থাৎ এদেশের অর্ধেক পুরুষ সন্ন্যাসী হ'য়ে গেলেও এদের দেশের চাষী মেয়েদের মধ্যে জাতের উর্বরতা নুকানো আছে। আর সে জন্মই নতুন হ'য়ে থাকছে, পুরনো হ'য়ে মরছে না জাতটা। তা দেখো, এ বাড়ির এই মেয়েমানুষটাকে। উর্বরতায় কোনো সন্দেহ আছে ?

আর ঠিক তখনই সিদ্ধমাংসে রসুন আর সিমের বিচি ছেড়ে দিয়ে পেমা আবার বাইরে এলো। এখন ওটা কিছুক্ষণ ফুটবে, সেই অবসরে কিছুটা ভেবে নেওয়া যায়। সে যে কিছু ভাবছিলো তা বোঝা গেলো। চিন্তাটা তার মুখে হাসি হ'য়ে ফুটেছে। খেনডুপের বিচারের বিচার হবে, তাতে আর সন্দেহ নেই। এখন মনকে এই নতুন দিনের আলোকে আর একটু প্রসারিত করে দেখা যায়।

মেজরের সামনে গিয়ে বসলো পেমা, বললো, আমি কি ভাবি তা বলতে পারি। শাও চি বলেছে তোমাদের আর আমার ভাবনায় অনেক মিল আছে।

মেজর বললো, বলো।

পেমা বললো, শরীরই সব। আমি যা দেখি, যাকে হাতে ধরতে পারি, তাকেই বিশ্বাস করি। যার শরীর নেই, তার কিছু নেই।

মেজর যেন লজ্জায় লাল হ'য়ে উঠলো।

পেমা বললো, চমরী, খচর, মাটি, পাথর সব কিছুই শরীর আছে।

ও তুমি বোধ হয় বস্তুতন্ত্রের কথা বোঝাতে চাইছো। আমি বুঝতে পারি নি। মেজর একটা দমবন্ধ করা কুঠা কাটিয়ে উঠলো।

পেমা নির্ণয়ম্বে মেজরের দিকে চেয়ে রইলো। এত হৃন্দর! সাম্য ছাড়া এমন হৃন্দর মানুষ হয় না। কিম্বা সাম্যের মানুষ বলেই এত হৃন্দর লাগছে। কারণ সাম্য মানেই অক্লোষ আর অভয়।

পেমা বললো, এটা কি, চশমা ?

না, কমরেড, বায়নোফুলার, দূরের জিনিস দেখা যায়।

দেখি, দেখি। একজন যুবতীর মতো কৌতূহলে খুশিতে তরল হ'য়ে উঠলো পেমা।

এই দু'টো ফোকরে চোখ লাগিয়ে দেখো।

দূরের কিছু দেখবার জন্ত পেমা বারান্দার ধারের পারাপেটের কাছে উঠে গেলো। বায়নোকুলার চোখে লাগিয়ে বললো, নিচে ওদের রান্না স্পষ্ট দেখতে পাচ্ছি।

কমরেড, তুমি কিছু শেখোনি। মেজর হো-হো ক'বে হাসলো। সে উঠে গিয়ে পিছন থেকে বায়নোকুলারটাকে পেমার চোখের সামনে ধ'রে বললো, দেখতে পাচ্ছে?।

পেমা উল্লসিত হ'য়ে উঠলো, বা, বা, ওরা ওখানে।

কি হ'লো, কারা? মেজর কমরেডের মতো সান্নিধ্যে এসে বু'কে প'ড়ে বায়নোকুলারের মধ্যে দেখতে গেলো।

থেনডুপ, থেনডুপ। ওখানে গিয়াংসোর গাছের কাছে। বর-বর ক'রে হেসে উঠলো পেমা।

থেনডুপ, মানে তোমার সেই বেমানান পুরুষ? তা সে ওখানে কেন? দেখি, দেখি। বায়নোকুলার নিজের হাতে নিয়ে তাতে চোখ রাখলো মেজর।

তার মুখে তখন একটা বিচিত্র বিষয়ের চিহ্ন ফুটে উঠলো। ফিরে দাঁড়িয়ে সে পেমার মুখের দিকে চাইলো। এমনভাবে সে ইতিপূর্বে পেমাকে যেন দেখেনি। যেন তন্ন-তন্ন ক'রে দেখেছে। হঠাৎ যেন গলার কাছ থেকে ছলাৎ ক'রে খানিকটা রক্ত ঢেঁটে কানের গোড়া পর্যন্ত লাল ক'বে দিলো পেমার। সে তখন রান্নাবরের দিকে ছুটে পালালো।

আর মেজর তখন বায়নোকুলার তুললো চোখে আবার। অনেকটা সময় ধ'রে এদিকে ওদিকে ঘুরিয়ে দেখলো। তার মুখে নানারকমের ছায়া পড়তে লাগলো। তারপর সে সৈন্যদের ডেকে নিয়ে নিচুগলায় কি পরামর্শ কবলো, কিছু নির্দেশ দিলো।

মেজর আবার বাড়ির মধ্যে চ'লে এলো। অদ্ভুত সেই নিস্তরুতাই আবার তার স্নায়ুকে স্পর্শ করলো, কিন্তু এবার সে স্পর্শ যেন তাকে চমকে চমকে দিলো। এটাই তো স্বাভাবিক। নিয়তই এই পৃথিবীতে একটা দ্বন্দ্ব থেকে যাবে। অথচ নিস্তরুতার মায়ায় যেন তার স্নায়ুগুলো এক কবোক্ষ স্থিতিশীলতায় ছড়িয়ে দিচ্ছিলো। যেন জীবনের কোনো একটি মুহূর্তও নিব'ন্দ হ'তে পারে। যেন থেনডুপ আর পেমা সাম্যকে প্রশংসা করেছে বলেই তাদের বিশ্বাস করা যায়। মেজর হাসলো মিটমিট ক'রে। কেশে গলা সাফ ক'রে সে হাঁকলো, এই, শোনো।

পেমা বেরিয়ে এলো রান্নাবর থেকে।

মেজর ইতিমধ্যে মনস্থির ক'রে ফেলেছে, বললো, এই জুতো জোড়া কার ? এই দামী চামড়ার নতুন রাইডিং বুট ?

তুমি চাও, কমরেড ? পেমা কোমল ক'রে বললো, নাও, তুমি তা হ'লে ।

এটা কার জ্ঞানতে চাইছি । হাসির আড়ালে দাঁতগুলো একটুবা বিড়ম্বিত করলো মেজরের । এখানে আর কে থাকে ?

আমি আর খেনডুপ ।

অথচ এ জুতো জোড়া তোমার নয়, খেনডুপের তো নয়ই । আচ্ছা যাও । সতর্ক পা ফেলে ফেলে ঘুরে বেড়াতে লাগলো মেজর । একটু পরেই সে আবার হাঁক দিলো, এই শোনো, শুনে যাও ।

সে যে নিজের আবিষ্কারে খুশি হয়েছে তাতে আর সন্দেহ কি ? কারণ এই আবিষ্কার আর একবার পৃথিবীর সব কিছুর অন্তর্নিহিত দ্বন্দ্ব প্রমাণিত করেছে । পরে এক সময়ে এ বিষয়ে সে তার ইউনিটের পোলিটিক্যাল অফিসারের সঙ্গে কথা বলবে ।

পেমা এবার একটু চিন্তিত মুখেই রান্নাঘর থেকে বেরিয়ে এসেছিলো । কোথায় গেলো খেনডুপ ?

মেজর বললো, তোমাদের বাড়িতে অস্ত্রশস্ত্র আছে ? অবাক হ'য়ে গেলো ? এই ধরো এই রিভলবারের মতো ছোটো কিছু ? মেজর বিড়বিড় ক'রে বললো, এ মাগী বোধ হয় জানে না বায়নোকুলারে আমি কি দেখেছি ।

পেমা এবার হাসতে পারলো । বললো, না মেজর । কোদাল কান্ডে ছাড়া কোনো অস্ত্রই নেই ।

আচ্ছা যাও ।

কিন্তু ভাবলো মেজর : চেহারায় যতই শক্তসমর্থ হোক মেয়েমানুষ বই তো নয় । ভয়ের কি আছে । যদিও সে বিশ্বাস ক'রে অদ্বন্দ্বিক কাজই করেছিলো । অবশ্য শোবার ঘরটা দেখা হয়নি । ওদিকের নিস্তরতা যদিও ভয়ের মতো আঘাতলোকে স্পর্শ করে । নিঃশব্দে পায়ে পায়ে মেজর শোবার ঘরে ঢুকে পড়লো ।

ভাবলো সে, পোলিটিক্যাল অফিসারের এই তহবিল কথাও মনে রাখতে হবে— এই দেশে যেখানে অর্ধেক পুরুষই সন্ন্যাসী হ'য়ে যায় আর অর্ধেকের বেশিই অন্তর্ভুক্ত পাহাড়, সেখানে জাতটা পুরানো হ'য়ে একেবারে ম'রে না গিয়ে থাকে যদি তবে বুঝতে হবে এ দেশের রুক্ষ মাটিতে আর এই রকম সব কর্কশ চেহারার মেয়েমানুষদের মধ্যে উর্বরতা আর প্রাণশক্তি কোথাও লুকানো আছে । অর্থাৎ তা হ'লে মুক্তির পথে এরাই বাধা হবে ।

বিছানা উণ্টে ফেলে খুঁজলো মেজর। হেঁট হ'য়ে চৌকির তলায় দেখলো। হঠাৎ তার চোখ পড়লো দেয়ালে। নিমেষে যেন তার স্নায়ুগুলো লোহার স্প্রিং-এর মতো বলকে উঠলো। হাসিমুখে সে বেরিয়ে এলো। ইয়া প্রমাণ হয়েছে। তাস্বিক হিসাবে সে নাম করতে চায় না, কিন্তু তত্ত্বের সার্থকতার একটা প্রমাণ সে সংগ্রহ করেছে।

শোনো, এই মাগী শুনে যাও। জুই কণ্ঠে হাঁক দিলো মেজর।

রাশ্মিধর থেকে পেমা আবার বেরিয়ে এলো। হেসে বললো, তোমাকে বলতে পারি ও জুতো কার।

এখনই জানতে পারবো। তা হ'লে তোমাদের বাড়িতে অল্প নেই, কোদাল-কাস্তে ছাড়া ?

অত্ অত্ দিয়ে আমরা কি করবো ?

ডান হাত দিয়ে নিজের রিভলবারের মুঠোতে হাত রেখে বাঁ হাতে পেমার ব্রাউজের কলার চেপে ধরলো মেজর। টানতে টানতে নিয়ে গেলো শোবার ঘরে। দেয়ালের দিকে দেখিয়ে দিলো।

ওটা কি ? কার ওটা ?

মেজর ভাবলো : বিশ্বাস মানেই স্থিতি, থেমে যাওয়া। আর থেমে যাওয়াটা সাম্য নয়। হাসিটা লক্ষ্য করেছিলো ? ইঁ এখানেই মুক্তিযুদ্ধের সত্যিকারের প্রতিপক্ষ এই শত্রু চেহারার নারী। বলো ওই পিস্তল কার ? মেজর ঘুরে দাঁড়ালো।

ভয়ে, লজ্জায়, টানাটানিতে পেমা বেদম হ'য়ে উঠেছিলো। ইঁপাতে ইঁপাতে বললো, ছাড়ো ছাড়ো। বলছি ওটা কার।

পেমা জোর ক'রে ছাড়াবার চেষ্টা করলো, আর তার ফলে তার সিল্কের ব্রাউজের অনেকটা ছিঁড়ে গেলো।

বলো কার ? মেজর তাস্বিকের শাস্তভঙ্গির নকল করার চেষ্টা করলো।

ওকে অত্ বলো ? ওই মরচে-ধরা ওটাকে ? পঁচাত্তর বছর ধ'রে যেটা দেয়ালেই আছে ? ইঁপাতে ইঁপাতে তবু আর একবার হাসলো যেন পেমা।

বেশ, মেজর আড়াআড়ি প্রশ্ন করলো, আর খেনডুপের সঙ্গে যাকে দেখলাম ? খেনডুপের সঙ্গে ? কখন দেখলে ?

তা হ'লে আছে একজন স্বীকার করছো ?

কই, আমি—খতমত পেমা থেমে গেলো। ভাবলো সে খেনডুপ হঠাৎ পারি-বারিক কারণ ব'লে গেলোই বা কেন ? সে কি সেই হতভাগা লামাটার খোঁজে গিয়েছে ?

পেমার এই চিন্তা তার চোখে মুখে দ্বিধা, আশঙ্কা গোপন করার ইচ্ছা হ'য়ে ফুটে উঠলো। একটা প্রতিরোধ সম্ভবত তার দেশের ঠাণ্ডা পাহাড়গুলোর ভাবলেশ-হীন নৈব্যক্তিকতার ছাপ তার মুখে ফুটিয়ে তুললো।

কি কথা বলছো না? অধীর মেজর বাঁ হাত দিয়ে ঘুঁসি মারলো পেমার চিবুকে। বলবে? বলবে?

টলতে টলতে পেরা স'রে যাওয়ার চেষ্টা করলো, কিন্তু চৌকির পায়ায় পা বেধে সে কোণটাতোই ধপ্ ক'রে ব'সে পড়লো।

ওঠ, শয়তান মাগী। মেজর রাউজের সামনেটা ধ'রে টেনে তুললো পেরাকে। একজন অফিসার যখন কথা বলে তখন পা ছড়িয়ে বিছানায় শোয়ার সময় নয়। ওঠ, ওঠ, বল, খেনডুপের সঙ্গে ওটা কে? কার ক্ষুতো ঘরে? ওটা কার পিস্তল? এই ইংরেজি মদের বোতল কার?

পেরা ভাবলো : এটা কেমন ব্যাপার হ'য়ে যাচ্ছে না? খেনডুপ যা খুশি করুক তাতে ওর কি? এই সামান্য ওজনের লোকটা কি তাকে এমন ক'রে ভয় দেখাবে, অপমান করবে?

পেরার পুরুষালি চোয়াল কঠিন হ'য়ে উঠলো।

আর মুক্তিফৌজের মেজর ভাবল : এই শক্ত চেহারার মেয়েমানুষটাব সঙ্গে একা মোকাবিলা করতে সে পারবে কি? মেয়েমানুষ নয় যেন মেয়েদৈত্য। আর তা হ'লে আক্রমণের প্রথম স্ফোংটাই তার নিজের নেয়া উচিত। তখনই আবার ঘুঁসি মারলো মেজর, এবার পেরার রগে।

ঘুঁসির ধাক্কা বিছানার উপরে ফেলে দিলো পেরাকে। চিং হ'য়ে পড়েছিলো সে, চৌকির রেলিং-এ শব্দ ক'রে মাথাটা ঠুঁকে গেলো। গলার মধ্যে ষড়ষড় ক'রে উঠলো। নিমেষে সব কিছু যেন মুছে গেলো চোখের সামনে থেকে।

মেজর রিভলবার খুলে এগিয়ে গেলো। সে যে রাগে ক্ষেপে গেছে তা তার হাঁ-করা মুখ দেখেই বুঝতে পারা যাচ্ছে। একটা কালো বিদ্যুৎ-শক্তি যেন অহুতব করলো সে। কঠোর উত্তর পাহাড়ের নিভৃত এই দেশের যে প্রাণশক্তি তাকে যেন অহুতব করা যাচ্ছে। তাকে কলঙ্কিত করাই এ জাতির প্রাণশক্তিকে আঘাত করার সব চাইতে সহজ উপায়।

আবার যেন পেরার ভারি দেহটাকে টেনে তুলতে গেলো সে, কিন্তু তখনই হয়তো পেরার উজ্জল ত্বক চোখে পড়লো তার, কিম্বা পেরার ছড়ানো পা দু'খানা। তীব্র কালো অন্ধ আক্রোশে মেজরের তত্ত্ব আর অহুত্ব এক হ'য়ে গেলো, আর তখন তার দু'হাতের নৃশংসতায় পেরার পেটিকোট ছিন্নভিন্ন হ'য়ে যেতে লাগলো।

ঘরটা অন্ধকার বোধ হ'লো পেয়ার। ক্লান্তি, ব্যথা, সে কি অহঙ্ক ? কবে অহঙ্ক হ'লো সে ? হাতটা তুলে বুকের উপর রাখলো সে। সে কি এতক্ষণ একটা কুকুরের স্বপ্ন দেখছিলো ? ঠিক যেন গুয়ারকে কামড়াছিলো কুকুর। ক্যা-ক্যা ক'রে যেন কে চেষ্টাছিলো। তারপর সব যেন ভয়ে আর বোধ হয় নেশাতেও আচ্ছন্ন অসাড় হ'য়ে গিয়েছিলো। সেই ইংরেজি ভিন্ডির বোতল খালি করার পর যেমন হয়েছিলো। কিন্তু কুকুর ? হঠাৎ মনে পড়লো একটা হাঁ-করা কুকুর যেন তার গলায় কামড়াতে চাচ্ছিলো আর আচ্ছন্ন হওয়ার আগে সে আত্মরক্ষার চেষ্টা করছিলো। তাব মুখেও যেন কুকুরটার লাল লেগে যাচ্ছে। হাত দিয়ে মুখের লাল মুছতে গিয়ে উহ উহ ক'রে উঠলো পেয়া। হাতটাকে চোখের সামনে আনলো সে। রক্ত ? তখন একমুহূর্তে যেন ঘোরটা কেটে গেলো। রক্ত, তার রক্ত ? বিচানা থেকে এক ঝটকায় ধনুকের বাঁশের মতো উঠে পড়লো সে। নিজের জামা পেটিকোটের দিকে চেয়ে ছুটে গিয়ে দরজা বন্ধ ক'রে দিলো। কিন্তু এবার ? প্রথম কাজ নিশ্চয়ই এসব বদলে নেয়া। জামা বদলাতে বদলাতে হঠাৎ তার হাত থেমে গেলো। তারপর ? তারপর, তারপর ? দরজা খুলে বাইরে যেতে হবে তো ? আর তা কি এর পরে যাওয়া যায় ? তাই তো ! রান্না চড়ানো আছে। কিন্তু— : এখন খেনডুপকে দরকার। তার সঙ্গেই পরামর্শ করা দরকার। খেনডুপ, কোথায় গেলো খেনডুপ ? তাকেও কি কুকুর—

পোশাক বদলে দ্রুত পায়ে পেয়া দরজা পর্যন্ত এগিয়ে গেলো। হ্যাঁ, তার পা দুখানা যথেষ্ট দ্রুত। বরাই সে দু'মণ জল আধ মাঠল তুলে আনে না। এবার একটু সতর্ক হতে হবে। চৌকির পায়ায় পা বাধলে চলবে না। আর নিজের বাড়িতে কে কুকুরের কামড় সহ্য করে ? আবার চিবুকে হাত ঝোঁয়ালো সে। হাতের তেলোয় আবার রক্ত লেগে গেলো। কঠোর কঠোর কঠোর হ'য়ে উঠলো পেয়ার চোখাল। আচ্ছা তখন কেন বুদ্ধি এলো না ! পেয়া দরজাটাকে একটু ফাঁক ক'রে দেখলো। তখন স্বপ্নের মতো মনে হচ্ছিলো না ? সব যেন হঠাৎ নিবে গিয়েছিলো। তারপর তার মনে হ'লো সে যেন শরীর ছেড়ে অচা কোথাও। যেন দেখতে পাচ্ছিলো একটা কুকুর হাঁ ক'রে তাকে কামড়াতে গিয়ে লালায় তার মুখ ভিজিয়ে দিচ্ছে ; আর তার গলার মধ্যে অব্যক্ত কান্নায় কে যেন কাঁদছে। যেমন দড়িতে বাঁধা অসহায় শূকরী করতে পারে। আর তা সবই যেন পাশে থেকে সে দেখছে নিজে।

দরজার বাইরে পা দিয়েই সে থমকে দাঁড়ালো। সে কি সেই প্রবাদ ? উত্তুরে কুকুর আর চিল্লানি শূকরী।……

রান্নাঘরের পরিচিত গন্ধ এলো নাকে। দুই ফুদফুদ ভরে সে নিঃশ্বাস নিলো।

তাতে তার সবল পুষ্ট দেহের শিরাগুলো যেন স্ফীত হ'য়ে উঠলো। না, এসব প্রবাদ সে মানে না। ছাই। কিন্তু এখন খেনডুপকে দরকার। উত্তুরে ভাষার কথাই ধরো, সে নিজে বারবার পড়েও কিছু বোঝে না; রহনের কথা ছাড়া আর কিছু কি বুঝেছে? খেনডুপ পড়তে পারে না, কিন্তু শোনামাত্রই বোঝে। খেনডুপকেই দরকার।

শয়তান। হঠাৎ কথাটা মনে হ'লো পেমার। শয়তান। উত্তুরে কুস্তা। সেই লামাটা বলেছিলো। তার মনের মধ্যে কি যেন একটা রাগ গৌ-গৌ ক'রে উঠলো। রান্নাঘরের কপাট ধ'রে দাঁড়িয়ে সে দম নিতে লাগলো। আর সতর্ক হ'য়ে রইলো। আবার?

কিন্তু আশ্চর্য, একেবারে নিঃশব্দ। চ'লে গেলো নাকি? কেন? লজ্জায়? থু থু। পেমা আস্তে আস্তে সারা বাড়িটাই ঘুরে এলো। তার সরাইখানার মতো বাড়িটা একেবারেই নিঃশব্দ। এমন কি যারা রান্না করছিলো অ্যাপ্রিকট গাছটার নিচে—না সেখানে এখনও একজন আছে বটে।

কি করতে পেরেছো? উত্তুরে কুকুব? কি করতে পারো? ভেবেছিলো পেমার এই ছ' ফুট শরীরটা থে'তলে যাবে। আর খেনডুপের কথা বলে দেবে সে। কিন্তু কোথায় গেলো খেনডুপ? বরং সাবধান ক'রে দিয়েছো। এবার আর জাপটে ধরতে সঙ্কোচ থাকবে না। গলা টিপে ধরবে ছ' হাতে। শয়তান।

এরা কি শয়তান সকলেই?

আশ্চর্য। শয়তান আর মিথ্যাবাদী। সেই ইংরেজদের বাণিজ্য-গোয়েন্দার কথা ভাবো। অথচ কে ভেবেছিলো অমন স্থলর চেহারাটা একটা মিথ্যা?

পেমার কি সাবধান হওয়া উচিত ছিলো না? সেই বায়নোকুলার দেখার সময়েই। সেটাকে হঠাৎ মনে না করলে, তুমি সতর্ক হতে। আর কথায় কথায় সে লাল হ'য়ে উঠেছিলো। কিন্তু মিথ্যা কি ধরা যায়? গিয়াংসোর জীও বুধগয়ার জল মনে করেছিলো ইংরেজি চোলাইকে।

কিন্তু খেনডুপ কোথায়? খেনডুপের সঙ্গে ও কাকে দেখেছে? সত্যি কাউকে দেখেছিলো? তা হ'লে সেই হতভাগা লামাটাই। পেমা বারান্কা থেকে ঘরে এলো। হঠাৎ তার মনে পড়লো মেজর যখন তাকে দ্বিতীয়বার ডেকেছিলো তখন বেরোতে গিয়ে দরজার পাশে ঝোলানো নোনা মাংসের বড় চাংড়াটাকে দেখতে পায়নি বটে। তখনই ভাবতে গিয়ে কারণটাকে প্রায় ধ'রে ফেলেছিলো সে। পেমা রান্নাঘরে এলো। ঠিক তাই। রহনের সেই দ্বিতীয় ধোবাটা নেই। আর এই দেখো ছোটো হাঁড়িটাও দেখা যাচ্ছে না।

তা হলে খেনডুপ তাই করেছে ? পেমার মনে পড়লো বেরিয়ে যাওয়ার কিছুক্ষণ আগে খেনডুপ যখন বাড়ির মধ্যে এসেছিলো তখন সে বিড়বিড় করে রামা আর খাওয়ার কি তুলনা দিচ্ছিলো । বলেছিলো যেন : রাঁধছো তো কিন্তু ভাতেরই তো সকলের খাওয়া হ'লো না । তা হ'লে খেনডুপ কি সেই লামাকে খাওয়ানোর ব্যবস্থা করতে গিয়েছে ? অল্প সময়ে হ'লে পেমা খেনডুপের এই কথাগুলোকে কি আর কানে তুলতো না ? কিন্তু সাম্যের এই উজ্জ্বল অফিসারের সান্নিধ্যে তার মনে যে কলরব উঠেছিলো তা অল্প সব ভাবাকে ডুবিয়ে দিয়েছিলো ।

বারান্দায় ফিরে এসে পেমা প্যারাপেটের উপর দিয়ে বাচ্চা চমরীকে দেখতে চেষ্টা করলো । দিনের আলো এখন ঘান হ'য়ে আসছে । সাইমিয়া গাছটার পল্লবগুলোকে নীলের বদলে কালো দেখাচ্ছে । খেনডুপকে ওখানেই বায়নোকুলারে দেখেছিলো পেমা । আর মেজরও দেখেছিলো ; তার সঙ্গে কি লামাকেও ?

ওদিকেই এখন খাওয়া দরকার । সারাদিন ওরা রেডিওতে বলেছে—লামাদের সাহায্য করলে বিপদ হবে । বিশেষ করে এই হয়তো সেই লামা যে দু'জন অফিসার আর পঁচিশজন হান্ সৈন্যকে হত্যা করেছে । তাই কি ? তা কি হতে পারে ?

পেমা জলের হাঁড়ির কাছে গেলো । জল তুলে তুলে চিবুকের রক্ত ধুয়ে ফেললো । কপালে জল দিলো কি না দিলো, মাথায় একটা ঝামাল বেঁধে নিলো ।

পেমা বাইরের বারান্দা পর্যন্ত এসে সিঁড়ির উপরে বসলো । একটু ভেবে নেয়া দরকার । এখন একেবারে শান্ত হওয়া ভালো । খেনডুপ যেমন কখনও কখনও শান্ত হ'য়ে যায় । গাছটা আবার চোখে পড়লো । ওই সাইমিয়াটাকে—সোজা কথাতেই বলা যাক—এ পরিবার গিয়াংসো মনে করে । তা হয় না । মানুষ থেকেই মানুষ জন্মাতে পারে, গাছের বীজ থেকে গাছ । ওটা একটা বাজে গল্প যে গিয়াংসো গাছ হ'য়ে আছে । আর লোকনাথ যাই ব'লে থাক না কেন, কোথায় ভালো পশম পাওয়া যায় সে তার খোঁজই করতো । সে জন্তই এসেছিলো এইদেশে ।

ইঠাং যেন মনকে অভ্যস্ত চিন্তার খাতে এনে ফেললো পেমা । দ্রুত অসংবদ্ধ চিন্তা করে যেতে লাগলো সে : গিয়াংসো গাছ নয় । গিয়াংসো কি রকম তা বোঝা যায় । জীর কাছে পশমের কথা, ইংরেজি মদের কথা জানতে পেরেও লোকনাথকে সে ক্ষমা করেছিলো । বিচারের সময়ে লোকনাথের খোঁজ করেছিলো শহরের লামারা । বলেছিলো তাকে ধরিয়ে দিলে তা'রা দু'ভাই হয়তো মাপ পাবে । গিয়াংসো বলেনি । বললে লোকনাথ মরুকগে যাক ব'লে এদেশ থেকে সে চ'লে যেতে পারতো না । কিন্তু গিয়াংসো গাছ না হ'লেও, কোনো মানুষকে যদি

গাছ হ'তে হয়, তবে গিয়াংসোর পক্ষেই তা সম্ভব। আর খেনডুপ যেন গিয়াংসোর মতোই। না হ'লে সেই বিচারককে হাতে পেয়েও—পেমাকে একেবারে চা করতে, একবার গাড়ি দেখতে দূরে সরিয়ে কি কথা হচ্ছিলো তা কি পেরমা শোনেনি?—হাতে পেয়েও খেনডুপ তাকে পালাবার উপায় বলে দেয়? খাওয়ানোর জন্ত জীবন বিপন্ন হবে? গিয়াংসোর মতোই, কিম্বা, আর কে এমন গিয়াংসোর কাঁহাকাছি? আর গিয়াংসোর গাছ হওয়ার গল্পের মূলেই সেই মিথ্যাবাদী ইংরেজের চর। অবাক কাণ্ড, চমরীর দুর্গন্ধ সারে যেমন রসালো রহনগুলো জন্মায়; সেই নাকি আবার মনে করিয়ে দিয়েছিলো ভগবান বুদ্ধের বাণী আর তা যেমন তাঁর মুখ থেকে প্রথম বেরিয়েছিলো। লোকনাথায়...অমিতকারুণ্যে...। পেরমা উঠে দাঁড়ালো। তরতর করে সিঁড়ি দিয়ে নেমে গেলো। অ্যাপ্রিকট গাছটার পাশ দিয়ে ছুটতে ছুটতে এগিয়ে গেলো। সে অনুভব করলো মেজর আর তার পাঁচজন সৈন্য নিশ্চয়ই খেনডুপকে খুঁজতে গিয়েছে। বেশ খানিকটা আগেই রওনা হয়েছে তারা। ছুটতে ছুটতে থমকে দাঁড়ালো পেরমা। চিন্তা করে নিলো এদিক-ওদিক চেয়ে। গাড়ি করেই গেছে তারা। পাহাড়ি অসমান পথে গাড়ি থুব ছুটবে না, তা হলেও নিচেব সড়ক থেকে এখানে উঠতে যখন পেরেছিলো তখন বাচ্চা চমরীর জিত পর্ষন্ত বেশ উঠবে। অন্তত মানুষের চাইতে তাড়াতাড়ি। না, পাকদণ্ডের পথে গেলে হবে না। খাড়াই বেয়ে খাদ টপকে সোজা উঠতে হবে চমরীর জিতে। ওদের আগেই পৌঁছানো চাই যদি খেনডুপকে সাহায্য করতে হয়।

পেরমার সামনে একটা বড়ো খাড়া পাথর। লাফিয়ে উঠে পেরমা পাথরটার মাথা ধবলো। জিম্মাস্টারের মতো কোশলে শরীরটাকে টেনে তুললো। খানিকটা ছুটে চললো সে পাথর টপকে টপকে। এ পথটা একেবারে অজানা নয় পেরমার, যদিও কেউ চলে না। এখন একটু হাঁপাতে হচ্ছে তাকে, কিন্তু অনেকটা দূর উঠেও পড়েছে সে। হয়তো একসময়ে, ধরো অতীশের সময়ে, এই খাড়াই—এটাই পথ ছিলো, পরে ভেঙে গিয়েছে।

খেনডুপকে বলতে হবে, সবই বলতে হবে। গিয়াংসোর স্ত্রী যেমন লোকনাথের পশমের খোঁজ খবর নেয়ার কথা, আর বুধগয়ার জলের রহস্য স্বামীকে বলে দিয়েছিলো। কিন্তু খেনডুপ কি—? মেজরকে ক্ষমা করা যাবে? তা কি করা উচিত?

এখন সে একটু হাঁপাচ্ছে কিন্তু তা তো এই পাহাড়ে ওঠার পরিশ্রমেই। চিবুকটা একটু কেটেছে বটে, কিন্তু তার কথা এতক্ষণ মনেও ছিলো না। পরিশ্রমেই সে

হাঁপাচ্ছে। গাল বেয়ে ঘাম বরছে। নতুবা কি ক্ষতি করতে পারে হানু মেজর ?

পেমার মনের মধ্যেই কে যেন কোথা থেকে ব'লে উঠলো : তুমি শরীরকেই এতদিন বিশ্বাস ক'রে এসেছো। তাই নয় ? ইতিপূর্বে তুমি মেজরকে দেখে নিজের সত্যানের অভাব অনুভব করোনি ? তাই যদি—হঠাৎ লজ্জায় যেন ভেঙে পড়লো পেমা, আর যেন সে চলতে পারবে না।

সেই শয়তান হানু মেজর নিশ্চয়ই জানবে না। কিন্তু খেনডুপ ? খেনডুপ কাউকেও বিবেচ্য ক'রে না এটা তার সম্বন্ধে নতুন কথা নয়। কিন্তু—

পেমা চিন্তাটাকে ছাড়িয়ে উঠবার জন্তে প্রাণপণে পাঁহাড়ের গা বেয়ে উঠতে লাগলো। কখনও লাফিয়ে, কখনও কখনও হাতে পায়ে আঁকড়ে ধ'রে। কিন্তু যদি খেনডুপ ঠাটা ক'রে জিজ্ঞাসা ক'রে, তোমার এই পাঁহাড় জয় করা দৈত্যের মতো শক্তি তখন কোথায় ছিলো ?

কুদ্ধ নিঃশ্বাসে পেমা বলতে লাগলো, কৃপা করো খেনডুপ, কৃপা করো খেনডুপ।

আরও কয়েক বাপ এমন ক'রে উঠতে পারলেই সে পৌঁছে যাবে। গিয়াংসোর মতো খেনডুপ নতুন ক'রে অবিবেচ্য আর অভয়কে অভ্যর্থনা করতে চেয়েছিলো। আর খেনডুপেরই আশ্রয় বিপদ। কি হবে ? কে জানে ?

পেমা বললো স্বগতোক্তি মতো : খেনডুপ, বিশ্বাস করো, আমি তখন কামা শুনতে পাচ্ছিলাম। সে কামা আমার নিজেরই। কিন্তু যে কঁাদছিলো সে ছাড়াও আর একটা আমি যেন কোথা থেকে জুটে গেলো।

সব শুনে খেনডুপ হয়তো বিড়বিড় ক'রে বলবে, বিবেচ্য করো না, ভয় আব বিবেচ্য একই। খেনডুপ গো চমরীকেও তেমন ক'রে অভয় দেয়।

কিন্তু খেনডুপ, বলো, তুমি কি এবপরেও সাম্যকে বিশ্বাস করবে ? না কি বলবে বরফের ঠাণ্ডায় কষ্ট হয়, বরফ না থাকলে মরুভূমি। কিম্বা মিথ্যাবাদীরাও সত্যকে ব'য়ে আনতে পারে ? তুমি কি বলবে সামাই অবিবেচ্য ?

ওই তো ওদের দেখা যাচ্ছে। হানু সৈন্তরা সবাই চমরীর জিভেই জুটেছে দেখো। একটা বড় পাথর ধ'রে ঝুলে ঝুলে অবশেষে পেমা নিজেকে টেনে তুললো তার ওপরে। এখন সে শুধু হাঁপাচ্ছেই না। ঝুলতে ঝুলতে হাতের আঙুলগুলো অবশ হ'য়ে খুলে যাচ্ছিলো প্রায় ষাদটার ওপরেই।

আর, তাকে লোকনাথ কিম্বা যাই বলো, দধিকর্ণ যার খচ্চরের নাম, সে হংরেজদের গোয়েন্দাই ছিলো, অথবা পশমের দালাল যদি নরম ক'রে বলো। যে নাকি খচ্চরকে বিড়ালের নাম দিতে পারে সেও তথ্যগতের কথা ব'য়ে আনে—বিবেচ্য না থাকলে ভয়ও থাকে না। আর সেই মস্ত্রে ভয় চ'লে গেলে একজন মানুষ পাঁচশ বছর জেলখানার গুমটিতে একা-একা বেঁচে থাকতে পারে, শরীর শুকিয়ে গেলেও মনের মধ্যে সোনারাল ফুল ফোটে। আশ্চর্য, তুমি কি ক'রে তা পারলে, খেনডুপ, ভয়কে এমন জয় করতে ? বিচারককেও আর বিবেচ্য করলে না ? যদিও তুমি জানতে লোকনাথ হয়তো হংরেজের গোয়েন্দাই ছিলো আর এদেশ ছাড়বার সময়ে সে—হয়তো মরুকগে যাক বলেই—তার পিস্তলের চোঙ এদিকের আকাশের দিকে ঝাল ক'রে দিয়েছিলো। মিথ্যাবাদীরাও, খুনীরাও সত্যকে ব'য়ে আনতে পারে ? অথবা কথাটাই মূল্যবান ? কারণ মুখ ভিত দাঁত শব্দ তৈরি করলেও

তারা কেউই শব্দ নয়। লোকনাথ—অমিতকারুণ্যে লোকনাথায় অমিতাভায়
অমিতকারুণ্যে—

ও কি! আহা! ও কি, আহা, আহা, পেমা আর্তনাদ ক'রে উঠলো।

থেনডুপকে বঁধেছে ওরা গিয়াংসোর সাইমিয়া গাছটার সঙ্গে জড়িয়ে জড়িয়ে।
আর সেই লামাটাকেও! সেও ধরা পড়েছে। থেনডুপের বাঁধা শরীর টেনে তুলে
সোজা ক'রে গাছের সঙ্গে দড়ি দিয়ে জড়িয়ে জড়িয়ে বঁধেছে। আ, দেখো, কতটা
লম্বা শরীর থেনডুপের। আহা, ওর বাঁকানো জমাট ধরা কোমর কি এই শক্ত
বাধনের চাপ সহিতে পারে? আহা আহা।

হান্ সৈন্তেবা হাঁটু গেড়ে ব'সে রাইফেল তুলে ধরলো। ওকি, কি করবে
ওরা? এক, দুই—, রাখো, রাখো, রাখো, ওকি করছো।

এক মিনিট ধ'রে ছয়টি অটোমেটিক রাইফেল গর্জন ক'রে চললো। পেমা
নিজের ডান হাতের মুঠোটাকে মুখের মধ্যে পুরে দিয়েও আর্তনাদটাকে থামাতে
পারলো না। থে-ন-ডু-প—আহা-আ-আ।

হান্ সৈন্তরা উঠে দাঁড়ালো। তারপর মার্চ ক'রে ফিরে চললো তাদের মোটরের
দিকে।

চমরীর জিতে রক্ত গড়াচ্ছে আবার। আর সাইমিয়া গাছটার ফুল পাতা
সমেত কত ডালপালা ভেঙে পড়েছে! এবারেও দু'জন। তাদের একজন অন্তত
স্বদেশকে ভালোবেসেছিলো। আর থেনডুপ, আহা, গাছটার সঙ্গে কি ভয়ঙ্কর
চেপে ওকে বঁধেছে, দেখো এখন মাথাটা আবার সামনের দিকে ঝুঁকে পড়েছে।
থেনডুপ ভূমি কি আদৌ ভয় পেতে জানতে না? কি ক'রে তোমার বিচারককে
বিবেচ্য না ক'রে নির্ভয় হ'লে!

আর সবই যেন সেই পুরানো গিয়াংসোর গল্প।

থে-ন-ডু-প। আ-আ-হা-আ-আ। আর্তনাদ ক'রে উঠলো পেমা।

বিবেচ্য না থাকলে ভয় থাকে না, বিবেচ্যই ভয়। আর অবিবেচ্যই সাম্য। কেউ
যেন বিড়বিড় ক'রে বলছে। অথবা মুহুর্তের নরম কথা কেউ যদি একবার শোনে
বাতাসের মুহুর্ত মর্মরে, বারবার তা শুনতে পাবে।

সেই দধিকর্ণের সোয়ারে হুঙ্কার আর হান্ মেজরে শেষ। স্কাউন্ড্রেল, যদি তা
বলো। কিন্তু এবারেও কি কেউ গাছ হ'য়ে উঠবে? গোলাপী ফুলের মধ্যে কেউ
সোনালি ফুলের একটা স্তবক দেখতে পাবে? যেভাবে গাছটা ভেঙেছে তার
পরেও? কিম্বা এটাই হয়তো দু'টো গল্পের তফাৎ হ'য়ে থাকবে।

অথবা এ দিশয়ে কে বলতে পারে—

শ্রীলতার দীপ

এয়ারফিল্ডের কাছে চারতারা হোটেলের তিন কামরার সুইটে রাত আটটা হয়। ট্যুরিস্টের জন্তই এ মাঝারি ভালো হোটেল। সব চাইতে ভালো হোটেলগুলোকে পছন্দ করে নেয়ার আগে এখানে দু'এক রাত হয়তো থাকে তারা। তখন এখানে তারা মিলিত হ'লে কণস্থায়ী নাটক তৈরি হ'তে পারে যার কথা পরে মনে থাকে না। কোন কোন ট্যুরিস্ট এখানেই থেকে যায় আর সারাজীবনই কণস্থায়ী নাটকে অংশ নিতে থাকে।

রাত আটটা হয়। এ ঘরটা ডাইনিংরুম, ড্রইংরুম মিলিয়ে সাজানো। চার জনেব ডাইনিং টেবল। যার উপরে সাদা ঢাকনা। দুটো গ্লাসে স্ন্যাপকিনের ফুল। কিন্তু পাশাপাশি আর টেবলের ঠিক মাঝখানে রাখা। মনে হবে ডিনারের সময়ে চেয়ারের কাছাকাছি টেনে নিলেই হবে। এখন টেবলের উপরে দু'খানা ছবির পত্রিকা, চেয়ারগুলোও দেয়াল ঘেঁষে সাজানো, টেবলের থেকে আলাদা ক'রে। ড্রইংরুমের মতো। এদিকে একটা বড় কনভার্টিবল্‌ শোফা থাকে শয্যা করা যায়। শোফার পাশে একটা গদিদার বৃত্তাকার হাতলের চেয়ার। যার মুখোমুখী দেয়ালে একটা আয়না যাতে মুখ উচু করলে শ্রীলতার মুখের ছবি ফুটেছে। ঘরে এখন যে আলো তাতে হাল্কা বাদামির ভাণ আছে। প্রায়ই দেখা যায় রঙীন কোন জিনিস থেকে আলো প্রতিফলিত হ'য়ে কাছাকাছি অল্প অনেক জিনিসকে রাঙিয়ে দিতে পারে। শ্রীলতার পরনের ফিরোজা সিল্ক থেকে আলোটা সারা ঘরে ছড়াচ্ছে এমন হ'তে পারে।

উল বুনছে শ্রীলতা। কাঁটায় কাঁটা লেগে মুদ্র কুটকাট শব্দ হচ্ছে। উলের রূপোলি কাঁটা এক ডিজাইন উলে ফোটাচ্ছে নড়ে নড়ে, উল ফুঁড়ে বেরিয়ে বেরিয়ে। কখনও তার কানের সাদা পাথরের তুল, কখনও বাউটি আংটির পাথর ঝিকঝিক করছে।

মুখ তুললো শ্রীলতা। নিজের মুখের ছায়াই আয়নাতে। তার ঠোঁটের কোণে হাসি লেগে গেলো। জীবা গরবিনীর মতো হ'লো তারপর।

সে ডাকসাইটে হুন্দরী নয়। কিন্তু প্রত্যেক মানুষের মুখই হুন্দর।

টুটুল মিটুনকে হোটেল হলে ডিনার খাইয়ে নিয়ে সুইটে ফিরে কিছুকণ গল্প-

গাছা ক'রে কি ভেবে উঠে সে কানের ছল পালটেছিলো, হাতের বাউটি, শাড়ি পালটেছিলো, চুলের গোড়ায় বাড়ে পাউডার দিয়ে এলো খোঁপা বেঁধেছিলো আয়নার সামনে দাঁড়িয়ে ! সেটা শোবার ঘরের আয়না আর তাতে কপালের উপরের চুলের থেকে, চোখের মামসকারা থেকে হাঁটুর কাছে সিন্ধের কুঁচি পর্যন্ত চোখে পড়ে ।

আয়নায়, এখানে, কপাল থেকে কাঁধ অবধি । আয়নার উপরের অংশটা সাদা । চক্চকে সাদা নয় । ছবির ক্যানভাসে সাদা দেয়ার পর যেমন । দেয়ালের ছায়াই হবে ।

টুটুল অবাক হয়েছিলো । বলেছিলো, মা তুমি এখন বাইরে যাবে নাকি ? সিনেমায় যাবে নাকি গো ?

একবারে গুর বাবার মতো কথা বলে, গলার হর পর্যন্ত ।

আর মিনু খুব খশী হয়ে পায়ের উপরে লুটিয়ে পড়ে সিন্ধের উরুতে মুখ গুঁজে, রোগা বোঁগা সাদা হাতে কোমর জড়িয়ে ধরেছিলো । —লক্ষী, মা ।

শ্রীলতা হাসলো । তাব দু'তিনটে দাঁত সেই লালজাতীয় আলোয় দাড়িমদানার মতো দেখালো । মনে হয় চক্চকে পাথরে তৈরি, কিন্তু ভিতরের টস্টসে রসের কথাও মনে থাকে ।

উলেব কাঁটা পাশে সোফায় রেখে, ডান হাত তুলে ডান কানের উপরে চুল-গুলোকে আন্তে আন্তে চেপে দিলো সে ।

আবার উল কাঁটা নিলো হাতে । এটা এমন যে তুমি ভেবে যেতে পারো, তাতে কাঁটা খামে না । কখনও থমকে যেতে পারে, তারপর কুটকাট ক'রে চলতে থাকে । কখনও চুড়িতে বাউটিতে যুঁহু শব্দ হয় ।

আয়নায় গুটা মাছ নয় । মুখ নিচু ক'রে ভাবলে শ্রীলতা । দুমুখ চোখা চক্চকে রক্তভাসের মধ্যে লেখা হোটেলের নামই, যেমন রেলগাড়িতে থাকে । সাদা আয়নার ফলকেব উপরের দিকে ডান কোণে যেন এরোপ্লেনের মতো ভাসানো, যদি আয়নাটা আকাশ হয় । নিচের হাঙ্কা বাদামি রঙের উপরে সাদা আকাশ । মেঘে পুসর হয়ে ওঠার আগে শেষ বসন্তের আকাশ ।

সেখানে লাউঞ্জের তখন বসন্ত কিন্তু ! ডালিয়া, গ্যাডিয়োলা, হলিহুক । সোনা হলুদ, ফিরোজা, লাল, সিঁদুর — নানা রং আর কতরকমেরই পাপড়ি । একটা স্বচ্ছ ধরনের বোদে ফুলগুলো, তাদের গাঢ় সবুজ পাতাগুলো যেন বিলাসিনী যাদের সংসারে কোন কাজ নেই । লাউঞ্জের সিঁড়িতে, সিঁড়ি থেকে নেমে গিয়ে টারম্যাকে পৌঁছানোর আগে ।

ফুলগুলোর এপারে রঙীন বেতের চেয়ারগুলোতে যারা তাদের পোশাকের, চুলের, চোঁটের, চোখের ম্যাসকারার, সানব্লাসের রঙেও, যেমন ডানদিকেই সেই সিকিমি মহিলার শিঁছর রং চোঁট আর নখ, সিপিয়া ব্রোকেডের গাউন যার বোতাম-গুলো চাঁপকানের মতো পাশে, যেমন শ্রীলতার সাদা-ফুলদার হাঙ্কা নীল টিশার্ট আর দুবশাদায় হাঙ্কা লালের রেখা স্ন্যাকসে, হাঙ্কা লাল চোঁট আর নখে, সিপিয়ার ম্যাসকারা করা চোখের কোলের কালিমায়, এমনকি পুরুষদেরও, যেমন মিস্টার মিটারের ইম্পাতনীল স্যুটে সেই বসন্তই যেন। তেমন এক কবোক্ষতা। আর মোমাছিও উপস্থিত ছিলো।

টবগুলোর পরে, বেডগুলোর পরে টারম্যাক, ষ্টিলের খুঁটিখোঁটা, এলুমিনিয়াম রঙের হ্যাঙ্গার সব শেষে খানিকটা সবজে-নীল দিগন্তের উপরে মন্দারোদের আকাশে দুই কুণ্ডলী সাদা মেঘের সঙ্গে এক কুণ্ডলী ইম্পাতনীল মেঘ, যেন সাদা সিনথেটিক কোন কাপড়ে আঁকা—যে কাপড় ঝিলঝিল করছে কিন্তু আসলে যা ফেব্রুয়ারীর শেষের দিকের বেলা; দুটোর রোদে ভরা আকাশ। যে আকাশে ফকার ফ্রেণ্ডশিপ বিমানটি এইমাত্র দেখা দিয়েছে।

কিন্তু তখনই কি শব্দ পাচ্ছ? একটা মোমাছি বরং লাউজের মাহুশগুলোর দিকে ঝুঁকছে। কিছু পরিমাণে ধুলো উড়ানো সেই কবোক্ষ বাতাসও। কিন্তু বেশ সতর্ক, কারো চোঁটে বসছে না, কারো কানের টাপকে সহজে বিশ্বাস করছে না, বেলফুলের মতো বটে কিন্তু নাও হতে পারে। কারণ এখন তো সে বসন্ত প্রায় শেষ ক’রে এনেছে।

আয়নাটাকে দেখলে শ্রীলতা। একটু বেশী উঁচু করেছিলো মুখ। গলা, গলার নিচে হারের পাথর, কাঁধের শাড়ি। ওটা কিন্তু মাছের মতোই।

ফুলগুলো যেন একটু বেশী ফুটে যাওয়া। পাপড়ির ধারগুলো যেন কিছু রোদে ঝলসানো, একটু কুঁকড়ে যাওয়া। হয়তো আরও উত্তরে যেখানে জলীয় বাষ্প আরও বেশী থাকে সকালের কুয়াশায় এখনও, ফুলগুলো হয়তো এখনও তাজা। আজ কলকাতায় কুয়াশা ছিলো বটে, কিন্তু তখন তো, দেখছো, ঝকঝকে রোদের ছপ্পুর। শেষ বসন্তই। শ্রীলতা তার স্ন্যাকস ঢাকা পা দুটোকে সামনে ছড়িয়ে দিয়েছিলো। এখন তার আঠাশ বছর হয়েছে।

কেমন একটা আলসেমি জাতের নেশা লাগে না?

একটা নীল মাছিও ভাঁ ক’রে এখন থেকে ওখানে বসার চেষ্টা করলো।

এরোপ্লেনটারও শব্দ শোনা গেলো।

মিস্টার মিটার বললে, ফকার ফ্রেণ্ডশিপই এটা।

এটাই হবে, বললে কমরেড ঘোষ ।

মায়ের কোলে খুঁকে ছ' বছরের মিটুন বললে, ফকা ফেনছিব বুঝি ?

এই প্লেনটাই আমাদের ? বললে টুটুল । তার আট বছর হ'লো ।

সে বসন্তকে কৃত্রিমও বলা যায় । টবে বসানো । তাছাড়া প্রকৃতিতে ফুলগুলো অতবড় হয় না । দস্তুরমতো গ্র্যাফ্টিং ইত্যাদি ক'রে এগুলো এমন, অর্থাৎ স্বাভাবিক নয় । উলের উপরে একটু খুঁকেই পড়লো শ্রীলতা । অর্থাৎ একটু গোলমালে ব্যাপারই ।

প্লেনটা যেন রূপোলি চকচকে মাছ যার পেটের নিচে শেষ পাখনার কাছে ইতিমধ্যে ভার । মিস্টার মিটারের মুখটা একটু ফ্যাকাশে দেখাচ্ছে । অনেক মানসিক প্রস্তুতির পরেও অপারেশন থিয়েটারে যেতে যেমন হ'তে পারে হয়তো ।

শ্রীলতা ভাবলে, মাছটা অবাক হ'য়ে যায় । ভয় পেয়ে যায় । বড়শি নয় অথচ কিছু যেন বি'ধে গিয়েছে । সকলের থেকে দূরে গিয়ে জলের নিচে শাওলাঘরা বুড়ো পাথরের গায়ে নিজেকে ঝেঁষে, যেন ভিতরে যা ঢুকেছে তাকে ঝসিয়ে দিতে কতরকম ক'রে নিজের শরীরকে ঝাঁকায়, ভাঙচুর করে, মরার মতো নিজেকে ভাসিয়ে দেয় জলের তলার স্রোতে । তারপর দেখে সে মরে নি । ভয় কমতে থাকে খুব ধীরে ধীরে । সমাজের অভিজ্ঞতা যেন লণ্ঠন হাতে তাকে খুঁজতে বেরিয়ে ডাকাডাকি করে ।

কৃত্রিম বসন্ত তো বটেই । যেমন মিস্টার মিটারের ম্যানিকিওর করা নখ । যেমন তার সত্ত হেয়ারড্রেসিং করা মাথা যার জন্ত পনের টাকা লেগেছে কাল । যেমন তার কান দুটো যা থেকে এক গোছা ক'রে লোম বেরিয়ে থাকতো । হেয়ারড্রেসারের কাছে গিয়ে সেগুলোকে সরিয়ে ফেলার ইচ্ছে হয়েছিল, কিন্তু মিটার তা পারে নি শেষ পর্যন্ত । যেন নিজের গোপনীয়তায় ডাকা হবে তাতে সেই আংলো চুলকাটনে-ওয়ালীকে । শেষে বাড়িতে ফিরে শ্রীলতাকে বলেছিলো মিটার সলজ্জভাবে, আর শ্রীলতা বেশ সাহস ক'রে ছোট কাঁচি দিয়ে সেগুলোকে সরিয়েছে ।

তা তার সাহস পাওয়ার কথাই, লোমনাশক লোশন দিয়ে গলার নিচে কত-গুলো বেয়াড়া ব্যাডতি লোমকে নিখুঁল করতে সেই সাহায্য করেছিলো এর আগে । কেমন, লজ্জার মতো লাগে না ? কৃত্রিম তো বটেই । যেমন শ্রীলতার চোখের কোলের কালিমার কালো ম্যাসকারা । সে তো সত্যি নষ্ট মেয়ে নয় ?

কলকাতার মাত্র ত্রিশ মাইল দূরে মিস্টার মিটারের কারখানা-ফার্ম । এখন তার নাম গমলিং মিটার । আগে গমলিং-ইণ্ডিয়া ছিলো । গমলিং মিটারের প্রেসিডেন্ট ডুবাই বাচ্ছে । তিন থেকে পাঁচ লাখ টাকার ফ্যান, এয়ার সার্কুলেটর ইত্যাদির

রপ্তানি বন্দোবস্ত হওয়ার কথা আছে, তাকে পাকাপাকি করাই। কাল বিকেলে কলকাতায় পৌঁছে এয়ারফিল্ডের কাছে এই ট্যুরিস্ট-হোটেলে তিন কামরার সুইট নিয়েছিলো তারা।

বন্দোবস্তটাকে কিছু কৃত্রিম মনে হচ্ছে কি? তারা তো আজই কার্ণের বাংলা থেকে শোজা এয়ারফিল্ডে আসতে পারতো যে গাড়িতে এসেছিলো সেটোতেই। হোটেল কেন, হোটলে রাজিবাস কেন? এটাও তৈরি করার, গড়ে তোলার ব্যাপার। শ্রীযুত মিত্র এঞ্জিনীয়ার, পরে গমলিং ইণ্ডিয়ার একজিকিউটিব, ক্রমশঃ মিস্টার মিটার, পরে গমলিং মিটারের প্রেসিডেন্ট হওয়ার পরে (এ সবই হয়েছে শ্রীলতার বিশ থেকে এই আঠাশে পৌঁছানোর মধ্যে) এই প্রথম মিস্টার মিটার করেইনে যাচ্ছে, যদিও হতে পারে, ডুবাই মাত্র কিছুদূরে, ইউরোপের মতো করেইন নয়, এই প্রথম তার ফার্ম এক্সপোর্ট কনট্রাক্ট পেতে চলেছে এত টাকার ব্যয় ফলে তার ফ্যাক্টরীর প্রোডাকশন দিগুণ আড়াইগুণ বাড়বে। কিছু একটা করা দরকার নয়? এই বিশেষ ব্যাপারটাকে বিশেষ গুরুত্বপূর্ণ করার জন্যই এই হোটেলে থাকা, রাত কাটানো।

বাহ, হাসলো শ্রীলতা ভাবনার মধ্যে, মালুম তো শুধু হওয়াই নয়, করাও। যেমন শ্রীযুত মিত্র ক্রমশঃ নিজেকে মিস্টার মিটার করে তোলে। যেমন তখনকার টিশার্ট-স্ল্যাকসে শ্রীলতা, যেমন মিস্টার মিটারের ম্যানিকিওর করা নখের সূক্ষ্মতা। যেমন ছেলেদের ডিনার হয়ে যাওয়ার পরে তত রাতে কোথাও বেরোনোর কথা না থাকলেও, এই চুল জড়ানো কাঁপা এলো খোঁপায়, এই শাড়ি পালটানো। কানের পাথরটা ঝিকঝিক করছে, গালেও তার লম্বা স্বচ্ছ ছায়া পড়ছে।

শ্রীলতার নাভির নিচে একটা গরম অশুভূতি। টেবলের উপরে কাটগ্রাস-গ্রাসে ত্রাপাকিন জড়িয়ে ফুল, দুটো গ্রাস। মুখ নিচু করলে শ্রীলতা চকিতে। ভাবনার মধ্যে ঠাট্টা করলে অশুভূতিটাকে—অহাহা, ওটা কিধেই বাপু। তাছাড়া কিছু নয়।...

মায়ের ছড়িয়ে বাঁধা স্ল্যাকস ঢাকা দু'পায়ের মধ্যে ঢুকে কহুই দুটো তার উক্লতে আর বুকের কাছে মুখ রেখে ছ'বছরের মিটুন বললে—একটা কোকা থাবো। তার সোনালি-হলুদ মুখটাকে এদিক ওদিক করলে যেন মায়ের বুকে ঘষবে। আর তখন শ্যামল রঙের টুটুল তার আট বছরের গাভীরে না-শোনার ভান করলে। তার বড় বড় চোখের প্রান্ত দুটো অবিকল মিস্টার মিটারের মতো কিন্তু।...

মিস্টার মিটার বললে, এটাই হবে।

সে হাসলো। কিন্তু তার ঠোঁট আর দাঁত হাসিটা মরলেও সেই ভক্তিতেই স্থির

হয়ে রইলো ।

ফকার-ফ্রেণ্ডশিপই, বললে কমরেড ঘোষ পিছন সারি থেকে, আর তার হলুদ চিমসে হাত দুটোকে নার্ভাসভাবে ঘষলো ।...

তখন তো প্লেনটার পেটের কাছে বাদামী বাদামী রেখা আর ফুটকি ফুটে উঠেছে । মুখ তুললো শ্রীলতা ।

ওটা কিন্তু মাছের মতোই । চকচক করছে, আর আয়না আকাশে ডানদিকে উপরে । তখন মনে হলো এখনই ঝুপ করে নেমে পড়ে রানওয়ে ছুঁয়ে মোটরকারের মতো ছুটে চলবে প্লেনটা...

টুটুল গম্ভীর হয়ে বললে, এই প্লেনে বাবা যাবে ডুবাই ।

তা যেন স্কুলেব বন্ধুদের কাছে ।

মিটুন তার ছোট ছোট হলুদ হাত দুটোকে নেড়ে নেড়ে তালি দিলো, ডুবাই, ডুবাই ।

কিন্তু...

ভাবলে শ্রীলতা, দ্বিতীয়বারে কি যে তাড়াতাড়ি ঘটে যায় ।

ঝুপ করে নেমে পড়লো প্লেনটা । আর পুরুষরা কি যে ভয় পেয়ে যায় । দ্বিতীয় বারে বোধহয় মাছটা আগের বারের অভিজ্ঞতাকে মনে রেখে তেমনই ছটফট করার চেষ্টা করে । কিন্তু সে ছটফটানি কিছু কৃত্রিম হয় না ?

ওদিকের সিকিমি মহিলা তার সঙ্গীদের নিয়ে উঠে দাঁড়ালো ।

কি যে তাড়াতাড়ি...

প্রথমে মিটার মিটার । তারপরে এক লাইনে টুটুল-শ্রীলতা-মিটুন । পিছনের লাইনে কমরেড ঘোষ যার পাশে, কিন্তু কিছু দূরে, শ্রীলতার আয়া । মাইকে কথা শুরু হয়েছে । প্লেনটা ট্যাকসির মতো চলতে চলতে বাঁক নিয়ে ঘুরে যথাস্থানে গিয়ে দাঁড়ালো । আর তার পরে সাদা সিফন পরা সেই মেয়েটি । প্লেন থেকে নেমে প্লেনের কাছে সে যেন পায়চারি করলো । যেন নিশ্বাস কিছু ।

আসলে কিন্তু দ্বিতীয়বারের সেই অল্পহৃতিতে ছটফটানি যা থাকে তা হয়তো প্রথমবারের ছটফটানির স্বাভাবিক । পুরুষরা বরং, আশ্বাস দেয়ার ভঙ্গিতে যেন মুখ তুললো শ্রীলতা, যেন ফ্লাউয়ার ভাস ভেঙ্গে ফেলে ভয় পায় । উলের কাঁটা সোফায় শুইয়ে ডান হাত তুলে কানের উপরের চুলগুলোকে একটু চেপে দিলো শ্রীলতা ।

মুখ নামালো সে । তার খোঁপার চূড়াটা আয়নার নিচের কোণে দেখা গেলো । হয়তো সে এয়ার হোস্টেসই ! অনেকক্ষণ সে সেই বেলফুলের মতো সাদা শিফনের মেয়েটিকে দেখেছিলো । যাজীরা প্লেনে উঠলো । সব শেষে এয়ার হোস্টেস । তার

পর প্লেন চলতে শুরু করলো, আর অব্যাহতীয়া ক্রমাল নাড়তে। টুটুল, মিটুন, শ্রীলতা, কমরেড ঘোষ। কেমন যেন দুঃখের মতো, কিছু হারানোর মতো, ছিঁড়ে যাওয়ার মতো মনে হয়। প্লেনের বাতাসে ওড়া ধুলো চোখে ঢুকে যায়, জল এসে যায় চোখে। তারপর টুটুল বললে, এ মা, তুমি কোন দিকে ক্রমাল নাড়ছো? বাবা তো প্রথমদিকে। ওদিকে তো এয়ার হোস্টেস ঢুকেছিলো, প্লেনের পিছন দিকে।...

আশ্চর্য, কিন্তু, উল সমেত কাঁটা ছোটো খেমে গেলো, হঠাৎ মনে হচ্ছিলো তখন শ্রীলতার নিষ্পাপ কিছু চলে যাচ্ছে। যেন তাকে বিদায় দিতে চোখে জল আসবে।

তারপরেই এক হাত টুটুলকে ধরতে দিয়ে অজ্ঞ হাতে মিটুনের হাত ধরে যুদ্ধ দৌড়ের ভঙ্গিতে শ্রীলতা তাদের গাড়ির দিকে গিয়েছিলো যেন বাসগুলো স্প্রিং যা পায়ের তলে উঠছে নামছে। আর হাসছিলো তারা সেই দৌড় দৌড় খেলায়।

—আমাদের গাড়িতেই এসো কমরেড ঘোষ।

—আমাকে বলছেন?

—এসো। অনেক জায়গা আছে।

ভাবলে শ্রীলতা ভাবনার মধ্যে অবাক হয়ে হয়ে—আশ্চর্য, কিন্তু মনে হচ্ছিলো তখন নিষ্পাপ কিছু চলে যাচ্ছে যার জন্তে সে মনে করতে পারছে না মিস্টার মিটার সিঁড়ি দিয়ে উঠতে কিংবা সিঁড়ির মাথায় দাঁড়িয়ে তাদের দিকে ফিরে দেখেছিলো কিনা, কিংবা ক্রমাল নেড়েছিলো কিনা, কিংবা কি করেছিলো সে, অর্থাৎ থাকে বিদায় দিতে আসা সে কিভাবে বিদায় নিলো তা দেখা হয়নি।

সেই না-দেখা যেন ছোট একটা কালো গর্ত সময়ের। না ওতে পড়লে মানুষ মরে না বটে, কিন্তু কেমন যেন মনে হয়, ওতে যেন বাতাস কম।

দেখো কাণ্ড। ভাবলে শ্রীলতা। আর তারপর আবার হোটেলের লাউঞ্জে। সেখানে একটা গোল টেবল ঘিরে, বরং গাড়িবারান্দার মতো, পিলারগুলোর উপরে ছাদ, দেয়ালগুলো দূরে দূরে, পিলারগুলোর কাছে কাছে পিতলের টবে পায় আর ভালিয়া, ছাদের কাঁচ থেকে টেরচা টেরচা রোদের ত্রিভুজ মতো ফালি, গোল টেবল ঘিরে, একটা পরিবারের মতো বসেছিলো কমরেড ঘোষ, টুটুল, মিটুন, শ্রীলতা, এমনকি আয়াও।

ক্রোম-হলুদ ফ্রান্সেলের চাইনিজ শার্ট, গ্রে ওরস্টেডের ট্রাউজার পরা কমরেড ঘোষ। বুকপকেট থেকে নীল চেক ক্রমালের কোণ। তার উণ্টোদিকে শ্রীলতা নিজে। সেই সাদা ফুলদার নীল টিশার্ট, আর দুঃসাদায় হাঙ্কা লালের রেখা স্ল্যাকস্। আয়াই বরং সিঙ্কের শাড়িতে।

শ্রীলতা হেসে বললে, তুমিও বসো।

তারপর কমরেড ঘোষের দিকে চেয়ে বলেছিলো, ওরা কোকা খাবে। আর আমরা চা খেতে পারি।

তখন পিলারগুলোর কাঁকে কাঁকে বেশ স্পষ্ট আলোই ছিলো। কমরেড ঘোষের গায়ের কাছে একটা টবের ফাঁশে রোদ চকচক করছিলো; কমরেড ঘোষ বললে, আমরা চা খেতে পারি।

কমরেড ঘোষকে সেই ক্রোম-হলুদে একটু বেশী হলুদ লাগছিলো। প্রকৃতপক্ষে শ্রীলতার চাইতে ফর্সা নয়, টুটুলের চাইতে ফর্সা হতে পারে, বরং মিটুনের মতো। মিটুন অবশ্য অনেক তাজা, অনেক টাটকা তার গায়ের রং।

ছেলেরা কোকাকোলা খেয়েছিলো। শ্রীলতা আর কমরেড ঘোষ, চা।

কমরেড ঘোষকে তুমি ডাকসাইটে স্কন্দর বলতে পারো না। দেখো, নাকটা যেন মুখের তুলনায় উঁচু। হিসাব করলে চিবুকটা বরং সরু। অবশ্য, সব মানুষের মুখই স্কন্দর।

চা শেষ ক'রে শ্রীলতা বললে, গাড়ি কেনার কথা হয়ে আছে। আমরা এখন রংটা পছন্দ করতে যাবো।

কোম্পানির গাড়িতে, তা অবশ্যই প্রেসিডেন্টের নিজস্ব ব্যাপারও, শ্রীলতা তার ছেলেদের নিয়ে গাড়ির রং পছন্দ করতে চলে গিয়েছিলো।

দেয়ালের গায়ের ছোট গোল সোনালি আর কালো দিয়ে রংকরা ঘড়িটার দিকে চোখ তুললে শ্রীলতা। সাড়ে আট রাত। এখন চা খাওয়া যায় না।

তা ছাড়া...

যেন কান ঝাড়া ক'রে শুনলো শ্রীলতা। হাসি হাসি হলো তার মুখ। কোন লাড়া পাওয়া যাচ্ছে না। টুটুল মিটুন দুজনেই ঘুমিয়ে পড়েছে। ডিনারের একঘণ্টার মধ্যেই ঘুমায়। সেটাই ওদের অভ্যাস করিয়ে দিয়েছে শ্রীলতা। একা একা তাদের ঘুমানোর এই টেনিং দেয়ার ফলে ভালো ঘুম হয় তাদের। বাহ, সে মা, আর শেখাবে না?

তা ছাড়া...

এ ঘরটার আলো কিল্ল খানিকটা হালকা বাদামী। যেন, কি বলবে? যেন বসন্তের সন্ধ্যা। খানিকটা যেন অল্প কোথাও থেকে আনা। যেমন ঘরো শ্রীলতার চুল, যাকে কাক-কালো মনে হয় না বরং যেন খয়েরী। ডান হাতটাকে সোফার উপরে পেতে সেই সিঙ্কের উপরে চালিয়ে চালিয়ে নিলো শ্রীলতা।

তা ছাড়া, সে তো ছিলো এয়ার হোস্টেস। সব সময়ে নিশ্বাস হয় না তার। বোধহয়। ভাই নয়?

মুখ তুলে হাসলো শ্রীলতা ।

আর...

দ্বিতীয়বারে কখনও তোমার তেমন মনে হয় না যে একটা বনিয়ো আসা সন্ধ্যার ভেঙ্গে ভেঙ্গে আসা পিরামিডে তারার আকাশের নিচে চোখে জল ভ'রে একা গুয়ে আছ যখন দূরে দূরে আলোর বিন্দুগুলো তোমাকে, যেন তোমার যতদেহকে খুঁজছে ।

গাড়ি পছন্দ ক'রে শ্রীলতা ফিরে এসেছিলো ।

তখন চারটে হবে বেলা । গাড়িবারান্দার মতো সেই একদিক খোলা লাউগেই । খোলা দিকটা দক্ষিণে বাড়ানো । সেজন্ত তখনই সেখানে পড়ন্ত বেলার মাঝারি উজ্জলতার আলো । টুটুল মিটুন তখন নাচছে যেন, কেননা টুটুলের কাঁধে একটা ব্যাট, বাঁহাতে লাল বল । তার ক্রিকেট-কাপ মিটুনের চুপি কমাতে মিটুনের মাথায় । মিটুনের বুক জড়িয়ে ধরা মন্ত একটা টেভিবিয়ার । আর শ্রীলতার চোখ দুটিও তখন চকচক করে থাকবে, কেননা সে মনের মতো গাড়িটাকে পেয়েছে । যেন খেলনা এমন এক টুসিটার যা যেন টুটুলই পারবে চালাতে, আর টকটকে সিঁদুরে ।

তুমি বলতে পারো না, মুখ তুললো শ্রীলতা, আগে থেকে, কি তোমার পছন্দ । তারপর তুমি হঠাৎ, দেখো, পেলে আর সঙ্গে সঙ্গে মনে হয়, এটাই তোমার পছন্দ সেই কবে থেকে । যেন মনে একেই খুঁজছিলে ব'লে শান্তি ছিলো না । আজ শান্তি হ'লো । -

সিঁড়ি দিয়ে উঠে দ্বিতীয় পিলারটার পাশেই বেতের চেয়ারে গা ডুবিয়ে, চাতের তেলোয় সিগারেটের বাস্ম, কমরেড ঘোষকে দেখতে পেলো শ্রীলতা যেন ।

আর প্রথম পিলাওর পাশেই দাঁড়িয়ে পড়লো সে ।

যেমন সে নিজের বাংলোর লনে ছেলেদের সঙ্গে খেলতে খেলতে হঠাৎ কখনও মরার ভান করে আতপ্ত ঘামে লুটিয়ে পড়ে যার ফলে টুটুল মিটুনের ভাকাত পুলিশ খেলা শেষ হয় । আর শ্রীলতা তখন সত্যি বিশ্রাম করেও নেয় । টুটুল মিটুনদের ভাদের বাথরুমে নিয়ে যায় আয়া তারপর ।

শ্রীলতা বললে, ওদের নিয়ে যাও আর্সি, অনেক গুলো লেগেছে গায়ে ।

তেমন ক্লাস্তির ভজিতেই কমরেড ঘোষের কাছাকাছি আর একখানা বেতের চেয়ারে ঝুপ করে বসে পড়ে হেসেছিলো সে ।

—আমি কিন্তু সত্যি আশা করিনি, তুমি কি জানতে আমি মিসেস মিটার ?

আর তখন বাদামিতে হুখে মিশানো ঘন আলো চারিদিকে ।

—তোমার ক্লান্ত দেখাচ্ছে ।

—বোধহয় রোদ লাগলো ।

—তোমাকে চা দিতে বলবো কি ? বললে কমরেড ঘোষ ।

ওয়েটারদের কেউ কেউ এসময়ে এই লাউঞ্জে ড্রিংকসের অর্ডার নিতে ঘোরে ।
উঠে গিয়ে তাদের একজনকে ধরে আনলে কমরেড ঘোষ ।

অনেক সময়ে কিন্তু কথা আসতে চায় না । কমরেড ঘোষ সিগারেট বার
করলো । ধরালো না ।

আজ গরম কিন্তু । বললে শ্রীলতা ।

এমনকি ওয়েটার এলো । চেয়ার ছুটোর সামনে টিপয় রাখলে । চায়ের প্লেট
কাপ সাজালো কমরেড ঘোষ নিজেই ।

কমরেড ঘোষ বললে যুধু হেসে আর তাতেই যেন তার পরিশ্রমে লাল হ'লো
মুখ, অথচ এখন বসন্ত নয় ?

চা তৈরি করলো শ্রীলতা ।

কমরেড ঘোষ চা নিতে যেন দ্বিধা করলো । বললে, আমি জানতুম না তুমিই
মিসেস মিটার ।

আচ্ছা, স্মরণবায়ু, হাসলো শ্রীলতা ।

—কিছু বললে ?

—না ।

চা নিলে স্মরণবায়ু ঘোষ । বললে, এটা একটা যোগাযোগ । যদিও জানতুম
তোমার উপাধি মিত্র । কিন্তু তুমি মিসেস মিটার জানতুম না ।

কেমন দিন চলে যায় । এই ভয়ানক পুরনো কথাটা বলে সলজ্জ হয়ে হাসলো
শ্রীলতা ।

এতক্ষণে সিগারেট ধরাতে পারলো স্মরণবায়ু ।

চাটা পেয়ে ভালোই হলো । বললে শ্রীলতা ।

—তুমি কিন্তু বদলাও নি । বললে স্মরণবায়ু ।

—দেখেই চিনেছিলাম । হাসলো নিশ্চেষ্টে শ্রীলতা । কেউ তো আর সজ্জি
চন্দ্রবেশ পরো নি ।

মধুমালা কেমন আছে ? মধুমালা দিদি কোথায় ?

—ভালোই আছে, বেশ ভালোই । চন্দ্রনগরেই ।.....

ভাবনার মধ্যে হাসিতে ভাঙচুর হ'লো শ্রীলতার চোঁট ।

সেটা কিন্তু একটা গোল দ্বীপ । কিন্তু তা যেন কোথাও থেকে আসা । টেবলে
পেপারওয়েট ক'রে রাখা একটা গ্রাসবলের মতো । উপরে চকচকে কাঁচ, কিন্তু তার

ভিতরে একটা রঙীন ডিজাইন। উপরে গোল হয়ে নেমে যেন মাটিকে ছুঁয়ে নীল নীল আকাশ, আর তার নিচে লাল লাল ফুল ফোটা সবুজ মাটি, একটা গ্রাসবলের মধ্যে যেমন হ'তে পারে।

এদিকের এ দীপটা কিন্তু বড়; প্রকৃতপক্ষে তো দীপ নয়। কুলেরই অংশ। কিছু পুরনো পুরনো গাছ, একটা বাংলা বাড়ি সমেত যা সেবারের বর্ষায় কূল থেকে আলাদা হয়ে গিয়েছিলো।

আর দূরে সেই ছোট নীল দীপটা যা নীতের দুপূরে নদীর চকচকে কাঁচের টুকরো ছড়ানো বুকে। এ দীপের একজন অকবি ছবিটাকে প্রায় নষ্ট করে বলে উঠেছিলো—দূরাদৃশ্যচক্রনিভস্য তন্নি...

সেটা ছিলো মধুমালার বিয়ের প্রথম বার্ষিকী। বিয়ের উৎসবে যেতে পারেনি শ্রীলতা। মিস্টার মিটারের মামাভো বোন অধ্যাপক ডকটর মধুমালার বস্তুর সঙ্গে অধ্যাপক ডকটর সূত্রত বোবের বিয়ে। ভালোই হয়েছিলো বিয়ে।... মিস্টার মিটার যেতে পারে নি, গমলিং ইণ্ডিয়ায় বর্মঘট, শ্রীলতা যেতে পারে নি, টুটুল তখন সন্তোজাত।

বিয়ের বার্ষিকীর খবর পেয়ে শ্রীলতা সূত্রতাং আঙ্গির কোলে টুটুলকে নিয়ে গিয়েছিলো। মিস্টার মিটারের পক্ষে সেবারও যাওয়া সম্ভব হয় নি। কেন না তখন গমলিং ইণ্ডিয়া গুটিয়ে নেয়ার কথা চলেছে যে চক্কল বিশৃংখলার মধ্যে থেকে গমলিং মিটার ক্রমশঃ জেগে উঠবে।

কথা এসেছিলো এবারের বর্ষায় নদীর ধারের বাংলাটা কূল থেকে আলাদা হয়ে এক দীপ হয়েছে, বাংলা আর তার চারিদিকের লন আর বাগান। সেখানে এখন কেউ বাস করছে না মালি ছাড়া। পি ডবলু ডির লোকেরা বর্ষার সেই চওড়া ফাটলটাতে পাথর আর মাটি ঢালছে, ফাটলটার উপর দিয়ে বাঁশের সঁকো আছে।

কথা এসেছিলো কলকাতার জু-তে যাওয়ার পথে এক কাঁক বুনে হাঁস নেমেছে দীপটার কাছে।

বাংলার মালিকের মত নিতে একবার বললেই হয়।

উৎসব রাতে। 'কৌতুকরসে পাগল পরানী'ই বোধহয় কথাটা। পাঁচ-ছজন ছুটে গেলো। একটা শটগান। নদীর ধারে পিকনিকের মতো ব্রেকফাস্ট। তারপর নিশ্চয় স্নান হতে পারবে, সূত্রতাং দু-চারজন বেদী স্ট্রাট এনেছে। মধুমালার ইতিমধ্যে সন্তান বহন করছে। সূত্রতাং সে জলে নামবে না। সূত্রতাং তার একটা ঝকঝকে কালোয় হনুদ অদ্ভুত সাহসী বিকিনি যা সে নিশ্চয় ব্যবহার করেনি শ্রীলতার জন্ত সে স্টকেসে ভরে নিয়েছিলো। তারই তো পরিকল্পনা। হেসে বলেছিলো সে,

দেখি বউদি কত সাহস তোমার । আর বাঁশের সাঁকোটা দিয়ে মধুমালার পার হওয়া উচিত নয় বিবেচনা করে প্রায় শূন্য থেকে একটা জেলে ডিঙ্গি বোঁগাড় করে ফেলেছিলো স্ত্রতবাবু নদীর তীরের খোঁটা থেকে । নৌকা তো নয় নৌকার স্বপ্ন বলতে পারো । বোধহয় দুজনের বেশী তিনজনের ভার বয়্য না । একটা বোর্টে, মাঝখানে একটা বাঁশ পোঁতা যাতে উঁচু করে বাঁধা গেরিমাটিতে রং করা বিছানার চাদর যেন একখানা যা নাকি পালের কাজ করবে ।

ব্রেকফাস্ট শেষে যখন গাছগুলোর আড়ালে তারা হেসে গল্প করে ঘুরে বেড়াচ্ছিল তখন সেই বাংলোর মালির কি মনে হচ্ছিলো এরা কেউ মানুষ নয় ?

তাবপর তারা স্নান আর সাঁতারের জন্ত বাগানের শেষে রোদে ঢাকা ঢালু লনে গিয়ে জমা হয়েছিলো, কারণ তা ছাড়া অন্য খেলাটা সম্ভব ছিলো না । কেন না এ দিকের দ্বীপটায় একটা হাঁসও নেই, আর মালি বলেছিলো যদি থাকে তবে তা ওই নীল দেখাচ্ছে সেই দ্বীপটার কাছে ।

মালিকে বলা হয়েছিলো তাদের বাংলোর কুলের দিকে সে পাহারায় থাকবে । কেউ এলে বলবে মেয়েরা স্নান করছেন ।

তখন বেলা নটা হবে। আর সেই ছোট্ট ডিঙ্গিটা দড়ি দিয়ে লনের ধারের একটা গাছে বাঁধা । এয়ার-গানের মতো চেহারা হাঙ্কা সরু নলের শটগানটা সেই নৌকায়, যা সে-রকম কবে রাখা হয়েছিলো ।

সে তো আর ডাইভিং বোর্ডওয়াল স্নানের ঘাট নয় । নৌকাটায় বরং উঠে দু-একজন জলে লাফিয়ে পড়ছে । কেউ বা তা করার আগে দড়িতে যতদূর যায় তেমন চালিয়ে নিচ্ছে নৌকাটাকে ।

বাংলোর বারান্দার ঘরে বেদি কসটিউম পরলে শ্রীলতা । আর মধুমালার বললে হাসতে হাসতে, তুমি জালিয়ে দেবে, বৌদি ।

শ্রীলতা বললে, বেতের চেয়ার টেনে এনে বসতে দিন মধুমালার দিকে । আজ ওর বিয়েরই উৎসব, স্ত্রতবাবু । ওই সব চাইতে দামী ।

এই কথাতেই সকলে হেসে উঠেছিলো, হাসার জন্ত এমনই প্রস্তুত ছিলো তারা ।

দুবার পালা মত নৌকা থেকে জলে ডাইভ করেছিলো শ্রীলতা । একবার কি বুদ্ধি হলো তার মাথায়, গাছের গোড়া থেকে ডিঙ্গির দড়িটা খুলেও দিলো সে নৌকায় উঠবার আগে । নৌকায় উঠে, অন্তেরা কেউ কেউ যেমন তার আগে, ডাইভ দেয়ার আগে সে সেই গিরিমাটি রাজানো বিছানার চাদরের সঙ্গে বাঁধা একটা দড়িতে টান দিতেই পালে বাতাস লেগে গেলো, তরতর করে এগিয়ে গেলো নৌকাটা ।...

ডান হাতের উলের ঘরগুলো বাঁ কাটার তুললে শ্রীলতা। হাসি হাসি মুখে সে ভাবলে, যেন বাথটবে ভাসানো একটা কাগজের নৌকা হঠাৎ বড় হলো আর তাতে উঠে বসেছে কেউ।

আনন্দে উৎসাহে কয়েকজন সাতারু সেই নৌকাকে অনুসরণ করলো। লনের উপরে যারা তারা সেই নতুন খেলা উদ্ভাবিত হতে দেখে হাততালি দিলো, হাসলো হো হো করে।

কিন্তু নদীকে দেখে বোঝা যায় না, তার প্রায় শিখ ঘুমন্ত বুকের কোথায় বিদ্রোহের মতো চপলতা থাকতে পারে। কিংবা কথাটা তা নয়, তার মৃদু শান্ত বুকের আড়াআড়ি একটা তীব্র প্রবাহ থাকে যার কথা জানা যায় না।

দু-এক মিনিটে নৌকার বেড়ে যাওয়া গতির সঙ্গে, গতি তো বেড়েছিলোই, জলের শব্দ হচ্ছিলো নৌকার কাঠে, জল উঁচু হয়ে উঠছিলো আগ-গলুইএর কাছে। শ্রীলতা তখন ভেবেছিলো পালের যে দড়িটা সে ধরে আছে তা কি ছেড়ে দেবে? ভয় ঠিক নয়, কেন না তখনও তো লনের উপরে যারা তাদের হাসি, কথাবার্তা শোনা যাচ্ছে; মনে হয়েছিলো এবার নৌকাকে ঘুরিয়ে নিলে হয়। সাতারুরা, যারা পিছনে আসছিলো, কেউ ফিরে যাচ্ছে, কেউ এক জায়গাতেই সাতার দিচ্ছে, শুধু একজন খুব জোরে জোরে সাতার দিয়ে নৌকাটাকে ধরে ফেললে।

স্বতন্ত্রবাবু নৌকায় উঠে বসলো। ভিজে মুখের উপরে ভিজে চুল। হাসলো সে হো হো করে, যেন খেলার নতুন পর্যায়। শ্রীলতার পাশে বসলো সে, বোঠোটাকে হাতে করলো। লনের উপরে যারা ছিলো তারা কিছু বললে চিৎকার করে, কি বললে বোঝা গেলো না।

নৌকা তখন জোরেই চলছে, নিচে শোত আর উপরে পালের বাতাস। স্বতন্ত্রবাবু বন্দুকটা উঁচু করে ধরে লনের লোকগুলোকে দেখালো, যেন বললে দেখি ছোট নীল দীপটায় হাঁস আছে কি না। সত্যি কি তা ভেবেছিলো সে?

কিন্তু পালে বাতাসটা, তখন নৌকা মাঝ নদীতে এসে পড়েছে, আরও বেশী চাপ দিচ্ছে; তখন হঠাৎ আবিষ্কার হলো যেন নদীটা বাথটব নয়, গোলদিঘীও নয়।

শ্রীলতা, আনাড়ি যেমন করতে পারে, পালের দড়িতে ঢিল দিতেই নৌকাটা বেসামাল হয়ে উঠলো। স্বতন্ত্রবাবুও এমন কিছু জলের পোকা নয়। চিন্তিত মুখে বললে, ছেড়ো না ছেড়ো না, ভেবে দেখি। ওভাবে নৌকা ঘুরবে না বোধহয়।...

শ্রীলতা ভাবলে, (সাড়ে আট পার হয়েছে রাত্রি) এমন মনে থাকে এক-একটা কথা।...

ছাড়া তো নয়ই। ছেড়ে দিলে নৌকা ফিরতো না। বরং একবার তো দড়ি টেনে টান টান রাখতে শ্রীলতাকে শুয়েই পড়তে হলো। ভাগ্যে পায়ের তেলো আটকাতে পেরেছিলো নৌকার একটা আড়াআড়ি কাঠে। তখন স্বত্ববাবুকেও দড়ি ধরতে হয়েছিলো। কি জোর বাতাস।

সত্যি কি ওই নীল দ্বীপটায়...

স্বত্ববাবু বাঁ হাতে দড়ি ধরেছিলো। শ্রীলতাকে বিয়ে তবে ডান হাতেও দড়ি ধরতে পারলে।

খালি গা স্বত্ববাবুর, তখনও জল গড়াচ্ছে। আগার-প্যান্টের উপরে টাণ্ডয়েল জড়ানো। তখন শ্রীলতার মনে পড়েছিলো নিজেকে। পিঠটা একেবারে খালি কোমরের নিচে পর্যন্ত। দু টুকরো সেই দুঃসাহসী স্নানের পোশাক। নাভির নিচে থেকে উরুর কয়েক ইঞ্চি যেমন ঢাকা থাকে এই আধুনিকতায়।

স্বত্ববাবু এমন কিছু মাঝি নয়। লনের নিচে যেখানে তারা জলে নেমেছিলো সেটা বাঁধানো ঘাট না হতে পারে, প্রায়-স্থির শান্ত শীতের জল ছিলো। কিন্তু সেটা সরোবর নয়, জীবিতা নদী।

স্বত্ববাবু বললে, মনে হচ্ছে স্রোতটা আমাদের দ্বীপটার কাছে নিয়ে যাচ্ছে। মাঝ নদী থেকে ফিরতে হলে হাল লাগবে। সে হাসলো। আর ওখানে সত্যি হাস থাকতে পারে হয়তো।

ভয় করছিলো তখন শ্রীলতার। কিন্তু হাসিও তো রাখতে হয় মুখে। তখন লনের উপরে যারা তারা অস্পষ্ট হয়ে আসছে।

স্বত্ববাবু বললে, স্রোতের বোধহয় একটা পয়েন্ট অব নো রিটার্ন থাকে। সেখানে পৌঁছালে স্রোতের হিসাবই মানতে হয়। নিজে থেকে ফেরা যায় না। দেখি ভেবে। স্বত্ববাবু হাসলো। হয়তো দ্বীপে পৌঁছে ঠিক বলতে হবে কি করে নৌকা ফেরে।

না, ডুবে মরার ভয় নয়। নদীটা এখানে বেশ চওড়া আর শাদা। এমন কি সাপা সাটিনে কাঁচের টুকরো আর নয় বোদ পড়ে। এখানে যেন চেউ আর তার গতিটাই আসল কথা। তা হলেও সাঁতার দিয়ে কোথাও নিশ্চয় পৌঁছানো যাবে। কিন্তু...

একটু নার্ভাসভাবে হেসেছিলো শ্রীলতা।

নদীতে সত্যি পয়েন্ট অব নো রিটার্ন থাকে না। কিন্তু তুমি বলতে পারো না, কখন ঝড় উঠবে, অন্তত ঝড়ের মতো বাতাস। তুমি বলতে পারো না, নদীর স্রোতের সেই চেউগুলোই বাতাসকে ভেমন কাছে টেনে আনে কিনা, যেন নিজের

বুকে, কিংবা বাতাসটা তেমন বুকের উপরে ঝুঁকে পড়ে তেমন পাগলামি করতে থাকে বলেই নদীতে তেমন ঢেউ উঠে পড়ে ।

নীল দ্বীপটাকে ছাড়িয়ে যেতে যেতে হঠাৎ ঝাক্সা ঝেয়ে নৌকাটা উল্টে গিয়েছিলো । আগ-গলুইটা যেন বিপদ ঘটালে আটকে গিয়ে কিছুতে । তখন কিন্তু ভয় করার মতো অবসর থাকে না । জ্যাবড়ানো জড়ানো অহুভূতিগুলো বরং মনে থেকে যায় । জলের শব্দ, দ্রুত চোখের সামনে আলোর রং বদলে যাওয়া, কানে শব্দের চাপ । তলিয়ে যাওয়ার অহুভূতি । পাশে আর একটা ঝপাং শব্দ ।

তারপর মাথা তুলেছিলো শ্রীলতা । একটু ব্যথা লেগে থাকবে । কিন্তু কাশতে কাশতে জল বেড়ে ফেলতে মাথা ঝাঁকিয়ে সে হেসে ফেললে । জল সেখানে বড়-জোর উক পর্বত হোঁয় । স্বরতবারু কথা বলতে গিয়ে কাশলো । নৌকাটাই বরং তলিয়ে দূর দূর করে কোথায় চলে গেলো ।

খানিকটা দূরে গিয়ে তারা পায়ের তলায় শুকনো বালি পেয়েছিলো ।

তাকে অবশ্য ঝড় বলে না । জোর বাতাস । আকাশ কালো হয়নি । বরং সেই বেলা ন'টায় দ্বীপের উপরে আকাশ উজ্জল নীল । কিছু ভাঙে নি । কিছু কি হারিয়েছে ?

স্বরতবারু হেসে বললে, বন্দুকটা আর নৌকাটা গেলো ।

বাতাসটা তখন জেগে থাকবে, যখন মধুমালা দিদির জন্ম কেনা কিন্তু ব্যবহার না করা স্নানের জামা যখন পরেছিলো শ্রীলতা ।

স্বরতবারু হেসে বললে, এখানে রোদ থাকলেও বাতাসটা জলো, কারণ বালি ভিজ়ে । চলো শুকনো জায়গায় যাই ।

পিঠে হাত রেখে আবার হেসেছিলো স্বরতবারু ।

হয়তো দ্বীপের বালি উড়ে তেমন হচ্ছিলো । একটা সাদা যেন সাত-আট ফুট উঁচু, পর্দাই যেন, জলের বুকের উপর দিয়ে, যেন তা কুয়াশা. যার ওপারে বাংলোর লন, বাগান সব আড়াল হয়ে গিয়েছে ।

গোল নীল একটা দ্বীপ যার উপরে চকচকে নীল আকাশ, আর পায়ের তলায় ক্রমশঃ শুকিয়ে আসা বালি । যেন টেবলে রাখা গ্রাসবল । যেখানে যে বলের মধ্যে তারা দুজন ছাড়া আর কেউ নেই ।

শীত শীত করছিলো । তা স্বাভাবিকই । সেটা শীতকাল তো । জলে পড়ার আগেও তো সীতরে সীতারের পোশাক ভিজ়েছিলো ।

স্বরতবারু বললে, আমার এই তোয়ালেটা নাও । গা মুছে ফেলো ।

শুকনো বালির উপরে পাশাপাশি বসেছিলো তারা । চারিদিকে বালি উড়ে

উড়ে যেন কুয়াশার পর্দা।

স্বভাবাবলি বললে, তোয়ালেটা পরে ওগুলোকে বরং শুকিয়ে নাও। স্বভাবাবলি শুকিয়ে ওঠা পিতল-হলুদ শরীর, যা হাল্কা, যাতে কিছু পেন্স উঁচুনিচু ছিলো, চোখে পড়ছিলো শ্রীলতার।

শীত শীত লাগছিলো তা মিথ্যে নয়। শ্রীলতা বলেছিলো, শীত শীত লাগছে।... শিউরে শিউরে উঠছিলো শরীর।

আর তারপর তারা একটা পরিচ্ছন্ন ছোট বালিয়াড়ির শুকনো কবোফ চালে শুয়ে থেকেছিলো। কবোফ শীতের রোদ। পাশে রাখা স্নানের পোশাক শুকিয়ে উঠছিলো।

না, দ্বিতীয়বারে কিন্তু তেমন মনে হয় না, যে এক ঘনিষ্ঠে আসা স্নান অন্ধকারে এক পিরামিডের উপরে তুমি পড়ে আছ। কারণ পাশে দু'কনুই নিজের শরীরের তার রেখে পিঠে রোদ নিয়ে স্বভাবাবলি।...

আয়নার দিকে মুখ ফিরালো শ্রীলতা। সে কি কিছু ভাববে?...

ঝড় নয় ঠিক। বরং বাতাসে বালি উড়িয়ে একটা কুয়াশার কবোফ ঘের। যা উজ্জল, সাদা, কিন্তু ভিতরে তোমরা একা, ওপারের কোন ঘূর্ণের কিছু দেখা যায় না।...

কিন্তু এটা তো হোটেল। আর সেটা তখন ছিলো হোটেলের পোর্টিকো মাকা লাউঞ্জ, শ্রীলতার বাংলা নয় যার লনে ছেলেরা খেলতে খেলতে ক্লান্ত হয়ে আয়ার সঙ্গে হাত-পা বুতে গেলে ক্লান্ত শ্রীলতা হয় গরম ঘাসে কিংবা বাগানের বেতের চেয়ারে বসবে।

তা ছাড়া টুটুল নতুন ব্যাট পেয়েছে। দোতালায় উঠবার সিঁড়ি পর্যন্ত গিয়ে দু'ভাই-ই ফিরে এলো আঁককে নিয়ে।

কোথায় খেলবি?

টুটুল দোতালার জানলা থেকে হোটেলের পশ্চিম দিকে একটা ছোট লন দেখতে পেয়েছে। আঁকাকে বললে শ্রীলতা, তুমি একটু সঙ্গে থেকো। দেখো জানলার কাঁচ-টাচ না ভাঙ্গে।...

পুরুষবা কিন্তু ভয় পায়, যেন কাঁচের গুতুলের হাত-পা কিছু ভেঙ্গে ফেলেছে। অনেক পরে, তখন স্বভাবাবলি ভাবতে শুরু করেছে কি করে ফেরা হবে, তখন প্রায় বিকেল হতে চলেছে, অনেক মাহুষের গলার শব্দ, মোটর বোটের শব্দ শোনা গিয়েছিলো সেই কুয়াশা ভেদ করে।

* সব চাইতে আগে নেমেছিলো মধুমালা দিদি।

একজন বললে বন্দুকের শব্দ করলে না কেন ? নৌকো ডুবলো যখন।

অন্ত একজন হেসে বললে, ইঁদ মারতে মারতে গুলি ফুরিয়ে গিয়েছিলো।

স্বত্বতবাবু বললে, তোমার কিছু অসুবিধা হয়নি তো, মধুমালী ?

এখন দেখছি হবে, মধুমালী হাসলো, রাজির ভোজের মাংসগুয়ালাকে বলে দিয়েছি এত ইঁদ আসছে যে, মুরগী-টুরগী দরকার হবে না। নৌকো ডুবলো কি করে ?...

যেতে যেতে আন্টী শ্রীলতার পাশে থেমে দাঁড়ালো। বললে, লতাদিদিমনি, ইনি আমাদের চন্দননগরের জামাইবাবু নয় ?

ওমা ? সে কি ? ইনি তো কমরেড ঘোষ। আজই প্রথম দেখছি এঁকে।

আন্টী বিব্রত হয়ে টুটুল-মিটুনের সঙ্গে চলে গেলো।

আর শ্রীলতা বললে, স্বত্বতবাবু, মধুমালীদিদির সেবার কি ছেলে হয়েছিলো, না মেয়ে ? অনেকদিন সংবাদ রাখা হয় না।

—মেয়ে।

—নিশ্চয় দিদির মতো হয়েছে। কি নাম রেখেছেন ?

—শ্রীলতা।

—ওমা ! সে কি !

বিব্রত হয়ে যেন চোখ নামালো স্বত্বতবাবু। ..

দুহাত থেকে উল কাঁটা নামিয়ে দু হাতের আঙুলগুলোকে একত্র করে ফোটাতে শ্রীলতা। মাথার কিছু উপরে হাত তুলে আলসেমি দূর করলে। আয়নার নিজেদে দেখে যেন বিস্মিত হলো। ...

পরের দিনও উৎসব ছিলো। রাতের খাওয়া শেষ হলে কাছের অতিথিরা চলে গেলে, আর দুয়ের যারা, তারা যখন নিজেদের ঘরের দিকে একে একে যেতে শুরু করেছে, হাই তুলে তুলে, শ্রীলতা বলছিলো, আমিও একটু ঘুরে আসি না কেন বাড়ি থেকে ?

—তুই যে ক'দিন থাকবি বলেছিলি। বললে মধুমালী।

—কাল সকালের দিকে ফিরবো।

—এত রাতে যাবি কি করে ?

ওদের হাসাহাসির মধ্যে শ্রীলতা একা গাড়ি নিয়ে চলে এসেছিলো। নিজেদের বাংলোর হাতায় ঢুকে খুব জোরে জোরে ইলেকট্রিক হর্ণ বাজিয়ে গাড়ি যখন পার্ক করলো, রাত দুটো বাজে।

দরওয়ান দরজা খুলে অবাক। দোতলার ল্যান্ডিং-এ শ্রীযুত মিত্র অবাক।

...শ্রীলতা হাসলো আবার উল হাতে নিয়ে ।...

শ্রীলতা বলেছিলো, রসো, স্নান করে আসি ।

মিত্র বললে, ওরা কোথায়, টুটুল, আদি !...

—এমন করে এলে যে একা ?

—আহাআ ।

অনেক গরম জল আর সাবান দিয়ে যেন পথের ধুলো থেকে মুক্ত হয়ে শ্রীলতা ঘরে গিয়েছিলো ।

মিত্র গন্তীর মুখে বলেছিলো, অস্ত্রের বিয়ের উৎসবে মেয়েদের কিন্তু নিজের বিয়ের কথা মনে পড়ে যায় ।

—ভারি জানো ।

ক্ষতিপূরণ...

স্বামীর বুকের সঙ্গে আদরে গলে যেতে যেতে শ্রীলতা বলেছিলো, আমাকে কিন্তু একটা জিনিস দিতে হবে ।

—কি এমন ?

—আহা না । শোন কাল সকালে আমাকে দু' হাজার ক্যাশ দিওতো । একটা নৌকো হারিয়েছি, একটা শটগান ।

শ্রীলতা হেসে হেসে নৌকাডুবি আর বন্দুক হারানোর গল্পটা করেছিলো । জেলেটির খোঁজ পাওয়া গিয়েছে । আর বন্দুক মধুমালাদিদির পাশের বাড়ির ওদের ।

মিত্র বলেছিলো, তাও ভালো । আমি ভাবি টুটুলের বয়স তো হবে এক বছর, এখনই...

সেদিন শ্রীলতার পরনে ছিলো সোনালি হলুদ শিফন । আজ, বিকেলে কেন সকাল থেকেই সূত্রতবারুর পরনে ক্রোম-হলুদ ফ্রান্সেলের জামা ছিলো । আর, এক জন কিন্তু সত্যি ভাবেনি, কমরেড ঘোষ সূত্রতবারুই যখন প্রথম শুনেছিলো একজন কমরেড আসছে ।

শ্রীলতা বললে, আপনি অধ্যাপক ছিলেন তখন সূত্রতবারু ।

—এখনও ।

—এরা বলছে কমরেড ।

—ট্রেড ইউনিয়ন ফ্রণ্টে কাজ করতে ভালো লাগে ।

চা শেষ হয়েছিলো তখন ।

শ্রীলতা বললে, হঠাৎ তার হাসি পেয়েছিলো যেন তারপর যেন তার খুঁজির

বাইরে গেলো ট্রেড ইউনিয়ান আর একটা ফার্মের প্রেসিডেন্টের পাশাপাশি অবস্থানের ব্যাপারটা।

—কিন্তু আপনি কি মালিকদের একজনকে শুভযাত্রা জানাতে আসেননি ?

স্বত্বভাবু হেসে বলেছিলো, কোম্পানির লাভে ট্রেড ইউনিয়ানেরও লাভ। মিস্টার মিটারের সঙ্গে আলাপও করা বটে। আমাদের এর আগে দেখা হয়নি তো !

—ওরা যদি বলে কমরেড ঘোষ মালিককে খোশামোদ করছিলো ? শ্রীলতা হেসেছিলো।

—মিথ্যা বলবে না। ওর কোম্পানিতে যে রিঅ্যাকশনারী পার্টির ইউনিয়ান পাকাপাকি হয়ে বসেছে তাকে সরাসরি গেলে আমাদের মালিকের সঙ্গে ষাতির রাখেতে হবে। মালিকের সঙ্গে সহযোগিতা করবো বলেই আমি এসেছি।

দুজনেই হেসে উঠেছিলো।

কি যে তাড়াতাড়ি ঘটে।...

তুমি কি স্বত্বভাবুর রাজনৈতিক কৌশলটাকে ময়লা মনে করবে ? ছেলেমানুষি নয় ? কি জানি এতে হয়তো কাজ হয়। হয়তো মালিকপক্ষও একে প্রশ্রয় দেয়। পুরুষদের রাজ্যের সংবাদ নাকি এটা, পুরুষালি ব্যাপার ?

কিন্তু সন্ধ্যা হওয়ার আগেই ছেলেদের নিয়ে আঙ্গি ফিরলো। আর সোফারও। কথা ছিলো বেলা চারটেতে ফেরা হবে। তখন থেকে প্রস্তুত হয়ে অপেক্ষা করছে সোফার। এখন তো প্রায় পাঁচটা হয়। সন্ধ্যা ঘোর হওয়ার আগেই পৌঁছে যাওয়া যায় এখনও রওনা হলে।

চারটেতে ফেরার কথা এখন সে সময়টা পার করে দিয়েছে শ্রীলতা। যেন ব্যস্ত হয়ে উঠেছিলো শ্রীলতা। সোফার, আঙ্গি, টুটুল-মিটুন, স্বত্বভাবু সবাই, সবাই যেন সিদ্ধান্তের জন্ত চেয়ে আছে শ্রীলতার দিকে। এই সময়েই ফেরার কথা। সিদ্ধান্ত তো আগেই নেয়া আছে।

অবশেষে শ্রীলতা বলেছিলো, আঙ্গি যাবে ফিরে টুটুল-মিটুনকে নিয়ে। টুটুল বলেছিলো, তুমি থাকবে, মা, এখানে একা ?

আর সেজন্তেই যেন সিদ্ধান্ত পাণ্টে নিয়ে সোফারের সঙ্গে আঙ্গিকে পাঠিয়ে দিয়েছে শ্রীলতা।

সিঁড়ি দিয়ে নেমে শেষ ধাপের উপরে দাঁড়িয়ে টুটুল-মিটুন আঙ্গার যাওয়া দেখলে।

স্বত্বভাবু বললে, বেশ ছেলেরা তোমার। টুটুল তো একেবারে মিস্টার মিটার যেন।

—মিটুনও আমার কম নয়। ছয় হচ্ছে এবার।

—হ্যাঁ, মিটুনও ভালো।

বয়সের কথা যদি বলো, টুটুলের আট হলো। মিস্টার মিটারের ছত্রিশ-সাঁইত্রিশ। শ্রীলতার আঠাশ। সেদিক দিয়ে স্বত্বভাবুই সবচাইতে অভিজ্ঞ। হয়তো পর্য্যতাশ্রিত। কানের কাছে চুলে যেন মরচে ব্লং কিছু। চোখের কোণ কিছু কৌচকানো। কিন্তু চকচকে চোখ। ক্রোম-হলুদ জামা, আর রোদে-পোড়া পিতল রং-এর মুখ। মনে হয় না—বেশ কিছু অভিজ্ঞতা আছে।

আর রঙের কথা যদি বলো, টুটুল বরং শ্যামল। আর মিটুন সোনালি।

তখন শ্রীলতা উঠে দাঁড়িয়েছিলো। দোতলায় তার স্থাইটের দিকে যেতে যেতে লাউঞ্জ পার হতে হতে হেডওয়েটারকে পেয়ে বলেছিলো সাত নম্বরে আজ চারটে ডিনার। দুটো সাতটাতেই। হলে। আর দুটো ঘরে আটটার পরে, কিংবা খবর দেবো যখন।

মায়ের ভুল ঘরে হেসে টুটুল বলেছিলো, আমরা তো আজ লোক তিনজন। চারটে বললে কেন? বাবা ডুবাইতে এতক্ষণে।

হেসে স্বত্বভাবু বললে, বেশ বুদ্ধিমান ছেলে তোমার শ্রীলতা।

হেসেছিলো শ্রীলতা। বলেছিলো, ডিনার আটটায়।...

এখন নটা হতে যায়।

ডান হাতের পিঠে চৌঁট আড়াল করে হাই তুললো শ্রীলতা।

টুটুল-মিটুন এতক্ষণে ঘুমিয়ে পড়েছে। হ্যাঁ স্বাস্থ্য ভালোই ওদের। ভালো রাখতে পেরেছে শ্রীলতা। গড়ন আলাদা হয়, মিটুন হয়তো বড় হলেও ছিপছিপে হবে। কিন্তু স্বাস্থ্য নিশ্চয় ভালো রাখতে পারবে।

সাতটাতে ঠিক সাতটাতে, চিরদিন যেমন, হলে বসে ছেলেদের ডিনার খাইয়েছে শ্রীলতা। তার বাড়িতেই তাই নিয়ম। একসঙ্গে খেলে ছেলেদের দিকে চোখ রাখা যায় না। পেট ভরে না, কিংবা বাজে জিনিসে ভরায়।

আর তারপরে ওরা যখন খাচ্ছে, শ্রীলতা আজ উঠে পড়েছিলো। বলেছিলো, তোরা খেয়ে আয়। একা একা সিঁড়ি চিনে উঠবি। সে বেশ মজা হবে।

আর শ্রীলতা ঘরে এসে স্নান করে নিয়েছিলো, শাড়ি পাটেছিলো। অলঙ্কারে বদলটদল করতে শুরু করেছিলো।

তারপর দুই ছেলের খাটের মাঝখানে চেয়ারে বসে গল্প বলতে শুরু করেছিলো। তার বাড়িতেও তাই নিয়ম। তাতে ছেলেদের ঘুম ভালো হয়।

তখন টুটুল জিজ্ঞাসা করেছিলো, শ্রীলতা সিনেমায় যাবে কিনা।

শ্রীলতা গল্প বলেছিলো। সে-সব গল্পই হয় রাশারণ-মহাভারতের, কখনও একটু ঘুরিয়ে রূপকথার সঙ্গে তাকে মিশিয়ে দিয়ে।

শ্রীলতা বলেছিলো : এক রানী একদিন দেখলে তার বড় ছেলেটা বড় একা একা। সে তখন ভগবানকে কত বললে, ঠাকুর আমার সোনার টুটুলের একটা ভাই এনে দাও, বন্ধু এনে দাও।

টুটুল বললে, এ তোমার রাম-লক্ষণের গল্প।

—ওমা তাই।

মিটুন বললে, আমি লক্ষণ।

টুটুল বললে, তার চাইতে রানী যদি মন্তর জানতো আর যদি অর্জুনের মতো একটা ছেলে হতো ভালো হতো। জানো মা, এঞ্জিনীয়ার সাহেবের ছেলে আমাকে বলে আমি কোনদিনই ভালো তীরন্দাজ হবো না। যদি আমাকে অর্জুনের মতো ভাই দিতে, সে যদি উড়ন্ত হাঁস মারতে পারতো, রবিনহুডের মতো, তাহলে মণ্টু খুব জন্ম হয়।

—ওমা, তাই ? একদিন তো রানী এক সন্ন্যাসীকে পেলো। অনেক ক'রে বললে তাকে আমার বড়ছেলেকে একটা বন্ধু দাও, ভাই দাও। সন্ন্যাসী কোমর থেকে একটা শিকড় দিয়ে বললে যান করে ভিজ্ঞে চুলে ভিজ্ঞে কাপড়ে খেয়ে নিস।

টুটুল বললে, আমি কিন্তু বড় হলে লর্ডগট্ হবো।

—সে কি ?

—সেনাপতি।

—না, তুই হবি একজন মন্তবড় এঞ্জিনীয়ার।

—বাবার মতো ?

—হ্যাঁ। তুই সাবমেরিন তৈরি করবি, জাহাজ তৈরি করবি। মিটুন জামা খুলেছিস কেন ?

মিটুন বললে, আমি কি হবো মা ?

হাসলো শ্রীলতা। তুই একটা নাগা সন্ন্যাসী হবি।

তারপর তারা ঘুমিয়ে পড়েছিলো।...

আর কি উল বুনবে শ্রীলতা ? রাত বেড়েছে। এখন বরং শীত শীতই লাগছে। এদিক-ওদিক চাইলো সে। হাসলো। না একে কি তুমি কোনভাবেই নীল বলতে পারো ? যেন অভিজ্ঞতার রং সাদা বাদামীতে মেশানো।

সেই নোকাটার সেই বিছানার চাদরের মতো ছোট পালটা কিন্তু ছিলো যেন গেরিমাটিতে রাঙানো। থাকে গৈরিক বলে।

শ্রীলতা ঘড়ির দিকে চাইলো। নটা বাজে। একেবারে অবাক হ'য়ে গেলো যেন সে। পর্দা ফেলা থাকলেও দরজা তো খোলাই আছে। সে কি একবার উঠে দেখবে ?

তুমি এখন হঠাৎ ভয়ানক আশ্চর্য হ'য়ে যাবে ? এসব কি কাণ্ড ? এই রাত জেগে বসে থাকা ?...

এখন সকাল হয়েছে। সকাল ক'রেই উঠেছে শ্রীলতা। এখন অনেক কাজ তার। একদিনের জন্ত আসা তবু দুটো স্টকেশ এনেছে। তা থেকে যা বেরিয়েছে তা আবার ভরে নিতে হবে। গাড়িটার ব্যবস্থা করতে হবে। ছেলে দুটোকে সাজিয়ে নিতে হবে। ব্রেকফাস্ট করেই রওনা হবে তারা। কাল বিকেলেই তো ফেরার কথা ছিলো।

টুটুলের ত্রাশে পেস্ট দিয়ে, মিটুনের ত্রাশ নিজে নিয়ে মিটুনের দাঁত মাজতে বসেছে সে বাথরুমের দরজার কাছে। মিটুন মিষ্টিমিষ্টি পেস্ট খেয়ে ফেলে, নয় মোটেই মুখে দেয় না ত্রাশ। টুটুল ত্রাশ নিয়ে খুব গন্তীর হয়ে পায়চারি করে আর দাঁত মাজে। কি ক'রে যে ছেলেরা যার যার বাবাকে নকল করে। আশ্চর্য নয় ?

কাল রাতে দরজা খুলে বাইরে গিয়ে প্রথমে বারান্দায়, পরে ল্যাণ্ডিং-এ গিয়ে দাঁড়িয়েছিলো শ্রীলতা। তখনও হোটেলে অনেক আলো ছিলো। কিন্তু আলোটাকে হলদে আর বাদামী মনে হয়েছিলো। রাত ন'টা, তবু যেন ক্রান্ত রাতজাগা আলো।

সে বরং শুতে গিয়েছিলো।

তখন টুটুল বেশ ভালো ঘুমাচ্ছে। যেভাবে ঘুমায়। ডানপাশ ফিরে ডানহাত তুলে বাঁ কাঁধের উপরে রেখে। ঠিক যেন, হেসেছিলো শ্রীলতা, গমলিং মিটারের প্রেসিডেন্ট, শুধু ঠোঁট দুটো এখনও লাল।

কিন্তু—

ভয় পেয়ে গিয়েছিলো যুদ্ধভাবে শ্রীলতা। মিটুনের বিছানায় সে তো নেই। খুঁজতে বেশী হয়নি। অল্প শোবার ঘরটিতে ঢুকে শ্রীলতা দেখেছিলো মিটুন মায়ের বিছানায় উপড় হয়ে শুয়ে, একেবারে নাগা সরসী। আচ্ছা—সত্যি কি ও কখনও একা একা বোঁধ করে ? তা কি সম্ভব ? ঝগড়া করে না, কিন্তু যেন পৃথক হয়ে থাকতে চায় আর সকলের থেকে। কিন্তু তা কি সম্ভব ? হঠাৎ নিজের শোবার ঘরেই টুটুলের পাশে তার থেকে পৃথক মনে হয়েছে নিজেকে ? নাকি ভয় পেয়ে-ছিলো ? তাই মায়ের বিছানায় ?

ইস্। কি ঠাণ্ডা। এই শীতে যেন বরফে স্নান করে উঠেছে। দেরি করতে পারলো না শ্রীলতা। তাড়াতাড়ি মিটুনের পাশে শুয়ে তাকে বুকে জড়িয়ে ধরলে,

যেন নিজের গায়ের উত্তাপ দিয়ে তার গা গরম করে ফুলবে ।

টুটুল দাঁত ত্রাশ করতে করতে পায়চারি করছিলো । সে ভাড়াভাড়ি এসে বললে, দেখো কাণ্ড ! ক্যাটের দরজা খোলা ? কে খুললো ? সারারাত খোলা ছিলো নাকি ?

—ওমা ! তাই ?

ভাড়াভাড়ি মুখ ধুয়ে দিলো মিটুনের শ্রীলতা । টুটুলকে বললে ভাড়াভাড়ি স্নান করে নে । ব্রেকফাস্ট খেয়েই বেরিয়ে পড়ার ইচ্ছা ।

মিটুনের মুখ মুছে দিলো শ্রীলতা । তার লাল গোলাপের মতো ঠোঁট ভাঙচুর হ'লো । তার তা দেখে সেখানে চুমু খেলো শ্রীলতা ।

টুটুল বললে, মা, আমি কিন্তু কোনদিন একটা পাইনে ওখানে ।

শ্রীলতা হেসে বললে, আয়, আয় স্নান করি । ব্রেকফাস্টের আগেই গাড়ির দোকানকে টেলিফোন করতে হবে ।

তিনজনে স্নান করতে শুরু করলে তারা । তত গরম নয় জল । ঠাণ্ডাই । শীত শীত করে । শ্রীলতা বললে, সাহস করো । সেও সাহস ক'রে প্রচুর সাবান দিয়ে অনেক ঠাণ্ডা জল ঢেলে স্নান করতে শুরু করলো । টুটুল মিটুনও কম যায় না । মিটুন তো টবে ঝাঁপিয়ে পড়লো ।

মিটুন ভিজ়ে শাড়ীর আড়ে মায়ের বুক দেখতে পেরেছিলো । ছুটে এসে কোলে বসে মুখ লাগালো ।

শ্রীলতা বললে, ছাড়, ছাড়, দস্তি, নাগা কোথাকার ।

টুটুল বললে, তুই আর বড় হবি না, মিটুন ।

তিনজনে খিল খিল করে হেসে উঠলো ।

শীতে কাঁপতে কাঁপতে ঘরে এলো তারা ।

আয়, আয়, জামা পর । কোনটা পরবি কে ? টুটুল তুই এই ইস্পাতনীল স্ফাটটা নে । মিটুন বললে, সোনারটা পরবো ।

—আচ্ছা বোকা. ওটা কি সোনা ? উলের ? হাত দিয়ে দেখ । আর রং ফ্রোম ইয়লো । জরদা, তাই নয় মা ? টুটুল বললে ।

পর, পর আমার শীত লেগে গেলো । শ্রীলতা বললে আবার হেসে । ছেলেদের জামা পরিয়ে (ইস্পাতনীলে টুটুল, মিটুন ফ্রোমইয়লো অ্যাক্ট) টেলিফোন করলে গাড়ির দোকানে শ্রীলতা ।

না, তাদের কোন আপত্তি নেই । ন'টার গাড়ি পৌঁছে দেবে হোটেল ।

সাত্বে আটাই ব্রেকফাস্ট শেষ হয়েছে । ন'টাতে গাড়ি এলো । হোটেলের জন্ত

একটা আর গাড়ির জন্ত একটা দুটো চেক্‌ সই করলো শ্রীলতা। এটা তাদের অরেন্ট অ্যাকাউন্ট। তা, এটার কিছু বৈশিষ্ট্য আছে। অনেক চেক্‌ অবশ্যই সই করতে হয় গমলিং মিটারের প্রেসিডেন্ট মিস্টার মিটারকে। এটা যে বিশেষ কি অ্যাকাউন্ট তা বর্ণনায় ধরা পড়ে না। সব খরচই তো দুজনের। তা হলেও এটা পৃথক। বলবে কি খেলার? অন্তত একটা বৈশিষ্ট্য দেখো। এটার মিস্টার মিটারের সই পরিষ্কার বাংলা হরফে শুভব্রত মিত্র। প্রত্যেকটা অক্ষর যেন স্নিগ্ধ, স্পষ্ট, যেন খেলার হাসিতে ভরা। সেই সই-এর তলে তলে নিজের নাম সই করলে শ্রীলতা। যেন যৌথ জীবনের প্রমাণ। আর কত স্নিগ্ধ।

লাল টক্টকে সিঁদুর রঙের ছোট্ট গাড়ি। যেন লনে টুটুল মিটুনও অনায়াসে চালাতে পারবে বলেই কেনা। খেলনা বললে হেসো না।

পিছনের সিটে দু'ভাই পাশাপাশি, শ্রীলতা চালাচ্ছে।

তা, এ ভাবেই তো দু'ভাইয়ে সারাজীবন পাশাপাশি থাকতে হবে। হ্যাঁ, তাদের সম্বন্ধে পরিকল্পনা আছে শ্রীলতার।

শ্রীলতা খুব উচ্চাভিলাষী তার ছেলেদের সম্বন্ধে। দোষ কি তাতে। তার মনের নিভৃত্তে, যেন তা এক নীল নীল দ্বীপই, যেখানে সে তাদের লালন ক'রে কেউই তার খবর পেতে পারে না। স্তব্রাং কেউ তাকে ঠাট্টাও করতে পারবে না।

ইস্পাতনীল স্যুটে স্নন্দর দেখাচ্ছে টুটুলকে। সে এঞ্জিনীয়ারই হবে। তার বাবার চাইতেও বড়। এমন এক এঞ্জিনীয়ার যে দেশের জন্ত নতুন সাবমেরিন, নতুন ফাইটার তৈরি করে দেবে।

কাউকে কাউকে কিন্তু হলুদ হলুদ, ক্রোম-ইওলোই বলা, জামায় বেশ দেখায়। তা লাগে কেন? সন্ন্যাসীরা কি সে ধরনের রঙের জামা পরে ব'লে?

নৌকোর সেই পালটার রং ছিলো কিন্তু গেরুয়া, গৈরিকই বলতে পারো। আবার দেখতে পেলো মিটুনকে সে গাড়ি চালানোর আয়নায়। ক্রোম-ইওলো (নাকি পীত?) জ্যাকেটে, যেন সূর্যমুখী ফুলের মতো।

মিটুন সম্বন্ধে সে এখনও কিছু ঠিক করেনি। সে কি ইণ্ডাস্ট্রির প্রেসিডেন্ট হবে কিংবা অধ্যাপক, কিংবা ট্রেড ইউনিয়ন নেতা? কেমন অবাক হয়ে দেখছে না? সে ভাবছে হয়তো এমন ভারি ভারি ট্রাক, লরি, বাস এ সবের মধ্যে দিয়ে খেলনার মতো সিঁদুরে রঙের ছোট্ট পলকা গাড়িটাকে যা কেমন মন্থণ সহজভাবে চালিয়ে নিতে পারে যখন চারিদিকে বিপদের মতো ঘেঁরে আসে বড় বড় গাড়ি।

শ্রীলতা ভাবলো, তুমি বলতে পারো না। কেমন যেন একটু গোলমালে, একটু অসাধারণই বলতে হবে। তেমন হলে সে পরে কি সন্ন্যাসী হতে চায়। সন্ন্যাসীরা

হলুদ পোশাকও পরে কখনও কখনও ।

হয়তো সন্ন্যাসী হ'লেই তাকে মানায় সেই অসাধারণের অস্তিত্ব । অসাধারণই নাকি ? হঠাৎ যেন জল এসে যেতে পারে শ্রীলতার চোখে । হয়তো তাই মানায়, সন্ন্যাসী হওয়াই মানায় । কোনদিনই অস্ত্র কোন পুরুষের সাহায্য নিতে হয় না— আর তাই যেন ভালো । কিন্তু...তারা পৃথিবীর বুকের উপর দিয়ে হেঁটে যায়, খুব নরম পায়ে সে চলা । আঘাত দিতে তো চায় না । কিন্তু তাতে কি লজ্জা সবেও পৃথিবী বলে না তুমি যেয়ো না, তুমি যেয়ো না । ঠিক মায়ের মতো ? তবু সে চলে যেতে থাকে যেন এক স্থনীল আকাশের খোঁজে । আর যেন তার চলে যাওয়া পৃথিবীকে বলতে থাকে তুমি পাপী । সকলকে জানিয়ে বলে না, ব্যথা দেবার অস্ত্র বলে না, মনে করিয়ে দেয় শুধু, শুধু চলে গিয়ে ! ...তাই যেন মানায় এসব বেলায় ।

আর কত নীল, কত গভীর নীল হয় সেই সন্ন্যাসীর আকাশ । শ্রীলতা ভাবলে, না পৃথিবী, না মেয়েমানুষ, আমরা এই সন্ন্যাসীদের মনকে কিছুতেই বুঝতে পারি না । কত নীল আর কোথায় সেই নীল আকাশ ।

শ্রীলতা হাতের পিঠে চোখ ছুঁইয়ে নিয়ে ভাবলে এখনও কত ছোট মিটুন, কতটুকু দেখছে না ? হলুদ জ্যাকেটের বড় বড় কলারের মধ্যে ওর মুখটা সূর্যমুখীর মতোই দেখাচ্ছে । সে হাসলো ।

ঠোঁটের কোলে প্রায় নিঃশব্দ শিবে একটা গানের কলি ফোটাতে ফোটাতে পটুহাতের ঠিঝারিং-এ বিপদের মতো বেয়ে আসা কালো, খুসর ট্রাক, লরি ।

বাসের মধ্যে দিয়ে সহজ মৃদু গতিতে লাল খেলনার মতো নতুন গাড়িটাকে চালাতে লাগলো শ্রীলতা হাসি হাসি মুখে পথের নিরাপদ গলিগুলোকে চকচকে চোখে খুঁজে খুঁজে ।

পায়রার খোপ

রানী স্বর্ণমারী জুবিলি হাইস্কুলের অ্যাসিস্ট্যান্ট টীচার গগন আচার্য স্বপ্ন দেখছিল নিজের বাড়িতে বিছানায় শুয়ে। ভোরের স্বপ্ন, যে স্বপ্ন নাকি সত্য হয়।

অ্যাসিস্ট্যান্ট টীচার বলতে সাধারণত যে তরুণ বয়সের একজনকে মনে আসে, তেমন নয়। গগন আচার্যর বয়স এবার ষাট হল। পাড়ার বয়স্ক লোকেরা বলে গগনবাবু, ছেলেরা বলে দাছ। চাকরি প্রায় শেষ হয়ে এল। আর দু মাস আছে। ষাটেই চাকরি যাওয়ার কথা, যদি না যায় তবে তার একমাত্র কারণ হবে যে সে উদ্বাস্ত। না, না, না। আর কোন কারণ নেই। সে মনে রাখতে চায় না। সে একেবারে ভুলে যেতে চায়। সে সেই ব্যাপারটার দরুন কোন হুঁসিধা নিতে চায় না। সেই চল্লিশ বছর আগেকার ঘটনা। তখন তার বয়স উনিশ-কুড়ি হবে। এখন রোগা-রোগা হাড়েমাসে জড়ানো তামাটে রঙের এক বুড়ো মানুষ, মুখে অবিকারশ সময়ে দু-একদিনের দাড়ি, বোলাটে চোখ, মাথার সাদা চুল কঁাকা হয়ে যাচ্ছে।

আজ সে স্বপ্ন দেখছিল পায়রার খোপটার দরজা কী করে কার ভুলে আবার খোলা ছিল, আর আজ আবার সেখানে কিছু হেঁড়া পালক পড়ে আছে যা প্রমাণ করবে আবার সেহঁ অন্ধকার থেকে তৈরি ভাম এসেছিল আর আর-একটা পায়রা কমেছে। স্বপ্নে যেমন হয়, কিছুতেই হাত উঠছিল না, কিছুতেই পা দুটো তাকে বইতে পারছিল না, এমনকি চেষ্টা সবেও সেই ভামের চেহারা নেয়া অন্ধকারকে যে দূর দূর বলবে এমন শব্দ কিছুতেই তার মুখে তৈরি হচ্ছিল না।

চাপা বোবা কান্নার মতো শব্দ করে সে উঠে বসল। না, স্বপ্ন সে মানে না। স্কুলে সে বিজ্ঞান পড়ায় না? সে তো সেই সেকালে চল্লিশ বছর আগে বি-এসসি পাশ করেছিল বটে। স্বপ্ন ফলে, এরকম বিশ্বাস সে করে না। স্বপ্নের অস্ত্র রকমের ক্ষমতা আছে অবশ্য, তা মিথ্যা হলেও শরীরটাকে যেন থেঁতলে দিয়ে যায়। ঘুম ভেঙে গেলেও উঠে বসলেও হাত পা চলতে চান্ন না। ক্লান্তিতে গোটা শরীরটাই ধুকতে থাকে।

পাড়ার হোমো-ডাক্তার বলেছে এমন সব স্বপ্ন দেখার কারণ নাকি ডিস-পেপসিয়া। তা, ঘুমের থেকে উঠে এখন মুখের মধ্যে বিশ্বাদ লাগছে বৈকি।

সে বিজ্ঞানের মাস্টার বটে। সে মনোবিজ্ঞানের বিষয়ও কিছু কিছু শুনেছে।

তার রাশে পড়ানোর ফিজিক্স কেমিস্ট্রির তুলনায় কিন্তু সে বিজ্ঞানকে বরং নভেল-টবেলের মতো ধোঁয়াটে আর কাল্পনিক মনে হয়। তারা, তা সত্ত্বেও, স্বপ্নের এক-রকম ব্যাখ্যা করে।

পায়রার খোপ একটা সত্যই আছে তাদের বাড়িতে। কাল রাত্রিতে শোবার আগে কি কেউ কমে-আসা পায়রাগুলো সম্বন্ধে কিছু বলছিল, সেজ্ঞাই কি স্বপ্ন? তাও যদি হয়, কী ব্যাখ্যা কাল সকালের স্বপ্নের?

গরম, গরম। গরমের স্বপ্নই সে দেখছিল। গরম, জালা। আগুন নয়, জালা। কাল ভোরের স্বপ্ন, সে স্বপ্ন যেন সেই জালা থেকে পরিভ্রাণের জন্ত। আরও জল, আরও গভীর জল, পুরু জলের প্রলেপ। নদীর তলার জলে, স্ফটিকের থামের মতো একটা বৃষ্টিধারার মধ্যে ডুবে গিয়ে, ঢুকে গিয়ে সে জালা তুলে স্থির হয়ে যেতে চাইছিল। যে জালায় প্রতি রোমকূপ পুড়ে উঠছে, কপালের খুলির নিচে যেন গ্রীষ্মের একশ চল্লিশ ডিগ্রি তাপ। আর সে তাপে অবিরত চেষ্টা করেছে যে জলের থামের মধ্যে ঢুকতে পেরেছে তাকে আরও শীতল করতে, যেন তা সমেত নদীর গভীর তলায় তলিয়ে যেতে।

ভয়ে ঔঁ ঔঁ ক'রে তার ঘুম ভেঙে গিয়েছিল কাল। দু-এক মিনিট যেন বুঝতেই পারেনি কোথায় আছে সে। সারা শরীর ভিজ্জে। সারা মুখে জল। খুব কঁাদলে যেমন নাকেও সর্দি হয়, সে উঠে বলে কৌচার খুঁটে নাক মুছেছিল।

অবশেষে সে আশ্চর্য হয়ে দেখেছিল সে তার নিজের ঘরেই বটে। চোখের মণি দুটিকে যেন ঝানিকটা ঠেলে এগিয়ে দিয়ে তবে সে দেখতে পায়। তেমন করে দেখেছিল ব্রজবালা (কী আশ্চর্য, ব্রজবালাই তো তার জ্যীর নাম) মেঝেতে বসে সেই ভোরে নেকড়া ছিঁড়ে ছিঁড়ে সলতে পাকাচ্ছে। সলতে। আশ্চর্য, কত সলতে লাগে সন্ধ্যাবেলায় তুলসীতলায় প্রদীপ দিতে? সেই সন্ধ্যায় প্রদীপ দেয়া হবে তার জন্ত দুপুরে, রাতে, এই সকালে.....

আজ কিন্তু ব্রজবালা সলতে পাকাচ্ছে না বন্ধ ঘরের মেঝেতে বসে।

গগনবাবু দেখলে দরজা খোলা। তাহলে ব্রজবালা আগেই উঠে গিয়েছে। সে বিছানা থেকে নেমে ঘরের মেঝেতে দাঁড়াল।

অবশ্য, অজ্ঞ কাজ কী-ই বা আছে? আজ দুদিন ধরে মেজ বউমা রান্না করছে। রান্নাই বা কী? তিনকোটো চালের ভাত, একমুঠো ডাল, তিন-চারটে আলু-পটলের তরকারি। মাছ...

তার আগে অবশ্যই এক কাপ চা। ইয়া, চা বৈকি। চায়ের পরে একটা বিড়ি। তাহলেই গগন আবার পৃথিবীর মুখ দেখতে সাহস পায়। না, মাছ...

পৃথিবীর মুখ ? কী যেন বলে...না, মাছ কখনই নয়। কী আশ্চর্য, মাছ কেন হতে গেল ? তার বেশ মনে পড়ছে, মেজবউমার একটা নাম আছে। সে যেন খুঁজে বার করল, মেজবউমার নাম সুলতা।

তাহলেও এটা বোধ হয় ঠিকই যে তার আর সুলে পড়ানো উচিত নয়। সে ভুলে যাচ্ছে অনেক কিছু। মনে থাকে না, মনে এলেও তার আশ্রয়ানা যেন হারিয়ে যায়। পাড়ার হোমো-ডাক্তার বলেছে, এটাও নাকি পাকস্থলীর দোষে হয়।

সুলতা প্রথম একমাস পাথর হয়ে গিয়েছিল। তারপর হুবি তাকে দিয়ে চা করাত সকালে আর সন্ধ্যায়। আজ তিন-চারদিন থেকে সুলতা রান্না করতে পারছে আবার। তাহলে সুলতা ফিরেছে। আর সেই সুযোগে ব্রজবালা আবার সলতে পাকাচ্ছে।

তা সলতে পাকানো বরং ভালো শুরু হয়ে বসে। না, না। না। না, না। না। কাল খেতে বসে যেমন হল। বুদ্ধিটা কার যেন ? মনে পড়ছে না। যাক, ব্রজবালাকে সময়মতো স্নান করানো যাচ্ছে। তারপর একদিকে গগন, মাঝখানে ব্রজবালা, অত্মদিকে ও। ও, মানে, ছোট ছেলে। দাঁড়াও। এখুনি মনে হবে, হুবিই তো তার নাম। হুভাব থেকে হুবি। কার এমন নাম আর বাংলাদেশে হুভাবের মতো। এই বুদ্ধি করেছিল সে-ই। ব্রজবালাকে মাঝখানে বসিয়ে খাওয়ার ব্যবস্থা দুদিন ভালোই হয়েছিল। কাল প্রথম গ্রাস খাওয়ার পর, দ্বিতীয় গ্রাসের জন্তু পাতে হাত দিয়ে কী যেন মনে পড়ে গেল ব্রজবালার। যেন ভাবছেই, ভাবছেই। হঠাৎ বললে—ও মা! কেউ খায়নি যে। সকলের আগে নিজে খেতে বসার লজ্জা যেন। তারপর ভাতমাখা হাতে কপাল চাপড়াতে চাপড়াতে হু হু করে কৈঁদে উঠে বলতে শুরু করলে—কেউ খায়নি, কেউ খায়নি...

গগন বলেছিল (এই তো বেশ মনে পড়ছে তার), আহা, অমন করে না, অমন করে না। দেখো, দেখো, দেখো, মেজবউমা কাঁদছে। আমাদের মেজবউ, দেখো।

দড়ি থেকে গামছা নিয়ে মুখ মুছলে গগন। চোখ মুছলে। নাক ঝাড়তে হল।

মেজবউমার পরনে পাড়ওয়াল শাড়িই বটে। কিন্তু সিঁথি সাদা, কপাল সাদা। সেও হাঁটুর উপরে মুখ ওঁজো হু-হু করে কৈঁদে উঠেছিল।

—না, না। হুবি, কখনও মাছ নয়। এ বাড়িতে আর কখনও মাছ আসবে না।

—না, বাপু, তার চাইতে সলতে পাকানো ভালো। তবু তো শুরু হয়ে থাকে। আর যেন সারাদিনের চেষ্টায় সন্ধ্যাবেলায় তুলসীভলায় গলায় ঝাঁচল দিয়ে উপুড় হয়ে পড়ে কী যেন বলে, কী যেন বলে।

গগন ঘর থেকে বাইরে এসে দাঁড়াল। তার বুকের জিতরে কিছু একটা যেন কোঁপাচ্ছে।

সকাল হয়েছে বৈকি। রোদও উঠেছে। না, বারান্দাতেও নেই ব্রজবালা। সিঁড়ি দিয়ে নেমে উঠানে, উঠান পার হয়ে কলতলার দিকে গেল গগন। তখন তার চোখে পড়ল রান্নাঘরের পাশে চারটে বাঁশের খুঁটির উপরে বসানো বাজ্ঞ কাঠের তৈরি পায়রার খোঁপটা। রোদে জলে জীর্ণ। তাই টিনের টুকরো, বাঁশের বাঁধারি দিয়ে মেরামত করা।

গগন দাঁড়িয়ে পড়ল। আর তখন তার অল্পভব হল আজ যেন বিশেষ কিছু। কী যেন আজ, কিসের জন্ত যেন আজ খুব বিখ্যাত। কে বলে দেবে তাকে? কাকে জিজ্ঞাসা করা যায়?

মিনিট পনেরো পরে কলতলা থেকে ফিরল গগন। উঠানটা পার হতে গিয়ে আবার সে স্থির হয়ে দাঁড়াল।

এবার সে দেখতে পেল। রান্নাঘরের উত্তনে ঝাঁচ দেয়া হয়েছে। ঘরটা ধোঁয়ায় অন্ধকার। তার মধ্যে দুই হাঁটুতে মুখ গুঁজে মাটিতে বসে আছে ব্রজবালা।

আঃ হাঃ! হলদে অক্ষিগোলক, ধোঁয়াটে মশি। গগন এদিক ওদিক তাকাল। বারান্দার উপরে ঘরের দরজা খুলে হুবি বেরোল। হাই তুলল সে।

রান্নাঘরের মুখোমুখি হুবির দরজা। সে রান্নাঘরের ধোঁয়া আর তার মধ্যে ব্রজবালাকে দেখতে পেল। একটু ভাবল হুবি। ধোঁয়াটা দম বন্ধ করার মতো নয়?

যেন দারুণ পরিশ্রম করে এসেছে সে এমনভাবে সে ছ-একবার হাঁ করে নিঃশ্বাস নিল।

বারান্দা থেকে উঠানে, উঠান থেকে কলতলায়। হুবি। সে কল খুলে দিল। ট্যাপের মুখে হাত পেতে জল নিতে গেল। কিন্তু আঙুলগুলো জোড়া লাগল না। আঙুলের ফাঁকগুলো দিয়ে জল পড়ে যেতে লাগল।...বড়দা, যেজদা, মুকুল...। আবার হাত পাতল হুবি ট্যাপের মুখে। আঙুলগুলো একত্র না হয়ে ফাঁক-ফাঁক হয়ে বেকে বেকে গেল।...শমু, স্বধীর, মুকুল...হাতের উপরে জলপড়া দেখতে লাগল হুবি স্তম্ভিত হয়ে। তৃতীয়বারের চেষ্টায় সে আঙুলগুলোর সাহায্যে জল ধরার মতো অঞ্জলি তৈরি করতে পারল।

হাতমুখ খুয়ে ঘরে এলো হুবি। তার এই ঘরটা নানা দিক দিয়ে অর্বসমাপ্ত। তিন দিকে ইটের দেয়াল। চার নম্বর দেয়ালটা কাঁধ-চাটাইয়ের। ছদিকের দেয়ালে প্লাস্টার ধরানো হয়েছে। তৃতীয়টিতে এসে হঠাৎ যেন কাজ বন্ধ হয়ে গিয়েছিল। প্লাস্টার করানো হয়ে ওঠেনি। একটা দরজা আর তিনটে জানলার পাল্লা বসানো

হয়েছে, কিন্তু রং করা হয়নি। কাঠ পুরনো হয়ে উঠেছে ইতিমধ্যে।

ঘরের মধ্যে একটা টেবিল, একটা চেয়ার। সরু বিছানাটার আধময়লা বাঁশ, চাদর। টেবিলে বেশ কিছু বই, খাতা। অগোছালো, প্রায় জুপাকারেই রাখা যেন।

টেবিলটার সামনে দাঁড়াল হুবি। বইগুলোর উপর দিয়ে চোখ বুলিয়ে গেল সে। কী যেন ভাবতে হবে? কিন্তু সে ভাবতে পারলে না, বরং তার মন যেন এক-এক খানা বই তুলে দেখবে।...ও, ই্যা, মুকুল...টেবিলটার কাছ থেকে সরে এলো সে।

তার ঘরের বাঁদিকে মেজবউদির ঘর। দুটো ঘরের মধ্যে দরজাটা খোলা। অথচ মেজবউদির ঘরের বারান্দার উপরে দরজাটা বন্ধ দেখে এসেছে এমন মনে পড়ল যেন। দুটো ঘরের মধ্যে দরজাটা খোলা থাকে এইজন্ত যে মেজবউদি কোন কোন রাত্রিতে ভয় পায়। আতঁনাদও করে ওঠে।

হুবি দাঁড়িয়ে দাঁড়িয়ে দরজাটাকে দেখল। স্নেহে মাটা একটা শূন্যতা যেন, যার দুদিকেও এমন শূন্যতা যা কোন চেহারা নেয় না।

কাল সকাল আটটা থেকে বেলা দুটো পর্যন্ত হুবি পথের ধারে ডাউয়াগাছটার নিচে মুচির পাশে বসে কাটিয়েছে। মুচি তার চটে বসে, আর সে একটা ইটের উপরে। মুচি কখনও ঠুকঠাক করে কাজ করছিল, কখনও গাহাকের আশায় বসে থাকছিল, হুবি ছ-সাত ঘণ্টা চুপ করে বসেছিল। যেন জায়গাটাতে একটা ঠাণ্ডা-ভাব আছে। দু-একবার মাত্র দু-একজন পরিচিত লোক তাকে লক্ষ্য করেছিল। তারা সকলেই ভেবে নিয়েছিল সে ছুতো সারাচ্ছে। ঠাণ্ডা-ভাব সত্য, অন্তদিকে কিন্তু, তাবো, দুপুরের রোদ তার মাথা মুখ পুড়িয়ে দিচ্ছিল, মুখ গলা হাত পিঠ বেমে জামাকেও ভিজিয়ে তুলছিল।

সে কি আজকেও যাবে, তেমন করে সেখানে বসে থাকতে? হুবি মেজবউদির ঘরে ঢুকল।

ঘুম ভেঙেছে হুলতার। হুল সারা গায়ে ছড়ানো, কাপড় আলুথানু। তখনই উঠে বসেছে সে। হাঁটু বেড় দিয়ে এগিয়ে রাখা দু'হাতের আঙুলগুলো পরস্পরকে ধরে রেখেছে। হুলতা পায়ের শব্দ শুনে পেল না, চোখেও যেন দেখতে পেল না। হুবি দেখলে হুলতার হুচোখ থেকেই মোটা দুই ধারা চোখের জল নিঃশব্দে গাল বেয়ে নামছে। গাল থেকে গড়িয়ে গলায়—সব নিঃশব্দে।

এই সকালেই, ঘুম থেকে উঠে বসেই! হয়তো দৃশ্টাই মনে পড়ে গিয়েছে। হুবি বললে, বউদি, মা রান্নাঘরে গিয়েছে। চা করো গে।

হুলতা দরজা খুলে বেরোল। দরজাটার একটা অভ্যাস আছে শব্দ করার। আর

সেই শব্দে চমকে উঠল সুবি।

আবার সে নিজের ঘরে এসে দাঁড়াল টেবিলের সামনে। সে ভাবলে, এখন কি কিছু ভাববে সে? কেমন অবাস্তব মনে হচ্ছে না ঘরের এই আলোকে? আর সেই আলো পড়ার ফলে ঘরে যা কিছু সবই অবাস্তব হয়ে যায় যেন। ওই দরজা খোলার শব্দটায় যেন অবাস্তবকে ভাঙার চেষ্টা ছিল।

দু-তিন মিনিট সে দাঁড়িয়ে থাকল টেবিলের সামনে। তারপর হঠাৎ মনে এল কথাটা, ‘এই বইগুলো সবই বড়দার কেনা।’ একটা নিয়ম এই আছে, একটা কথা মনে হলে পরপর অনেকগুলো কথা মনে আসতে থাকে। সাধারণ কথা, খুব সাধারণ কথাই, তবু মনে আসতে থাকে। বড়দা রেলের মিস্ত্রিদের মতো প্যান্ট আর জামা পরত, সে জামা-প্যান্টে তেলকালি মাখা। হাতে একটা ক্যানভাস ব্যাগ। তার গায়েও তেলকালি। সেই ব্যাগে বড়দার কাজের যন্ত্রপাতি থাকত। মনে হত যেন একটা নাটক; সেই নাটকে সে তেমন জামাকাপড় পরে রেলের ইলেকট্রিক মিস্ত্রির অভিনয় করছে।

ঠিক যেন তাই। যে দাদা সকালে উঠে মুড়ি আর চায়ের বাটি নিয়ে বসে থাকত সুবি এলে খাবে বলে, মা চা জুড়িয়ে গেল বললেও বলত, এই তো, ও আহুক, একসঙ্গে খাই; খাওয়াটা তো স্বখের নয়, সুখটা একসঙ্গে খাওয়ার। আর যে দাদা রেলমিস্ত্রির পোশাক পরে কাজে যেত—এই দুই যেন এক নয়।

বড়দার, কিছুদিন পর থেকে, অনেক রাত করে বাড়ি ফিরতে হত। কাজকর্ম সেরে বাড়ি ফিরে, মিস্ত্রির পোশাক ছেড়ে বেড়াতে বেরোলেই ফিরতে অনেক রাত হত। প্রথম প্রথম মা বসে থাকত খাবার নিয়ে। পরে ব্যবস্থা হয়েছিল। সুবির ঘরে বড়দার খাবার ঢাকা থাকত। কারণ সুবি তো অনেক রাত পর্যন্ত পড়ে, জেগেই থাকে। পরে সুবি মাকে বলেছিল, আমাদের দুজনের খাবারই একই সঙ্গে রেখে দিও ঢেকে। বড়দা এলে একসঙ্গে খাব। সুবি বলেছিল বড়দাকে নকল করে—খাওয়া ব্যাপারটা এমন স্বখের কিছু নয়, একসঙ্গে খাওয়াটাই সুখ।

মনে এল, সুবির বড়দা প্রথম রাতে অবাক হয়েছিল। রাত তখন এগারোটা বাজে। শুনে বলেছিল, তাহলে তুই বোস। আমি স্নান করে আসি। এত রাতে স্নান? বড়দা বলেছিল, কেমন যেন ঘেমা লাগে, বাইরের তেল, কালি, ধুলো।

তেমন একদিন রাতে বড়দা প্রথম বলেছিল হেসে, ভালোই হয়েছে। তোর আর একটু বেশি পড়া হয়ে যায়। তারপর খাওয়া হলে বড়দা তার ব্যাগটাকে টেনে নিয়ে একটা প্যাকেট বার করছিল। বলেছিল, এটা কিন্তু ভালো মোলায়েম খন্দর, বাবার পাঞ্জাবিটা ছিঁড়ে গিয়েছে, মা কাল তালি দিচ্ছিল। আর এটা

দেখ। ‘কারেন্ট’ নাম। একেবারে সব হালের সংবাদ। আর এই এখানে দেখ আই এ এস পরীক্ষার প্রশ্ন আর তার উত্তর। আমার মনে হল আই এ এস পরীক্ষা দিতে হলে এখন থেকেই এমব পড়া দরকার। এই পত্রিকাটা এখন থেকে নিয়মিত কিনব।

তখন সুবি হাস্যরাস্য সেকেণ্ডারি পরীক্ষার জন্ত প্রস্তুত হচ্ছে। হ্যাঁ, তখন থেকেই বড়দা রোজ অন্তত একবার করে মনে করিয়ে দিত আই এ এস পরীক্ষার কথা। আর তখন থেকেই বই কেনা শুরু তার। এই টেবিলের সব বই, পড়ার বই-এর চাইতে যাকে বড়দা আউট-বুক বলত। সাহিত্যের, ইতিহাসের, রাজনীতির বই। কনিতার বই। আই এ এস হতে গেলে শুধু পড়ার বই পড়াই শেষ কথা নয়। কী পাগল, কী পাগল।

হঠাৎ থমকে দাঁড়াল সুবি। কী বলবে, পাগল? বলবে, পেতিবুজু? না, না। কী সব গোলমাল হয়ে যায় সুবির মধ্যে।

মেজদার নাম গৌতম। তা থেকে বুদ্ধ, ক্রমশ সেটা বড়দার মুখে বুদ্ধু। আদরের ডাকই, কিন্তু কখনও কখনও তা গালাগালিও হয়ে যেত। যেমন একদিন মেজদা বলেছিল, কেন সুবির কণ্ঠের কারণ হচ্ছে? উঁচু জীবনের স্বপ্ন দেখাচ্ছ, যখন তা ব্যর্থ হবে, শান্তি থাকবে? রিফিউজি ইস্কুল-মাস্টারের ছেলে কখনও আই এ এস হয় না।

তুমি সত্যিই বুদ্ধু, স্কুল টীচারের ছেলেরা আই এ এস হয়েছে তার ঝুড়ি ঝুড়ি প্রমাণ আছে।

মেজদা চটে উঠেছিল। বললে, যেমন তুমি এঞ্জিনীয়ার হয়েছে।

বড়দা তর্ক করেনি। কিন্তু তখন তো তার পরনে রেলের ইলেকট্রিক মিস্ত্রির তেলকালিমাখা, ঘামেভেজা ময়লা জামা-প্যান্ট। সে বরং তার কাজে চলে গিয়েছিল, কিন্তু তার মুখখানা থমথম করছিল তখন।

মা বলেছিলেন,—এমন করে বলিস কেন?

মেজদা বলেছিল, আমি তো ওকে, ওর চাকরিকে অপমান করতে চাইনি। আমি বোঝাতে চাইছিলাম, আমাদের পক্ষে বড় কিছু করা সম্ভব নয়। কী হয়েছে ওর? সুবি ভালো, খুবই ভালো ছাত্র, কিন্তু তুমি ভেবে দেখো, দাদা বরাবর তার স্কুলে ফার্স্ট বয় ছিল। বই ছিল না, পড়া দেখে দেয়ার কেউ ছিল না, আধপেটা খেয়ে পরিশ্রম করে, তবু সে ফার্স্ট ডিভিজন পেয়েছিল। হল এঞ্জিনীয়ারিং পড়া? যেদিন এঞ্জিনীয়ারিং কলেজে ভর্তি হতে পারলে না, পলিটেকনিকে যেতে হল, তখনই বোঝা যায়নি চিরকালের জন্ত ঠঠার পথ বন্ধ হয়ে গেল?

হবির ভালো লাগেনি। সে নিজের ঘরে গিয়ে পড়ার টেবিলের সামনে বসেছিল। কিন্তু চিরকালকার স্বল্পভাবী মেজদা সেদিন কিছু প্রমাণ করতে চাইছিল। হবির পড়ার কাছে গিয়ে চুপ করে বসেছিল।

মেজদা বললে, আমি চিরকালই সব বিষয়ে মেজো। স্কুলেও ‘এ’ ক্লাস ছিলাম না। ‘বি’ ক্লাস বলতে পারিস। কিন্তু তুই স্কুলের কথা কি জানিস না? বল, সব-চাইতে উগ্র বামপন্থী শিক্ষকরা আমাদের স্কুলে কখনও কোন ছাত্রের খাতা দেখে দেয়? বুঝতে না পারলে দ্বিতীয়বার বলে দেয়? তারা তো জনগণের জন্তই প্রাণ উৎসর্গ করে রেখেছে, কিন্তু জনগণের ছেলে অর্থাৎ যারা প্রাইভেট টিউটর রাখতে পারে না, বাড়িতে বইখাতা নেই, পড়ার জায়গা নেই, তাদের কোনদিন পড়ায়? প্রাইভেট টিউশানি করে না তারা? হবি বলেছিল, কী হবে, মেজদা, এসব বলে? বাবা যে ক্লাশে পাগলের মতো পড়ান, তাতেই বা কী লাভ?

—না লাভ কিছু নয়। আমি কী বলতে চাইছিলাম তাই শোন্। কলেজে যখন অনার্স পড়তে যাবি তখনও দেখবি অধ্যাপকরা পড়াচ্ছে না। সেখানে তো টেক্সট বুকের বাইরে অনেক কিছু জানতে হয়। কে জানাবে তোকে? ‘বি’ ক্লাসের কোন হবিধা হয় না। তারা নিজের হাতশুক্র চেষ্টায় পরীক্ষায় হাতশুক্র রকমের ফল পেতে পারে। প্র্যাকটিক্যালি দেখবি, যারা অধ্যাপক রাখতে পারে প্রাইভেট টিউশানির জন্ত তারা, আর নতুবা বংশপরম্পরায় যারা অনার্স নিচ্ছে তারা ই ভালো ফল করছে। আর আই সি এস? আমার খুবই কষ্টবোধ হয়, বিশ্বাস কর, খুবই কষ্টবোধ হয়, তোকে হতাশ করতে, কিন্তু আই সি এস স্বাধীন ভারতবর্ষে তারাই হয় যারা উচুদরের টাকা খরচ করে সাহেবি-সাহেবি উচ্চারণে সাহেবি মিশনারিদের কলেজে পড়ে। তুই কি দেখিসনি যারা বিশ্ববিদ্যালয়ে অধ্যাপক হচ্ছে, ভালো কলেজে অধ্যাপক হচ্ছে, তারা হয় অধ্যাপকদের ছেলে, জামাই, ভাগনে ইত্যাদি।

মেজদা খুবই প্র্যাকটিক্যাল। দর্শনে বি ক্লাস অনার্স পেয়ে একেবারে দার্শনিক হয়ে গেল। বলত, আমি তোমার আদর্শবাদে বিশ্বাস করি না, দাদা।

মেজদা আর বড়দায় কী রেবারেবি ছিল? মেজদাই বলেছিল একদিন, তা তো হয়ই। মেজোর মনে খানিকটা হিংসা থাকেই। বড় আর ছোটর যতো আদর, মেজোর তত আদর থাকে না। সেজন্ত মেজো হিংস্রটে আর একবগ্গা হয়।

এর মধ্যে কতটা সত্য ছিল তা দর্শনের ছাত্র মেজদার জানার কথা। কিন্তু কিছু একটা হয়েছিল, বড়দা আর মেজদা যেন দুজন দুজনকে এড়িয়ে চলত। মেজদাই বেশী। যেমন বড়দার খাবার নিয়ে হবিই চিরদিন বসে থেকেছে, মেজদার খোঁজও করত না।

কিন্তু সেদিনকার কথা ভাবো । মেজদা বারান্দার বসে তার পুরনো ক্যানভাস জুতো জোড়া নিয়ে কী করছিল । বড়দা ঘুম থেকে উঠে হাতমুখ না ধুয়ে তার কাছাকাছি একটা কাঠের বাগ্নের উপরে গিয়ে বসেছিল ।

—কী করছিস ? জুতো সেলাই ?

—দেখতেই তো পাচ্ছ ।

—কেন ? আবার ইন্টারভিউ নাকি ?

—ইন্টারভিউটা কি ঠাট্টার জিনিস ?

—তা নয় ।

—অনেক হয়েছে । হাতমুখ ধোও গে । মা চা করতে গেল । মেজদা বলেছিল ।

দুজনে জোরে জোরে কথা বলছিল । হুবি এগিয়ে গিয়েছিল । হুবি বললে, দাও না আমাদের, মুচিক দিয়ে সারিয়ে আনি ।

মেজদা ‘সাগরেদ এলেন’, বলে বিরক্ত মুখে জুতো হাতে ঘরের মধ্যে চল গিয়েছিল ।

ক্যানভাসের বেরঙা জুতো । দু পাটির কড়ে আঙুলের জায়গায় ফুটো হয়ে গিয়েছিল । বড়দা সেই কাঠের বাগ্নর উপরে শুক হয়ে বসে রইল । হুবি নিজে হাত-মুখ ধুয়ে এসেও দেখেছিল বড়দা তেমন ভাবেই বসে আছে । আর তার কালো-হয়ে-যাওয়া চোয়ালের উপরে গর্তে-বসে-যাওয়া চোখ দুটো থেকে স্পষ্ট জলের ধারা নেমে আসছে ।

হুবির মনে হল, তেমন ভালো করে সে দাদাদের দেখেনি কখনই যেমন সেদিন সে দেখেছিল । বড়দা যে কেমন কালো হয়ে গিয়েছে, তার মুখ চোখ যে তেমন শুকনো তা যেন আর কোনদিনই হুবির চোখে পড়েনি । রাত এগারোটায় বাড়িতে আসে, অনেকদিন হুবি উঠবার আগেই বেরিয়ে যায়, সেজন্তাই কি ? তার মনে হয়েছিল সে যেন অত্যন্ত পটু অভিনয়দক্ষ যে রেলের ইলেকট্রিক মিস্ত্রির চাকরির সঙ্গে মানিয়ে যেমন পোশাক, তেমন তার সঙ্গে মানিয়ে গায়ের রং আর স্বাস্থ্য করে নিচ্ছে যেন বড়দা ।

আর মেজদা কি সত্যি স্বার্থপর ছিল তখনই ? ব্যায়াম করত, স্বাস্থ্য ভালো করে তুলছিল ; গায়ের রং ফর্সা হয়ে উঠছিল, মাথার চুলগুলো চকচকে । আর ভাবো সেই নিজের হাতে জুতো সেলাই-এর কথা । ক্যানভাসের হেঁড়া জুতোর মতো তুচ্ছ জিনিস মুচির কাছে নিয়ে যেতে লজ্জা ? কিংবা তার চাইতেও বেশি পেতিবুদ্দুয়া-হুলভ রুচি যে ক্যানভাসে চামড়ার তাল্পি লাগিয়ে নেয়ার চাইতে নিজে হাতে রিফু করে দারিদ্র্যকে ঢেকে রাখা । পচা নিয়মব্যবস্থার ভাবানুভূতি ।

না, না। হঠাৎ যেন হবির বুকের ভিতরে কেউ গালাগালিগুলোকে প্রতিবাদ করে উঠল। প্রতিবাদ করতে গিয়ে সে নিজেই যেন হাঁপাতে লাগল। কিন্তু সে যেন পায়ের শব্দ পাচ্ছে। সতর্ক হয়ে গেল সে। নিচের চৌঁট কামড়াতে লাগল।

পায়ের শব্দ স্থলতার। সে চা নিয়ে এসেছে। হাত বাড়িয়ে চা নিল হবি। তাকে এখন শক্ত হতে হবে। এই এককাপ চায়ের অনেক দাম। এটা খাত্ত বটে। ভাত ছাড়া একমাত্র কিছু যা সকলের পেটে যায়। তাছাড়া সে সাহস করে চা না খেলে অনেকেরই চা খাওয়া হবে না। হবি বললে,—তুমি চা খাও গে, বউদি, তুমি চা খাও গে।

ঘরের মধ্যে ঠিক তেমন টেবিলের ধারে দাঁড়িয়ে হবি চা খেতে শুরু করল। চোখের জলের এই কৌতুক আছে, চোখ ছাপিয়ে না এলে গলার ভিতরে নামতে পারে। নোনতা লাগল হবির চা।

বারান্দায় কাঠের বাজের উপরে বসে চা খেতে খেতে গগনবাবুর মনে হল—এই বাজটাও এনেছিল তার বড় ছেলে পায়রার খোপ মেরামত করতে। উঠানে যে পায়রার খোপটা সেটাও তারই তৈরি। তখন হায়ার সেক্রেটারি পড়ে সে। স্কুলে এক্স্ট্রা-কারিকুলার কোর্স ছিল দুটো—দার্জি আর ছুতোরের। এই কোর্স দুটোকে নেয়ার আগে স্কুলে আলোচনা, তর্কাতর্কি হয়েছিল। এরকম কোর্স না নিলে স্কুলকে হায়ার সেক্রেটারি বলে স্বীকার করবে না। অথচ ভালো এক্স্ট্রা-কারিকুলার কোর্সের শিক্ষক রাখতে অনেক টাকা লাগে। একজন ক্লাস টেন পর্যন্ত পড়া দার্জি, আর একজন ক্লাস নাইন পর্যন্ত পড়া ছুতোরকে মাস্টারমশাই করে এই কোর্স দুটো চালু করা হয়েছিল।

গগন ভাবলে, এইসব ব্যবস্থা যারা করে তাদের হয়তো অনেক লেখাপড়া; কিন্তু বোকা নয় তারা, সেইসব শিক্ষা-সেক্রেটারি, শিক্ষামন্ত্রীরা? যে গরীব বাপ-মা কষ্ট করে ছেলেকে হায়ার সেক্রেটারি পড়াচ্ছে সে কি দুঃস্বপ্নেও ভাবে তার ছেলে বড় হয়ে দার্জি কিংবা ছুতোর হবে? নাকি সেইসব শিক্ষা-সেক্রেটারিরা ভাবে এরা প্রকৃতপক্ষে দার্জি, ছুতোর, মিস্ত্রি হওয়ারই উপযুক্ত শুধু।

দীর্ঘনিঃশ্বাস পড়ল গগনের। তার বড় ছেলে ফার্স্ট ডিভিশনে পাশ করে পলিটেকনিকে ভর্তি হয়েছিল। এঞ্জিনীয়ার হবার উচ্চাশা ছেড়ে বড়জোর ওভারশিয়ার হওয়াই তখন তার উচ্চাভিলাষ। তারপর সেখান থেকে গড়িয়ে রেলের মিস্ত্রি। তখন কি, তখন কি শিক্ষা-সেক্রেটারি খল খল করে হেসে উঠে বলেছিল—আমি আগেই জানতাম, গগন।

হাঁপিয়ে উঠল গগন। হা করে নিঃশ্বাস নিতে লাগল। যেন সে বলবে আমি

স্কুলের মাস্টার, তাই এসব কথা মনে হয়। আমি, আমি এসব এড়িয়ে যেতে চাই। আসলে আমার বড় ছেলে, সত্যি তো তার নাম ভুলিনি, সদানন্দ ছিল নাম, আনন্দময় ছিল সে। সে কাঠ দিয়ে একটা পুতুলবাড়ি তৈরি করেছিল। ছোট ছোট দরজাসমেত একটা ছোট্ট দোতলা বাড়ি। দরজাগুলো খোলা-বন্ধ করা যেত যেন সত্যিকারের বাড়ির সত্যিকারের দরজা। মাস্টারমশাইরা বলেছিলেন—এ ছেলে এঞ্জিনীয়ার না হয়ে যায় না। কিছুদিন পরে চারটে বাঁশের উপরে রান্নাবরের দক্ষিণে ওই ওখানেই বসিয়েছিল সে। তারপর ছোট্ট পায়রা কিনে এনেছিল সে। আর তা থেকে সে যখন হায়ার সেকেন্ডারি পরীক্ষা দিচ্ছে তখন একঝাঁক পায়রা হয়েছিল। তাদের রকমসকম দেখে...

তারপর তাম ধরল পায়রার খোপকে। রাত্রির অন্ধকার হঠাৎ কখন ঘন হয়ে একটা জন্তর চেহারা নেয়। তারাগুলো কখন হঠাৎ তার ধারালো দাঁত হয়, তা কি ধরা যায়? শব্দ শুনে, কাতর চীৎকার শুনে বাইরে গিয়ে দেখবে শান্ত রাত্রির অন্ধকারে ঝকঝকে তারা হাসছে। মানুষ কী করতে পারে সেই অন্ধকারের বিরুদ্ধে? গগন এদিক ওদিক দেখলে। এই সকালেই, দেখো, কী অন্ধকার।

বিড়িদেশলাই নিয়ে এল ব্রজবালা। বললে,—চা খাওনি?

—খেলাম তো।

ব্রজবালা হাত বাড়িয়ে ঠাণ্ডা-হয়ে-যাওয়া আঁধাওয়া চায়ের কাপটা গগনের হাত থেকে নিয়ে সরিয়ে রাখল।

ব্রজবালা জানে আজকাল তার এই ছোট্ট বাড়িটাতে ছোট্ট একটা ঘটনার পিছনে অনেক কথা, অনেক অনেক শব্দ সার বেঁধে দাঁড়িয়ে থাকে, চাপ দিয়ে দিয়ে তারা এগোতে চেষ্টা করে। তাদের বাঁধা দিতে হলে কথা দিয়ে বাঁধ দিতে হয়। এদিকের কথার শব্দ হলে ওদিকের শব্দ এগোয় না। সে তাড়াতাড়ি করে বললে, স্কুলে যাও না আজ? যদি যাও বাজারে যেতে হয় এখন।

বিজ্ঞানশিক্ষক গগনবাবু ভাবলে, প্রকৃতপক্ষে এখন তো দিনের বেলা। অন্ধকার কোথায়? অন্ধকারের যে অলুভূতি হয় সেটা এজন্ত যে তার চোখে এখন চশমা নেই। আর এই বাতাসের অভাব বোধ হচ্ছে, চারদিক থেকে দেয়াল চেপে আসছে যে তার কারণ বোধ হয়...

সে বললে,—আজ উমোট নয়?

—না। তেমন নয় বোধ হয়। ব্রজবালা বললে,—খলিটা আনব? খলি আনতে গেল ব্রজবালা।

আর তখনই গগনবাবুকে কেউ যেন বলে দিল,—দেখো তো, এই অন্ধকার

যা কখন লম্বা নিচু শরীরের লম্বা লেজের একটা ভাম হয়ে যায় তুমি জানতে পার না। তারই মধ্যে এই বাজার ? যে বললে এই কথাটা সে যেন কথাটাকে শূন্যে ঝুলিয়ে দিয়ে অবাক হয়ে গেল। ব্রজবালার ব্যবহারে। সমস্ত নারীজাতির ব্যবহারে। আমরা পুরুষ, আমাদের কিছুতেই আর ইচ্ছা যায় না। আর যারা মা হয় তারা ভাবে বাজারের কথা, আলুপটলের কথা। হয়তো লম্বা আনতেও বলবে। অথচ এমন গুমোট...কেমন সহানুভূতিহীন, প্রায় নির্দয়া, নিষ্ঠুর মনে হয় না ? যেন, যেন এই পৃথিবীর মতো হৃদয়হীন ? অথচ তারা সব নিজের স্বস্তি মাংসে তৈরি, তাদের কথা যেন তুলে যায়।

কাঁধে গামছা ফেলে বাজারের থলি হাতে বার হল গগনবাবু। ব্রজবালা ভাবলে, তা জামাটা এখন না পরা ভালো। বাজার থেকে ফিরতে ঘামে ভিজে যায়। ইস্কুলে যাওয়ার সময়ে সেই ঘাম-ভেজা জামা পরতে ভালো লাগে না। ব্রজবালা দেখলে, ডান উরুর উপরে গগনের ধুতিতে মস্ত একটা সেলাই। অবাক হচ্ছে না সে। সে তো নিজেই সেলাই করেছে। ছ' মাস এ বাড়িতে কেউ জামাকাপড় কেনার কথা ভাবেনি।

পথে বেরিয়ে গগন ভাবলে, কিন্তু প্রদীপ জালায় তো। সারাদিন ধরে সেই প্রদীপের জলই সলতে পাকাচ্ছে। প্রদীপের আলো কি মায়ের স্নেহের মতো, মায়ের হাসির মতো ওদের দিকে উঠে যায় কোন এক অন্ধকারের ভয়ে আশ্বাস হয় ? ওদের ছুঁতে পারে ?

আঙুল তুলে চোখের কোণ ছুঁতে মুছে নিল গগন। বেশ রোদ্দুর পথে। তার গায়েও পড়ছে। গরমই তো। কিন্তু কিছু বাতাস যেন আছে। গুমোট নয় অন্তত।

ইঠাৎ থমকে গিয়ে যে পথে বাজারে ঢোকে গগন সে পথে না গিয়ে অন্য পথে এগোল। কয়েকদিন থেকে সে পথটায় ভবেশের সঙ্গে দেখা হচ্ছিল। আর ভবেশের একই কথা। সকলেই স্বাধীনতা সংগ্রামী বলে সরকার থেকে মাসোহারা পাচ্ছে, এমন কি যে বছরহুয়েক জেল খেটেছে, এমনকি যারা দু-এক বছর অন্তরীণ ছিল দু-একটা বক্তৃতা দিয়ে ; তুমি কেন চাকরি রাখার জন্ত বলবে না তুমি স্বাধীনতা সংগ্রামী ছিলে ? চোদ্দ বছর আন্দামানে থেকেও কেন মাসোহারা নেবে না ?

না, না। না। গগন তাড়াতাড়ি হাঁটতে শুরু করল। চাকরি আর ছ' মাস আছে। তারপর ? না, না। তাই বলে সেই চল্লিশ বছরের পুরনো ঘটনাকে সে আর সামনে আনতে পারবে না। হাঁপাতে লাগল গগন। সেই পুলিশ ইন্সপেক্টরের ছেলে স্বরেন বলেছিল আর্চ চীৎকার করে—আমার বাবাকে মেরো না, গেছ, দোহাই সমীর, আমার বাবাকে মেরো না। সে কৈদে উঠেছিল। তখন সমীর

বলেছিল, গুলি কর, ওকে গুলি কর, গেছ, চিনতে পেরেছে। কিন্তু গগন পারেনি। সে বলেছিল,—ওর কী দোষ ? ওর কী দোষ ?

এ পথে একটা পরিচিত গন্ধ। আর পুলিশ ইন্সপেক্টরের ছেলে সুরেনের সাক্ষাতেই সমীরের কাঁসি হয়েছিল। আর গগনের যাবজ্জীবন। না, না।...

গরম খুবই গরম। এই দেখো, গরমে সে হাঁপিয়ে উঠছে। ঘামছে সে। আর কেমন একটা সোঁদা-সোঁদা গন্ধ এখানে। তাকে কি পাপ বলবে না ? না, আমি জানি না। আমি তো নিতান্ত গরীব এক বি-এসসি মাস্টার, বুঝি না, বুঝি না।

সুবি অবশেষে চা শেষ করতে পারলে।

সেদিন বড়দা কাজে না গিয়ে কিছুক্ষণের মধ্যে ফিরে এসেছিল। মেজদার জ্ঞা একজোড়া ছুতো নিয়ে। মেজদা দেখলে। কিছুক্ষণ চুপচাপ থেকে গম্ভীর মুখে বলেছিল, বেশ। এটাকে ধার বলে নিলাম। প্রাইভেট টিউশানির টাকা পেলে শোধ করে দেব। বড়দা কি আশা করেছিল মেজদার মুখে হাসি ফুটবে ? বড়দার মুখটা একেবারে কালো হয়ে গিয়েছিল। এ কি পিঠোপিঠি ভাইদের সুপ্ত হিংসা ? দীর্ঘানঃখাস পড়ল একটা।

শুধু ভাবলে, বড়দার মুখ কালো হয়ে গিয়েছিল। যেমন চাকরি তেমন পোশাক, আর তার সঙ্গে মিলিয়ে যেন বড়দার চেহারা বদলে যাচ্ছিল। গায়ের রং পুড়ে যাচ্ছে। গর্ভে ঢোকা চোখ, বসে-যাওয়া গাল। শুধু চোখের দৃষ্টিটা ছিল ঠিক। মায়ের মতো ছিল বড়দার চোখ। টানা, বড় বড় আর শিথল।

সুবি বলেছিল একদিন,—বড়দা, রোজ এত রাত অবধি...

—ওভারটাইম থাকে।

—বোজ, রোজ ওভারটাইম ;

—তা না হলে বাড়িঘর করব কী করে ? একজন আই এ এস অফিসারের পৈতৃক বাড়িতে কিছু ডিসেন্সি তো আনতে হবে। তুই বরং আর একটু পড়।

—রাত ষারোটা হল। তুমি হাতমুখ ধুয়ে এসো, পেয়ে নিই। আর একটু সকাল সকাল এসো। সন্ধ্যায় রাঁধা এই ভালভাত এখন বাসি হয়ে গেছে। রোজই তুমি আজকাল কেলে দিচ্ছ। একটু গরম থাকলে খেতে পারতে।

অবশেষে একদিন সুবি বুঝতে পেরেছিল বড়দার গায়ে যে সোঁদা-সোঁদা সেন্টার মতো গন্ধ আজকাল থাকে তা মদের ; বড়দা শ্রমিকদের মতো মদ ধরেছে। যেমন চাকরি, যেমন পোশাক, তার সঙ্গে মিলিয়ে জলে-বাওয়া রং আর সবের সঙ্গে সামঞ্জস্য করে এই সস্তা মদ।

প্রথম যেদিন বুঝতে পেরেছিল ছ'হাতে মুখ ঢেকে ছ' ছ' করে কেঁদে উঠেছিল সে, কিন্তু সেদিন রাতেই বড়দা ফিরেছিল আর-একটা বই নিয়ে। বলেছিল,— এখন পড়বি না। হায়ার সেকেন্ডারি পরীক্ষা যেদিন শেষ হবে সেদিনই আরম্ভ করবি। শেয়ালদা স্টেশনের বই-এর দোকানে বলে রেখেছিলাম।

বড়দা, হাবির অল্পরোধেই যেন, এক রাতে আগে আগে এল। তখন বাবা-মা, মেজদা ঘুমিয়ে পড়েছে। কড়ানাড়ার শব্দে আকস্মিকভাবে বড়দা এসেছে ভেবে আনন্দে উজ্জল হয়ে হাবি দরজা খুলে দিয়েছিল। আর তখনই যেন আঘাতটা পেয়েছিল। সিঁড়ির উপরে কোমরে হাত দিয়ে বাঁকা হয়ে দাঁড়িয়ে ব্যাথায় কাতরাচ্ছে বড়দা।

ধরে এনে নিজের বিছানাতেই শুইয়ে দিয়েছিল বড়দাকে হাবি। আর বড়দা যেন ব্যাথায় অজ্ঞান হয়ে যাবে। কী করবে সে, কিসে ব্যথা কমে? ডাক্তার ডাকবে নাকি? বাবা-মাকে এখনই জানানো দরকার।

বড়দা নিবেশ করেছিল। কামড়াতে কামড়াতে নিচের ঠোঁট দিয়ে রক্ত বেরোচ্ছে তখন। হাঁপিয়ে হাঁপিয়ে কোনরকম দম নিতে নিতে বলেছিল—দেখ, ঝোলায় মধ্যে একটা ছোট খামে দুটো বড়ি আছে। লাল বড়িটা দে।

সেটা নিশ্চয়ই দারুণ রকমের কোন নেশার বড়ি। বড়দা ঘুমিয়ে পড়েছিল।

মায়ের মতো টানা টানা বড়-বড় ডাগর চোখ ছিল বড়দার। সেই নীল-নীল চোখ হলুদ হয়ে গিয়েছিল। রক্তছোপ লাগানো মরা-মরা হলুদ।

তখন হায়ার সেকেন্ডারির ফল বেরিয়েছে, প্রথম দশজনের নাম। না, তাতে হাবির নাম ছিল না। অসহায়ের মতো ছটফট করেছে হাবি। কাকে বলবে সে? সে কি দুঃখ করবে, না সুখী হবে ফার্স্ট ডিভিশন পেয়েছে বলে? বড়দা সেই সকালে আজ তার সেই একমাত্র ভালো পোশাক নীল জিনের জামা প্যান্ট পরে কোথায় বেরিয়েছে।

সন্ধ্যার সময়ে এক চালাবি খাবার নিয়ে ফিরেছিল বড়দা। সে কী আনন্দ তার। হাবি, তোর সবচাইতে প্রিয় বন্ধুদের খবর দিয়ে আয়; মা, আজ রান্না করতে হবে না। এত মিষ্টি এনেছি। আমাদের হাবি মুখ রেখেছে। প্রথম দশজন না হোক, কোথ দাবজেষ্ট ছাড়াই সে তেয়াস্তুর পাসেন্ট নম্বর পেয়েছে, ঠিক এগারো জনের নিচেই। মেজদা বলেছিল, খবরটা ঠিক তো। বড়দা বলেছিল, ত্রিশ টাকা ঘুষ দিয়ে নিজের চোখে ট্যাবুলেশন শিট দেখে এসেছে সে।

প্রিয় বন্ধু শমু, হাবীর, মুকুল এসেছিল আনন্দের ভাগ নিতে। আর সেদিন হাবি যখন সকলকে প্রণাম করছে বড়দা হঠাৎ বলে উঠেছিল : একেই তিমির-তপস্বী

বলে, যা সূর্য প্রসব করে ।

মেজদা আদর্শবাদী নয় বলত নিজেকে, তবু সেও বলেছিল, সুবি, আমরা যা পাবলাম না তেমনভাবে তুমি বংশটাকে প্রতিষ্ঠিত করো ।...

গগনবাবু দেখলে সে পালাতে গিয়ে আমার বাজারের মধ্যে ঢুকে পড়েছে, এই সোঁদা-সোঁদা, টক-মিষ্টি, গন্ধ আমেরই । সামনে আর এগোনোর উপায় নেই । সে সেই আমার চাঙারি, চুবড়ি, ডালার সারির মধ্যে দিয়ে ফিরতে শুরু করল ।

আমের কথাই তো । কী যেন ? কেউ কিছু বলছে নাকি ? ওদিকে কি কোথাও ঝগড়া লেগেছে ? না । ও । না । তার বড় আর মেজ ছিলে । তারা তখন ছেলেমানুষ । একটা আমের ঝাঁট কে খাবে তা নিয়ে ঝগড়া করছিল । গগন দুজনকেই ছুটো চড় মেরেছিল । চড় খেয়ে দুজনেই কঁদে উঠেছিল । গগন বলেছিল : তোমরা ব্রাহ্মণের ছেলে, স্কুলশিক্ষকের ছেলে, তোমরা সামান্য আমার লোভে ঝগড়া করবে, এমন আদর্শহীন ।

ও, ও । গগন তার ডান হাতটাকে চোখের সামনে আনল । শক্ত, কড়াপড়া হাত । খুব ব্যথা লেগেছিল ওদের । আহা ! খুব বেশি ব্যথা । গগনের ঠোঁটের ডান কোণ, ডান গাল চোখের কোল অবধি কৌচকাতে লাগল । তাড়াতাড়ি ফিরতে লাগল সে আমার বাজার থেকে ।

না, এটা কান্না নয় । সে তো কবেকার কথা । জোর করে সে নিজের মুখকে স্বাভাবিক করতে গেল । সে তো বিজ্ঞানের শিক্ষক । আর সে তো তখন আদর্শ অহুসারে মানুষ করার সময় । না, না, একে প্রকৃতপক্ষে মুখের মাংসপেশীর সাময়িক পক্ষাঘাত বলে । কী যেন ইংরেজি নামও আছে ।

সুবি ভাবলে কথাটা হয়তো বড়দার নিজের তৈরি নয়, কিন্তু মানিয়েছিল তার মুখে । তিমির-তপস্কার সূর্য-প্রসব । তা কি হয় ? একটা আদর্শ সামনে রেখে যে কোন উপায়ে সত্য-মিথ্যা, পাপ-পুণ্যের হিসাবকে তুচ্ছ করে, তার দিকে ছুটে চলা কি সত্যি সম্ভব হয় ? আদর্শ ঠিক হলেই হল, পথ পচা পাঁকে ডুবে থাকলেও ক্ষতি নেই এমনকি সম্ভব হতে পারে ?

আবার একদিন ব্যথা উঠেছিল লিভারের । সুবি সেই রাতে বলেছিল একটু ব্যথা কমতে, আমার আর ভাল লাগে না, বড়দা । কী হবে লেখাপড়া করে ? ওরকম আদর্শ আমাদের মতো লোকের চোখের সামনে থাকা উচিত নয় । এর চাইতে লজ্জা ফিরি করে বাড়িতে দু-চারটে টাকা আনি, তুমি এ চাকরি ছেড়ে দাও ।

সুবি ভেবেছিল তখন, না হোক এঞ্জিনীয়ার, পলিটেকনিকের ইলেকট্রিক

এঞ্জিনীয়ারিং-এর লাইসেন্সিয়েট তো বটে, তাকে যদি মিস্ত্রির কাজ করতে হয়, ভুলে থাকতে তাকে মদ খেতে হবে।

সেদিন বড়দা স্ত্রীকে নিজের বুক টেনে নিয়েছিল, বলেছিল, তাকে পড়তেই হবে, স্ত্রী। তুই কি ভেবেছিলি আমি তোর পড়া শেষ হওয়ার আগে মরে যাব ? বড়দা স্ত্রীর কান নিজের হৃৎপিণ্ডের উপরে চেপে ধরেছিল। বলেছিল, শুনতে পাচ্ছিস কেমন ধকধক করছে। কী জোর। আমি কখনও মরতে পারি। কষ্ট হচ্ছিল বড়দার, তবু থেমে থেমে বলেছিল, তারপর আই এ এস হয়ে বাবা-মার, গোতমের, বংশের ভার নিলে আমি না হয় তখন অনেক দূরে চলে যাব, নদীতে নদীতে স্নান করে সব ময়লা ধুয়ে ফেলব, পাহাড়ে পাহাড়ে ঘুরে বেড়াব, পাহাড়ের চূড়াগুলোর কথা ভাবব, দেখব কী করে মাটির উপরে দাঁড়িয়েও কী করে আকাশ ফুঁড়ে সূর্যের আলোয় মাথা রেখে ঘুমানো যায়, কী শান্তি আর আলো।

এ কী অদ্ভুত আদর্শবাদ।

তাহলে, এখন কি পড়বে স্ত্রী ? টেবিলের উপরে বইগুলো ঝড়ের পরে ধ্বংস-ভূপের মতো সাজানো। শুছিয়ে নিতে আর কতক্ষণ লাগবে। ই্যা, এখন তো পড়ার সময়ই। চা খাওয়া হয়ে গিয়েছে। টেবিলের কাছেই তো সে। বড়দার কিনে দেয়া কবিতার বইগুলো। দু বছর পড়া হয় নি, কিন্তু কিছুই সে ভোলে নি।

টেবিলের দিকে এগোল স্ত্রী। যেন বই নেবে এমনভাবে হাত বাড়াল। কিন্তু দুখানি হাত টেবিলে রেখে সে হাহাকার করে উঠল। যেন দু'হাতে কারো পা ধরেছে। তার সেই অব্যক্ত, অলুচ হাহাকারের মধ্যে দিয়ে সে অশ্রুটধরে বললে, মুকুল, শমু, স্ত্রীর, মেজদা...। না, বড়দা, না বড়দা, তুমি আর আমাকে পড়তে বোলো না।

মুকুল, মুকুল...। মুকুল তার বন্ধু ছিল ক্লাস ফোর থেকে। সন্দর, সঠাম চেহারা ছিল মুকুলের। শিত্রাম চক্রবর্তীর হাসির গল্ল পড়তে ভালোবাসত। যেখানে সেখানে যখন তখন চিংকার করে রবীন্দ্রনাথের গান করে উঠতে পারত মুকুল। না, না, মুকুলের গায়ে সে অন্তত ছোরা বেঁধাঘনি, অন্তত তার গলায় রেড বসায় নি সে। মুকুল, মুকুল...

মুকুল পরীক্ষার ফিস জমা দিতে গিয়েছিল। সেই ছাত্রদের লাইন থেকে স্ত্রীই তাকে ডেকে এনেছিল 'কথা আছে বলে'। মাস্টারমশাই বলেছিলেন দেশের এ অবস্থায় পরীক্ষা দেয়া অপরাধ। কিছুক্ষণ পরে, ট্রামে স্ত্রীকে চূপ করে থাকতে দেখে মুকুলের মুখ চিত্তাকুল হয়েছিল। ধরমতলার কাছে মুকুল আর স্ত্রী নামতেই শমু এসেছিল। ফুটপাথ ধরে হাঁটতে হাঁটতে তারা লাটের বাড়ির দিকে গিয়েছিল।

তখন কি মুকুল ভাবছিল সান্না মার্কসিস্টের মতো, ভুল করে ফেলেছি, বন্ধুদের কাছে আত্মসমালোচনা করে আবার পুনর্বাসন হতে পারে। হাঁটতে হাঁটতে তারা ক্লান্ত হয়ে পড়েছিল, তা সবেও সবগুলো জেটি পার হয়ে গঙ্গার পাড় ধরে তারা হাঁটতে শুরু করেছিল। মুকুল দু-একবার কথা বলার চেষ্টা করছিল। কিন্তু সে বায়ছিল। সে কি বুঝতে পারছিল—এটা সাধারণ বেড়ানো নয়। এমন সময়ে স্ববীর দেখা দিয়েছিল, তার হাতে একটা চটের থলে আর দড়ি, খবরের কাগজে জড়ানো থাকলেও তা নিশ্চয় মুকুলের চোখে পড়েছিল। সে কি অবাক হয়েছিল, অজ্ঞাত কোন ভয়ে কৈপে উঠেছিল। কিন্তু গঙ্গার ধারে তারা যখন বসেছিল তখন মুকুলের মুখ আবার উজ্জ্বল হতে শুরু করেছে, তার চোয়ালের মাংসপেশীগুলি মনের জোরে দৃঢ় হচ্ছে। সে হয়তো ভাবছিল আজও আবার চার বন্ধুতে ভাবিক তর্কাতর্কি হবে। না, মুকুল, না!...হাঁপাতে লাগল সুবি।

শমু হঠাৎ থপ করে মুকুলের হাত বেঁধে ফেলেছিল। তখন বোধ হয় মুকুল বুঝতে পারল, যান্দাজ করল। সে প্রাণপণে সেই নাইলনের দড়ির বাঁধন ছিঁড়তে গেল। আর সেই সুযোগে তার পা দুটোকে বেঁধে দিল স্ববীর। আর তখন আতঙ্কে মুকুলের মুখ হাঁ হয়ে গিয়েছিল, পেছাপে প্যান্ট নষ্ট হয়ে যেতে লাগল। আর স্ববীর বললে,—নিকেশ করে দাও, সুবি।

না, সুবি বসায়নি ছুরি, সুবি বসায়নি মুকুলের হৃদয়ের গলায় রেড। মুকুল একবার মাত্র ওমা বলে কান্নার মতো চিৎকার করে উঠেছিল যখন স্ববীর ছোরাটা তুললে হাতপা বাঁধা মাটিতে পড়ে-থাকা মুকুলের বুক লক্ষ্য করে। আচ্ছা, সবাই কি, সব মানুষ কি, সব প্রাণী কি সে সময়ে ভয় পেয়ে মাকে ডাকে শেষবারের মতো?

সুবি দু'হাত তুলে দু'চোখের জল ঢাকতে চেষ্টা করল। কিন্তু কিছুতেই তার আড়ষ্ট আঙুলগুলো একত্র হচ্ছে না। আঙুলের ফাঁক দিয়ে জল আসছে।

কিন্তু যখন মুকুলকে চটের থলেটার ভরে দিচ্ছিল স্ববীর আর শমু, তখন থলেটা ধরে রেখেছিল সুবি। একবার শুধু সুবি বলেছিল—আরে ওর শরীরটা এখনও গরম; একবার শুধু তার চোখে পড়েছিল মুকুলের ফাঁক-হওয়া গলার মধ্যে থেকে সাদা কিছু বেরিয়ে আছে, তার হাঁ-করা মুখ থেকে দাঁত বেরিয়ে আছে, তার একটা চোখ তখনও দেখতে পাচ্ছে।...

স্বলভা এসে বললে, সুবি, ঠাকুরপো, বাবা বাজার না করে ফিরে এসেছেন। বারান্দায় দেয়ালে ঠেস দিয়ে বসে পড়েছেন।—এসো তো, এসো তো।

চোখ মুছে বাইরে গেল সুবি। গগন স্থির হয়ে বসে থাকার চেষ্টা করছে, কিন্তু তার মুখের একটা পাশ থরথর করে কাঁপছে। ডাক্তার ডাকা হয়েছিল। বলেছে নার্ভের অস্থখ। এখন মাঝে মাঝে হয়, এরপরে সব সময় হতে থাকবে, হয়তো একটা হাত, হয়তো বাড়ও কাঁপবে। অল্প একজন বলেছে,—হয়তো! এটা মানসিক ব্যাপার। নতুবা যাওয়া-আসা করত না রোগটা।

ব্রজবালা বাতাস দিচ্ছে। তা সত্ত্বেও গগনের ঘাম কমছে না। সুবি বললে,— একটু চা করে আনো বউদি। স্থলতা উঠে গেল। সুবি দেখলে গগনের বোজা চোখের পশ্চিমগুলোর গোড়ায় গোড়ায় জল দেখা দিচ্ছে। তারপর সে জল পশ্চ ছাপিয়ে চোখের কোণে জমা হল। সুবি নিশ্চিত হল। সহজেই এবার স্তম্ভ হবে গগন, কাঁদতে পারছে। দু-একবার হাহাকার করতে পারলেই স্নায়ুগুলো স্বাভাবিক হবে।

সুবি নিঃশব্দে ঘরে ফিরে এল। প্রথম দিনের কথা তার মনে আছে। বাবা বউদিকে ডেকে নিয়ে বাড়ির ঘরগুলোকে দেখিয়ে দেখিয়ে ঘুরাচ্ছিলেন, যেন বউদি নতুন এসেছে, যেন বউদি তার আগে ঘরগুলোকে দেখেনি। ঘরগুলোর সবগুলো শেষ করা হয়নি। একটি পুরোপুরি, তার পরেরটি বারো আনা, এরকম অঙ্কের হিসাবে শেষেবটি সিকি পরিমাণ গড়া হয়েছিল। স্থলতা বলেছে, প্রথম ঘরটির ইলেকট্রিক লাইন বসানো কত সুন্দর হয়েছে তাই বোঝাচ্ছিল গগন। বলছিল, এ কি আর সাধারণ মিস্ত্রির কাজ? তোমার ভাণ্ডার, আমার বড় ছেলে, তাকে আমি এঞ্জিনিয়ার করতে পারিনি, কিন্তু পলিটেকনিক থেকে ইলেকট্রিক এঞ্জিনিয়ারিং-এর লাইসেন্স ছিল। বলতে বলতে হঠাৎ শুরু হল। আর্ত চিংকার শুনে সুবি ছুটে গিয়ে দেখে-ছিল অদ্ভুতভাবে ঘরের মধ্যে একটা সুইচের কাছাকাছি দাঁড়িয়ে আছে গগন। বাঁ হাতটা ঝোলানো, ডান হাতটা সুইচটার দিকে তোলা, ডান পা-টা ভাঁজ করা, বাঁ পা-টা সোজা, সব মিলে যেন এক নাটকের শেষ দৃশ্যে দেখা একটা স্ট্যাচু-ভঙ্গি। চোখবন্ধ, নিঃশ্বাস পড়ছে না। সুবি বলেছিল,—কতক্ষণ হল? প্রায় দু'মিনিট। যেন ইলেকট্রিকের শক লেগেছে। কিন্তু সুইচ পর্যন্ত হাত পৌঁছাননি। সকলে মিলে বিছানায় শুইয়ে দিয়েছিল গগনকে। ডাক্তার এসেছিল। ইনজেকশন-টিনজেকশন দিয়েছিল। বিকেলের দিকে গগন ক্রান্ত স্বরে জিজ্ঞাসা করেছিল, সুবি, ইলেকট্রিকে তো আগুন দেখা যায় না, কিন্তু সে কি আরও ভয়ঙ্কর বেশি জালা?

সুবি বুঝতে পেরেছিল তার বাবা বড়দার মৃত্যুর কথাই ভাবছে। অনেকক্ষণ চুপ করে থেকে সুবি বলেছিল,—শুনেছি ইলেকট্রিকিউটেড হলে হৃৎপিণ্ড সঙ্গে সঙ্গে বন্ধ হয়ে যায়, স্বল্পণ টের পায় না। বলে সে দৌড়ে নিজের ঘরে পালিয়ে এসেছিল।

বড়দা একদিন রাতে ফেরেনি। সকালের খবরের কাগজে ছবি আর সংবাদ দেখে, (না, নাম ছিল না কিন্তু ফটোটা স্পষ্ট চেনা যাচ্ছিল) চমকে উঠেছিল গগন, তারপর স্থবি। রেলগাড়ির ছাদে কী যন্ত্র থেকে কী চুরি করতে গিয়ে একজন তার-চোরের মৃত্যু হয়েছে।

মুকুল, শমু, স্থবীর আর স্থবি গিয়েছিল মৃতদেহ আনতে। কোথাও কাটা-ছেঁড়া নেই, অথচ মানুষটা শেষ হয়ে গিয়েছে। শমু বলেছিল পুলিশদের, কী বলছেন, তার-চোর? একজন কর্মচারী ছিলেন উনি রেলের। তারা বলেছিল, দু-তিন বছরের মধ্যে এরকম নামের কেউ মিলি হল না শেয়ালদা ডিভিডনে। রেলের একজন লোক বলেছিল, আমরা মাঝে মাঝে এসে দেখেছি, কিন্তু ভাবতাম মিলি হিশাবেই কাজ করছে। পুলিশের লোকেরা বলেছিল, হয়তো গোড়ায় টেম্পোরারি চাকরি ছিল। স্থবীর লজ্জায় মুখ নিচু করেছিল, শমু সামনে থাকতে না পেয়ে উঠে উঠে বাইরে যাচ্ছিল; কিন্তু মুকুল, বড়লোকের ছেলে মুকুল, হঠাৎ উঠে দাঁড়িয়ে বলেছিল, স্থবি, তুই আর স্থবীর এদের কাগজপত্রে সহী দিতে থাক, শালারা অনেক কাগজে অনেক সহী নেবে, আমি আর শমু খাটিয়া আর ফুল নিয়ে আসি। কী ফুল ভালোবাসতেন রে? স্থবীরকে বলেছিল, মুখ তোল শ্লা, একজন হাঁটাই শ্রমিক আমাদের এই বড়দা। তারপর সেখানে পুলিশের পোশাকেই মেজদা এসেছিল। না, মেজদা সেদিন বড়দাকে অস্বীকার করেনি। একজন পুলিশ অফিসার বলেছিল—আনফরচুনট। মেজদা কিছু বলেনি। তার দু-চোখভরা জল ছিল। শমু আর মুকুলের আনা খাটে, মেজদার যোগাড় করা পুলিশের ট্রেলারে ফুলে ফুলে ঢেকে বড়দার দেহকে তারা বাড়িতে আনতে পেরেছিল।

মুকুল যতই বলুক, বড়দা চিরদিনের মতো চোর এই ছাপ নিয়ে গিয়েছে।

তখন মেজদা দিন পনেরোর জন্তু নিজের ঢাকুরিয়ার বাসা থেকে এই বাড়িতে এনে ছিল বউদিকে নিয়ে। মেজদাই শ্রাদ্ধ করেছিল।

অথচ একটা আবাল্য রেবারেবি ছিল যেন বড়দা আর মেজদায়। রেবারেবি বলেই কি বড়দার প্রায় সব ব্যাপারে সমালোচনা করত? দুজনের আদর্শের সংঘাত নাকি? নাকি পিঠোপিঠির রেবারেবিতেই ওদের আদর্শ পৃথক হয়ে গিয়েছিল।

মেজদা ইন্টারভিউ দিত। একবার বাড়িতে এসে বললে, এবার আমাদের দুঃখ যাবে। চাকরি পেয়েছি। সকলেই আনন্দ করে উঠেছিল। তারপর প্রশ্ন উঠল, কী সে চাকরি।—পুলিশের এ এস আই। গগন বলেছিলেন,—বি এ অনার্স হয়ে পুলিশের এ এস আই? মেজদা হাসতে হাসতে বলেছিল,—স্থবির আই এ এস-এর অক্ষরগুলোকে উণ্টে পাণ্টে নিলে এ এস আই হয় না? গগন বলেছিল,—কিন্তু

পুলিশ ! যেন একটা অনেক দিনের চাপাপড়া ঘৃণা । বড়দা বলেছিল,—আমাদের বাড়িতে পুলিশ ? যেন একটা দুর্ভাবনার কথা ।

মেজদার কি পৃথক কোন আদর্শ ছিল ? না কি সে এক আদর্শহীনতা ? মেজদা কি জানতে পেরেছিল বড়দা কী করে ? তাতেই কি তার বিরক্তি ? মেজদা কি দারুণ রকমে রিঅ্যাকশনারি ছিল ?

চাপা একটা অসন্তোষ, চাপা হলেও যার পরিমাণ যেন বেড়ে উঠছিল । বড়দা একদিন বলেছিল,—আমাদের বাড়িতে কি পুলিশ মানায় ? তখন মেজদার স্তম্ভ বিয়ে হয়েছে । উত্তোষ করে বড়দাই বিয়ে দিয়েছিল প্রায় চাকরি পাওয়ার সঙ্গে সঙ্গে । এখন মনে হয় তার পিছনে মেজদাকে একটা পৃথক বাড়িতে গুছিয়ে দেয়াই উদ্দেশ্য ছিল ।

সেদিন মেজদা খুব শান্তভাবেই বলেছিল,—বুঝি, বুঝি সবই, কিন্তু চাকরি কি ইচ্ছামতো পাওয়া যায় ? কী বুঝেছিল মেজদা ? বাবার সেই বহুদিনের পুরনো পুলিশ-বিদ্বেষ তাঁকে ক্রমশ অতৃপ্ত করে তুলেছিল ? বড়দার কি অসুবিধা হচ্ছিল নিজেদের বাড়িতে পুলিশ থাকায় ?

একদিন মেজদা বলেছিল,—সুবি, গভর্নমেন্ট থেকে আমাদের বাসাভাড়া দেয় । ভাবছি চাকুরিয়ার দিকে একটা বাসা ঠিক করে উঠে যাব তোর বউদিকে নিয়ে ।

সুবি বলেছিল,—মেজদা, লোকে কিন্তু তোর খুব নিন্দে করবে । মেজদা বেশ খানিকটা সময় চূপ করে বসে থেকে বলেছিল,—জানিস, সুবি, মুকুল বলছিল আমাকে, আমার এ পাড়া থেকে দূরে কোথাও চলে যাওয়াই ভালো ।

মেজদার মুখটা কালো দেখাচ্ছিল, তা কি দুর্ভাবনার, কি দুঃখের, কি রাগের—তা বোঝা যায় না । সুবি একেবারে স্তম্ভিত হয়ে গিয়েছিল । মুকুল ? মুকুল একথা বলতে গেল কেন ? মুহূর্তে সুবির গলার ভিতরটাও শুকিয়ে কাঠ হয়ে গিয়েছিল । সে কি অত্যন্ত ? মেজদা কি রিঅ্যাকশনারি ছিল ? দারুণ রকমে রিঅ্যাকশনারি । শ্রেণীশত্রুদের স্পষ্টতম প্রতীক ?

একদিন মেজদা বলেছিল বটে, ভগুমিটা ভালো নয় রে, সুবি । তারা কখনই ভালো ছাত্র হতে পারে না । অথচ সেই বিশ্ববিদ্যালয়ের কর্তা পর্যন্ত বলছে সেই খুনীরা নাকি ভালো ছাত্র সব । তুই নিজেই বল, তুই যে হায়ার সেকেন্ডারিতে ভালো রেজাল্ট করেছিলি তা কি দিনরাত লেখাপড়াকে ধ্যানজ্ঞান করে উদয়াস্ত পরিশ্রম করার ফল নয় ?

—তুমি কি এসব বাইরেও বল, মেজদা ?

—বাহ, কেন বলব না । এই তো আজ সন্ধ্যাতেই গাড়িতে আসতে আসতে

বললাম, তাদের অধ্যাপক নিখিলানন্দবাবুকে । সাধারণ লোকেরা রোম্যান্টিক কথাবার্তা বলতে ভালোবাসে । ডাকাত হলেই তাদের মনে গরিবের প্রতি দয়ালু একজন বীরপুরুষের ছবি ভেসে ওঠে, যে বড়লোকদের উপরে অত্যাচার করে গরিবদের সাহায্য করে । কিন্তু শিক্ষিত লোক, নিজে যে একজন অধ্যাপক, সে কী করে সায় দেয় যে সেইসব খুনীর ভালো ছাত্র হতে পারে । বললাম, আপনিও কি বিশ্বাস করেন নাকি ?

নিখিলানন্দবাবু বললেন,—হতে পারে তারা ভালো ছাত্র ।

আমি বললাম, আপনি তো অধ্যাপক । পরীক্ষার ফল ভালোই ছিল নিশ্চয় । আপনিই বলুন দিনরাতে কত ঘণ্টা বই মুখে বসে থাকতে হত ।

একজন যাত্রী বলেছিল, মেধাবীদের পক্ষে কম পড়লেও চলতে পারে ।

বললাম, কার কম পড়লে চলেছিল ? বিদ্যাসাগর, ব্রজেন্দ্র শীল, স্মার আশুতোষ ? আসলে জানিস, হুবি, এটা একটা প্রচার । আমি নিখিলানন্দের সামনে বললাম, একজন যে খুন করে এসেছে, কিংবা খুন করার সংকল্প করেছে, কিংবা ক্রমশ খুনের সাথে জড়িয়ে পড়ছে, তার মন এমন শান্ত কখনই হতে পারে না যে বই-এর কোন থিয়োবি, থিয়োরেম তার মাথায় ঢুকবে সহজে । যদি তা সবেশে বেশি নম্বর পায়, ভালো ছাত্র বলে প্রমাণিত হয়, বুঝতে হবে তারা যে দলের কেডার তার দলপতিদের কেউ কেউ আছে অধ্যাপকদের মধ্যে যারা কামুফ্লেজের জন্য পরীক্ষার আগে সেইসব ছাত্রকে পাঁচ-সাতটা করে প্রশ্ন মুখস্থ করিয়ে দেয় । কিংবা পরীক্ষার খাতা দেখে ভালো ছাত্র হওয়ার উপযুক্ত নম্বর দিয়ে দেয় ।

আতঙ্কে দিশেহারা হয়ে গিয়েছিল নাকি তখনই হুবি ? কেন বলতে গেলে এসব কথা ? কী দরকার ছিল ?

বডদার মৃত্যুর কয়েকদিন আগেই মেজদা নিজে বাসা করে চলে গিয়েছিল বউদিকে নিয়ে ।

একদিন মুকুলকে জিজ্ঞাসা করেছিল হুবি, তুই নাকি মেজদাকে অল্প কোথাও চলে যেতে বলেছিস । নাকি বলেছিস, চলে যাওয়াই ভালো ।

মুকুল অনেকক্ষণ চুপ করে ছিল । তার মুখ দেখে মনে হচ্ছিল সে একটা চাপা অশান্তি কিংবা উত্তেজনায় পুড়ছে ।

মুকুল বলেছিল, সেই তো ভালো হল । (কেমন যেন উদাস শোনাল তার গলা) একটা কথা বলব তোকে, কাউকে বলিস নে, স্ববীর-শমুকেও না । হয়তো—

—কী এমন কথা যে বলতে পারছিস না ?

—হয়তো এমন হতে পারে তোকে বা আমাকে বলা হল মেজদার উপরে

অ্যাকশন নিতে ?

আতঙ্কে দিশেহারা হয়েছিল নাকি তখন স্ববি ?

মেজদার সঙ্গে মাসে একবার করে দেখা হত স্ববির । স্ববিই যেত মার চিঠি নিয়ে । আর মেজদা টাকার খামটা দিত । বড়দার মৃত্যুর আগে শেষ চিঠি দিয়েছিল মেজদা । লিখেছিল, আগামী মাসে মাইনা বাড়বে । আগামী মাস থেকে বাড়তি টাকাটা তোমাকে পাঠাবো । মা, আমি ভিহিকেল ডিপার্টমেন্টে কাজ করলে ঘুষ-ঘাষে আরও অনেক বেশি পেতে পারতাম । তোমাকে দিতেও পারতাম । কিন্তু আমি স্কুলমাস্টারের ছেলে বলে ঘুষ-ঘাষ নিতে পারছি না ।

স্ববি হাঁপাতে লাগল । হাঁ করে-করে নিশ্বাস নিতে হচ্ছে তাকে । মুকুল কি আন্দাজ করেছিল ? নাকি স্ববীর-শমুর কাছে অ্যাকশনের হুকুমটা শুনেছিল ।

তখন মুকুল চলে গিয়েছে । মুকুল, মুকুল... আমি অন্তত আমার দুই হাত দিয়ে চটের খলেটা ধরে ছিলাম ।

সেদিন মেজদার বাসার কাছাকাছি গিয়ে বড় রাস্তার মোড়ে স্ববীরকে দাঁড়িয়ে থাকতে দেখেছিল স্ববি । আর একটু এগিয়ে একটা গলির মধ্যে একটা চায়ের দোকানে বসে থাকতে দেখেছিল শমুকে । অথচ তারা কেউ যেন স্ববিকে দেখতেই পেল না ।

ঘণ্টা দুয়েক ছিল স্ববি মেজদার বাসায় । বউদি আর মেজদা তাকে কত আদর করেছিল । টাকা দিয়েছিল মাকে দিতে । বউদি বলেছিল, চলো ঠাকুরপো, আজ সিনেমা দেখে আসি । মেজদা বলেছিল, তোর কি শরীর খারাপ লাগছে । একটু শুয়ে নিবি ? চা জলখাবারের পর বউদি গা ধুয়ে এল, পরিপাটি করে চুল বাঁধল । স্ববি বাড়ি ফরতে আর মেজদার সিনেমার জন্ত তৈরি হল ।

একটা প্রচণ্ড চাপে স্ববির দম বন্ধ হয়ে আসছে । কালো কালো গ্যাসে তার বুক এমন ভরে উঠেছে যেন তা ফেটে যাবে । আকাশে ঝড়ের মেঘ যেমন বিদ্যুতে ফাটে আর জল নামে গলগল করে তেমন হলে হত ।

মেজদা বউদি বাসা থেকে পঁচিশ গজ যেতে স্ববীর-শমুকে দেখতে পেয়ে থেমেছিল । পাড়ার ছেলে ছিল তো । মেজদা কথা বলতে থেমেছিল ! আর ঠিক তখনই শমু ছোরাটা বসিয়ে দিল মেজদার পেটে । আর মেজদা পড়ে যেতেই স্ববীর ক্ষুর দিয়ে মেজদার গলাটা কেটে দিল । তখনও স্ববি বিশ গজ দূরে যায়নি ।

স্ববি প্রাণপণে চেষ্টা করতে লাগল গলা দিয়ে শব্দ বার করতে, চোখ মুচড়ে চোখে জল আনতে । সে বলেনি, মেজদা শমু-স্ববীরকে দেখে এলাম । মেজদা তুমি আজ বেরিও না । সে বলেনি মেজদা তুমি শমু-স্ববীরকে পাড়ার ছেলে মনে কোরে

না। সে মেজদাকে সতর্ক করে দিয়ে বলেনি, মেজদা তোমাদের রিভলবার ছাড়া
যেোনো উচিত নয়। বউদি মেজদার শরীরের উপরে অজ্ঞান হয়ে পড়ে গিয়ে-
ছিল। কিন্তু হুবি এ-গলি ও-গলি ঘুরে বাড়ি ফিরে এসেছিল। বাড়ির নিরাপত্তায়।
না, অন্তত সে মেজদাকে সতর্ক করে দিতে পারত, যা সে করেনি। না না...

একটা জান্তব, চাপা আর্ভনাদ বার হল হুবির গলা থেকে।

হলতা এসে বললে, ডাকছো আমাকে ?

হুবি চেয়ে দেখল, হলতা এসে দাঁড়িয়েছে। মলিন পাড়-ছেঁড়া শাড়ি পরা।
সে অনুভব করলে এবার অনেক জল আসবে চোখে। কিন্তু দারুণ গরমের হলকা
উঠতে থাকলে যেমন বর্ষার মেঘ উড়ে যায় উদাস হয়ে, হু-একটা ফোঁটা মাত্র জল
পড়ে শুকনো ধুলোয়, হুবির চোখেও জল এল কি এল না।

হলতা বললে,—নারায়ণ কি ধারে একসেরটাক চাল দেবে ? ওর দোকানে
তো আলুপটলও আছে ? দেবে ধারে সামান্য কিছু ?

অক্ষুটস্থরে হুবি বললে,—মেজদা, মেজদা...

হলতা বললে,—কিছু বলছ ? হলতা দেখলে, হুবির চোখের সাদা অংশ সব
যেন কুম্ভাশায় ঢাকা, সেজতাই যেন সে চোখ পিটপিট করছে। হলতা জানে এ
বাড়িতে যে-কোন লোকের যে-কোন সময়ে তেমন হতে পারে হুবির যা হচ্ছে।
জিজ্ঞাসা করে জানতে গেলে তুমি আর ধারে চাল কিনতে যেতে পারবে না।

হলতা চলে গেলেও হুবির বুক আর গলা থিরথির করে কাঁপতে থাকল। সে
নিশ্চয় মেজদার হুল্লর সুগঠিত গলার নালীতে ক্ষুর বসিয়ে দেয়নি কিন্তু, কিন্তু...

কিছুক্ষণ পরে হু-তিন ফোঁটা জল পড়ল হুবির চোখ থেকে। হ্যাঁ, এ বাড়িতে
সবকিছুই ঘটছে মেজদা চলে যাওয়ার পর থেকে ! সে শুনেছে দমদমের দিকে কী
এক অ্যাকশন হয়েছিল এক সন্ধ্যায়। পরের দিন সকালে কাছাকাছি একটা গলিতে
সারা ব্যক্তির ঠাণ্ডায় জমে যাওয়া শমুর শরীরটাকে পাওয়া গিয়েছিল। সে শুনেছে
হুবির কয়েকটা মামলায় জড়িয়ে পড়েছে।

তিন মাস হল মেজদা নেই, এই তিন মাসে এ বাড়ির ঘটনাগুলো এখন অভূত-
ভাবে আটপহরে এমন সাদা-হলুদ রঙে জাঁকা যে ছবিগুলোর মধ্য দিয়ে তোমার
দৃষ্টি চলে যায়—এবং ওপারেও কিছু থাকে না। মনে করা যায় ঘটনাগুলোকে—কী
লাভ ? কী লাভ ?

যেমন পাঁচ-ছ দিন আগে সকালে মুখ হাত ধুতে গিয়ে সে বড়দার শব্দের
পায়রার খোপটার দরজাগুলো খুলে দিতে গিয়েছিল। সেই কুড়িটি পায়রার মধ্য
তিন-চারটি তখনও ছিল ভামের আক্রমণের শেষে। হঠাৎ খোপের নিচে চোখ

পড়েছিল হাবির। রক্ত নাড়িভুড়ি জড়ানো কয়েকটি শাদা শালক চোখে পড়েছিল তার।

যেমন চার-পাঁচ দিন আগে বাবা জিজ্ঞাসা করেছিলেন, ইলেকট্রিসিটি আঙনের চাইতে শক্তিশালী, তাহলে কি জ্বালাটা আঙনে পুড়ে যাওয়ার চাইতেও বেশি ? সে তো বড়দার কথাই। যারা বিদ্যুৎ লেগে মারা যায় তারা হয়তো কিছু অনুভব করে না বলে হবি পালিয়ে এসেছিল।

যেমন এরই মধ্যে একদিন মা এঁটোহাতে কপাল চাপড়াতে চাপড়াতে বলে- ছিলেন—ওরা কেউ খায়নি। সে তো বড়দা আর মেজদার কথাই। কেমন একটা কক্ষ অতুর্বার গরম বোধ হচ্ছে যেন, যেন সাদা-হলুদ এই শূণ্যতার দরজা-বন্ধ-করা একটা গুমোট আছে।

যেমন দু-তিন দিন আগে দুপুরে বউদি তার নিজের ঘরে কাঁদছিল। যেন এক দারুণ অনুতাপের বুকচাপা কান্না। তখনই স্থলতা বলেছিল, কী লজ্জা, কী ভয়ংকর হৃদয়হীন লজ্জার কাজ করেছে সে। চার মাস হল হাবির মেজদার মৃত্যু হয়েছে, আর এখন দেখা যাচ্ছে স্থলতা চার মাসের গর্ভবতী। কী করে সে বলবে একথা মাকে, কী করে প্রকাশ করা যায় এই হৃদয়হীনতার কথা ?

যেন এই রাজ্যে, এই পৃথিবীতে, এই সাদা-হলুদ শূণ্যতায় যা ক্ষণে ক্ষণে ধূসর, সেই সময়ে এই নিলাজ প্রাণের অকুরের কথা প্রকাশ পাওয়া। যেন স্বামীর কাছে থেকে সন্তান গ্রহণ করাব চাইতে নিলাজ পাপ আর কিছুতেই হয় না।

আর হবি উপায়ান্তর খুঁজে না-পেয়ে বলেছিল—আজকাল আইন আছে বউদি। ওকে সরিয়ে ফেলো। চলো হাসপাতালে যাই। কী লজ্জা, কী লজ্জা !

ফিসফিস করে কথা বলছিল হবি তখন। আর স্থলতাও তখনই হাসপাতালে যাওয়ার জ্ঞান সেই মুহূর্তেই ছেঁড়া আধময়লা শাড়িটা পাণ্টে, ছেঁড়া চটিটা পায়ে গলাতে গলাতে বলেছিল ফিসফিস করে, আমার এই হারটাই আছে—প্রায় তিন ভরির হার। এতে হয়ে যাবে বোধ হয়। যন্ত্রচালিতের মতো জামা গায়ে গলিয়ে এসেছিল হবি। সে কি তখন হাঁপাচ্ছিল। হয়তো সে নিজে নয়, তার বুকের ভিতরে কেউ।

কিন্তু হঠাৎ না-না বলে তীক্ষ্ণ কান্নায় ভেঙে পড়ে বউদি চৌকির উপর বসে পড়েছিল। সামনে আকুল হয়ে হাত ছড়িয়ে দিয়ে যেন কাউকে রক্ষা করবে।

হবি ভাবলে,—আচ্ছা, সেই ছেলে বড় হয়ে যদি একদিন আধো-আধো ভাবায় জিজ্ঞাসা করে, তোমার গায়ে কত জোর কাঁকা, আমার বাবাকে বাঁচাতে পারলে না কেন ?

আবার হবির গলার কাছে শিরাগুলো তিড়িতিড় করে কাঁপতে শুরু করল।

যদি আরও বড় হয়ে বলে,—কাকা, তোমার দাদা, তোমার নিজের দাদা, তোমার মায়ের পেটের ভাই, তুমি প্রতিশোধ নাওনি কেন ?

জোরে জোরে ফুঁপিয়ে উঠল হবির বুক। না, কিছুতেই জল আসতে দেবে না সে।

যেমন কাল। কাল সারাদিন হবি জনক মূর্চির কাছে বসে ছিল। জনক মুচি কাজ করছিল। জুতো মেরামত, শ্যাঙালে লোহা ঠোকা, জুতোয় রং। আর সকাল থেকে দুপুর, দুপুর গড়িয়ে বিকেল। রোদে, ধুলোয় একটা ইটের উপরে বসে ছিল হবি। একেবারে চুপ করে নয়। খড়কুটো উড়ছিল। একটা লম্বা খড় পেয়ে সেটাকে নখ দিয়ে কুটিকুটি করে আনমনে সেই হলুদ-সাদা রোদের গুমোট দুপুরটা কাটিয়ে দিতে পেরেছিল সে।

শুলতা বাঁহ্মার থেকে ফিরেছে। একটা কাগজের মতো কিছু হাতে করে নিজের ঘরে গিয়ে ঢুকল। কিছুক্ষণ পরে সে ডাকলে হবিকে,—হবি, হুভাষ, দেখে যাও।

হবি গেল শুলতার ঘরে। শুলতা বললে,—দেখো তো এটা কী ?

হবি দেখলে শবরের কাগজে একটা ঠোঙা, যার গায়ে ছবি। হবি বললে,—চাল এনেছ, সেই ঠোঙা ?

কিন্তু সে দেখতেও পেল। চমকেই উঠল সে। একটি আলুথালু মহিলার ছবি, শোকে মুহমান বোঝা যায়, এমন কি মুখ দেখে মনে হয় শোকে হাহাকার করছে। সেই ছবিটার কোণে কেটে বসানো একটা ছোট পৃথক ফটো একটি তরুণের। হবীর। কী আশ্চর্য হবীর।

শুলতা বললে, সংবাদটা দেখো।

হবি পড়লে, অধ্যাপক নিখিলানন্দ আণ্ডারগ্রাউণ্ড ছিলেন। অসুস্থ হয়ে হসপিটালে ছদ্মনামে ভর্তি হয়েছিলেন। হবীর বাবা নিখিলানন্দ। মৃত্যুর পাঁচ-ছয় দিন আগে নিজের পরিচয় দিয়ে হবীরকে আর তার মাকে শেষবারের মতো দেখতে চেয়েছিলেন। অথচ সরকার হবীরের মাকে সংবাদটা জানিয়েছিল মৃত্যুর পরে। তবু সে অভাগিনী স্বামীব মৃতদেহ দেখতে পেয়েছিল। কিন্তু সরকার জেল থেকে হবীরকে পিতার শেষকৃত্য করতে, এমনকি শ্রাদ্ধ করতেও ছেড়ে দেয়নি।

নির্মম করছে হবির শরীর। সে যেন ঘরেই নেই। বহুদূর থেকে যেন বউদি শুলতার গলা ভেসে এল। শুলতা বললে,—বাস্তবিক, কী নিষ্ঠুর না এই সরকার ? এরকম সাংবাদিকতার জ্ঞান পুরস্কার পাওয়া উচিত। দশটা প্রবন্ধের চাইতে এই একটা ছবি, এই এক কলাম সংবাদ বেশি কাজ করে।

হুবি কথা বলতে গিয়ে ঢোক গিলল ।

হুলতা বললে,—তুমি দেখো, ঠাকুরপো, আমাদের এই দাশঃপ্ত পুরস্কার পাবে ।

হুলতা যেন হাসল । কিন্তু হঠাৎ যেন সে ফুঁপিয়ে ফুঁপিয়ে কেঁদে উঠল—কিন্তু, হুবি, কিন্তু হুবি, আমার ছবি, আমার ছবি কোন সাংবাদিক কি ছাপবে না ?

হুবি ভাবলে, আজও সে কি জনক মুচির পাশে সেই ইটটার উপরে চূপ করে বসে সারাটা হলুদ আলোর ছপুর কাটিয়ে দিতে পারবে ? বলা, পারবে ? হয়তো বাতাসে উড়ে-আসা একটা ঝড়ও পেতে পারে আবার আজ সময় কাটাতে ।

মুন্সী অপেরা

শহরটার নামেই এখন যেন যাত্রা-পালার কথা মনে হয়ে যায়।

একটা ছোটখাট, আঁটসাঁট, আদালত—থানা—জেলখানা আর তাদের হাকিম-সমেত শহর ছিল। তার পর শহর বাড়তে শুরু করেছিল, একটা দোকান, একটা মেরামতি কারখানা, একটা খুপরি ঘর, এইভাবে হাইওয়ে-বরাবর। তার পর এক সময়ে এমন হল, প্যানট্যানের কথা কেউ ভাবে না, যার যেখানে খুশি বাড়িঘর তুলছে। সে সময়ে নতুনদের মধ্যে উদ্বাস্তরাই ছিল বেশ। আগে শহরটা ছিল চৌকো। এখন লম্বায় বাড়তে বাড়তে পূর্ব দিকে এক ফরেস্টের ধার-ঘেঁষা জংলি গ্রামের কাছাকাছি, বিপরীত দিকে একটা রেলজংশনের প্রান্তে পৌঁছে গিয়েছে। শহরের পশ্চিম দিকে ছোটখাট কল-কারখানা, তাদের সংলগ্ন ষ্টিং-ষ্টিং বস্তু। পূর্ব দিকে শহরের পুরনো সীমানা নালাটা পার হলেই চাষের জমি আলে-আলে ভাগ করা। আর সে-সব জমির মাঝে-মাঝে ছোট-ছোট ঘরবাড়ি—কোনোটি কাঠের, কোনোটি ইটের, বেশির ভাগ কিন্তু বাঁশ আর খড়ের, যাদের পিছনে দূরে মেঘের মতো জড়লের আভাস।

একবার কি হল : কাঠের খাষায়-খাষায় তার টেনে বিছাৎ এগোল পূর্ব দিকে শহরতলিতে। কিন্তু গ্রামের লোকেরা বিদ্রোহ নেয় নি। সেই উন্মত্তনের ঝাঁক প্রমাণ করতে একটা কাঠের খোঁটার মাথায় একটা শেড ছাড়া বাজ দিনরাত জলে।

শহরের আইন-আদালত, থানা, জেলখানার হাকিমদের কাজ নিশ্চয় চলছে। ছোট-ছোট কারখানাগুলোও বসে নেই। ষ্টিং বস্তুতে মদ খাওয়া, মারপিট করা, কেনাকাটা, দু-একটা ছিনতাই—এ-সবই আছে, যেমন শহরে থাকে। কিন্তু বাইরের লোকের কাছে, যারা অন্তত খোঁজ-খবর রাখে অর্থাৎ নিজদের গ্রামে-গঞ্জে যাত্রা-পালা নিতে চায়, এ শহরটার মূল্য ধান-পাটের জন্ত নয়, সেই-সব ছোট-ছোট কারখানার পিতল-কাসার বাসন বা লোহার গ্রিলের জন্তও নয়, বরং এই শহরটা দু-তিনটা যাত্রাদলের হেড কোয়ার্টার বলে।

শহরের লোকেরাও এই যাত্রাদলের কথা জানে। কারণ দুটো দল মানে দেড়শ জন লোক। দুটো দল মানে দু-দলের রিহার্সাল, প্রতিযোগিতা, বাইরে থেকে আসা নট-নটী, কাজেই শহরের লোকদেরও কানখাড়া করতে হয় মাঝে মাঝে।

হাইওয়ে-বরাবর পূর্ব দিকে চলতে-চলতে হাট-খোলার কাছাকাছি এসে বিদ্যাতের সেই কাঠের ঘে-খুঁটি থেকে দিনরাত আলো জলে, তার নীচেই একটা বড় টিনের তৈরি গুদাম । অতুমান হয় এক সময়ে কারো ঘান বা পাটের গুদাম ছিল । এ ঘরটাতেই মুন্সী অপেরার রিহার্সাল বসে থাকে । গুদামটার কাছাকাছি এদিকে ওদিকে ছড়ানো কয়েকটা ইঁট আর টিনের আব-পুরনো বাড়ি । বাড়ি-গুলোর এ-পাশ ও-পাশ দিয়ে কয়েকটা পায়ে-হাঁটা গলি তৈরি হয়েছে । অপেরার যে-সব অভিনেতা অভিনেত্রী অল্প শহরের লোক, যাদের সে-সব শহরে ফিরে যাওয়ার টান নেই, কিংবা দল বদল করার মতো ভালো অভিনয় যারা আর করতে পারে না, তারা প্রায় স্থায়ীভাবে এই-সব ঘরে থাকে । অল্প-সব অভিনেতারাই সাইকেল করে শহর থেকে আসে । রিহার্সাল যখন খুব জোরদার, তখন কেউ-কেউ এই গুদামেই থাকার ব্যবস্থা করে নেয় ।

যাত্রাদলের লোকেরা কোথাও স্থায়ীভাবে থাকে না, পুজোর পর থেকে শীতের শেষ, এমনকি বৈশাখের ঝড়বৃষ্টি হওয়ার আগে পর্যন্ত, তাদের তো ভোজনং যত্রতত্র, শয়নং হট্টমন্দিরে । যখন যেখানে পালা গান তখন সেখানেই । বর্ষার সময়টা অনেকেই যাদের ঘরবাড়ি আছে, আত্মীয়স্বজন আছে তারা চলে যায় । কিন্তু তা হলেও এবার যেন একটু বেশি ফাঁকা-ফাঁকা । কামিনী, দুর্গা, আর যত্ন আছে এক বাড়ির তিনখানা ঘরে । বড় চটুরি ঘরখানায় রসিক বেহালাওলা, আর তার ছেলে চাঁদু । ঘরটার পাশ দিয়ে গেলে রসিকের বাঁশি আর চাঁদুর বেহালার ক্যাঁকো শুনতে পাবে । দলের অল্প বাজনাদারদের সাড়াশব্দ নেই । কামিনীদের বাড়ির পিছন দিকে গজা, কালি, আর সুরেন । গজা আর কালি কখনও কখনও পালায় নামে, কিন্তু তাদের আসল কাজ পোশাক-আশাক ঠিক রাখা, পরুলোটুলো ঠিক আছে কি না দেখা । আর সুরেন টিকেট বিক্রি করে, হিশাবপত্র লেখে । চিঠিপত্র দেয়া-নেয়া করে । সুরেনবাবুই তার নাম ।

এখন বর্ষাকাল বটে, কিন্তু তাই বলে এমন ছন্নছাড়া বোব হয় হওয়া উচিত নয় । কথাটা ভবকুমারের মনে লেগেছে ।

আজ হাটের দিন । আজ কিছু লোকজন হবে এ-অঞ্চলে । শহরের বাজারের ফড়েরা যেমন, শালবাড়ি, চিকলিগুড়ি, মান্দাস এসব বুনা গ্রাম থেকেও জেতা-বিক্রেতারা আসবে । কিছুদিন থেকে একজন করে কনস্টেবলও আসছে । আগে তাও আসত না । কলকারখানার বস্তি অঞ্চলে রাতেও পুলিশ থাকে কখনও কখনও । এ-দিকে যদি পুলিশ আসে, সে দিনের বেলায়, হাটের দিন, মাঝে-মাঝে—আর তা হয়ত সস্তায় খানার বাবুদের গুস্ত কেনাকাটা করতে ।

অবশ্য বলতে পারো কোনো-কোনোদিন রাত করে দু-একজন লোক আসে বাইরে থেকে এ-অঞ্চলে, তা কিন্তু রিহার্শালের পরে । তারা নটীদের কারো কারো পরিচিত হতে পারে । কারা আসে, সংখ্যায় তারা কতজন, কোন্ অভিনেত্রীর ঘরে বসার সুবিধা আছে—এ-সব খবর অত রাতে কে রাখতে যাচ্ছে ? একবারই একটা গোলমাল হয়েছিল, সেই যে কামিনীকে বেশি মদ খাওয়ানোর ফলে । কেঁদে-কেটে কামিনী এমন হৈ-চৈ বাধিয়েছিল যে মনে হবে তাকে মারধোর করা হয়েছে । বয়স হওয়াতে কামিনী এখন সাধারণত বিধবা, শান্তি, সম্মানসিঁনি এ-সব পাট করে । কিন্তু একটা পাট এখনও বোধ হয় তার বাঁধা, সেই যে দুর্গেশনন্দিনীর বিমলা ।

গোলমালটা একটু কমই এ-অঞ্চলে ।

খাকি প্যান্ট, জামাটা খাকির চাইতে বরং তামাটে, বোঝা যায় ইউনিফর্মের নয় । বুটের উপর দিকটা কেটে ফেলে যেন তৈরি, এমন পাম্প জুতো । পিতলের তাগা পরানো খাটো মোটা বেতের লাঠি । কনস্টেবলই, কিন্তু খানিকটা কর্তব্যো, খানিকটা বেড়াতে এসেছে এমন ভাব । বাসটা চলে গেলে সে পথের ধারের তিনটি দোকানের একটিতে গিয়ে বসল । তেল ছুন মশলার বেনেতি দোকান, কিন্তু সামনে পথের ধার ঘেঁষে পাতা ময়লা একটা উঁচু বেঞ্চে সাজিয়ে রাখা হলদে-হলদে কাচের গ্রাশ দেখে বোঝা যায় অন্তত হাটের দিনে চা বিক্রি হয় ।

দোকানদারের সামনে একজন ক্রেতা ছিল, তা সবেও চোখের কোণে কনস্টেবলকে দোকানে ঢুকতে দেখে নিয়েছিল । দোকানের সামনের দিকে একজন গ্রাম-বাসীকে দাঁড়িয়ে পড়তে দেখে দোকানদার তাকে উলুনে একটু হাওয়া দিতে বলে কনস্টেবলকে বললে, বসেন, আজ্ঞা ।

কনস্টেবল বললে, থাক থাক এখনই চায়ের দরকার নাই । এদিকে বৃষ্টি হয় নাই, কেমন ? দোকানদার বললে, বনের দিকে চেপে সকালে বৃষ্টি ছিল ।

ঘরের ভিতরে একটা হাতলভাঙা চেয়ার । তাতে বসল কনস্টেবল । এদিক ওদিক তাকাল । রাস্তার সমান্তরাল বাঁশের দেয়ালে একটা পুরনো ক্যালেন্ডারে কাল্পনিক এক চিত্রতারকার ছবি । সিনেমার অঙ্ককার নয়, হুতরাং সেই বুক উক্ক ইত্যাদি সোজাছজি দেখতে লজ্জা বোধ হল কনস্টেবলের । সে বরং সামনের দেয়ালের দিকে চাইল । অনেকদিন থেকে আছে, বড় বড় রঙিন অঙ্করে লেখা পোস্টার, যাত্রারই । মৃন্ময়ী অপেরার বিশেষ অবদান । অবদানের তারিখে দিন, মাস আছে, সন নেই । কতদিনের পুরনো তা বোঝা যায় না । শাদা কাগজ পেয়ে কিছু হিশাব লেখা এক কোণে, এক কোণ ছেঁড়া, মাঝখানে দোলের রঙিন পিচ-

কারির ছোপ। ‘বিপ্লবকারী নাটক লেলীন’। ঈ-কার, আর ল-য়ে এ-কার এবং ন’য়ের চাইতে বেশি রঙ ধরে বলেই বোধ হয় পোস্টারটা বেশি চোখে পড়ে।

বিপ্লব শব্দটাই একটু গোলমেলে : গোলমাল, বোমফাটা, রক্ত, মাটিতে পড়ে থাকা অশ্রমী মানুষ—এ-সব মিলে এমন একটা চাপ দিতে থাকে যে উদাসীন থাকা যায় না, পক্ষে বিপক্ষে কিছু একটা করতে হবে মনে হয়। এক পা অস্ত্র পায়ের উপর তুলে জড়সড় হয়ে বসল কনস্টেবল। বললে, বৃষ্টি না হলে ঘাস হয়ে যাবে ধানক্ষেতে। দোকানদার বললে, সকালে বৃষ্টি হয়েছিল সামান্যই।

সে চায়ের গ্লাসটা ধরিয়ে দিলে কনস্টেবলের হাতে। বৃষ্টির সংবাদটা জমল না। চায়ে মন দিল কনস্টেবল।

দোকানদার বললে, হাট জমবে না আজ।

কেন ?

হাটাই নেই ত হাট। দোকানদার দাঁতের ফাঁক দিয়ে পিচ্ করে থুতু ফেললে।

একটা শূন্যতার মধ্যে দিয়ে যেন কথাটাকে ধরতে পারলে কনস্টেবল। বললে, হাটাই, মানে ইজারাদার নেই। হ্যাঁ, তাই ত। ঘন ঘন দ্রবার চুমুক দিলে কনস্টেবল চায়ের গ্লাশে। এটা অন্তত বৃষ্টি হওয়া না হওয়ার চাইতে দরকারি কথা যেন, এমন অল্পভব হল তার।

হাটের দিন। একজন ক্ষেতা আবার দোকানের সামনে। লোকটির পরনে বৈটে খুতি, গায়ের জামাটা ছেঁড়া। নাক চাপা, চোখের গড়ন তেরচা। আদিবাসী হবে। শতকরা হিসাবে এখন তারা ক্রমশ কমছে পূর্ববঙ্গের ‘মাইগ্রেশন’ যত বাড়ছে ; মোট সংখ্যায় বোধ হয় এখনও বেশি। এক সময়ে শালবাড়ির এদিকে-ওদিকে তারাই সব ছিল। দোকানদার তার ওজন বাটখারার বাস্তর দিকে গেল।

কিন্তু বিক্রি হল না। তেলের দাম নিয়ে মুহূ কথাকাটাটি হল।

মুদি ভাবলে, পাছ তুমি এগার টাকার কমে সরষের তেল। ব্যাটা রাভা। দেখ না কোন্ দোকান দেয়। দোকান ত আর একটাই যেখানে তেল পেতে পার। আর সে দোকানদারের সঙ্গে কাল মাঝরাতে আমার এই দোকানে বসেই মাল ভাগা-ভাগি করেছি। হুঁ হুঁ একই তেল, একই দাম। আসলে এই রাতাদের জাতের ঠিক নেই। ছিল রাভা, মানে হিন্দুই না। হল হিন্দু। এখন আবার বলছে, গুয়ার খাওয়া বন্ধ করে, পচানি খাওয়া বন্ধ কবে হিন্দু হয়েও কি লাভ, যদি সকলের নীচেই থাকা ? আদিবাসী থাকা ভালো, সরকার সুবিধা দেয়। আসলে সরকারই করেছে মুশকিল। প্যাক-প্যাক করে রেডিও বাজছে। কি ? না, সরষের তেল দশ টাকা। আর কাজ পেল না, গলা কাঁপিয়ে কাঁপিয়ে বলতে হয় সরষের তেলের দাম ;

বলতে হয়, গাঁয়ের লোকদেরই হুবিধা দিতে হবে। আদিবাসী নিয়ে ত সব পাড়ির চান্দাটানি।

কনস্টেবল বললে, কেউ না কেউ ত হাটাই হবে।

হয় কই? দোকানদার বিরস মুখে এই বলে ভাবলে, তা ওপার থেকে এদিকে পার হয়ে আসার পর, সে নিজেও কিছু করেছে তেমন। ওপারে তারা ছিল বারুজীবী, পানের বরজ ছিল না। তা হলেও জল চলত না। এপারে এখন কায়স্থ বলে পরিচয় দেয়। কিন্তু তার ছেলে যে বকসিহাট জুনিয়ার হাইতে মাস্টার, সে বলেছে কাগজপত্রে শিডুল থাকা ভালো। সরকারের হুবিধা ধরতে হলে কায়স্থ হয়ে লাভ নেই। জাতে ওঠা কিংবা টাকা-পয়সায় ওঠা কোন্টে ভালো?

একটা বাড়ি গিললে যেন দোকানদার, আর সে বাড়ি যে ভয়ানক তেতো তা তার মুখ দেখলে সন্দেহ থাকে না। সাতপুরুষের নামধাম বদলে ফেলার মতো, কেমন যেন অপমানের মতো বোধ হয়, ঠিক চালাকি করার হুখটা হয় না।

কনস্টেবল বললে, তা কেউ সা-র ত অনেক ওয়ারিশান থাকার কথা।

আছে। মামলাও চলছে।

দোকানদারের বিরসমুখ কনস্টেবল দেখতে পেল না। দোকানদার তার চট-ঢাকা গদিতে গিয়ে বসল। কনস্টেবল চা শেষ করে একটা সিগ্রেট ধরালে। সে অবাক হয়ে ভাবলে, বড় হাট নয়। তা হলেও লাভ হওয়ার কথা, অথচ কেউ খাজনা তোলে না। দোকান পার হয়ে, মেঠো রাস্তার উপর দিয়ে হাটের জমিটার দিকে সে যেন এই সময়টাটাকে হেঁটে যেতে দেখলে। এটা তার ডিউটি নয়। চার পাঁচ মাস থেকে এই হাটে সে আসছে। যেন থানার অভ্যাস হয়ে গেছে, হাটের দিন করে তাকে পাঠানো। তা ভালো। সস্তায় কিছু কেনা হয়। সে বললে, হাট বসতে ত সেই দুটো। ঘুরে আসি।

মুদি বললে, আজ্ঞে যান।

দোকান থেকে বেরিয়ে সামনে যে রাস্তাটা সেটা ধরেই হাঁটতে শুরু করলে কনস্টেবল। কিছুক্ষণ সে পরিচিত দৃশ্যগুলোতে ঝড়ের জন্ম যে পরিবর্তন হয় তা দেখতে দেখতে হাঁটল। পথের ধারে দু-একটা গাছপালা চোখে পড়েই। তা দেখতে-দেখতে হঠাৎ তার মনে হল : এখন গাফা পোঁপের সময় নয়। তা ছাড়া আগে যেমন গৃহস্থের মাচা থেকে ইচ্ছামত লাউ-কুমড়া, গাছ থেকে কাঁটাল, পোঁপে ছিঁড়ে নেয়া যেত এখন তা যায় না। পাঁচ-সাত বছর আগেও এমন ছিল না।

তার পর সে ভাবলে, আসলে এটা তার চিন্তার বিষয় নয়। হাটের কথাই সে

ভাবছিল। সেটাও নতুন কথা নয়। গত হাটবারে এসে মুদি দস্তমশায়ের কাছেই শুনে থাকবে।

ইজারাদার ছিল কেই সা। তার ঘোঁক ছিল যাত্রার। নিজের সাজত না। দলকে টাকা দিত। প্রথমে হুদে। পরে যাত্রা তাকে পেয়ে বসেছিল। দলের সঙ্গেও ঘুরত। ছোটখাট পার্ট পেলে সম্বুট হত। কালডোবার হাটে একটা ঘর ছিল সেখানে কিনত ধান আর তিসি। এই বুধাটি শালবাড়িতে ছিল গুদাম। এখানে কিনত পাট আর তামাক। বড় টিনের দেয়ালের ঘরটাই তার গুদাম। শহরের ভিতরে থানার পাশে বাড়ির সামনের দিকে পিতল-কঁাসার দোকান। সে বাড়িতে বউ আর মেয়ে। কালডোবার ঘরে একজন মেয়েমানুষ থাকত। অল্পদিন সে কি করত জানা যায় না। হাটের দিনে সে পরিষ্কার-পরিচ্ছন্ন হয়ে কেই সা-র জুতা অপেক্ষা করত। এ-সব জানাই যেত না তদন্ত না হলে। তা ছ-মাস হয়ে গেল দেখতে-দেখতে। কালডোবার হাটের ঘরে কুঠচরণ মরে পড়ে ছিল। সেই মেয়েমানুষটা তার বন্ধ ঘর হাটের দিন চাড়াও খোলা থাকতে দেখে অবাক হয়েছিল। রাতে কখন এসে থাকবে ভেবে এগিয়ে রাস্তার উপরে দাঁড়ানো কুঠচরণের একা দেখেও অবাক হয়েছিল। ভেবেছিল সাত-সকালেই ফিরে যাচ্ছে। যাওয়ার আগে চা খাবে কি না এই খোঁজ নিতে গিয়ে সে অবাক হয়েছিল। অর্ধেক পাতা বিছানায় কুঠচরণ ঝুমাচ্ছে। কিন্তু সে টের পেয়েছিল সেটা ঠিক ঘুম নয়। কষের কাছে বালিশটা লাল। নাকের ফুটোতে রক্ত, জামার বুকেব কাছেও রক্তে ভেজা। তার পর জানাজানি। তাব পর পুলিশ। তদন্তে জানা গিয়েছিল কুঠচরণের গলার চেন হার, হাতের আংটি, পকেটে সোনার সিগারেট কেস সব ঠিক আছে। জানা গিয়েছিল তার ঘরের দরজা ভিতর থেকে বন্ধ ছিল না, তালাটা খোলা অবস্থায় কড়া থেকে চাবি সমেত ঝুলছিল। সে মশারি টাঙায় নি, বিছানা পাতে নি। খুন? বুকের উপরে ছোট একটা ক্ষত, পেরেক হতে পারে, কিংবা গুলিসূচের মতো কিছু। কিন্তু তা হল কোথায়? ব্যাপারটা ঘটার পরেই কি কুঠচরণ একা করত এই ঘরে এসেছিল; নাকি এখানে ঘটার পরেই সে একা করত ডাক্তারের কাছে যাওয়ার চেষ্টা করছিল। কিন্তু সব নিঃশব্দে। হয়ত অনেক রাতের ঘটনা, কিন্তু সে-অবস্থাতেও কি লোকে সাহায্যের জন্ত লোক ডাকাডাকি করে না? পাকস্থলীতে মদ ছিল। তা হলে কি মদের বোরে নিজের ভালোমন্দ বুঝছিল না? বুকের শেষ ঘা-টার উপরে জাকড়া পুড়িয়ে ব্যাণ্ডেজ বেঁধে রক্ত বন্ধ করার চেষ্টা করা হয়েছিল। সে কি ভেবেছিল ঘাটা মাংস ফুটো করলেও ভিতরের কোনো যন্ত্রে লাগে নি? বিশ্রাম করলেই ক্লান্তি সেরে যাবে?

কনস্টেবল মুখ তুলে চাইল। সে গ্রামের পথেই চলেছে। এতক্ষণ ভান দিকে একটা জলা ছিল। এবার পায়ে-চলা পথটা একটা গাছের সামনে এসে বাক নিয়েছে। আগে হাটে আসার হবিধা ছিল। লোকের মাচা থেকে শশা-কুমড়ো, ক্ষেত থেকে ঝিঙে-পটল তুলে নেয়া যেত। পোঁপে-কলা চাইলে পাওয়া যেত। দু-পাঁচ বছরে কি পরিবর্তন। নিজে ক্ষেতে নামলে গাল দেয়, চাইলে হেসে হেসে ঠাট্টা করে। একজন ত একবার বলেছিল—সরকার মাইনা দেয় না বুঝি আজকাল? কিন্তু এই পথ ধরে এগিয়ে গেলে গ্রাম থেকে হাটের জন্তু আনা তরিতরকারি ফলমূল মাথায় গ্রামবাসীদের সঙ্গে দেখা হয়ে যায় কখনও কখনও। ঝুড়ি নামাতে রাজি করা গেলে কিছু সস্তায় পাওয়া যায়।

তা, কালডোবার সে-মেয়েমানুষটাকে তিনমাস হাঁজতে রেখেও খুনের কোনো হদিশ হয় নি। চাপাই পড়ে গিয়েছিল। নতুন দারোগা জগন্নাথবাবু আবার নতুন করে তদন্ত করতে চায়। দারোগাবাবু তার অ্যাসিস্ট্যান্টকে বলছিল, ওটা ত তীর হতে পারে। কক্ষির চোখা মাথায়, কিংবা কক্ষিতে বাঁধা সৰু লোহার চোখা শলা। তীর? এই শব্দটাতেই নতুন চিন্তা শুরু হয়েছে। তীর মানে আদিবাসীরা যা এখানে-ওখানে আবার হাতে নিয়েছে। খবরের কাগজ সবাই পড়ে। কনস্টেবলরাও একেবারে পড়ে না এমন নয়। আর সে-সব তীর চালানোর বুদ্ধির সঙ্গে শহরের ছাত্রটাজদের যোগ আছে।

কনস্টেবলের সামনে ত একটা পরিচিত গ্রামই। এখানে-ওখানে আখের ক্ষেত, এখানে-ওখানে ধানের জমি; এখানে-ওখানে আলের মাথায় পায়ে-হাঁটা গথ। চওড়া পায়ে-চলা পথের ধারে এখানে-ওখানে আগাছার ঝোপ, এখানে-ওখানে একটা শিমুল, একটা তালী, একটা বাঁশ ঝোপ। দূরে দূরে চাষীদের কুঁড়ে, একটা-দুটো জোতজমাওয়ালা লোকের বাড়ি। দুপুরের রোদ। দিনের আলোয় সবই স্পষ্ট দেখা যাচ্ছে। অপরিচিত পথও নয়। ঋতুর পরিবর্তনে রঙে কোথাও কোথাও যা তফাত হয়েছে। কিন্তু হঠাৎ তার মনে হল এ-সব ঢেকে খেন কোথাও কিছু আছে যা সে ঠিক বুঝতে পারছে না। যদি ওটা সত্যি আদিবাসীদের তীর হয়ে থাকে, যা আজকাল নাকি শহরের ছেলেরাও ছোঁড়ে। তার মনে পড়ল গতবারের হাটে যে হঠাৎ গোলমাল উঠেছিল, যাকে দোকানদাররা ভবকুমারের অ্যাকটিং বলেছিল, তার মূলে অস্ত্র কিছু ছিল নাকি? ভবকুমার নাটক করে বলেই সে হাটে দাঁড়িয়ে পার্ট বলছিল? এখন যাত্রাপালা হচ্ছে না বলে? না কি হাট করতে এসে গ্রামের লোকেরা গুনতে চেয়েছিল? হঠাৎ ভয়ে ভয়ে কনস্টেবলের কপাল, ঘাড়, গলায় বিন্ বিন্ করে ঘাম ছুটল। এদিক ওদিক চেয়ে সে তাড়াতাড়ি হাইওয়ে,

ধরার জন্ত হাঁটতে শুরু করলে।

হাট উপলক্ষ করে কনস্টেবলের গ্রামে আসা। দেখা যাচ্ছে হাটের হুবিধার সঙ্গে কর্তব্য মিলিয়ে জন্ত কেউ কেউ আসে শহর থেকে। শহরের এক ডাক-পিওন আব এক প্রোসেস সার্ভারও এসেছে। ডাক-পিওনের কাছে আছে যে-সব গ্রামে তার সপ্তাহে তিনদিন যাওয়ার কথা তাদের কিছু চিঠিপত্র। গ্রামে যাওয়ার পরিশ্রম তার বেঁচে যাবে। প্রোসেস সার্ভারের কাজ আদালতের নোটিশ শমন গ্রামে জারি করা। বছর ত্রিশেক বয়সের কালো গুঁটকো চেহারা। জামাটার হাতা এত ছোট দেখে মনে হয় সেটা তার নাও হতে পারে। প্যান্টটা হয়ত এক সময়ে নীল ছিল। ধুলো মাধা পায়ে রবারের চপ্পল। কাঁধে কাপড়ের বোলা। শহরের এই অঞ্চলে সে এই প্রথম আসছে। যদিও আদালত থেকে দু-তিন মাইলের মধ্যেই। হয়ত আরও দেরি করে আসত। কিন্তু যে-পক্ষ নোটিশ জারি করাচ্ছে তারা তাকে নগদ পাঁচটি টাকা দিয়েছে, হুতরাং তার পরে প্রথম যে-হাট পড়েছে তারই হুযোগ নিয়ে সে এসেছে।

বাস থেকে নেমে সেও একটা চায়ের দোকানে উঠল। দোকানটার পিছন দিকটায় দেয়াল, আর তিন দিক খোলা। যেরেটা দেখে বোঝা যায় আজই হয়ত ঘাস চাঁচা হয়েছে। পথের ধারে একটা কাঠের প্যাকিং কেসের উপরে কয়েকটা কাপ উপুড় করে রাখা। একটা জলচৌকির উপরে কাচ দেয়া টিনের বাক্সে স্লাইস করা কুটি, রঙের ফোঁটা লাগানো শাদা শাদা বিস্কুট, তার পাশেই দোকানদারের হাতবাক্স। বসবার জন্ত খানকয়েক মোড়া, একটা সরু বাঁশের মাচা। শুধু হাটের দিনেই হয়ত এই নতুন দোকানটা খোলা হয়। তা হলেও সেই একমাত্র দেয়ালে কাচের ফ্রেমে আবদ্ধ, যথেষ্ট পরিমাণে নগ্ন, স্নানরতা গোপিনীদের বস্ত্রহরণের ছবি। একটু খুঁটিয়ে দেখে নিয়ে ছবিটা থেকে চোখ সরালে প্রোসেস সার্ভার, আর সঙ্গে সঙ্গে অবাক হয়ে গেল। মুখ হাঁ হয়ে গেল তার, খ্যাংরাকাঠির মতো গৌফ কয়েকটির নীচে দুটো ভেঙে যাওয়া দাঁতের ফাঁকে মুখগহ্বরটায় কালচে জিত দেখা গেল। হঁ, তা এখানে থাকার উচিত। বেশ বড়ো চোকোণ পেটবোর্ডে স্নায়ী অপেরার বিজ্ঞাপন। কোনো শহরের রাস্তার ধারে বসানোর মতো করে বানানো। আর পালাগুলোও দেখ, নটা বিনোদিনী, বিপ্লবী লেলীন, সোনাই দীঘি। যেন এগুলো পরপর হবে এমন করে লেখা। প্রোসেস সার্ভারের কান দুটো গরম হয়ে উঠল যেন খুব দোস্তা দিয়ে পান খেয়েছে। তিনটি পালাই সে দেখেছে। নটা ত দু-দুবার!

গরম চায়ের কাপে চুমুক দিতে জিত পুড়ে কাঁকি লাগল তার মনে। চিন্তাটা

একদিকে যেতে পথ পেলে। সে ভাবলে : যাত্রা শুনে অ্যাসোসিয়েশন তৈরি হয় না। কিন্তু তার পরেই পরিবর্তন হয়েছিল। পালায় নাম শুনে গোলক দত্ত আর হারান চক্রবর্তী—দুজনে দল বেঁধে প্রোসেস সার্বারদের সকলকেই প্রায় যাত্রার আসরে নিয়ে গিয়েছিল। একজনও যেন বাদ থাকে না, এরকম চেষ্টা ছিল তাদের। সেই পালা দেখার পরে যাত্রা ছাড়া কারো মনে অল্প কোনো কথা ওঠে নি যেন। আগে অ্যাসোসিয়েশনের যে ভাব ছিল তা বদলে সব ঝাঁটসাঁট হয়ে উঠল যেন। আগে মুনসেফের বাজার-টাজার করে দিত প্রোসেস সার্বাররা। সে-সব বন্ধ হয়ে গেল। এখনও যদি মুনসেফের ব্যক্তিগত কাজ কেউ করে দেয়, তা গোপনে। কেরানিবারুদের ব্যাপারেও পরিবর্তন হয়েছিল। আগে তাঁদেরও মুনসেফের মতো খাতির করতে হত। দেখলে উঠে দাঁড়াতে হত। এখন আর তা হয় না। এবারকার পয়সা মে-তে বক্তৃতা দিয়েছিল গোলক দত্ত। কাছারির বটগাছটার তলায় রেলিং দেয়া মুহুরিদের বসার সেই চত্বর, যেন সেই সে জাহাজ, যা থেকে গোলা দেগে মুনসেফের আদালত, এস. ডি. ও.-র আদালত, বকসিহাটের সব বড়-বড় বাড়িঘর উড়িয়ে দেয়া হবে। গরিবদের কুঁড়েগুলো কোনোরকমে বেঁচে যাবে হয়ত। কিন্তু আসলে,...

প্রোসেস সার্বার দোকানদারকে লক্ষ করলে। বয়সটা অসুমান করলে। দোকানদারের পক্ষে চার-পাঁচ বছর আগেকার সেই পালাগুলো দেখে কি অনুভব করা সম্ভব ছিল? ই্যা, সেই নটী বিনোদিনী! ও-পালাটা দেখতে দল বেঁধে যাওয়া হয় নি। একটু লুকিয়ে-চুরিয়ে যাওয়া। এখনও তোলা যায় নি। কি রূপ, আর কি অভিনয়। একবার দেখলে আর একবার না-দেখে থাকা যায় না। জানা গেল বকসিহাটের পরে গৌরীপুরে হচ্ছে। বাসের ভাড়ার পয়সা খরচ করে পালা দেখতে গিয়েছিল অনেকে। লুকিয়ে-লুকিয়ে যেন, কিন্তু গিয়ে দেগেছিল অনেকেই উপস্থিত। নটী বলতে সেই ঠাট-ঠমক, হাসি? কি রূপ। কি অভিনয়। আর লজ্জাই বা কি? স্বয়ং রামকৃষ্ণের রূপা আছে না? কিন্তু...

হারান চক্রবর্তীর এমনিতেই রোগা-রোগা চেহারা। কিন্তু তার পর থেকে কি যে হল তার। লোকে বললে, অ্যাসোসিয়েশনের নির্বাচনে গোলক দত্তর কাছে হেরেই ভেঁমন হল। তুল উঠে গেল মাথার, গায়ে রঙ মরামাছের মতো। চোখে-মুখে কথা বলত, সে মুখে বাকি সরে না।

কিন্তু আসল মজা, কৌতূহল বোধ করলে প্রোসেস সার্বার—এমন একটা রঙ-চং-এর পোষ্টার এখন এখানে এল কোথা থেকে?

গলা খাঁকারি দিয়ে সে জিজ্ঞাসা করলে—কোথায় হবে?

কি ? দোকানদার অবাক হল ।

আঙুল দিয়ে যাত্রার পোস্টার দেখিয়ে প্রোসেস সার্বার চায়ের কাপে মন দিলে ।

ও ! দোকানদার চায়ের গ্লাসে চিনি ঘুঁটতে ঘুঁটতে বললে, হয় আর কই ?

দোকানের আর এক গ্রাহক বললে—মাঝে মাঝে প্যাপো শুনি । দলের তেমন জোর কই । দোকানদার তাকে চা দিয়ে বললে, হলে সেই পুজোর পরে হবে, এখন কি ?

প্রোসেস সার্বার জিজ্ঞাসা করলে, তা হলে পুরনো পোস্টার ?

পোস্টার ? কথাটা দোকানদারের জানা ছিল না । সে নতুন গ্রাহককে বললে, গজা গত হাটে বলছিল আমি গেলে নাকি পাট দিতে পারে ।

নতুন গ্রাহক বললে, তুমি সাজবে ? কাণ্ড ? এত লম্বা মানুষের কোন্ পাট ?

আমিও তাই বলি ।

বেলা দুটো হতে পারে, কিন্তু ঠিকঠাক বলতে পার না, ঘড়ি পাছ কোথায় ? আকাশে মেঘ থাকায় রোদটা পিঠপোড়ানি নয় । কিন্তু তা হলেও গরম লাগছে । সকাল হতে-না-হতে বাসি কুটি আর আলুপোড়া খেয়ে ক্ষেতে গিয়েছিল তারা, তার পর একটানা কাজ হয়েছে দুটো অবধি । কি ঝাল সেই আলুতে । বুদ্ধিটা গজুর । ঝাল আব তুন চড়া হলে স্বাদ-বিস্বাদের কথা মনে থাকে না । বরং বাসি কুটি জিভকে ঠাণ্ডা করে বলে তাকেই স্মরণ মনে হয় ।

স্বাদ ? কথাটা এ-অঞ্চলে প্রথম কস্তুরী মুখেই শুনেছিল ছিধর । এ-অঞ্চলে আসার মাস দু-এক পরে । সেদিন ঝাঁধুনি কোনো কারণে রান্না করে নি, কস্তুরী নিজেই করেছিল । ছিমন্ত আর গজু যেমন টপটপ সপসপ করে খাচ্ছিল, ছিদাম তা পারছিল না । এখন সে পারে । আর গজুর কথা ধরতে গেলে তার আরও বেশি করে খাওয়া উচিত । কারণ এখানে যা সে পায় কাজ করে তা খাবার । কাজ থাকলেই ছিমন্ত দিনের শেষে চার টাকা পায় । ছিধরের মাসে মাসে ত্রিশ টাকা পাওয়ার কথা যা আজ প্রায় একবছর কস্তুরী কাছে জমে যাচ্ছে । জমছে ত তার কথামতোই, গজু বলার আগে সে-বিষয়ে কেউ কিছু ভাবে নি । একদিন গজু, তার চাকরির ব্যবস্থা সম্বন্ধে খোঁজ-খবর নিয়ে সব শুনে বলেছিল, তা তোমার নাম ছিরেই হোক, কিংবা ছিধর, টাকাটা মাসে মাসে নিয়ে নিজের কাছে রেখো । ছিমন্ত জিজ্ঞাসা করেছিল, কেন, কস্তুরী কি মেঝে দেবে ? তা কেন, বলেছিল গজা, কোথায় কোন্ কাজে খরচ হয়ে যাবে, তোমার দরকারের সময় পাবে না ।

আপাতত ছিধর যা পাচ্ছে তা খাবার। সকালে চা রুটি আর আলুসিদ্ধ, দুপুরে ডাল-ভাত, রাত্রিতে ডাল-রুটি, কোনোদিন একটু ভরকারি। কতী কোনো কোনোদিন জিজ্ঞাসাও করে, পেট ভরল ছিধরে ? কিন্তু ছিধর স্বাদের কথা ভাবছিল। স্বাদ, ও হ্যাঁ, স্বাদ। তুমি জানতেই পার না কোথায় কোন্ স্বাদ লুকিয়ে থাকতে পারে। জঙ্গলের মধ্যে সেই লম্বা লোকটা, কোমরের আঁধ-হাতী গামছার কথা বাদ দিলে যাকে উলঙ্গ বলতে হয়, একটা জলার ধারে বসে কুড়িয়ে আনা কাঠকুটোর আগুনে নিচু হয়ে ফুঁ দিচ্ছিল। ছিধর চমকে উঠে আবার জঙ্গলে ঢুকতে যাচ্ছিল। হঠাৎ তখন মনে হয়েছিল, এ আগুন কি রান্নার ? এখানে কি কিছু খেতে পাওয়া যায় ? সেই লোকটাই পরে ছিমন্ত বলে তার পরিচিত হয়েছে। তখন ক্ষেতে কাজেব সময় নয়। ধান পাকতে একমাস দেরি। এখন ছিধর জানে ছিমন্ত তখন বনজঙ্গলে খাতের খোঁজে ঘুরত। এখন ছিধর জানে সেদিন মেটে আলু আর মাছ পুড়িয়ে খাচ্ছিল ছিমন্ত। এটা ছিমন্তর অদ্ভুত সৌভাগ্য যে সে জানে শালবাড়ির জঙ্গলে কোথায় মেটে আলু থাকে মাটির নীচে, শুকিয়ে ওঠা কোন্ জলার কাদায় কালো কালো সাপের মতো সেই মাছগুলো থাকে গর্ত করে। শালপাতায় ধোঁয়া-ওঠা মেটে আলুপোড়া আর কুঁচলা মাছ পোড়া খেয়েছিল ছিধর। এখন তাকে মাছ বলে জানে ছিধর। কিন্তু তখন এক হাত দড়ির মতো কিছু থেকে পোড়া মাটি খোসার মতো খুলছিল ছিমন্ত, ছিধর বুঝতে পারে নি সেটা কি হতে পারে, কিন্তু শাল পাতায়, পরে, সেই গরম ধোঁয়া-ওঠা মাংস আর মেটে আলুপোড়া ছিধরকে দিয়েছিল ছিমন্ত। দু-তিন দিন কিছু না খেয়ে বনে-বনে ঘুরে খোঁসা-সমেত মেটে আলু, আর কাদার প্রলেপ দিয়ে পুড়িয়ে নেয়া কোনো পাঁকাল মাছ—বিনা হুনে যে অবাক-করা আনন্দ দেয় তার নামই স্বাদ।

ছিধর মুখ তুলে সামনের দিকে চাইল ; আসলে তার ক্ষুধা পেয়েছে বলেই এ-সব কথা এমন করে মনে আসছে। হয়ত একেই সত্যিকারের ক্ষুধা বলে যখন এমন-সব কথা মনে হতে থাকে। ক্ষুধা পাওয়ার কথাও—সেই সকাল ছটায় কাজ শুরু হয়েছিল, এখন দুটো বাজে। তা হলেও অদ্ভুত এই ক্ষুধার অনুভূতি—যাকে স্বপ্নদই বলতে হয় ! শীতের বরনার জল আজলা করে তুলে খেলে যেমন অদ্ভুত স্বাদ লাগে। মাস কয়েক আগে সে ছিমন্তকে বলেছিল, আর একদিন সেই মাছ আর আলুপোড়া খাওয়া সম্ভব কি না। ছিমন্ত রাজি হয়েছিল। সেদিন ছিমন্তর কাজ ছিল না। ছিধর কতীর কাছে ছুটি নিয়েছিল একবেলার। শালবাড়ির বনে ঘুরে বেড়িয়েছিল ছিমন্তর পিছনে মেটে আলুর লতা চিনতে। কিন্তু এক ঝাঁক মেটে আলু নিয়ে ফিরে এসেছিল ছিধর। মাছ পুড়িয়ে খাওয়ার কথা বলতে লজ্জা

করছিল। সেদিনই একটা ঝরনায় হরিণ-টরিণ যেমন খেতে পারে তেমন করে জল খাওয়ার কায়দা দেখেছিল ছিমন্তর। উপুড় হয়ে ঝরনার জলে শুধু ঠোঁট দুটো ছুঁইয়ে তলার শাওলা ময়লা না ওঠে এমন করে জল খাওয়া। সেই ঝরনার জলও ছিল ঠাণ্ডায় জমানো বেদানার রসের মতো।

এখন বেলা দুটো হল। সকাল ছটায় ক্ষেতে গিয়েছিল। তারপর থেকে এই বেলা দুটো একটানা ধান রোয়া এক হাত জলে দাঁড়িয়ে। মাঝে মাঝে কজি কোমরে চেপে ধরে পিঠ সোজা করা। ক্ষেতে যাওয়ার সময়ে বৃষ্টি ছিল না। কিন্তু বাসের রাস্তা পার হতে হতে আকাশে মেঘ করে উঠেছিল। ক্ষেতে গিয়ে কাজ শুরু হয়েছিল। ছিমন্ত আর গজা, ছিধর আর কত্তী। মাত্র দু একবার কড়-কড় শব্দ করে আকাশের পিঁপে আগাপাশতলা ফেটে বর বর করে জল নামতেই ঘাবড়ে গিয়ে সকলেই ক্ষেত ছেড়ে আলে গিয়ে উঠেছিল। সেখানেও ঝমঝমে বৃষ্টি যা সেই পিঠুলি গাছটায় কিছুমাত্র আটকায় না। মিনিট দুয়েক পরেই যেন বোঝা গেল এ বৃষ্টি ত ভালোই, আলে দাঁড়িয়ে যেমন ভিজছে, ক্ষেতেও তেমনি ভিজবে, বেশি নয়। বাঁ-হাতে রোয়ার আঁটি ধরে, ডান-হাতে জলের নীচে কাদায় রোয়ার শিকড় বসিয়ে দিয়ে তারা লাইন ধরে পিছিয়ে আসছিল। জলের উপরে জল জমে যাচ্ছে, খালি পিঠ গাড়িয়ে জল নামছে, আল ছাপিয়ে জল বেরিয়ে যাচ্ছে, টাটকা জল আব পুরনো জলের তফাত খেয়াল হচ্ছে, বিদ্যুতের চাবকানি ঝলসে ঝলসে উঠছে। তার পর রোদ উঠেছিল, ছিমন্ত আর গজার মাথা আর পিঠ থেকে ধোঁয়া উঠছিল। এমন-কি, গজার চাপদাড়ি থেকেও। গজা ধোঁত ধোঁত করে নিঃশ্বাসও নিচ্ছিল। কত্তী না থাকলে ছিধর আর ছিমন্ত হাসত।

ছিহর পাশে কত্তী, তার পরে ছিমন্ত আর তার ওপারে গজা। চারজনেই ভূমিদাস। মানে মাটির চাকর। তাই মনে হচ্ছিল, সকলেই তারা সেই তিন একর ভূমির দাস। তার পরিচর্য্যতেই নিযুক্ত। তাদের মধ্যে ছিমন্তই নিরন্নতার সব চাইতে কাছে থাকে, কাজ না জুটলে যাকে মেটে আলু পুড়িয়ে খেয়ে বাঁচতে হয়। কিন্তু সেই ক্ষেতে তাকেই সব চাইতে ওস্তাদ রোয়াদার স্তরায় প্রায় দলপতি মনে হচ্ছিল। অল্প দিকে কত্তী, যার সেই ক্ষেত, তারও সেই দাসত্ব থেকে একাতল মাথা তোলার স্বযোগ ছিল না। গজা অবশ্য ধোঁত ধোঁত করছিল। আজকাল সে কত্তীর সামনেও ধোঁত ধোঁত করে। শুনলে মনে হতে পারে, ওটা তার চাপা আপত্তির চিহ্ন।

এ-অকালে নামগুলোর সঙ্গে একটা বিশেষণ যোগ করা হয়, যেমন বুনো ছিমন্ত, লাইটকে গজা।

গাঁয়ের শেষে বনের ধারে তিন ডেসিম্যাল জমির উপরে জলে পচ-ধরা খড়ের বর একখানা। ঘরের পাঁচ সাত হাত দূর থেকেই জঙ্গল। জঙ্গলটা খুব বড় নয়। একশ একরের হবে। তা হলেও সরকারের। খুব বড় একটা জঙ্গলের অংশ ছিল কোনো সময়ে যেন। সেজন্তাই ছিমন্তর নাম বুনে ছিমন্ত। সে জমিটুকু হয়ত বন থেকে চুরি করা। সেই ঘরে ছিমন্ত আর এক বুড়ি থাকে। লোকে বলে ছিমন্তর বউ। বলে আর হাসে, অর্থাৎ বউ নয়। বয়সে ছিমন্তর চাইতে দশ বছরেরও বড় হবে। গজু আড়ালে বলেছিল হাসতে হাসতে—তবু ত মেয়েমানুষ। কুড়িয়ে আনার পরে নিজের গায়ের দাঁদের মতো এই বুড়িকে আর ছাড়াতে পারে নি ছিমন্ত।

তা হলেও ছিমন্ত, কোমরের স্তোয়ে গৌজা দু-হাত গামছার কোপনি মাত্র পরে যে শুধু ধানক্ষেতে নয়, গাঁয়ের পথেও চলতে পারে, যার রোগা নড়বড়ে শরীরের হাড়গুলো মোটা মোটা শিরার বাঁধনে বাঁধা বলেই তখন খুলে পড়ে না, যে কাজ থাকলে চার টাকা মজুরি পায়, কাজ না-থাকলে মেটে আনুর খোঁজে দূরের বনেও চলে যায়, সেই কিল্ক কস্তীর সব চাহতে ওস্তাদ রোয়াদার।

গজা, লাটুকে গজা, গ্রামের তিন গজার এক গজা। বেঁটে, শুঁটকো, চাপদাড়ি, লুঙি মালশাট করে পরে যে ধানক্ষেতে লেগেছিল, আর প্রত্যেকটি রোয়া জলের তলায় কাদায় শুঁজে দিতে একবার করে ঘোঁত করছিল, সে আট টাকা করে মজুরি নিলেও, রোয়ায় কাজ জানলেও, ছিমন্তর ধারে কাছে নয়।

এখন বোঝা যাচ্ছে কস্তীর সমান সমান না হোক, গজু ক্রমশ ছিমন্ত আর ছিমন্তর উপরওয়াল হয়ে উঠছে যেন। তার আট টাকা দিন-মজুরিই তার প্রমাণ। আলাপটা শুনে ফেলেছিল ছিমন্ত। গস্তীর মুখে গজু বলেছিল সরকার থেকে মজুরি আট টাকা বলা হয়েছে। কস্তী বোধ হয় মনে-মনে হিশাব করছিল। তখন আবার গজু বলেছিল, সকলকে দিতে হবে না। ছিমন্ত চার টাকার বেশি আশা করে না। আর ছিমন্ত মাসে ত্রিশ টাকা পেলেই খুশি। কস্তী যেন মেনেই নিলে। অবশ্য কস্তীকে আটটা করে টাকা বোজ গজুর হাতে দিতে দেখে নি ছিমন্ত। কিল্ক কস্তীর বাড়িতেই থাকে গজু। আগে থাকত পুরনো বাজপ্যাঁটার। রাধা ঘরে। কাজ না থাকলে হয়ত পাট নিয়ে দড়ি পাকায়, ছিমন্তকে দিয়ে ফুটফুটায় খাটায়। বাজপ্যাঁটার রাধার ওদামঘরটায় কেউ কেউ মাঝে মাঝে সন্ধ্যাবেলা আলো জেলে বসে যাত্রার পালার বই বার করে। ব্রিহাশ্রী দেয়। একদিন ছিমন্ত শুনেছিল গজা উঠে দাঁড়িয়ে হাত ছড়িয়ে বলছে—এই শৌষণের অবসান, এই উৎপীড়ন থেকে মুক্তি আনবে বিপ্লব, আর তোমাদের প্রতিটি গোলা, কমরেড নৌ-সৈনিকগণ,

বিপ্লবের পদধ্বনি। দাগো কামান, ধ্বংস করো শীতের প্রাসাদ। দরজার বাইরে দাঁড়িয়ে ছিধর শুনেছিল। গজা তাকে সেখানে দেখে বলেছিল, কেমন লাগল হে ছিধর ? ভালো, এই বলেছিল সে। কত্তী ডাকছে নাকি ? জিজ্ঞাসা করেছিল গজা। তার পর ছিধরের সঙ্গে সঙ্গে কত্তীর বাড়ির দিকে যেতে গজা বলেছিল— এটা ভববাবুর পার্ট। শুনো একদিন। সে যে কি।

তা হলেও দেখা গিয়েছিল ধান রোয়ার ব্যাপারে গজুও কত্তী আর ছিধরের নিজের চাইতে অনেক গুস্তাদ। ফলে পুৰ দিক থেকে শুরু করে পশ্চিম দিকে নামতে নামতে গজু আর ছিমন্ত যখন তাদের অংশের প্রায় শেষে পৌঁছেছে, ছিধর আর কত্তী তখন জমির মাঝামাঝি নামতে পারে নি। পাশাপাশি ছিল কত্তী আর ছিধর নিজে। জলে চায়া পড়ছিল কত্তীর। খাটো করে পরা শাড়ির হাঁটু পর্যন্ত কাদা লেপা, রোয়া বসাতে কাঁধ জল ভুঁয়ে যাচ্ছিল, বুকের কাপড় ত ভিজবেই, শাড়ির খোঁটের আডে তার হলুদ রঙের খয়েরি-বোঁটা একটা মাই যা থেকে থেকে চোখে পড়ছিল, যা হৃদে ভার যেন, যা দেখলে কত্তীর ছোট ছেলেটার কথা মনে হয়, তাও জলে ভিজে যাচ্ছিল। তিনটি ছেলেমেয়ে কত্তীর। তিন রকমের চেহারা। বড় মেয়েটি বছর বারো হবে। পরেরটি ছেলে, বছর আটেকের, তার সঙ্গেই ছিধরের ভাব বেশি। সব ছোটটির এক বছর হয়েছে কি না। তার জন্মই ছিমন্তর বউকে এখন দিনরাত কত্তীর বাড়িতে থাকতে হয়। আর তাকে কোলে নিয়েই কত্তী দাঁড়িয়েছিল বারান্দায়, কাঁথায় শুড়ানো, যখন ছিমন্ত প্রথম ছিধরকে চাকরি করে দিতে এনেছিল কত্তীর সামনে।

এখন ত বেলা দুটো বাজে, ক্ষেতের কাজ শেষ করে কত্তীর সঙ্গে ছিধর এখন বাড়ির দিকে, এটা একটা পরিবর্তন। গত বছরে ধান রোয়ার সময়ে কত্তী ক্ষেতে নামে নি। কত্তীর পরনে কাদামাখা হলুদ শাড়ি। ময়লা, পায়ের কাছে ছিঁড়ে উঠেছে এরকম একজোড়া পায়জামা পরে ছিধর ক্ষেতে নেমেছিল। এখন তা কাদা-জলে কালো, সামনে কত্তী, পিছনে ছিধর।

গজু আর ছিমন্ত খাড়া দুপুরে এ-জমির কাজ শেষ করে রোয়ার বোঝা মাথায় করে অস্ত্র আর-একটিতে কাজ শুরু করতে গিয়েছে।

সামনে থেকে কত্তী কথা বলছে, ধানের রোয়া আরও কিছু আনতে হবে। ছিধর যেন মান খাওয়া শেষ হলেই যায়। দু-এক জায়গায় কথা বলতে হবে। এ অঞ্চলের আদিবাসীদের ভাষায়। কিন্তু এখন ছিধর বুঝতে পারে ছিমন্তর ভাষার সঙ্গে কত্তীর ভাষার তফাত আছে। প্রথমে তফাতটা ধরা পড়ে না, পরে ধরা যায় নামবাচক শব্দগুলো পৃথক, বিশেষণগুলো অস্ত্র জাতের। ছিধর শুনেছে রাতাদের মধ্যে

সম্পত্তি মেয়েদের পাওয়ার কথা। কত্তী যখন সম্পত্তির মালিক তার মায়ের কাছে থেকেই ত তা পাওয়ার কথা। কিন্তু এ বিষয়ে গবেষণা এগোয় না। কেননা, গজা নিজেই মাঝে মাঝে বই-এর বাংলা নকল করার চেষ্টা করে। ছিমন্ত সব সময়ে মোট একশটার বেশি শব্দ জানে কি না সন্দেহ। তার পক্ষে কৌন্টা কৌন্ ভাষা তা বোঝা সম্ভব নয়। আর ছিধর...

সে এই খামারে আসার দিন দশেক পরে এক বাদলা সন্ধ্যায় কত্তীর সামনে বসে কথা বলছিল। তখন হঠাৎ কত্তী তার মুখের দিকে এমন ভাবে চেয়েছিল যে তাকে সন্ধানী দৃষ্টি না বলে পারা যায় না। ক্ষেতমন্দের দিকে চেয়ে চেয়ে তেমন করে দেখা কি দরকার যদি সন্দেহ না হয়ে থাকে? কিন্তু সন্দেহ নয়, বরং উপদেশ। তখন সেটা শাবন মাসই। বাদলা আবহাওয়ায় বারান্দায় দাঁড়িয়ে ছিল কত্তী। তখন সন্ধ্যা হয়-হয়। কোলে তার কাঁথায় জড়ানো সেই ছেলে বুকের কাছে তুলে ধরা। ছিধর গোকর জন্তু খড় কুচাচ্ছিল। তখন কত্তী বলেছিল : ছিরু, এ-অঞ্চলে কিন্তু জল হবে বলে না। ঝরি বলে। আর সে শব্দটা ঝড় থেকেও নয়। ধারা-ঝরে পড়া থেকে। কত্তী মিষ্টি করে হেসেছিল যেন। আর লজ্জায় মুখ নামিয়ে নিয়েছিল ছিধর।

অর্থাৎ কত্তী তাকে শুধরে দিয়েছিল। যেন এ-অঞ্চলের ভাষা যাতে ছিধর ঠিকমতো বলতে পারে তাই উদ্দেশ্য। ছিধর যে আদৌ এ-অঞ্চলের নয় তা কি আর গোপন ছিল?

এখন ছিধরের সে সংকোচটা কেটে গিয়েছে, অন্তত কত্তীর কাছে। সে আশঙ্কা করে, যা বলা উচিত নয় নিজের সম্বন্ধে এমন কিছু সে কত্তীর কাছে প্রকাশ করে ফেলে থাকবে। তার কিছুদিন থেকেই আশঙ্কা হচ্ছিল তার শরীর এই পরিবর্তনগুলোকে বিনা প্রতিবাদে সহ্য করবে না। একটা কঠিন অস্ত্রের মধ্য দিয়ে যা বিপ্লবের মতো মারাত্মক হতে পারে নতুন জীবনের সঙ্গে মানিয়ে নেবে। কত্তীর কাছে চাকরি নেয়ার সপ্তাহ তিনেক পরেই হবে। সকালের থেকেই জ্বরটা প্রকাশ পেয়েছিল। তার থাকার জন্তু নির্দিষ্ট হয়েছিল যে-ঘর তার সঁাতসঁোতে কাঠের মেঝেতে দাঁতে দাঁত চেপে সন্ধ্যার দিকেও সে নিজের শরীরকে যেন বলছিল— আর একটু কষ্ট সহ্য করো, নিশ্বাস নিতে কষ্ট হলেও সত্যি ত দম বন্ধ হয় নি, এটা ধনুষ্ঠংকারের মতোও নয়, মাথা ফেটে যাওয়ার মতো হলেও সত্যি ফেটে যায় না, আর তা ছাড়া প্রকৃতির এই নিয়ম : সহ্য করার সীমার বাইরে গেলে অসুস্থত্ব করতেও পারবে না। ভয় কী? ওদিকে পথের ধারের বাস্তুপ্যাটারার ঘরে যাতে যাত্রার সাজসরঞ্জাম আছে বলে এখন ছিধর জানে, তখন সেখানে বেশ জোরে

রিহার্শাল হচ্ছে। তার পরের কথা ছিধর শুধু অহুমানই করতে পারে। প্রকৃত-পক্ষে কি করে তা সম্ভব হয়েছিল তা ছিধর জানে না। সে চোখ মেলে দেখেছিল অল্প একটি ঘরে, একটা শাদা চাদরের বিছানায় সে শুয়ে আছে। ভয়ে সে উঠে বসতে যাচ্ছিল। তখন সে কত্তীর গলা শুনেছিল। কাকে যেন সে ডাক্তার ডাকতে পাঠাচ্ছে।

গজাই হয়ত গিয়েছিল শহর থেকে ডাক্তারকে আনতে। তখন হয়ত ভোর-ভোর হবে। আশ্চর্য লাগে ভাবতে কত্তী কি করে ছিধরকে সেই তার সঁাততসঁতে কাঠের মেঝে থেকে কুড়িয়ে নিজের শোবার ঘরে নিয়ে গিয়েছিল। জর সঙ্গে সঙ্গে ছাড়ে নি। জরের ঘোরে সে কি আর আবোল-তাবোল বকে নি? আর সে-সব কথা থেকে নিশ্চয়ই কত্তী বুঝে থাকবে সে ঠিক এ-অঞ্চলের লোক নয়।

আর ঠিক সে-সময়েই একদিন ছিধর একটা মিষ্টি স্বপ্ন পেয়েছিল। চেনা-চেনা লাগছিল। নামটা মনে পড়ছিল না, কিন্তু তা একটা নামকরা দামী সাবানের। আর তখন তার মনে হয়েছিল কাঠের দেয়ালের ওপারে কেউ স্নান করছে, জল ফিটিয়ে পড়ার শব্দ আসছে। ঘরে স্নান করা, সেই দামী সাবানের যুঁহু গন্ধ—সবই শহরের কথা বলে। কত্তী সম্বন্ধে এটুকু বোঝা যায় যে কখনও কখনও তেমন স্নান করে সে।

এর চাইতে বেশী ছিধর জানতে চায় না। জ্ঞানার অর্থ অতীতকে ফিরিয়ে আনা। বোঝাই যাচ্ছে কত্তীর এই বত্রিশ-তেত্রিশ বছর জীবনে প্রতিদিনই অতীত বাড়ছে। অতের অতীত খোঁজ করার এই এক দোষ যেন তা অল্প এক দেশে যাওয়া, যেখানে তুমি নিজের অতীতকেও দেখতে পাও। তখন তোমার দম বন্ধ হয়ে আসে। ছিধর আগে ভাবত অতীতের কথা মনে করা যেন অল্প জলে বাস করতে অভ্যস্ত কোনো মাছের এক অন্ধকার সমুদ্রের গভীরে নামা। দম বন্ধ হয়ে আসে, অন্ধকারে চোখে দেখা যায় না। এখন সে ভাবে, তা নয়, বরং জলের দু-এক ফুট নীচেকার অস্পষ্ট আলোর নীল নীল স্তরে যে অভ্যস্ত সে-রকম মাছের জলের উপরে উঠে আসা। সেখানে প্রচুর অক্সিজেন থাকতে পারে, অন্ধকার কাটানো আলো, কিন্তু বেশিক্ষণ থাকলে দম নেয়া যাবে না।

পথের ধারে কুড়া। কুড়ায় এখন অনেক জল। জলের উপরে একটা ছুয়ে-পড়া ছাতিম গাছের ডাল।

ছিধর ভাবল এখন সে তার জলের এক ফুট নীচেকার নীল নীল আলোতে চলতে এমন অভ্যস্ত হয়েছে যে পাখনার কোনো বেহিশেবী ধাক্কা, ল্যাজের কোনো ভুল চাপে আর দম-বন্ধ-করা জানা-শোনার আলোতে ভেসে উঠবে না।

তেমন ভেসে না ওঠার জ্ঞান আর চেষ্টি করতেও হয় না। যেমন পুরনো বায়-
প্যাটারার সেই ঘরে ঢুকে, এমন-কি, সেগুলোর একটার উপরে চেপে বসলেও তার
জানতে ইচ্ছা করে না যাত্রাদলের সেই-সব সাজ-পোশাক কেমন। অন্যায়সে দে
সেগুলোকে পাথর-টাথর মনে করে তার ফাঁকে ফাঁকে বর্তমানের নীলাভ জল
কাটিয়ে ঘুরে বেড়াতে পারে। আর চেষ্টি করতেও হয় না।

সব চাইতে বড় প্রমাণ সেদিনের ঘটনাটা। ভববাবু তাকে কি অছিলায় ডেকে
নিয়েছিল গুদামঘরে। কথায় কথায় একটা স্ট্রাকেশ খুলে দেখিয়েছিল কাগজপতর।
তার মধ্যে একটা ছিল লেনিনের পার্ট করার জ্ঞান প্রশংসাপত্র। ভববাবু বলে
যাচ্ছিল আর ছিধর শুনে যাচ্ছিল, চোখের সামনে মেলা কাগজটার অক্ষরগুলো
যেন তার মগজে ঢুকবে না। পাশে ছিম্ভুও ছিল। তার মুখের ভাব আর ছিধরের
মুখের ভাব একই রকমের বোকা-বোকা ছিল। এর জ্ঞান ছিধরকে চেষ্টি করতে হয়
নি, যেন আপনা থেকেই তার মনের মধ্যে পর্দা নেমে এসেছিল।

কিন্তু কত্তী বললে, দেখো ছিধর, কুড়ায় কি হুন্দের টলটলে জল। স্নান করে
নিলে হয়।

তাড়াতাড়ি চায়ের দোকানে ফিরে ভাবলে কনস্টেবল : হয়ত এদিকের অবস্থা
খুব ভালো নয়। সেবারের হাটে ভবকুমারের কথাগুলো ভাবো : এমন করেই
আমরা মেহনতী মানুষের রাজ্য আনব। গুঁড়িয়ে দেব সামন্ততান্ত্রিক অত্যাচারের
শিকল; ভেঙে পড়তে থাকবে ধনতন্ত্রের ধ্বজা, কমরেড শক্ত করে ধরো হাতিয়ার,
আর ঐক্যকে রক্ষা করো চোখের মণির মতো। কি বলবে, হাটের লোকের
অহুরোধে ভবকুমার পার্ট গুনাচ্ছিল? তা কি শোনায় কোনো যাত্রাপালার লোক?
নাকি, এখন পালা হচ্ছে না বলে ভবকুমার খালিয়ে নেয়ার স্বেযোগ নিচ্ছিল?
নাকি লোকটাই আধা-পাগলা হয়ে উঠেছে পার্ট করতে করতে?

প্রোসেস সার্বার ভাবলে, কিন্তু মামলাটাই একেবারে হাটে হাঁড়ি ভেঙে
দিয়েছিল। নটী বিনোদিনী সেজেছিল যে সে আর কেউ নয় হারান চক্রবর্তীর
হারিয়ে যাওয়া স্ত্রী মুনয়ী। প্রথম চেপে রেখেছিল হারান, তার পর প্রকাশ পেয়ে-
ছিল জলে ডোবার ঘটনা বলে। দু-বছরের মেয়েকে ফেলে একরাতে বাড়ির
পিছনের নদীতে, পারে স্থাণ্ডাল ফেলে নাকি ভেগে গিয়েছে বউ। কি নির্লজ্জ।
কি নির্লজ্জ! গৌরীপুর কি খুব দূরে এ শহর থেকে? এ শহরের ধারে কাছে না
এলেই হত। নাকি ভেবেছিল যাত্রার সাজে তাকে চেনা যাবে না। কিন্তু সকলের

চোখের মণি হয়ে উঠেছে যে বিনোদিনী নটী তাকে কেউ-না-কেউ চিনে ফেলতেই পারে । হারান চক্রবর্তী গিয়েছিল নটীর উপরে রামকৃষ্ণের কৃপা দেখবে, দেখে এসেছিল নিজের ঘর-পালানো বউকে ।

কিন্তু মামলাটাই আসল হাটে হাঁড়ি ভেঙেছিল । তিন বছরের আগেকার সেই মামলা নিষ্পত্তি হয়েছে এক বছর হয় । প্রোসেস সার্বার কাঁধে ঝোলা নিয়ে উঠে দাঁড়াল । আবার এই দু নম্বর মামলা । সেবার প্রোসেস সার্বার কে ছিল কে জানে । হারান নয়, তা হলে ত জমাট গল্প হত ।

মামলার দিনে দিনে আদালতে আসত না । লাভ কী ? সব কথাই বেরিয়ে-ছিল, আর কি ফস্কা মুখ সে মেয়ের । গোবিন্দ নটর ছেলে-বউ করেছিল মামলা । মুনসী বুধাটি-শালবাড়ির যে সাতাশ-আটাশ বিঘা ধানের জমি ভোগ-দখল করে, যে বাড়িতে সে থাকে, সে যে মুনসী অপেরার মালিক হয়ে বসেছে—এ-সবই বেআইনী । কি লজ্জা । মুনসী যে নাকি ব্রাহ্মণের সধবা সে আদালতে মার্টিফিকেট দাখিল করলে—সে গোবিন্দ নটর রেজিস্ট্রি বিয়ের বউ । ও পক্ষের উকীল কম যায় না । ছুরি দিয়ে যেন কাটবে মুনসীকে । আপনারা ত ব্রাহ্মণ ছিলেন । নটকে বিয়ে করলেন ? মেয়েমানুষ বলে কিনা, ডোমের ব্রাহ্মণের চাইতে নট হওয়া ভালো । উকীল বলেছিল এক বউ থাকতে গোবিন্দ অথচ একজনকে রেজিস্ট্রি করে বিয়ে করতে পারে না, বিশেষ তাকে যার স্বামী বর্তমান । মেয়েমানুষ বলে কিনা, বিয়ে ছাড়া ছুঁতে দেব কেন ? মামলায় একতরফা ডিক্রি হয় নি । গোবিন্দর শহরের সম্পত্তির উপরে মুনসীর হক প্রমাণ হয় নি । কিন্তু মুনসী অপেরার অস্থাবর দুভাগ না করে উপায় ছিল না, অপেরাই ত তার নামে । বুধাটি-শালবাড়ির বাড়ি আর জমি মুনসীর নামেই খরিদ, তার দখল নাকচ করা যায় নি ।

আর এবার মামলা করেছে কৃষ্ণ সা-র বউ । বুধাটি হাটের খাজনা, বুধাটি-শালবাড়ির গুদামবাড়ি যাতে মুনসী অপেরার রিহাশাল বসে, তার সংলগ্ন অজ্ঞাত ঘর—এ-সবই দাবি করেছে কৃষ্ণচরণের স্ত্রী ।

এখন আর এ-সব গোপন নেই । এখন আর গোপনও নেই কৃষ্ণ সা অনেক টাকা ঢেলেছে মুনসী অপেরায় । হারান মুখ খোলে নি । কিন্তু সেই মেয়ে যাকে ফেলে মুনসী পালিয়েছিল সে কি করে এখন মুনসীর কাছে গিয়ে উঠেছে । হারানের আত্মীয়রা বলে পাপ বিদায় । গোবিন্দ নটর দরুন এক ছেলে আছে । আর সব ছোটটি বোধ হয় কৃষ্ণ সা-র দরুন ।

মামলা উঠলেই সব জানা যাবে । কিন্তু ভেবে দেখো হারান কলকাতা থেকে বিয়ে করে এনেছিল পাশ-দেয়া বউ । তার পিতৃকুলও নিশ্চয় তেমন ভালো বামুন

ছিল না। নইলে হারানোর ঘরে আসে ? মেয়েটি খেন এ-সব জাতকুলের ব্যাপার ফেলে দিতেই চায়, তাতেই সুখ। ওদিকে আবার যদি তাকে রানী সাজাও কত লোক পায়ে মাথা মুড়োতে ছুটবে। সেই য়ন্নয়ী...

তাকেই নোটিশ দিতে হবে মামলার। এতক্ষণে যেন ব্যাপারটা তালিয়ে বুঝতে পেরে সে অবাক হয়ে গেল। কি এক অভূত কাজ সে আজ করতে যাচ্ছে। সে তার হাতে নোটিশ দেবে সেই নটী বিনোদিনী য়ন্নয়ীর, তার মুখোমুখি দাঁড়াবে ! তার মনে হল সে পানটায় এত বেশি দোস্তা খেয়েছে যে এখনই কপাল কান সব ঘামতে শুরু করবে।

ভবকুমারের সকালেই মনে হয়েছে আজকের দিনটাও ভালো যাবে না। কাল সারাদিন সে আত্মসমালোচনায় কাটিয়েছিল। আজ সকালেও সে ভাবটাই আছে। মামলার থেকে যে মাথাধরাটা অনেকদিন ছিল না—আজ সকাল থেকে সেটা দেখা দেবে মনে হচ্ছে। আর শেষ পর্যন্ত ও কাজটাও ভালো হয় নি।

আত্মসমালোচনা করতে হলে নিজের অতীতকে দেখতে হয়। য়ন্নয়ী অপেরার ভবকুমার ওরফে ভববারুর বয়স পর্য্যন্তাল্লিশ হল। অতীতটাও দীর্ঘ। তাতে অনেক পরাজয় থাকে। যা মনে করে সুখ হয় না। অনেক ভুলে-যাওয়া কথা মনে পড়ে যা চেষ্টা করে ভোলা হয়েছে। সে যাত্রায় তার প্রথম দিকের পাঁচ-ছ বছরের পর থেকে সব কথা মনে এনেছিল। এক সময়ে সে নরকাসুর পালায় কৃষ্ণ সাজতে শুরু করেছিল। কারণ কৃষ্ণ সাজতে লম্বা লোক লাগে না। কিন্তু কিছু দিনের মধ্যে যখন তার বেড়ে ওঠার কথা, দেখা গিয়েছিল সে আর লম্বা হচ্ছে না। বরং মোটা হচ্ছে, কর্ণ দাড়িতে গাল ভরে উঠছে, সারা গায়ে ঘন লোম। নাক মোটা, চোখ ছোট। অর্থাৎ পাঁচিশ বছর বয়সে যখন তার রাজা, সেনাপতি ইত্যাদির পাট পাওয়ার কথা তখন সে বাতিল হয়ে গেল। কিন্তু কোথায় যাবে সে যাত্রার জগতের বাইরে। তার পর থেকে ভাঁড়ের পাটই তার ভাগ্যে জুটত। সে লোক হাসাতে পারত মাথার টাক দিয়ে, নিজের ভুঁড়ি দিয়ে। কিন্তু বলো ডেলাইটের ঝলমল আলোর সামনে ঝলমলে পোশাক পরা সেই-সব রাজা, সেনাপতি, রাজপুত্রের পাট। ভাঁড় হয়ে সে নিশ্চয় লোক হাসাত, সেজন্তাই চাকরি যায় নি, গজা আর কালীর মতো নামতে হয় নি পোশাক-আশাক তদবির করার কাজে। কিন্তু ভাঁড়ের সেই হাসির পিছনে কি কান্না থাকে তা কি কেউ বোঝে? সে কখনই রাজপুত্র নয়, রাজা নয়, বীর নয়, প্রেমিক নয়। চোখের সামনে মঞ্চের আলোয় সেই পরিপূর্ণ জীবন থেকে সে বঞ্চিত। কেউ কি কখনও পদক দেয়ার কথা ভাবে ভাঁড়কে ?

আত্মসমালোচনা করতে গিয়ে ভববাবু দেখেছে সে গোড়ার দিকে অন্ধকারে বসে
 এমন-কি কঁদেছে, হাসির পাট করতে স্টেজে যাওয়ার আগে । কিন্তু ঠঠাং তার
 জীবনের মোড় ঘুরেছিল । দুর্গেশনন্দিনী পালায় নবাব অস্থায়ী হয়ে পড়েছিল ।
 তখন কামিনী, যে বিমলার পাটে দু'একটা পদক পেয়েছে, সেই বলেছিল
 ভববাবুকে দাড়িটাড়ি দিয়ে সাজিয়ে বুড়ো নবাবের পাট চালিয়ে নেয়া যাবে ।
 গোবিন্দ নট উপায় না দেখে রাজি হয়েছিল, তখন কামিনীই দলের সেরা নটা ।
 প্রাণ টেলে সেই স্বযোগের সদ্যবহার করেছিল ভববাবু । না হোক ওসমান, না
 হোক জগৎ সিংহ, তবু ত ভাঁড় নয়, তবু ত একটা, দৃষ্টি-আকর্ষণ-করা চরিত্র ।
 কামিনীকে এই সাহায্যের জন্য গোপনে একটা আংটি কিনে দিয়েছিল ভববাবু ।
 কিন্তু রোজ ত দুর্গেশনন্দিনী হয় না । আবার সেই ভাঁড়ে ফেরা, নতুবা গ্রাম্য
 কোনো কৃষকের পাটে, যারা রাজায় রাজায় যুদ্ধের ফাঁকে ঘরোয়া সুখ-দুঃখের কথা
 বলে গল্পটা আসলে কি তা বোঝাতে চেষ্টা করে । যুগা ধরে গিয়েছিল সেই-সব
 রাজা, সেনাপতি, রাজপুত্র যারা অভিনয় করত তাদের উপরেই । ইয়া বিদেঘ,
 বিদেঘই বলতে পারো । সে কি অভিনয় করতে পারে না ? অথচ ভাগ্যতাকে বেঁধে
 মারছিল । তার পর । সেও কামিনীই । নটা বিনোদিনী তখন নতুন পালা । দেশময়
 হৈ চৈ । কামিনী হাসতে হাসতে বলেছিল রামকৃষ্ণর পাটে ভববাবুকে মানাবে ।
 ভালো লেগেছিল সেই পাট । অনেক ভক্তিমতী তাকে স্টেজে আসতে দেখে জ'কার
 দিয়ে উঠত । কিন্তু ঢোলা ঢোলা কোট আর লালপাড় কোরা ধুতি পরে এক মুখ
 খোঁচা খোঁচা দাড়ি নিয়ে সেই স্বর করে কথা বলা বেশিদিন কোনো মানুষকে
 সন্তুষ্ট রাখে না । মানুষ চিরদিন নিষ্পেষিত থাকে না । একদিন না একদিন স্ববিচার
 পাবেই । রামকৃষ্ণর পাটে ভক্তিমতীরা যতই জ'কার দিক তা কখনই নায়কের পাট
 নয় । নায়িকা নটীর জুতাই সেই পালা । কিন্তু একদিন দেখা দিল বিপ্লবী লেনিন ।
 আর সেদিন তার বেঁটে চেহারা, মাথার টাক, মোটা নাক যা এতদিন তাকে ঠকিয়ে
 এসেছে তাই হল ঐশ্বর্য, এমন-কি, এতদিন ধরে জমিয়ে রাখা বিদেঘ—সব কাজে
 লেগে গেল । মঞ্চে দাঁড়িয়ে কোনো কোনো দিন তার অল্পভব হত বৈকি, সেই-সব
 পদক পাওয়া রাজা-সেনাপতি রাজপুত্রদের বিরুদ্ধেই সে দাঁড়িয়েছে । ছায়া ছায়া
 সেখ-সব চরিত্রকে চিরদিনের মতো সে মুছে দেবে অভিনয়-কৌশলে । এবার নায়ক ।
 ভববাবু প্রথম অভিনয়ের দিন মা কালী আর রামকৃষ্ণকে এমন ভাবে ডেকেছিল
 মনে মনে, যে চোখে জল এসেছিল তার । তার পর জয় জয়কার । একদিন নটা
 বিনোদিনীর নাম, তার পরের পালায় লেনিনের নাম ।

হায় ! ভববাবু মাথা টিপলো নিজের । খুবই খারাপ লাগছে তার । কাল মন

খারাপ ছিল। আজ আরও খারাপ লাগছে। কাল মন কত খারাপ ছিল তার প্রমাণ সেই কাণ্ডটা। দশ বছর পাশাপাশি থেকেও যা হয় নি, কাল তা হল। কামিনী'ব ঘরে রাত কাটিয়েছে সে। যে কামিনীকে এবার দুর্গেশনন্দিনীর বিমলার পাটও কেউ দেবে না, অথচ এই কামিনীই এক সময়ে তিলোত্তমা ছিল। না, ভববারু নিজেকে সংশোধন করলে, কামিনীকে সে ঘৃণা করেছে না। তার মনে হয়েছিল সে-ই একমাত্র বন্ধু। যদিও এখন যে প্রেম জমে নি তার বিশ্বাসই যেন মুখে। যেন একটা ভাঁড়ামি করেছে তারা দুজনে রাত জেগে।

তার মন খারাপ হওয়ার কারণ কাল যা ছিল : তা তো এই যে তার আশঙ্কা হয়েছে মৃন্ময়ী অপেরা এবার ভেঙে যাবে। এটা শুধু বর্ষাকালের ছুটিনয়। হয়ত বর্ষার পরেও আর তেমন করে রিহাশাল হবে না। হরেনবাবুর চিঠি লেখাই সার হবে। অথচ অজ্ঞ দলে এই বয়সে বোধ হয় কেউ ডাকবে না তাকে। আর এ-সব আশঙ্কার কারণ মৃন্ময়ীর নিজেরই যেন চাড় নেই এবার। একবারও কি রিহাশালে এসেছে ? যেন মনে হচ্ছিল গজা, ছিধর আর ছিমন্তকে নিয়ে সে ধানক্ষেতেই আটকে থাকবে। গজা যে কিনা মেয়েমানুষের গালে রঙ মাখাতে মাখাতে নপুংসক, মেয়েমানুষের পোশাক গুছিয়ে রাখা যার কাজ আর হৃদ চাষা ছিমন্ত, আর ছিধর। এরকম খারাপ মন নিয়েই কাল সে শহরে যাচ্ছিল। তখন কস্তী বলেছিল তার ছেলেমেয়েদের কাপড় জামার সঙ্গে ছিধরের জন্তুও পায়জামা আনতে একজোড়া। দুপুরে কেনা-কাটা শেব করে সে এক বটতলায় জিরিয়ে নিচ্ছিল, তখন হঠাৎ তার মনে হয়েছিল যেখানে সে বসেছে তার পাশেই থানা ! তখন মনের মধ্যে একটা জ্বালা ছিল। তা কথায় দাঁড় করালে এই হয় : মাসে ত্রিশ টাকার ক্ষেতমদ্রুব আর তার জন্তু পায়জামা কিনতে হবে তাকে ! কিন্তু এই কথাগুলোকে মনের সামনে আনলেও জ্বালাটা কোথায় ধরা পড়ে না। ভাবতে-না-ভাবতে সে থানায় গিয়েছিল যেন থানা একটা দেখার জিনিশ। কিন্তু সে তো ভয়ের জায়গা। সে তাড়াতাড়ি ফিরে আসছিল। কিন্তু বাধকে ছুঁতে গেলে বোধ হয় আঠারর বেশি ধা হয়। দারোগা তাকে দেখে ফেলেছিল। কিহে, কী চাও ? আজ্ঞে না, দেখছি। দারোগা ধমকে উঠে বলেছিল— থানা দেখার জায়গা বটে। তার পরে দারোগা ভববারুকে নিয়ে পড়ল। কোথায় থাকে, কি করে, এ-সব জেনে নেয়ার পরে দারোগা হঠাৎ ধাঁ করে জিজ্ঞাসা করেছিল, তোমাদের গাঁয়ে কোনো চোকরা-টোকরা লুকিয়ে নেই ত ? ভববারু দারোগার টেবিলে এক হাত রেখে অজ্ঞ হাত দিয়ে তা ঘষতে ঘষতে বলেছিল, আছে একজন, লুকিয়ে কিনা বলতে পারি না। ছিধর নাম।

এখন এ ভেবেই তার মন খারাপ হচ্ছে সে কি সত্যি ভেবেছিল ছিধর তাদের

অপেরা ভাঙতে পারে ? সেজন্তই কি সে খানায় গিয়েছিল ? কেন ? কি যুক্তি ? অস্থির সময়ে কতী ছিধরকে দেখত বলে ? খানা থেকে বেরিয়েই তার মন খারাপ হয়েছিল । তা কাটাতেই কামিনীর ঘরে ঘুমানো । তাতে আরও মন খারাপ হয়েছে । উপরন্তু মাথা টিপ্‌টিপ্‌ করছে ।

ভাবো কামিনীর এখন চল্লিশ ত বটেই । না, না, কামিনীর প্রতি তার কৃতজ্ঞ থাকাই উচিত । কামিনীর কাতুকুতু লাগে । তা হলেও সে মাঝরাতে দু-একবার গলাব স্বরে আবেশ এনেছিল । যেন সত্যিকারের আবেশ ।

কামিনীর বলা দুটো কথা তার মনে আসছে । এক নম্বর : কামিনী শুনে বলে-ছিল, এই দেখ, ভববারু, ওই বাইশ-তেইশ বছরের ছিধর সত্যি যুগ্মযীকে কেড়ে নিতে পারে ? দুই নম্বর কামিনী বলেছিল : রামকৃষ্ণ যদি বিনোদিনীকে দয়া করেন তবে আমাকে কি করবেন না, আমিও ত নটী । একদিকে বলা নয়, দুটো কথা : একটা প্রথম রাতে আর অল্পটা শেষ রাতের দিকে হবে । তা হলে দাঁড়াচ্ছে এই : ভববারু কি কামিনীকে বলেছিল কেন তার মন খারাপ হয়ে উঠেছে ? সে কি সত্যি সত্যি ছিধরকে ভয় করছে ? ছিধর যুগ্মযী অপেরা ভেঙে যুগ্মযীকে সত্যি যুগ্মযী করবে—এরকম কিছু বলেছে নাকি শেষরাতের বিছানায় ভববারু ? তা হলে কি এই দাঁড়ায় না যে সে খানাতে ছিধরের খবর দিতেই গিয়েছিল নিজের অজ্ঞাতে ।

তা হলে দাঁড়াচ্ছে (ভববারুর মন এই বেলা দুটোতে আরও খারাপ হচ্ছে, কামিনীর ঘরে যখন সে প্রথম গেল তখন তাকে বন্ধু ভেবে কামিনী রামকৃষ্ণের কথা বলেছিল, অনেক উজ্জল আশা ছিল তার মুখে, বিনোদিনীর মতো সেও দয়া পাবে এরকম বিশ্বাস করছিল, আর সকালে সেই কামিনী চায়ের কাপে করে মদ দিয়েছিল ভববারুকে, নিজেও খেয়েছিল ।) : ভববারু নিজের খারাপ মন ভালো করতে গিয়ে কামিনীর আশা নিবিয়ে দিয়ে এসেছে । আর—সকালে কামিনীকে কালো মনে হয়েছিল ।

বিপ্লবী লেনিন যে অভিনয় করে তার কি উচিত হয় কারো নামে পুলিশকে বলা ? ছি-ছি-ছি ।

ছিধর ভাবলে, কতী তাকে স্নানের কায়দা শিখাতে বলেছিল, জলের তলায় কাদা থাকে এই-সব কুড়ায়, ভেসে ভেসে স্নান করতে হয় । তার পাশাপাশি ভেসে থেকেছিল কতী । হলুদ শাড়ি থেকে কাদা ধুয়ে নিয়েছিল । জলের তলায় বোঝা যাচ্ছিল তার গড়ন কত সুন্দর । আর তখন তার মুখ লাল হয়ে উঠেছিল । বলে-ছিল, বোকা ছেলে, ওদিকে তাকিয়ে সঁতার দাও, ছাতিম গাছটার গোড়ায় কত

হাজার হাজার হলুদ বাসফুল দেখো ।

জল থেকে উঠে কতী বলেছিল : তুমি সামনে চলো ছিরে, আমার গায়ে জামা নেই । এখন ছিধর ভাবলে, ফুল, পাহাড়, নদী সকলেই এরকম কিছু বলে । পাতা, মেঘ, কুয়াশাকে তারা ব্যবহার করে কথার বদলে ।

ছিমন্ত আর গজা ধান রোয়া শেষ করতে পারলে কি না, তা দেখতে যাচ্ছে ছিধর এখন । বেলা তিনটে বাজে এখনও তারা খেতে আসে নি । ফলে সে নিজেও খায় নি । আলের পথে কাছে হবে বলে সে খুশিমনে আল ডিঙাচ্ছে । অবাক লাগে না ধানের চারাগুলোর কথা ভাবতে ? খুব পুরনো ব্যাপার খুবই পুরনো, তবু কিন্তু দেখো কতীও বললে, যা না ছিরে, দেখে আয় আর রোয়া লাগবে কি না । এক অদ্ভুত আগ্রহ, যা ভালোবাসার মতো । এমন ক্ষুধা, আর মাটির বড় কাছে তবেই তো প্রকৃত চাষী...

মন খারাপ হতে হতে আবার এক সময়ে ফিরে দাঁড়ায় বলেই না আশ্বসনমালো-চনার দাম ? ভববাবু ভাবলে, আর সে ভুল করবে না । আজ একবার কামিনীকে বলবে, তুমি আমাকে ক্ষমা করো, ভাই । না কি তেমন করে ক্ষমা চাইলে মেয়েরা অপমান মনে করে ? তা যাই হোক আর সে ভুল করছে না ।

এখন উঠে রান্নার ব্যবস্থা করে সে স্নান করে নেবে । এই ভেবে ভবকুমার উঠে দাঁড়াল । আর ঠিক তখনই সে অবাক হয়ে গেল । একটা ঘোড়া আর তার পিঠে এক দারোগা । হাটখোলার থেকে বরং তাদের যাত্রার কারখানার দিকে আসছে । আশ্চর্য ! ভববাবু যেন মাটিতে বসে পড়বে এমন মনে হল । এ কি হতে পারে ? এ কি সম্ভব যে কালকের খবর পেয়ে ইতিমধ্যে দারোগা চলে এল গ্রামে ছোকরা বিপ্লবীর খোঁজে ? ধুর, তা হয় না । এখনও, ভবকুমার, তুমি হুঃস্থগ্ন দেখছ । কামিনী, তুমি নিজেকেও ক্ষমা করো, ভাই । ও-সবই হুঃস্থগ্ন, সেই থানার ব্যাপারও । গ্রামে আসা হয়ত দারোগার ডিউটি, যা সে ইদানীং করত না । আজ মনে পড়েছে ।

গুদামের সামনে সিমেন্ট বাঁধানো পাতকুয়োতে স্নান করতে গেল ভববাবু ।

কোনো কোনো দারোগা নিজেকে বুদ্ধিমান মনে করে । থানার এই বড় দারোগাও তাই । কুঠ মা-র মৃত্যুর ব্যাপারে তলিয়ে দেখা তার বুদ্ধির একটা পরিচয় । সাইকেলের বদলে ঘোড়ায় চড়াও তেমন আর একটি । সাইকেল আলো, থানা-খন্ডে, বনে অচল । সাইকেলের পথ আটকানো যায় পথে ভালাপালা ফেলে

রেখে ; আল, খানা-খন্দ, পথের উপরে পড়ে থাকা ভালপালা টপকে পার হয় তার ঘোড়া । কষ্ট সা-র পোস্টমেন্টে রিপোর্টে তীরের কথা নেই, হয়ত কোনো মেয়ে-মাহুষ আশ্রয় করাতে গিয়ে হাতের কাছে ছুরি, কাঁচি যা পেয়েছিল তাই দিয়ে তেমন খোঁচা দিয়ে থাকবে, কিন্তু দেখে নেয়া উচিত । কাল যাত্রাদলের ভববাবু যে খবর দিয়েছে তা যাচাই করা ভালো । হঠাৎ সে দেখতে পেল আলের পথ ধরে একটা পায়জামা পরা ছোকরা হাঁটছে ।

ভববাবু ভাবলে, দারোগাসাহেব তোমার আশা যাওয়াই বৃথা । এটা শহরের বেশাপল্লী নয় যে চোর ছিঁচকে অপরাধী লুকিয়ে থাকবে । হুঁ হুঁ । ভববাবু জল তুলে মাথায় ঢালতে শুরু কবল । ইয়া, মাথা ঠাণ্ডা । আসলে এটা ত বর্ষাকাল । মানে কি না পৃথিবীর অধুবাচী হয়েছে । তা ধান রুইতে হবেই । তার পরে, আজ সন্ধ্যা থেকেই, কনসার্ট বাজিয়ে রিহার্সাল শুরু করা যাবে । রামো । কি কাণ্ডই সে করেছে কাল । বেহালাদার আছে, চাঁদু ফ্লুট বাজাবে । গজা আর কালী দু বেটাকেই আজ বসাতে হবে করতাল আর ঢোল বাজাতে ; এতদিনে না শিখে থাকলে কোনো পাট্টি ছাড়ে ? আর কত্তীকে বলতে হবে—আপনার নটী বিনোদিনী কলকেতার নটী বিনোদিনীর চাইতে কমি নয় । আর এবার, দয়াময় রামকৃষ্ণ, তুমি মুনসী, কামিনী, জুগা, সকলকেই দয়া করো । এবার ও পাট্টাটাতেও মন দেবে সে ! প্রাণ ঢেলে দেবে সেই ঢোলা কোট আর লালপাড় কোরা দ্রুতি পরে । আর—এবার সে লেনিনের ছবি জোগাড় করে নেবে । কলকাতায় সে-ছবির বই পাওয়া যায় । দাড়িগোঁফ ঠিক তেমন করে নেবে সে কাঁচি ধরে নিজের হাতে । আব পোজ কয়েকটাও । আর ছিধর, হাসল ভববাবু । ছিধরের রূপ আছে । যতই বোকা বোকা করে তাকাক, বড় ঘরের ছেলেদের মতো চোখনাক । তা প্রিন্স রোমানভের পার্টেও বেশি কথা নেই । রসো, ছিধরকেও এবার দলে টেনে নিতে হবে ওই পার্টে । না, দারোগামশাই, এ যাত্রাপাড়ায় যাত্রা ছাড়া কিছু হয় না । এখানে নতুন কিছু নেই ।

দারোগা হঠাৎ অবাক হয়ে গেল । আলে আলে পায়জামা-পর ছোকরা যাচ্ছে । দূর থেকেও তার পরিষ্কার গায়ের রঙ যেন দেখা যায় । দারোগা এগিয়ে গিয়ে—ভালো করে দেখতে ঘোড়া চালালো ।

ছোকরা বেশ আলে আলে যাচ্ছে । আর যেন তাড়াতাড়িও করছে । দারোগার মনের মধ্যে কেমন একটু ভয়-ভয় করে উঠল । তাই নাকি ? এত দিন পরে সে কি তেমন কোনো গা-ঢাকা-দেওয়া ছোকরাকে দেখে ফেলেছে ? তার মুখের ভিতরটা শুকিয়ে উঠল । তার আগারউয়ার ভিজে উঠলো । ব্যারাকপুরের

নতুন ট্রেনিং-এর কথা কাঁ কাঁ করে উঠলো মনে। অর্থাৎ গুলিটা তোমাকেই প্রথমে করতে হয়। ওপক্ষ কি করবে তা দেখার জ্ঞান অপেক্ষা করা চলে না।

দারোগা ঘোড়ার রাশ টানলে। ছোকরা কি ফিরছে? নাকি আলটা গোল হয়ে ঘুরছে বলেই সে কাছে আসছে মনে হয়? তার মুখ দেখা যাচ্ছে। কিন্তু দেখে ফেলেছে সে দারোগাকে। ওই ত ঝোপের আড়ালে যাওয়ার চেষ্টা করছে। মাঝখানে একটা ঝোপের তফাত। দারোগা মনে করলে গুঁড়ি মেরে থেকে ছোকরা হাত তুলেছে। আর দেরি না করে দারোগা গুলি করল।

দারোগা ত ভয় পেয়েছিলই। ছিধর কেন ভয় পেল? সে কি সত্যি ভয় পেয়ে ঝোপের আড়ালে গিয়েছিল, না কি পথটাই ওখানে উচু-নিচু বলে মনে হয়েছিল, সে আড়ালে বসে পড়ে পরে উঠে দাঁড়াচ্ছে।

ছিধর চমকে উঠল, ব্যাথাটা এমন যেন ব্যাথা বলে ধারণা করাও সম্ভব নয়। বুকের ডান দিকে হাত দিতে রক্তে হাত ভিজ়ে গেল। সে আস্তে আস্তে মাটির দিকে ঝুঁকতে লাগল। পা বেঁকে যাচ্ছে; কি করবে সে? যা ভাবছিল, মুনস্বামী নাটক করতে গেলে সে কি করবে—তাই কি আবার ভাববে। ছিধর মুখ খুবড়ে মাটিতে পড়ল। মাটিতে মুখ নাক দিয়ে রক্ত পড়ল। ব্যাথা পেল না।

লেখ মিঞার ঘুম ভেঙে গেল। আর তাতে সে অবাক হলো। কারণ সে কি এক সংকোচে আধখানা মাত্র চোখ মেলেছিল, কিন্তু তাতেই সে বুঝতে পেরেছে সে একটা মশারির মধ্যে। রেললাইনেব ধারেব সেই আমবাগান নয়। মশারি, বালিশ, খুব একটা পরিষ্কার না হলেও বালিশটা একটা চাদরের উপরে। তার বুকের মধ্যে ধক করে উঠল, তার পর ঝড়ফড় করে যেতে লাগল। জেলখানার সেল ? হস-পিটাল ? ভোর হচ্ছে ? তার ডান হাতটা লম্বা করা ছিল। নিঃশব্দে আঙুলের ডগা দিয়ে মশারি সরিয়ে দেখলে হয়। মশারি সরানোর আগেই তার আঙুলে লেগে ঠক করে কি একটা মেঝেতে পড়ল। তার সারা কপালে বিন্ বিন্ করে ঘাম ফুটল। এখন ? এখন ? কার পাখের শব্দ হচ্ছে। সে ঘুমের ভান করে চোখ বুজলে। বন্ধ চোখের ফাঁক দিয়ে সে দেখলে একটি জ্বীলোক আসছে। শাদা কম দামী গাউন পরা। ফলে থলথলে ঝোলা মাই আব বেচপ বড়পেট। মশারি তুলছে। শক্ত করে চোখ বন্ধ করলে লেছ মিঞা। কিন্তু তা হলেও আন্দাজ করা যায়। মশারি তুলছে। বিছানায় দু হাতে ভর দিয়ে জ্বীলোকটি ঝুঁকে পড়ছে তার মুখ দেখতে। কি যেন দিয়ে খুব নরম করে তার কপাল গাল গলা মুছে দিলে। তার পর ভাড়া-তাড়ি চলে গেল। লেছ মিঞা শুনলে কে বলছে, শুনছ, শুনছ, কই শোন, হ্যা তোমার রোগী খুব ঘামছে কিন্তু। ঘুম-জড়ানো গলায় কেউ বললে, কোরামিন দাওগে। এক মিনিট দু মিনিট, তিন মিনিট। এবার লেছ মিঞা চোখ মেলে দেখে নেয়ার চেষ্টা করলে। চাব-পাঁচ হাত দূরে যে দরজা তা দিয়ে জ্বীলোকটি কিছু একটা হাতে করে আসছে। ইতিমধ্যে সেই গাউনেব উপর একটি শাড়ী জড়িয়েছে বোধ হয়। জ্বীলোকটি মশারি তুললে। বললে, শুনছ শুনছ, এই যে। লেছ মিঞা চোখ দুটোকে আবার শক্ত করে বন্ধ করল। পালানোর আর কি উপায় ? কিন্তু জ্বীলোকটি বা হাতে একটা ওয়ুধের দ্রাস ধরে ডান হাত তার গালে রেখে ধীরে ধীরে এমন কাঁকাচ্ছে যে চোখ না মললেই অস্বাভাবিক হয়। জ্বীলোকটি বললে, কই, হাঁ কর একটু। লেছ মিঞা ধীরে ধীরে বোকা বোকা মুখ করে হাঁ করলে। মাটি কেটে বেড়ায় এমন ভূমিহীন চারীর মুখ যেমন হতে পারে। কিন্তু কি ভেতো। চেষ্টা করেও গা কাঁকিয়ে ওঠা বন্ধ করতে পারলে না সে। তখন সে ভাবলে বিষ

নয় তো ? জীলোকটি বললে, কোরামিন তো । তেতোই হয় ।

এর পরে কি কথা না বলে থাকা যায়, লেহু মিঞা বললে, এলা আইত, না বিহান ?

জীলোকটি অবাক হয়ে তাকে দেখতে লাগল । তার পরে যেন হাসতে গেল, কিন্তু হাই তুলল । বললে, রাত দুটো হলো । পাঁচটায় হরলিক্স দেব । আমি, আমরা পাশের ঘরেই আছি । দরকার হলেই ডেকো । সংকোচ করো না ।

জীলোকটি চলে গেল । আবার শব্দ করে হাই তুলল ।

কি নাম ? লেহু মিঞা । কি নাম, ঠিক করে বলো । লেহু মিঞা । সাকিন ? বলি, থাক কোথায় ? কইমারি । কি কর ? কিছু একটা কর তো ? জে, মাটি কাটা । লেহু মিঞা দু-এক মিনিট এই কথাগুলোকে মনে মনে আউড়ে নিল একবার । কিন্তু...

এটা কিন্তু স্বপ্ন নয় ? স্বয়ং আমবাগানটাই স্বপ্ন । কিন্তু বেশ স্পষ্ট স্বপ্ন । তা, আমবাগান হলো কি করে ? সেটা তো মাঠ ছিল । এখন কিন্তু কোরামিন খাইয়ে গেল । কোরামিন...প্রাণ...

তা হোক এটা কোথায় ? কেমন যেন ডেজ্‌ড লাগছে । লেহু মিঞা চমকে উঠল । মনে মনে না না বলে এই ইংরেজি শব্দটাকে মন থেকে তাড়াত্তে চেষ্টা করলে । মাটি কাটা লেহু মিঞা । কি সর্বনাশ, ইংরেজি শব্দ । সে খুব সতর্ক হলো, খুবই সতর্ক । মিটমিট করে নিয়ে চোখ দুটোকে পুরোপুরি খুললে । ডান পাশ ফিরেই শুয়েছে । ডান হাতটা লম্বা করে রাখা । নিঃশব্দে হাতটাকে তুলে চোখের সামনে আনলে । একেবারে অবাক হয়ে গেল সে । আঙুলের নখে এতটুকু ময়লা নেই । যেন কেউ ঘষে ঘষে হয়তো সাবান দিয়েও ময়লা তুলে দিয়েছে । আবার তার বুকের মধ্যে ধক্ ধক্ করে উঠল । তা হলেও এবার আগের চাইতে কম । তার মুখ, তার মুখ ? তাও কি ধুয়ে দিয়েছে ? একটা আয়না—এখন তো রাত দুটো—কিন্তু কি বলে জীলোকটার কাছে আয়না চাওয়া যায় । সে তাড়াতাড়ি আবার হাতটাকে নামিয়ে রেখে, চোখ বন্ধ করলে—ওরা কথা বলছে ।

সে শুনলে :

একটু সরে শোও না । কোথায় যে শুই ।

তোমার দুই ঘরেই আঁটে না । তো এক ঘরে ।

খোকার লেপে শোওয়াই যায় না । পা ছুঁড়ছে ।

এসো না আমার কবলের তলায় ।...

জানো ? কথা বললে ।

জরটা ছেড়ে যাচ্ছে। এবার ঘুমাও। কাল অনেক ভাবনা-চিন্তা আছে।

কিন্তু এ-দেশী চাষীদের ভাষায়। বললে আইত, বিহান। অ্যামনেশিয়া নয় তো ?

তুমি ভুল করো নি তো ? (হাসির শব্দ) পরনে সবুজ ক্যান্টিকেটে ময়লা লুঙ্গি। ঘেমো গন্ধ। ময়লা চুলদাড়ি।

ভুল করব কেন ? যত রোগা হোক, মুখে যত দাড়িই হোক। তা ছাড়া তোমার সেই কনস্টেবলই তো বললে, আবার অজ্ঞান হয়ে যাওয়ার আগে পান্না সেনের নাম করেছিল। তা তোমার কনস্টেবলটা অতন্ত হাঁদা নয়।

এ শহরে পান্না সেন একজন...

আনলে কি করে একা ? সেও অবাক। একটা পুরুষমানুষ তো।

আহা, আড়াইমণি একজনকে ভুলতে হয় না ?

সে তো হুখের সময়ে।

আ-হা-হা। না, না, এখন নয় লক্ষ্মীটি। এখন ঘুমিয়ে নাও। কাল অনেক ভাবনা-চিন্তা আছে। এই হেবো, বোনের গায়ে পা তুলে দিচ্ছি কেন। যা, যা, ঠিক করে শো।

লেহু মিঞার চোখ দুটো বড় বড় হলো, তীক্ষ্ণ হলো। তা হলে ? তা হলে এটা ? তা হলে ভালোই হলো, এটা পান্না সেনের বাড়ি। জেল-মেল নয়। হস-পিট্যাল নয়। কেন যেন তার চোখ দুটো জলে ভরে এল। মাথার ভিতরে খুব দুর্বল লাগছে। লেহু মিঞা আবার ঘূমে ঢলে পড়লে। ডেজড্, ডেজড্। তা হলে তার সতর্ক হওয়া দরকার। সে বাঁ হাত দিয়ে, দুর্বল লাগা সবেও, রাগটাকে তুললে। কোমরের কাছেই চোখে পড়ল—একটি রাঙা শাড়ী ভাঁজ করে তার পরনে। তা হলে বোকা যাচ্ছে ওরাই কেউ তার লুঙ্গি ছাড়িয়ে কোমরে শাড়ীটাকে জড়িয়ে দিয়েছে। তা হলে ? তা হলে ? পায়ের বাঁওজ। কবে এসেছে সে এখানে ? কবে এনেছে ওরা ? কি ভয়ংকর যে দুর্বল লাগছে ! এখন ঘুমিয়ে নিতে হয়। কাল অনেক ভাবতে হবে। সে অহুভব করলে এখন ভেবে কিছু করা যাবে না।

অথ যে প্রশ্নগুলো পারা যাচ্ছে সেগুলো লিখে যেতে থাকলে পরে ওই বড় কম্পালমারি কোয়েশ্চনটা, যার একটাই মাত্র অলটারনেটিব, মনে আসবে। সে চোখ বন্ধ করে ছড়িয়ে থাকা ডান হাতের আঙুলগুলো দিয়ে বিছানার চাদরে লিখতে শুরু করলে। একবার চমকে উঠতে যাচ্ছিল, কে যেন বললে, সাবধান, লেহু মিঞা কখনোই পরীক্ষার হলে ঢোকে নি, কিন্তু তখন উত্তর লেখার চাপে আঙুলগুলো নেতিয়ে গেলো।

দুর্গা শব্দটা নানা রকমে উচ্চারণ হতে পারে। উঠে বসেই কপালে জোড়া হাত ঠেকিয়ে চুড়িবালায় শব্দের মধ্যে হাই তুলতে তুলতে ওই শব্দটা উচ্চারণ করলে যেমন শোনায় তেমন শব্দ করে এই বাসার গিন্নি উঠে বসল। ত্রিশ বছর হলেও তার পাঁচটি ছেলে-মেয়ে। যদিও তারা আট বছর থেকে শুরু করে ছ-মাসের একটিতে ঠেকেছে, তাকে গিন্নি বললে বেমানান হয় না। যদিও তা মুখের উপরে বলা উচিত নয়, কারণ এখনও সে বিকেলে গা ধুয়ে মুখে একটু পাউডার দেয়, চুলে বিহুনি করে। কেউ মুখের সামনে সে রকম বলে ফেললে, তখন কিছু না ঘটলে পরে সংসারের কাজকর্মের মধ্যে একটু নির্জনতা খুঁজে নিয়ে, তাকে আয়নার সামনে দাঁড়িয়ে নিজের মুখটাকে পরীক্ষা করতে দেখা যাবে। তার নাম তো প্রকৃতপক্ষে 'শুনছ'। মা তো আর কারো নাম হয় না। এ বাড়িতে একজনই নাম ধরে ডাকে, তার ওই 'শুনছ' বলে ডাকা শুনতেও ভালো। একটা নাম অবশ্যই তার আছে। তো সে শুনতে ভালো হলেও, পার্থের মা হলেও, আজকালকার চোখে তাকে ভালো লাগে না। হিসাব করলে তারও...কি আবার! পৃথা।

বিছানা থেকে উঠে, সেই শোবার ঘরের দরজা খুলেই যে বারান্দা সেখানে স্টোভ কেটলি ইত্যাদি, স্টোভটাকে ঝাঁকিয়ে তেল আছে কিনা দেখলে, ধরালে, জল তুলে দিলে। ভাবলে, এহঁ যে নাই নাই, আজই আবার তেলের কথা বলে দিতে হবে। সাধে কি মানুষ বিপ্লব বিপ্লব করে। বিপ্লবের হেতু ও উদ্দেশ্য সম্বন্ধে নিশ্চিন্ত হয়ে সে কেটলিতে জল বাড়ালে। খোকনের দ্বধ, 'গুঁর' আর তার নিজের চা, আর...। এবার সে অবাক হয়ে গেল। ঘরে অতিথি না? আহা। জল ফোটান আগেই বাথরুম থেকে ফিরে আসতে হবে। সে সেদিকে যেতে যেতে ভাবলে, আশ্চর্য হতে হয় না? ফিরে এসে হাত পা মুছে সে যেন থমকে দাঁড়াল। সে আয়না চিহ্ননি বার করে আনলে, ঘরের মধ্যে এখনও অন্ধকার। এদিক ওঁদিক ধরে ঝাঁচড়াতে তার যেন একটু সংকোচ বোধ হলো। কি মোটা হচ্ছি! সেচট করে শাড়ী পালটেও নিলে। অষ্টাশ্র দিন এ-সব দরকার করে না। স্নানের আগে আর কবে শাড়ী পালটায়? আজ দেখ ওকে পাঁচটায় হরলিক্স খাওয়াতে হবে। আশ্চর্য কিন্তু, না? বিশ্বাসই হয় না। অবিশি সে দিন সেই সাত-আট মাস আগে বলেছিলাম বটে, এসো-না একবার বেড়াতে। তো হরলিক্সটাই সব শেষে। দ্বধ করে বোতলটা খোকনকে দিয়ে, আজ বিশেষ করে একটু আগেই দিতে হবে, না হলে এখনই মাই-এর জন্তু হাঁ-হাঁ করে উঠবে, তার পরে চা। তার পরে হরলিক্স। উনি বলছিলেন ডিহাইড্রেশন। আর তা হলে তরল জিনিসই বেশি খাওয়াতে হয়। আশ্চর্য না?

'শুনছ' (পৃথা) দ্বধ করে, বোতলে ভরে, ঘরে গিয়ে, টোটে আঙুল রেখে

ডান তর্জনী ভাঁজ করে চৌকটের উপরে আলতো আলতো হোঁয়ালেই ঘুমন্ত অবস্থাতেই পাখির ছানার মতো হাঁ করে মাই খোঁজে। আর এখন তো হাত বাড়িয়ে হু হাতে ঘরে ফেলেই। বোতলটাকেও ঘরে রাখতে পারবে। ছেলেকে ঘরের বোতল ধরিয়ে সে চা ভিজালে। এটা না হলে আবার গুঁর ঘুম ভাঙে না। কিন্তু আজ ঘুম ভাঙল। চা হেঁকে ঘরে নিয়ে যাওয়ার আগে 'উনি' (যার নামই তো পান্না সেন) উঠে এল। স্টোভের পাশে বড় একটা মোড়ায় বসে মন্ত একটা হাই (হাইগুলো তার দোতলা হয়, একবার হয়ে তার সঙ্গে সঙ্গে আরও উচুতে আর একটা) তুলে বললে, কই দাও, আচ্ছা রোসো, উঠেই যখন গড়েছি, কুলকুচ করে নি। তা করে এসে বসে জীর মুখ দেখে হেসে বললে, বাহ্। হতেই হবে। ওল্ড ফ্রেন্ড তো।

যাও। পৃথা বললে, আমি ভেবে মরি। আচ্ছা মুখটুক ধোয়াতে হবে নাকি?

ডাক্তার (তো সে ডাক্তারই, পুলিশ হসপিটালের ডাক্তার) চায়ে চুমুক দিয়ে বললে, পটাশ পারম্যাঙ্গানেট জলে যদি পারো দুলি করাতে। ফিডিং কাপেই দিও। তোলাপাড়া এখন থাক। ভাবতে হবে, বুঝলে।

গ্রাসে পটাশ পারম্যাঙ্গানেটের জল আর কিডিং কাপ নিয়ে রোগীর ঘরে ঢুকলে পৃথা। ভাবলে। সেগুলোকে পাশের টেবিলে রেখে খাটের চারি দিকে ঘুরে ঘুরে মশারি তুললে। জানলা খুলবে কি না ভাবলে। ঘুমন্ত রোগীকে দেখে তার ভয় ভয় করে উঠল। এই নাকি স্পর্ণ কাঞ্জিলাল? আশ্চর্য, না? অহা। কিন্তু এখনও দেখে সেই রকম ধারালো নাক।

সে কয়েকবার মুহূর্তে ডাকলে। একটু খুঁকে পড়ে গালের উপরে হাত ছুঁইয়ে ধীরে ধীরে নড়ালে। এখনও কিছু জর আছে। মুক্তি তো। তখন সে ডান হাতে তর্জনীটাকে ভাঁজ করে দুই চৌকটের মাঝখানে রাখলে। একটু নড়াতেই যেন ঝাঁকুপাঁকু করে উঠল। অবশ্যই খোকনের মতো নয়। পৃথা সলজ্জভাবে অস্বস্তাসারে বুকের কাপড় টেনে নিয়ে বললে, কই, স্পর্ণ, বলেছিলাম না পাঁচটায়? একটু সাহস করে সে তর্জনীটাকে চাপা চৌকট দুটোর মধ্যে বসিয়ে দিয়ে নাড়লে। রোগী চোখ মেললে বটে কিন্তু পৃথার ভয় হলো যদি পারম্যাঙ্গানেটের জলটা গিলে ফেলে? তার চাইতে আগে খেয়ে নিক, পরে... বললে, হাঁ কর, একটু হরলিক্স খাও।

মুখে দেয়ার সুবিধার জন্ত সে বিছানার পাশে বসলে।

অবাক লাগতে লাগল রোগীর। দু-একবার গিলে সে অসুভব করলে এমন মধুর উষ্ণ তরল, যেন প্রাণই, সে আর কখনও খেয়েছে কি? ফলে কাপটা ফুরিয়ে গেলেও সে হাঁ করেই থাকল। কিন্তু এতক্ষণে, সে আবার অস্বস্তি এক কারণে অবাক হলো, যেন দেখছে না এমন করে সে চার দিক দেখতে চেষ্টা করলে। তার মনে পড়ল যেন

কাল থেকেই সে এই ঘরটায় আছে। আর এই জীলোকটি যার চুলগুলো এইমাত্র পিঠের উপরে খুলে পড়ল...

পৃথা একটা তোয়ালে এনে মুখের পাশটা মুছিয়ে দিলে। বললে, আবার নটায়। ডাক্তারকে জিজ্ঞাসা করে নেব ফলটল দেয়া যায় কি না। আর একটু ঘুমিয়ে নাও।

কিন্তু লেহু মিঞার পক্ষে ঘুমিয়ে নেয়া সহজ নয়। সে চোখ বুজলে, অপেক্ষা করলে কতক্ষণে এই বিষয়টা কমে। কিছুক্ষণ পরে সে চোখ খুললে, ঘরের হলদে জাতের আলো, দেয়াল, মেঝে, এমন-কি সিলিং লক্ষ্য করলে সে। সে জোর পাচ্ছে বললে মিথ্যা বলা হবে। এখনও মাঝে-মাঝে অনুভূতি ঘোলাটে হয়ে যাচ্ছে। সে বুঝতে পারছে এটাকারো বাড়ি। হাসপিট্যাঁচ নয়, এমন-কি হাজত ঘরও নয়। পাশের খরে অনেকগুলো শিশুকণ্ঠের সাড়া পাওয়া যাচ্ছে, মনে হলো দরজার কাঠে শব্দ হলো। খুব মুহূর্কীচ কীচ শব্দ করে দরজার পাল্লা ফাঁক হচ্ছে! সে স্থির করলে সে এমন ভাবে চোখ বন্ধ করে রাখবে যাতে মনে হবে সে দেখতে পাচ্ছে না অথচ প্রকৃতপক্ষে সে পাতার নীচে দিয়ে দেখবে। দরজাটার কাছে আট থেকে পাঁচ বছরের তিনটে অর্ধেক পোশাক পরা বোকা বোকা হাসি হাসি মুখ দেখা গেল। সে না নড়ে চোখের পাতা খুলে, যেন পাতা খোলা থাকলেও সেটা ঘুম এমন ভাবে দেখতে থাকল। কিছু যেন বলবে বলতে সাহস হচ্ছে না, এমনভাবে তারা চলে গেল। একবার সে দীর্ঘ নিঃশ্বাস ফেলে ভাবলে এটা স্বপ্ন হলে আমার কিছু করার নেই। সে আর একবার চোখ ঘুরিয়ে ঘুরিয়ে চারি দিক দেখলে, তখন সে অনুভব করলে চোকো চোকো হলুদ, শাদা, ময়লা মেহগনি রঙে আঁকা একটা কিউবিস্ট ছবির মধ্যে কি করে ঢুকে পড়েছে, যে কিউবগুলো বেশ নিরেট, পিছল, হস্তগ্রাহ্য মনে হয়।

সাড়ে সাতটার সময়ে (এই সময়ের জ্ঞানটা তার নয়, সেই ঘরের দেয়ালেও ঘড়ি নেই আর যে লেহু মিঞার পাট করে তার হাতে সামান্য দামের ঘড়িও থাকে না, কারণ লেহু মিঞা ভূমিহীন এক বোকা কৃষিজীবী যে মাটি কেটে বেড়ায়) সে দেখলে, শুনলে। (তা হলে পাঁচটায় হরলিক্স খাওয়ার পর থেকে সে তন্দ্রার ঘোরে ছিল, মাঝখানে সেই শিশু কয়েকটিকে দেখা—যা স্বপ্নও হতে পারে)। এই দেখতে পাওয়া এবং শুনতে পাওয়ার ফলে সে ভাড়াভাড়ি তার সেই দারুণ বীভৎস স্বপ্নটাকে বিদায় দিলে, যে স্বপ্নের ফলে, সে নিজেই বুঝতে পারছে, আবার সে যেমে উঠেছে। স্বপ্নই, নতুবা এমন হয় না কল্পনা, যে কারা দল বেঁধে তাকে চেপে ধরে তার কাল খুলে ত্রেনের সবটাকে বার করে নিয়ে অল্প একজনের মাথায় ট্রান্সপ্লান্ট করছে, যে অল্প একজনের পরনে ছাপ-ছোপ লাগা ময়লা সবুজ লুঙ্গি আর

কাঁধের কাছে ছেঁড়া একটা ততোধিক ময়লা টেরিলিনের শাট ।

সে দেখলে । যেন দরজা টানার শব্দেই এইমাত্র ঘুম ভাঙল, একজন স্ত্রীলোক এসে দাঁড়িয়েছে, বেশ মোটাসোটা, শাড়ী সবেশে বার খলখলে বুক আর চওড়া পেট আন্দাজ করা যায় । কিন্তু মুখটা হাসি হাসি । সে এসে দাঁড়ানোর পরেই মেটে প্যাট আর শাদাটে হলুদ ম্যানিলা পরা (যা সে কোনো কালেই সহ করতে পারে না : এই প্যাণ্টের চাইতে জামা হালকা রঙের হওয়া) এক মোটাসোটা পুরুষ এসে দাঁড়াল তার পাশে । পুরুষটির গলায় স্টেথিস্কোপ । সে হাত দুটোকে আড়াআড়ি করে বুকের উপরে রেখে কথা বলার জন্ত চিবুক এগিয়ে দিলে, কিন্তু কথা না বলে ঠোঁট চোখা চোখা করলে মাত্র ।

তখন স্ত্রীলোকটি বললে, ভগবানের কি অশেষ দয়া যে অজ্ঞান হয়ে যাওয়ার আগে পুলিশকে পান্না সেনের নাম বলেছিলে । ভাগ্যে পুলিশকে । এই শহরে পান্না সেন কত থাকতে পারে । পুলিশের ডাক্তার । কাজেই প্রথমেই সেই কনস্টেবল আমাদের বাড়িতে ফোন করেছিল । আর ভাগ্যে অনেকদিন বাড়ির চিঠিপত্র না পেয়ে মনে উদ্বেগ ছিল । তাই মনে হলো কোনো আত্মীয় নয় তো । নিজেই রিক্সা করে স্টেশনে গেলাম । তাই কি খুঁজে পাই অত বড় স্টেশনে ? শেষে সেই কনস্টেবলই নিয়ে গেল । গিয়ে দেখি ময়লা চাদরে সারা গা ঢেকে এক মুসলমান চাষী শুয়ে আছে । কি চেহারা, মাগো । ফিরেই আসছিলাম । কিন্তু কনস্টেবল মুখে টর্চ ফেলতেই চিনে ফেললাম । যতই রঙ পুড়ুক, যতই রোগা হও, মুখের কাটিং তো বদলায় না । আনাই কি সোজা ! তুলতেই কি পারি জরে অজ্ঞান রোগীকে । ওদিকে পায়েও ব্যাণ্ডেজ হাঁটু জুড়ে । তো সেই কনস্টেবলই দুজন কুলি ডেকে এনে রিক্সায় তুলতে সাহায্য করলে ।

কিন্তু তার কথা আর এগোতে পারল না । পাশের ঘর থেকে গোলমাল শোনা গেল ।

মা, ওমা, একবার এসো না । দাদা সব বড় রুটিগুলো নিচ্ছে ।

আ হা হা । (মুখে রুটি থাকায় গলার স্বর অস্পষ্ট) আর নিজে যে চামচ চামচ জ্যাম নিচ্ছে ।

মা, ওমা, এসো । (এটা তৃতীয় আর সব কণ্ঠস্বর)

স্ত্রীলোকটি (সেই পৃথাই—আর রোগীর এখন সন্দেহ হচ্ছে পৃথাই বলেই) একটু গন্তীর স্বরে বললে, কি অসভ্য ছেলেমেয়ে সব । কিন্তু তার চোখে স্নেহের ভাবও দেখা দিল । কিন্তু রোগীর সামনে থাকা তার হল না । একেবারে সড়োজাত একটি বড়দের গোলমালে উৎসাহিত হয়ে কেঁদে উঠতেই সে তাড়াতাড়ি দরজা দিয়ে

পাশের ঘরে চলে গেল। আর তখন সেই ডাক্তার এগিয়ে এল তার স্টেথিস্কোপ হাতে।

সে তো বুঝতেই পারছে এই তা হলে পুলিশ হাসপাতালের ডাক্তার পান্না সেন।

বুক পরীক্ষা করলে সে। বিশেষ করে হৃদযন্ত্রটাকে। নাড়ী দেখলে ঘড়ির সঙ্গে মিলিয়ে। তাতেও হলো না। অতঃ একটা দরজা দিয়ে বেরিয়ে প্রেসার মাপার যন্ত্র নিয়ে ফিরে এলে। তিন চার মিনিট ধরে প্রেসার মাপলে। ততক্ষণে সেই মোটা জ্বীলোকটিও আবার এল। ডাক্তার তাকে দেখেই যেন উঠে দাঁড়াল। বললে, ঠিক আছে। রাত দুটোয় তো দিয়েছিলে কোরামিন, আবার আটটায় দিও। দেখি, যদি হাসপাতালে ডুরাবলিন পাই।

কি খাবে?

জরটাকে দেখ। বাজারে টাটকা রুই পাই আনব। মাছ সেদ্ধ দাও। নটায় একশো সিসি গ্লুকোজ দেব ভাবছি। জর কন্ট্রোল করতে পারলে রুটিও দু-এক স্লাইস। কেমন, এখন তো আমরা একটু ভালো বোধ করছি। (এই কথাটা রোগীর দিকে চেয়ে)

তার দুজনেই একসঙ্গে বেরিয়ে গেল।

আশ্চর্য না! এখন তো বোঝাই যাচ্ছে, লেহু মিঞা ভাবলে, এরাই পৃথা আর পান্না সেন। আর এটা তাদেরই বাড়ি। আর তা হলে সে স্বপর্ণ কাঞ্জিলাল হয়ে যায়। সে বেশ সতর্ক হয়ে চারি দিকে তাকাল। সে এমন গভীর করে ভাবতে গেল, মনে করতে চেষ্টা করলে যে মাথার ভিতরে কপালের হাড়ের নীচে ব্যথা করে উঠল। সে কি বলেছে তার নাম স্বপর্ণ, কিংবা এমনও কি বলেছে সে লেহু মিঞা। হয়তো বলে নি। একটু আশ্বস্ত বোধ করলে সে, কারণ এখন তো বোঝাই যাচ্ছে, অস্ত্র পৃথা, যতই সে মোটা হোক, তাকে নিশ্চিত স্বপর্ণ বলে চিনেছে, না হলে যে ভাবে নিয়ে এসেছে সে ভাবে আনত না। না, সে আর লেহু মিঞা থাকছে না।

আশ্চর্য কেন সে, কখন সে এই শহরের স্টেশনে নামল আর কাকেই বা বলেছে পান্না সেনের নাম। একেবারে বিস্মিত হয়ে গেল সে। এই রূপ অবস্থায় যতদূর সম্ভব তীক্ষ্ণ করে ভাবতে চেষ্টা করলে সে : তীক্ষ্ণই তো কথাটা। তার নাকের কোড়া দুটো ফুলল। তাতে তার নাককে ধারালোই দেখাল। অবশ্য, আয়না নেই। তার কথা ভাবাই যায় না। আর তার মুখে কত ময়লা কে বলবে, ছ সাত দিন স্নান নেই। উপরন্তু সে তো এক জাঁজলা মাটি তুলে চূলে, মুখে, গলায় বুলিয়ে নিয়েছিল। হ্যাঁ, তীক্ষ্ণ করে ভাবতে হবে। বোধ হয়, হ্যাঁ, তাই তো, সে আর বসে

থাকতে পারছিল না। যেমন ভিড় বাড়ছিল, ফলে চাপাচাপি, তেমন জরও বোধ হয়। দম নেয়া যাচ্ছিল না। মনে হচ্ছিল গলা চেপে ধরেছে কেউ। তখন সে বলে-ছিল বটে কাউকে না কাউকে আপনারা যদি দয়া করে নামিয়ে দেন কোথাও।

কোথায় নামা হবে ?

তা ঠিক করতেই তো সময় চলে যাচ্ছিল। তার পরে তার কানে গিয়েছিল— এই তো বেশ স্বচ্ছ হচ্ছে তার মাথা—কুচাই। আর সঙ্গে সঙ্গে বলেছিল সে, আমার খুব জর এসেছে। আর পা-টাও ভাঙা। এখানে যদি স্টেশনের কোনো শেডে পৌঁছে দেন। আর তার পর বোধ হয় তাকে তারা প্ল্যাটফর্মের কোনো পাকা বারান্দায় পৌঁছে দিয়েছিল। সে নিজের চিন্তার এই স্বচ্ছতায় কিংবা তীক্ষ্ণতায় কিংবা দুয়েতেই সে বেশ সন্তুষ্ট হয়ে উঠল, রুগ্ন অবস্থায় যত দূর হওয়া যায়। আর সে কোনো রকমে গা ঢেকে শুয়ে পড়েছিল। বোধ হয় শুয়ে পড়ার আগে একবার তার চোখে পড়েছিল ওয়েটিং রুমের সাইনবোর্ড। তা হলে সে ওয়েটিং রুমের বারান্দাতেই শুয়ে পড়েছিল যতুর জন্ত। অন্তত সে যত্নে গাড়ির দুইন, ভিড়ের দম-বন্ধ করা ভাব থাকবে না, শেষবারের মতো হাত পা ছড়িয়ে দেয়া যাবে। হয়তো সে জল চাইছিল। হয়তো তার বদলে সিমেন্টের ঠাণ্ডা মেঝে, তার কনকনে ভাবটা নিয়ে, হয়তো ঠাণ্ডা বাতাস, যা সে জলের বদলে গিলছিল, তা সব তাকে ঘুম পাড়িয়ে দিয়েছিল। আর এখন তো বোঝাই যাচ্ছে কোন কনস্টেবল, জি আর পির হতে পারে, স্টেশনে ডিউটি পড়েছে এমন ওয়াচারও হতে পারে, তাকে জিজ্ঞাসা করে থাকায় সে পান্না সেনের নাম করে থাকবে।

এটা কিন্তু আশ্চর্য, সে তা করলে কেন। সে বাড় ঘুরিয়ে নিজের মনটাকে দেখতে চেষ্টা করলে। তা হলে তো বলতে হয় মনের মধ্যে এমন কেউ আছে যে কুচাই শব্দ শুনেই স্থির করেছিল, এখানেই নামা ভালো। তা হলে তো বলতে হয়, সে পান্না সেন আর পৃথা আছে বলেই কুচাইকে পছন্দ করেছিল। তা হলে তো বলতে হয়, নিজের অজ্ঞাতসারে সে তাদের সাহায্যে বেঁচে উঠতে চাইছিল। যদিও, সে আল্প-সমালোচনা করলে, সে আশা করে নি স্টেশনে নামলেই পান্না সেনদের পাওয়া যাবে। সে আবার চারি দিকে চাইল, আর তার সব-কিছু অলৌকিক বোধ হতে লাগল।

কিন্তু তা নয়। সে ভাবনা থামিয়ে একটু দম নিলে। তার পর সে মনে করতে পারলে।

একবারে ছন্নছাড়া ব্যাপার নয়। এটা যদি ডিসেম্বর হয়, তাই হবে কারণ এখানে সে মাস দুয়েক হল পড়ে আছে এমন হতে পারে না, তা হলে সেটা ছিল

জুলাই। বেশ গরম। তখন সে এদিকে, কুচাই-এ নয়, তার আগের জংশন দিয়ে আরও দূরে যাচ্ছিল।

মাঝরাত। থেমে-থাকা গাড়ির কাঁচের শাসি দিয়ে জংশন স্টেশনটার চঞ্চলতা লক্ষ্য করছিল। কত রকমের চেহারার, পোশাকের, বয়সের, স্বাস্থ্যের বিভিন্নতা নিয়ে স্ত্রী, পুরুষ, বালক, বালিকা, শিশু যাত্রী। এটাও কিন্তু কৌতুকের যেটা এখন রাত্রি অর্থাৎ সেই কালো রঙ-করা সময়টা, যখন তুমি চোখে কিছু দেখবে না বলেই কালো, যখন ঘুমের স্তব্ধতা ঘোষিত, তখন এই মাহুযগুলো সেই কালোটাকে এখানে ওখানে ছোঁরা বিঁধিয়ে হলুদ, লাল, মেটে নানা রকম রক্ত বার করে তার মধ্যে ঘুরছে। আর সেই প্রকাণ্ড কালো জন্তুটার শরীরের যেটুকু দেখা যাচ্ছে তা যেন থর থর করে কাঁপছে। স্থপর্ণ দু-হাতে চোখ ডলে ঘুম তাড়িয়ে সেই মুমূর্ষু ষাঁড়ের গরম-ভেজা নিঃশ্বাস থেকে বাঁচার জন্তু জানলা খুলে দিয়ে মাথাটাকে বাইরে রাখলে। এই সময়ে প্রেশেনটা তার চোখে পড়ল। প্যাণ্টের মধ্যে হাত-কাটা হাফশার্ট গোঁজা, সেই জামা প্যাণ্টে ইজি থেকে থাকলে তা মাস তিনেক আগে হয়ে থাকবে, চিবুকে গালে মাংস, কিন্তু রাত জাগায় চোখের কোণে কালি, গালেও দাড়ি খোঁচা খোঁচা; তার পিছনে একটি স্ত্রীলোক, কত আর বয়স হবে ত্রিশ বত্রিশ, হয়তো মোটামুটি সন্দরী ছিল, এখন লেপটানো ময়লা-ধরা শাড়ী, থলথলে বুক, এক কোলে শিশু অল্প হাতে একটা বড় ভ্যানিটি ব্যাগ। পেটটি এত বড় যে তা কাপড়ে ঢাকা পড়ে না, আর নিতম্বদেশ...তাদের পিছনে সাড়ে তিন ফুট থেকে আড়াই ফুট তিনটি বালক-বালিকার একটা শোভাযাত্রা। পোশাক-পরিচ্ছদের জন্তু অর্থ ব্যয় করেছে, যেমন সকলের পায়েই এই গরমে জুতো মোজা, যেমন প্রথম তিন ফুটে ছেলেটির গায়ে ওটা হয়তো মেরুন সার্কিন, তার পরের মেয়েটির মাথায় সন্দর রিবন যদিও তা ঠিক জায়গা থেকে সরে গিয়েছে, কিন্তু দীর্ঘ ট্রেন-যাত্রার ফলেই সে-সব পোশাক ইজিবিহীন, কৌচকানো, ময়লা। ছেলেটির হাতে একটি ঢাকনা দেয়া বেতের চাঙারি যা সে টানতে গিয়ে পায়ে ঠোঁকর খাচ্ছে। তার পরের মেয়েটির হাতেও এক দিকে রেজিন উঠে গিয়েছে এমন হটকেস। আর সকলের মুখে-চোখে, পোশাকে, কাঁধে, রাত জাগার, গরমের, ট্রেন থেকে নামার ধাক্কাধাক্কি, নতুন গাড়িতে উঠতে না পারার উদ্বেগ, আশঙ্কা এমন চাপ দিচ্ছে যে, তারা সোজা হয়ে চলতেও পারছে না। স্টেশনেও তো ভিড়। বিশেষ করে ঝুড়ি, কোদাল, টিনের হটকেস, কাপড়ের পুঁটলি অন্তত পঞ্চাশ জনের একটা মলিন ঘর্ষাক্ত স্রোত এসে পড়ল। স্ত্রীলোকটি ভয়ে পেয়ে দাঁড়িয়ে পড়ে, কয়েক পা পিছনে গিয়ে আড়াই ফুটের সেই ছোট ছেলেটি যে তাদের প্রেশেনের শেষে

তার হাত চেপে ধরলে। কিন্তু বুড়ি কোদাল লুঙ্গি কাপড়ের পুঁটলির সে গডালিকা শ্রোত এত প্রবল এত গতিশীল এত দৃষ্টিহীন যে জীলোক এবং তার ছোট সৰু ক্ষীণ প্রসেশনটি যেন নিশ্চিহ্ন হয়ে যাবে। তা অবশ্য হলো না। কি করে তারা ছিটকে সেই শ্রোতের বাইরে পড়ে গেল। প্রসেশনটি একটু ছড়িয়ে গিয়ে প্রায় ছিঁড়ে যাবে এমন সৰু হয়ে আত্মরক্ষার জন্ত বাঁক নিয়ে থেমে থাকা গাড়িটা ঘেঁষে চলতে লাগল। আশ্চর্য! তুমি কি ভেবে ভেবে স্থির করতে পার এই প্রবল শ্রোত আর এই ক্ষীণ প্রসেশনের মধ্যে কোনটা মূল্যবান? কিন্তু হঠাৎ দৃশ্যটা বদলে গেল। জীলোকটি এক দারুণ উদ্বেগে এই যে ‘শুনছ, শুনছ’ বললে কয়েকবার, বড় ছেলেটিকে বললে, তোর বাবাকে ডাক তো; ছেলেটি আতর্কণে বাবা বাবা করে চিৎকার করলে, পুরুষটি আশঙ্কায় অ্যা কোলি, অ্যা কোলি বলে চেষ্টা। কি যেন হয়েছে, কি যেন ঘটবে। ই্যা, আশঙ্কায় জানলা দিয়ে আরও একটু গলা বার করে দিয়ে সেও এদিক-ওদিক দেখছিল। তখন দেখলে সে তার জানলার সোজাহুজি সবুজ রঙ কাঁচা হয়ে গিয়েছে এমন একটা কাঠের বেঞ্চ, যা সব স্টেশনেই থাকে অল্পবিস্তর, তা পেয়ে সেই পারিবারিক প্রসেশনটি সেটাকে দখল করলে। কুলিরা হারায় নি। মোটঘাট, বাজ্র, হটকেস, হোল্ডঅল স্তূপাকার করে সামনে জমা হলো। কুলিরা কি আগন্তি করছিল। পুরুষটি যাও, যাও, বকশিস মিলেগা বলে তাদের বিদায় দিলে। আর কি আশ্চর্য তাদের রাজি জাগার কালিতে মাথা মাথা, ক্রান্তির ঘামে-ভেজা মুখে আলো ঝলমল করে উঠল। কিন্তু ওর মধ্যেই সেই শিশু-গুলো খেতে চাইছে, পুরুষটি সিগারেট ধরালে। কোলেরটি ঘুম ভেঙে যাওয়ার কান্না জুড়লে, আড়াই ফুটেরটি আমি বসতে পারছি না বলে সোরগোল তুললে। এক কথায় যাকে মধ্যবিস্ত বল। অর্থাৎ মস্তিষ্কহীন পেতি বুজুঁয়া।

কিন্তু অবাক কাণ্ড ঘটে গেল। জীলোকটি কয়েকবার চোরা চোরা চোখে জানলাটাকে লক্ষ্য করলে। একবার দেখে, একবার চোখ সরায়! উঠে দাঁড়াল। পুরুষটিকে বললে, ধরো তো একটু, বলে কোলেরটিকে পুরুষটির কোলে দিলে। নিজের শাড়ীটাকে টেনেটুনে ঠিক করলে। থেমে-থাকা গাড়ির জানলাটার দিকে এগিয়ে এল। কয়েক পা এগিয়ে বললে, শুনছ, দেখ, ওগো, দেখে যাও। পুরুষটি উঠল। কোলের ছেলেটিকে বড় ছেলেটির কোলে দিয়ে জীলোকটির কাছে এল। তখন দুজনেই একসঙ্গে এগোল। আর তখন লক্ষ্য করা গেল মোটা হয়ে যাওয়া সবুজ মুখটায় এখনও চাপা-পড়া মিষ্টি ভাব আছে। রাউজের মধ্যে ঢুকিয়ে রাখা হারটা মোটা এবং সোনার। কানের ছোট পাথর হুটিও উজ্জ্বল। জীলোকটি বললে, তখন থেকেই সন্দেহ হচ্ছিল। সেই নরুণ দিয়ে কেটে বানানো নাক, তেমন চোখ,

এ কখনও স্থপর্ণ না হয়ে যায় ?

তখন পৃথা আর পান্না সেন গাড়ির বাইরে প্ল্যাটফর্মে, আর স্থপর্ণ গাড়ির ভিতরে জানলা দিয়ে মুখ বার করে । তখন জানা গিয়েছিল বদলির ফলে পান্না সেন, সার্জন তো, কুচাই-এর পুলিশ হাসপিটালে বদলি হয়েছে । পৃথা স্থপর্ণকে বলিয়ে নিয়েছিল যে যাওয়া আসার পথে কয়েক দিনের জন্য সে পান্না সেনের গেস্ট হবে ।

আশ্চর্য নয় ?

সে তো নিজের মুখ দেখতে পাচ্ছে না । তা হলেও আট দশ বছর বাদে হলেও, সেদিন যেমন, অস্বস্থ রুগ্ন কাদা লাগানো দাড়ি-ঢাকা মুখ দেখেও এবারও যদি পৃথা চিনতে পেরে থাকে, তা হলে এটা বোঝা যাচ্ছে সব কিছু হারায় নি । তার মুখটা উজ্জ্বল হলো । নরুণ দিয়ে খুদে বার করা নাক । হ্যাঁ, এ কথা সে আরও শুনেছে । পিতলের মূর্তিতে পিতল ছিলে ছিলে যে তীক্ষ্ণ ধারালো ভাবটা আনা হয় । আসলে সেটা নয়, মনই আসল । এমন-কি এই যে তার নাম স্থপর্ণ । আগে তো নাম ছিল প্রাণেশ । হ্যাঁ, সে নিজেই সে নামটাকেই উল্টেপাল্টে স্থপর্ণ করে-ছিল । মনে হয় না ধারালো ? স্থপর্ণ ! এই স্থপর্ণ নামই কিন্তু কফি হাউসে চলে-ছিল । সে পর পর কয়েকটা কফি হাউসের ছবি দেখতে পেলে যেন । কিন্তু দুঃখ হয় না ভাবলে ? এক সময়ে কিন্তু কফি হাউসের সেই-সব আড্ডায় এই পৃথা আর পান্না সেন তার সঙ্গী ছিল। ধবা পড়ে যায় । মানে পেতি বুজুয়া ভাবটা । নতুবা বি. এস-সি পড়তে পড়তে হঠাৎ পান্না কেন ডাক্তারি পড়তে যাবে ! নিশ্চিত নিশ্চিত একটা প্রফেশন খুঁজে নেয়াই কি উদ্দেশ্য নয় ? অর্থাৎ পূর্বপুরুষরা যেমন একটা বয়স হলেই টাকা রোজগার, স্ত্রী, পুত্র কন্যার কথা ভাবে । সমাজ যে কোন চুলোয় যাচ্ছে, তা বাস করার মতো আছে কি না তা বুঝতেও পারে না । তখন যে প্রেমের সময় নেই, বদলানোর সময়, ভাঙার সময় তাও বোঝে না । সে নিজেকে বললে, দেখ, হাতের কাছে কেমন উদাহরণ । না, না, এই ধারালো ভাবটাকে তাকে রাখতেই হবে । দেখ, সেই প্রেমের পরিণতি, সেই পৃথার আর পান্নার ।

সাড়ে আটের কিছু পরে (সে নিজে অবশ্যই বুঝতে পারছে না কতক্ষণ লাগছে এই কথাগুলো ভেবে উঠতে) সে যখন ভাবছে সে পৃথার কাছে আয়না চাইবে কি না নিজের মুখটা দেখে নিতে, সে শুনতে পেলে : আর এবার যেন অজ্ঞ দিকে, দরজাটার ওপারে নয়, বরং বাঁ দিকের, (ও, এদিকে একটা জানলা আছে) জানলাটার ওপারে । সে সতর্ক আর উৎকর্ষ হলো । তা হলে ওদিকে একটা ঘর আছে । হয়তো ডাক্তার সাহেবের বাড়িতে রোগী দেখার ঘর । সে কান পেতে

রইল। বাঃ, তার উপরে একটা মহান দায়িত্ব আছে না ? চারি দিকে দৃষ্টি রেখে
সেই উঠেই পালাতে হবে। কে আছে আর সে ছাড়া, যখন দলের মধ্যেই ঘিবা,
ফাটল, এমন-কি শেষ পর্যন্ত ব্রজেশ্বর...

আমি কিন্তু রান্নাঘরের গোলমালে আটটায় কোরামিন দিতে ভুলে গিয়েছি।
(পৃথার গলা তা তো বোঝাই যাচ্ছে)

তা হলে এখন দিয়ে দাও। (পান্না ভাত্তারের গলা)

কিন্তু ন-টায় তো হরলিক্স খাওয়াব।

তার পাঁচ মিনিট পবে দিলেই হবে। আমি ভাবছি কি অতক্ষণ ধরে গ্লুকোজ
পুশ না করে যদি গ্লুকোজালাইনের ড্রিপ দেয়া যায় ? খাটের ছাত্র থেকে ঝুলিয়ে
দিলে হবে। তুমি একটু দেখতে পারবে না মাঝে মাঝে ?

তা পারব, যদি কঠিন না হয়।

কঠিন নয়। দেখতে হবে ফ্লোটা চলছে কি না। মানে, হঠাৎ যদি অপারেশনের
কেস এসে যায় অতক্ষণ ধরে গ্লুকোজ পুশ করার সময় পাব না। দশটা সাড়ে
দশটায় এক ফাঁকে আসব। তখন ইন্জেকশন দেব, ড্রিপও ঝুলিয়ে দেব।

তা হলে তাই ভালো।

ভালো তো বলছ। টিউব সমেত ড্রিপের বোতল হাসপাতালের বাইরে আনায়
কি নেই ? চটের খলেটা বরং দাও।

আর মিনিট নীরবতার পরে গলা আরও নামিয়ে (পৃথারই গলা) বললে,
শোন। তুমি যাওয়ার আগে বেডপ্যানের ব্যবস্থা করে গেলে হতো না ? একটু
নাহয় দেরি হবে। উঠতে তো পারবে না।

ওঠার কোনো কোয়েশেনই নেই।

তা হলে ?

দেখ, তুমি তো জানো। . .দেখ, ওটা আমার উইকেনেস একটা—মানে একজন
পুরুষের গুই-সব ব্যক্তিগত ব্যাপার ; আমার যেন মনে হয় তার আত্মাকে—মানে
মোটা অ্যানাউন্সমেন্টিক। তুমি তো মা হয়ে...

সে কি কানে আঙুল দেবে ? কি এস, কি স্থূল। যা ভেবেছিল তাই প্রমাণ
হচ্ছে, স্থূল বুদ্ধির পোতি বুদ্ধি ছাড়া এরকম হয় ? এবং তাতেই প্রমাণ হয় মাহুবে
মাহুবে কত প্রভেদ। একই সঙ্গে কফি হাউসের বড় বড় গল্প... সে নিজেকে সন্ধান
করে বললে, স্থপর্ণ, এটা ভালোই হয়েছিল যে আট দশ বছর আগে পান্না সেন
আর তার মাস খানেকের মধ্যেই পৃথ কফি হাউস ছেড়েছিল।

কিন্তু পাঁচ মিনিটের মধ্যে সে স্তম্ভিত হয়ে গেল। তা হলে কি তার ডিহাই-

ড্রেশন কমে গিয়েছে। সে ভাড়াভাড়ি অগ্নি দিকে মন নেয়ার চেষ্টা করলে। ভাবলে : দেখ, স্থপর্ণ, এটা কিন্তু একটা স্বযোগ, স্বযোগই তো, নইলে পথেঘাটে চলতে লোকজনের মধ্যে কি নিজেকে সম্বোধন করা যায় ? একটা স্বযোগ যখন তোমার শরীর সম্পূর্ণ অক্ষম আর তোমার বোধ-বুদ্ধি সম্পূর্ণ জাগ্রত, তীক্ষ্ণ, অতীত আর ভবিষ্যৎ দেখতে পাচ্ছি। ব্রজেশ্বরও যেখানে ভুল করেছে সেখানে তুমি, প্রায় এক-মাত্র তুমি, সমস্ত যুভমেণ্টটাকে গতি দিতে বৈচে আছ।

এমন-কি সে হাসল। এটা একটা কৌশল মনে কর যে বর্তমানে এই স্থূলবুদ্ধির লোকগুলোর সাহায্য নিতে হচ্ছে।

কিন্তু...সে অগ্নি দিকে মন রাখতে পারছে না।

ঠাণ্ডা লজ্জায় সে আর্তনাদ করে উঠল। যার ফলে পৃথা ছুটে এল।

আমাকে একটু বাথরুমে নিয়ে যাবে, পৃথা ? কি লজ্জা যে তোমার সাহায্য চাইছি। অথচ আমি পুরুষ।

না, না সে আর কি ? কিন্তু কি করে তা হবে ? ডাক্তার তোমাকে নড়াতে নিষেধ করেছে। কাল রিকশা করে আনাই রিস্কি হয়েছিল। প্যান ? বটল ? কাঁদছ কেন ?

পৃথা বটল আনলে। নার্সদের মতোই পায়ের দিকের কঞ্চল তুলে বটল ঠিক করে ধরলে।

দু মিনিট পরে কঞ্চল নামিয়ে বটল নিয়ে সে চলে গেল। তখনই ফিরে এল। তোয়ালে দিয়ে স্থপর্ণর চোখ, ঘেমে ঠাটা কপাল মুছিয়ে দিলে। হেসে বললে, এবার হরলিক্স খাবে কিন্তু। নটা প্রায় বাজে। আনছি।

একটা উদ্বেগের চড়াই পার হয়ে নেতিয়ে পড়েছিল স্থপর্ণ ! কিন্তু দু এক মিনিটেই সে হাসল। নিজেকে বললে, মানে তোমার মধ্যে সেটিমেণ্ট আছে তা হলে। একটু দম নিয়ে সে নিজেকে শোনাতে, বেশ তো সাহায্য নিচ্ছ। তা হলেও এদের শ্রেণী-চরিত্রকে লক্ষ্য করবে না ? খুব সাবধানে আর সতর্কভাবে সাহায্য নিতে থাক। উপায় হলেই যেমন এসেছে তেমন চলে যাবে। মনে কর, স্থপর্ণ, তোমার আট বছরের সঙ্গী, অনেক যুদ্ধের দোসর ব্রজেশ্বরকে। তখন তো তোমার হাত কাঁপে নি। তীক্ষ্ণ হও, বাহ্, তোমাকে তীক্ষ্ণ হতে হবে না ? এখনই হরলিক্স করে আনবে পৃথা, বাহ্, নিশ্চয়ই খাবে। তোমার পালানোর শক্তি দরকার।

পৃথা হরলিক্স করে আনলে। পাশে বসে ফিডিং কাপে হরলিক্স খাওয়ালে। আবার তোয়ালেতে মুখ মুছে দিলে। হাসল। তার চোখ যেন ছল ছল করল। বললে, একটু লক্ষী হয়ে ওয়ে থাক, স্থপর্ণ। ভাতটা নামিয়ে এসে কোরামিন দেব।

অনেকটা স্বচ্ছ হয়ে এসেছে তোমার চোখ । তুমি দেখ বিকেল নাগাদ ভালো লাগবে । গল্প করতে পারবে । সে ভাত নামাতে চলে গেল ।

এটা কিন্তু অবাধ হওয়ার বিষয়, স্পর্শ ভাবলে, যে সে কনস্টেবলকে বলেছিল পান্না সেনের কথা । নিশ্চয়ই আর কিছু বলে নি । যখন ওই পান্না সেন শব্দ দুটোর স্মৃতিই সে এখানে তখন নিশ্চয়ই বলেছিল । তখন আর কিছু বলার মতো অবস্থা ছিল না এমন মনে পড়ছে । তখন তো এমন একটা জায়গা চাচ্ছিল যেখানে সে শুতে পারে । কিন্তু কেন কুচাই শুনেই সে মনস্থির করলে এখানেই নামতে হবে, আর কেনই বা পান্না সেনের নাম করলে ? তা হলে কি আট দশ বছর আগেকার সেই প্রীতির স্মৃতি ? বুদ্ধি যেখানে পরিত্যাগ করেছে তখনও সেই স্মৃতি থাকে ? বুদ্ধি পরিত্যাগ করেছিল বৈকি পান্না সেনকে ! সেই গাড়ির জানলায় দেখা হওয়ার কথাই ভাব । তার গেস্ট হওয়ার কথায় সে হাঁ বলেছিল বটে, কিন্তু গাড়ি ছাড়তেই, তারটাই আগে, সে হো হো করে এমন হেসেছিল যে পাছে সহযাত্রীরা কিছু ভাবে সেজ্ঞা খবরের কাগজে মুখ আড়াল করেছিল । অথচ...

সে শুনতে পেলে পাশের ঘরে দরজার ওপারে কথা হচ্ছে :

মা, দাদাটা কি বোকা, বলছে ও ঘরে যিনি তিনি আমাদের মামা হন না ।
(একটা ছোট মেয়ের গলা)

কে বললে হয় না । (বোকাই যাচ্ছে পৃথার গলা)

কেন, বাবা যে বললে কাকা হয়, রাঙা কাকা । (একটা ছোট ছেলের গলা ।)

তাই ? (এটাও পৃথার গলা । সে ভাবছে যেন) তা হলে তাই বলবে । আসলে আমাদের দুজনের সঙ্গেই সম্বন্ধ আছে । তোমার বাবার সঙ্গে সম্বন্ধটা একটু কাছের । একটা কথা বলে রাখি । ঝি-টি কেউ জিজ্ঞাসা করলে বলবে পদ্ম, বসন্ত । খুব ছোঁয়াচে রোগ । তোমরা ও ঘরে যেয়ো না ।

তা হলে ? স্পর্শ স্থির করলে ভালো করে বিশ্লেষণ করা দরকার এ বিষয়টাকে । তা হলে ? হঠাৎ যেন নতুন দিকটাকে দেখতে পেলে সে । হতে পারে গ্রস্, তা হলেও হসপিটালের সার্জনের স্ত্রী, সে যদি নোংরা চেহারার নোংরা লুঙ্গি-পরা একজনকে দেখা মাত্র বিচলিত হয়ে কুলির সাহায্যে প্ল্যাটফর্ম থেকে কুড়িয়ে রিকশায় জড়িয়ে ধরে বাড়ি নিয়ে আসে তবে তা আলোচনার বিষয় হয় না ? সেই কনস্টেবল যে পৃথাকে তার কাছে নিয়ে গিয়েছিল সে কি আর গল্প করছে না ? আর এদিকেও এরা দেখ মিথ্যা বলতে শেখাচ্ছে । তা হলে এরা কি আন্দাজ করেছে ? সব না হলে, অনেকটা ? সে নিজের বোকামিতে অবাধ হলো এবার ? তা হলে কি তার উক্লর ঘা-টাও চোখে পড়েছে ? শান্ত হয়ে হতাশ হয়ে স্পর্শ নিজেকে বললে । তা

হবে। নুজি বদলেছে। হাত দুটোতে সাবান দিয়েছে। হয়তো গরম জলে মুখও মুছিয়ে দিয়ে থাকবে। আর এখন এইমাত্র দিনের আলোতে? তার পরেও কি সেই আনাড়ি ব্যাণ্ডেজ চোখে না পড়ে পারে? ডাক্তার তো। ব্যাণ্ডেজ বদলেছে না কি?

কিন্তু পৃথা এল। বললে, কষ্ট দেব আবার। কোরামিন এটা। খুব তেতো। কিন্তু দরকারি। ওষুধ খাইয়ে বললে, আবার একটু চুপ করে থাক। ডাক্তার এসে যাবে এখনই। আমি তোমার মাছ সেদ্ধটা বসিয়ে আসি।

কিন্তু, পৃথা চলে গেলে স্থপর্ণ ভাবলে, সে কি একটা ফাঁদে পড়েছে? কথাটা মনে হতেই চঞ্চল হলো মন। আর তার ফলে পালানোর ইচ্ছা জাগতেই সে পা গুটিয়ে থাকবে। সঙ্গে সঙ্গে ব্যথায় মুখ বিকৃত হয়ে গেল। তা হলে পায়ে কিছু করেছে নাকি? সে হতাশ হয়ে বুকের উপরে হাত রাখলে।।.....

সে দেখলে তার ডান হাতটা ছড়ানো আর হাসপিট্যাঁলে যেমন দেখা যায় তেমন একটা বোতল শূন্য থেকে ঝুলছে। আর তার থেকে একটা সরু লাল নল তার বিছানা পর্যন্ত। আর একটু ভালো করে চোখ চেয়ে দেখতে হবে। শূন্যে নয় উটে রাখা বোতলটা খাটের ছত্রিতে বাঁধা। ওহো, গ্লুকোজালাইন। ড্রিপ, ড্রিপ...

আসলে কোথাও একটা ভুল থেকে গিয়েছে। এরকম হয়, খুব ভালো কাজেও ভুল থেকে যায়। আর তখন একমাত্র উপায় হচ্ছে আত্মসমালোচনা। ভুল স্বীকার করা আর আত্মসমালোচনা একই সঙ্গে চলতে হবে।

কাঁচ না পর্সেলেন? মোট কথা চার দিকেই তো হলদেটে শাদা কিউব। এই সরলতম জ্যামিতির গড়নটাই তার প্রিয়। এটার সব চাইতে এই এক বড় গুণ যে নিরেট শক্ত হলেও অনায়াসে অনুভব করতে পারে তাদের, যাকে দেয়াল সিলিং মেঝে ইত্যাদি মনে হয়, তাদের মধ্যে দিয়ে স্বচ্ছতা, বোধগম্যতা যাওয়া আসা করে।

ভুল হতেই পারে, ভুল মানুষ মাত্র করে।...অথচ ব্রজেশ্বর কি না বলছে : ভুল, কিসের ভুল? এত মৃত্যু সে-সব কি ভুল? আমি কি ক্রিস্চান? তাদের সংস্কৃতি আমার? যে ভুল স্বীকার করে কনফেস করলে অনুভূত হলে নতুন হয়ে উঠবে। ভুল স্বীকার তো করছেই না। বরং যেন ভুল স্বীকার না করাকেই পৌরুষ মনে করছে।

তাই বলে আমরা শিত্যালরির নাইটও নই যে আমাদের তেমন করে সাজতে হবে, দলকে দল শহিদ হতে হবে। এই কি তোমার শেষ কথা?

হ্যাঁ। আমি আজ সকালে শেত করেছি, সাবান দিয়ে স্নান করেছি। যেমন

পোশাকে অভ্যস্ত তা পরেছি। মুখে দাড়ি রেখে নুজি পরে অস্ত্র কেউ হওয়ার চেষ্টা করছি না।

এখন হয় কি, অনেক সময়ে মানুষ না দেখেও না শুনেও কিছু অনুভব করে। বোঝা যাচ্ছে সেই আমবাগানটার, যাকে বনই বলা যায় এত ঝোপ-ঝাড়, দূরে দূরে ছায়ায় ছায়ায় গাছের আড়ালে আড়ালে মানুষ। সুপর্ণ অনুভব করতে পারছে তারা কান পেতে সেই দুই দলপতির ভরক শুনছে। এ তো বোঝাই যাচ্ছে ব্রজেশ্বর গলা তুলে কথা বলছে তাদের শুনিয়ে। অর্থাৎ সে আন্দোলনটাকে, ফলে দলকেও, নিজের পথে নিয়ে যেতে চায়।

সুতরাং...

কিন্তু ব্রজেশ্বরও তৈরি হয়ে এসেছিল। সুপর্ণ লম্বা টানা কাতরোক্তি করলে। যন্ত্রণায় মুখ ফিরিয়ে কবলের উপর দিয়ে তার পায়ের দিকে চাইল।

তাতেই প্রমাণ হয়, দেখো, ব্রজেশ্বর তুল না-করার তুল থিয়েটারি দিয়ে দলকে মহাত্মা গান্ধি, রাবণ, কর্ণ এ সব করার চেষ্টায় ছিল। নতুবা পর পর তিনটি গুলি খেয়েও পড়ে যেতে যেতেও সে পাবে তেমন করে ফেরত দিতে। ভাগ্যে সে তখন প্রায় মাটি ছুঁয়েছে, তাই তার সেই গুলিটা উরু ভেদ করলে। আর তখনই, দেখো, এ পাশে, ও পাশে, দূরে, কাছে বাঁশিগুলো বাজতে শুরু করলে।

সুপর্ণ হাসতে গেল। কিন্তু তখনই সে নিজের তুল সংশোধন করলে। ইমমেটেরিয়াল। ওটা ব্রজেশ্বরের ফাঁদ নাও হতে পারে। আসল পয়েন্ট হচ্ছে, কি করে যখন বুদ্ধি ঘুমিয়ে পড়ছে তখন তার তলা থেকে, অনেক তলা থেকে, যন্ত্র এক বুদ্ধি মনের ভার নেয়। এক সেকেন্ডের ব্যাপার, না হয় দুই সেকেন্ড। সে নিজে তো একটু দাঁড়িয়ে ছিলই—এটা নিশ্চিত করতে যে ব্রজেশ্বর কোনো নাম বলার বাইরে চলে গিয়েছে—আর তখন যখন ব্রজেশ্বরের ছড়ানো হাতের আঙুলগুলো কঁকড়ে আসছে। নাক আর কষ দিয়ে মোটা ধারায় রক্ত গড়াচ্ছে—সে বললে, কোরামিন। একি হাশ্বকর? ব্রজেশ্বর অবশ্যই, ডাক্তারির থার্ড ইয়ার পর্যন্ত পড়েছিল এক সময়ে, আর তা হয়তো এই পান্নার সঙ্গেই। ওটা হয়তো একটা এমন ব্যাপার যে যে-ডাক্তারিকে সে অস্বীকার করেছে তাই তার বুদ্ধির তলায় তলায় ছিল, আর সেই হতাশার সময়ে ওই শেষ প্রেসক্রিপশন। আশ্চর্য। সে কি বুঝতে পারছিল তার হার্ট খেয়ে আসছে?

সেটা মেটেরিয়াল নয়। অর্থাৎ, তা হলে তার নিজের মনের তলায় কিছু ছিল যা, যখন সেই প্রবল জরে, আর এখন তো বোঝা যাচ্ছে অ্যাকিউট ডিহাইড্রেশনও, সে জ্ঞান হারাচ্ছিল তখন কুচাই এর নাম, পান্না সেনেব নাম মনে করিয়ে দিয়েছিল।

সে অত ভাড়াভাড়ি ভেবে কি করবে? পায়ের দিকে একটা মুহূ লালচে বালব ঘেন জলছে। এটা তো এতক্ষণ দেখে নি সে। অফুরন্ত সময় এখন ভাবার। ঘড়ি নেই যে বলবে এই একরঙা কিউবগুলোর মধ্যে সময় এগোচ্ছে, হয়তো থর থর করে, হয়তো মুখ আটকানো পায়ে রাখা তরলের মতো নড়াচড়া করে, কিন্তু কোনো দিকে যায় না। মাথায় একটা অস্থবিধা বটে, কিন্তু আপাতত ব্যস্ত হওয়ার কিছু নেই, কারণ পান্না আর পৃথা তাদের চওড়া চওড়া শরীর দিয়ে বেশ আড়াল করেছে। এই দেখো, কোন দিকে? দেখা যায় না, আবার বলছে ওরা :

পৃথা বললে, অপারেশন। অপারেশন? কিন্তু তা কি করে?

পান্না বললে, খুব দেরি করে ফেলেছে, অন্তত সাতদিন তো বটেই। তুমি কি মনে কর ব্যাণ্ডেজ বদলাতে গিয়েই বুঝি নি? এটা তো এক সংগ্রাম। শরীরে রক্ত নেই যে অপারেশন সহ্য হয়, অপারেশন ছাড়াও—

ইন্জেকশানে?

মনে হয় না। গ্যাস গ্যাংগ্রিনের মতো দেখাচ্ছিল।

এখন তা হলে?

অ্যান্টিবায়োটিকে যতটা কন্ট্রোল করা যায়—সেই হযোগে যদি কয়েক বোতল গ্লুকোজ দিয়ে দেয়া যায়।

অপারেশন তা হলে বাড়িতেই...

দেখি, দেখি। কিন্তু অসম্ভব বোধ হচ্ছে। জল গরম হলো? ব্যাণ্ডেজটা তো বদলে দিই।

অপারেশনটা বাড়িতে করলে হয় না?

অ্যানাস্থেটিস্ট কে হবে? আর তা ছাড়া পাঁচ-সাত বোতল রক্ত লাগতে পারে। তার আগে এক্সরে করাও চাই।

তখনই হাসপিট্যাঁলে দিলে ভালো হতো।

সন্দেহ তো হচ্ছেই—যদি হাড় ফেটে থাকে সে এক মেজর অপারেশন, অ্যাম্পুটেশন।

কি বললে?

দেখা যাক, দেখা যাক।

দেখ, পৃথা বললে, আমি কিন্তু এ-সব বুঝি নি। কিন্তু কি এক মহৎ-প্রাণ, একজন কালচার্ড মানুষ।... আমি কিন্তু কিছু ভেবে...

রিল্যান্স। রিল্যান্স। একেই র্যাশনালাইজেশন বলে। কোঁকের মাথায় কাজ করে তার পরে যুক্তি দিয়ে কাজটাকে সমর্থন করি আমরা সকলেই। দেখ, জলটা

ফুটেছে বোধ হয় ।

আমাকে থাকতে হবে ?

বাহ., একটু হেলপ করবে না ? ড্রিপটা বন্ধ করে দেবে । এটা ওটা এগিয়ে দেবে...

কোরামিন দিয়ে নেবে না ?

ইন্জেকশানের সময়ে অস্ত্র দিয়ে নিয়েছি সে রকম ওষুধ ।

পৃথা, দেখো, মুখের ঘামটা মুছিয়ে দিয়ে আবার হরলিক্স খাওয়ালে । ঘরটাকে আবার অন্ধকার বোধ হচ্ছে । তা হলে এখন কি রাত্রি ?

ওটা মেটেরিয়াল নয় । আসলে সেটা মাথার মধ্যে একটা জ্বালা । হয়তো জ্বর, খুব জ্বর, একশো পাঁচ, ছয়, সাত । আর সেই জ্বালাটাই বেশ স্বচ্ছ করে সব কিছু দেখায় যেন । অথচ ঘোরটাও থাকে । ফলে স্বপ্নের মতো ব্যাপার, জেগে জেগেও অল্পভব কর । স্বপ্ন নিজের মনটাকে ছড়িয়ে যেতে দিলে । এখানে কেন এল সে, তার হেতুটা বার করাই আসল বিষয় । হ্যাঁ, তার পরে কালভার্টের কাছে ট্রেন থামলে সে দেখতে পেয়েছিল অনেক মাটিকাটার মানুষ বুড়ি আর কোদাল নিয়ে উঠছে গাড়িটায় । সেও এর ওর সাহায্য নিয়ে গাড়িটায় উঠে পড়েছিল । তার আগে সে হয়তো জলে পা ধুয়েছে, লুঙ্গি ধুয়েছে, ভিজ্জে গায়ে মাটিতে গড়িয়েছে, হয়তো সঙ্গে যে কয়েকটা বড়ি ছিল তা খেয়ে নিয়েছে । রুমাল আর পকেটে যে ব্যাগুজ থাকত তা দিয়ে বঁধেছে । মোট কথা তখন সে মাটিকাটা মজুরদের সঙ্গে এক হয়ে যেতে পেরেছিল । দক্ষিণ থেকে উত্তরে আসার সেই প্যাসেঞ্জার ট্রেনে কন্ট্রোলারদের কুলির দলে—সেই ছিন্নমূল হতসর্বস্ব মানুষদের ভাবভঙ্গি, ভাষা তো ভাষা তো খানিকটা আগেই জানা ছিল, সে হৃদয় দিয়ে আলিঙ্গন করছিল । আর কি আশ্চর্য, যেন কোনো অলৌকিক উপায়ে, তাদের সেই নোংরা মানুষের নোংরা কামরায় কিছু কিছু যাত্রী ওঠানামা করছিল বটে, কিন্তু যারা উঠছিল আরও নোংরা হতসর্বস্ব বোকা বোকা ভেড়া ভেড়া ভীকু ভীকু চেহারার মানুষ । তাদের মতোই শালপাতায় ভিজ্জে মটর, ভাজা ছোলা, আর সারাদিনে দু-এক ভাঁড় চা খেয়ে যন্ত্রণা, দুর্দশা, ক্ষুধা সহ্য করতে করতে স্থখী হয়ে উঠছিল সে । যেন নিজের দেশে ফিরেছে মনে করছিল । যেন তাই, বন্ধু, আত্মীয় পেয়েছে এতদিনে মনে করে যন্ত্রণা ইত্যাদি ভুলে যাচ্ছিল । তার পরে হয়তো দ্বিতীয় দিনে, বৈষ্য ধরতেই তো হবে কারণ সেই গাড়ি তো এল্লপ্রেস, কিংবা মেইল নয়, তাদের মতো মানুষের জঞ্জাই বারা ময়লা, নীরব, নিরুপায়, জ্বর এসেছিল । ভিড়ের শব্দায় বেঙ্কের কোণে গিয়ে পড়েছিল সে ।

সে অস্থস্থ বলে কোনো স্থবিধা কি পেতে পারে ।...আর তখন তার মনে হলো, মনে হওয়া কেন, চোখেই দেখতে পাচ্ছে, তার মস্তিষ্কটাকে কেটে বার করে নিয়ে সামনের ওই চোয়াল-আলগা, হাঁ-করা, বোঁচা নাকের ওই ভোঁতা ছোকরার মধ্যে বসিয়ে দেয়ার চেষ্টা করছে । চক্চকে অভূত চেহারার সব ধারালো অস্ত্র । স্থপর্ণ বললে, আমি স্থপর্ণ, আমি স্থপর্ণ, ডাক্তার ডোন্ট বি মিলি । তুমি কি জানো না ওর শরীর আমার ব্রেনকে রিজেক্ট করবে, আমার ব্রেনও ও শরীরকে রিজেক্ট করবে ? ব্রেন বোঝা ডাক্তার ? যেখানে বুদ্ধি, সংস্কৃতি, লেখাপড়া, অনুভব, আবেগ ? স্থপর্ণ ব্রেন কখনও বা লেহু মিঞার সঙ্গে এক হয় ? আই সে, স্টপ্ ইট ।

স্থপর্ণ অনুভব করলে ডাক্তার তার হাত-পা বেঁধে ফেলেছে আগেই । নড়তে পারছে না সে । ডাক্তারের ছুরিটা কপালের কাছে এসেছে । সেখান থেকে চামড়া তুলতে আরম্ভ করবে । বাঁ-হাতটার বাঁধন তবু একটু আলগা, আতঁনাদ করে বাঁ হাত তুলে সে কপালে রাখলে ।

শব্দ শুনে পৃথা দৌড়ে খাটের পাশে এল । সে দেখলে স্থপর্ণর বাঁ-হাত কপালে । চোঁট কাঁপছে । ঘুমাস্থেই তো । স্বপ্ন দেখছে বোধ হয় । হ্যাঁ, স্বপ্ন মানুষের কখনও শেষ হয় না । সে স্থপর্ণর বাঁ-হাত ধরে কপাল থেকে পাশের বালিশে নামালে । টেম্পারেচর একটু বেড়েছে । মাথাটাকে একটু ডান দিকে কাত করে দিলে ।

পৃথা ফিরে গিয়ে পান্নাকে বললে, স্বপ্ন দেখছিল বোধ হয় । টেম্পারেচর একটু বেড়েছে । ক্রোচিন দেব আবার ? ও কি খেলে না ?

খেলাম তো । ওটুকু ঢেকে রেখে দাও । ওই মাছের টুকরোটা কাল তোমার ঝি পেলে স্থখী হবে । যেন এঁটো না বোঝে ।

পৃথা বাটিটাকে একটা প্লেট দিয়ে ঢাকা দিলে । বললে, রোসো, তা হলে ক্রোচিনটা দিয়ে আসি । তুমি কিন্তু শোওয়ার আগে আর একবার দেখবে ।

শ্যুয়ার । শ্যুয়ার ।

স্থপর্ণর ঘুম ভাঙিয়ে ক্রোচিন খাওয়ালে পৃথা । তখনও কিন্তু, সে দেখলে, স্থপর্ণর চোখের কোল ভিজে ভিজে । কি হবে ঘুমের আবেশ কাটিয়ে ? কি কষ্ট । স্থপর্ণ একবার চোখ মেললে । ঘরের চারি দিকে চেয়ে দেখে যেন নিশ্চিত হলো । চোখ বন্ধ করলে ।

পৃথা ফিরে গেল । পান্না মুখ ধুয়ে খাওয়ার টেবিলের কাছে বসে সিগারেট ধরিয়েছে ।

পৃথা বললে, সারাদিন এত ষকল, দেখ তো এত রাত করে ফিরলে, খেতেও পারলে না । কাজ ছিল বুঝি হাসপিট্যালে ?

পুরুষ কি শুধু হসপিটালেই...

তা বাপু যে রকম সব নার্স রাখছে। আগে পুলিশ হসপিটালে ওসব বামেলা ছিল না। কিন্তু সিরিয়াসলি।

পুলিস সুপারিন্টেন্ডেন্ট মিটিং ডেকেছিল। ফোচিন দিলে ? ঘুমাচ্ছে তো ?

হ্যাঁ। তা মিটিং কেন এত রাতে ? কিছু হয়েছে ?

হতে পারে এই আশঙ্কায়। সব সরকারি ও সব বেসরকারি ডাক্তারদের ডেকেছিল। নাম পাবলিক রিলেশনস। আসলে থ্রেট।

থ্রেট ? ডাক্তারকে ?

হ্যাঁ। ছোরা, গুলি, বর্শা, বোমা এ-সবে আহত কোনো রোগী এলে সঙ্গে সঙ্গে পুলিশকে জানাতে হবে।

কেন ? ডাক্তার স্বাধীনভাবে তার রোগীকে চিকিৎসা করতে পারবে না ? এ রকম কোনো আইন আছে দেশে ?

তা ঘুরিয়ে পৌঁচিয়ে আইনে ফেলা যায়। সবই অ্যাক্টিভিটি টু মার্ভারের কেস, সবই কগনিজিবল।

বাহ, যদি ডাক্তার বলে আমি ভেবেছিলাম ওটা গুলি, বর্শা, বোমার ব্যাপারই নয়।

কোনো ডাক্তার যদি ছোরার খোঁচাকে বঁটিতে কাটা মনে করে, গুলির ঘা-কে খোঁচা মনে করে, বোমার আঘাতকে সাইকেল অ্যাক্সিডেন্ট বলে অবশ্যই তার রেজিস্ট্রেশন নাকচ হওয়া উচিত।

পৃথ়া অনেকক্ষণ ভাবলে। এমন-কি তাকে গালে হাত দিতে হলো ভাবতে গিয়ে।

আচ্ছা, অপারেশনটা না হলেই কি চলবে না ? না করে কি প্রাণে বাঁচে না।

মনে হচ্ছে না।

হসপিটালে ছাড়া অপারেশন হয় না ?

অসম্ভব।

আচ্ছা, হসপিটালে গেলে—

দেখ, সেখানে গেলেও সারতে দু-মাস। ততদিনে খবরাখবর নিয়ে পুলিশ কিছু একটা রুপ পাবেই। মনে রেখ সুপর্ণ কলকাতার ছাত্র মহলে এক সময় বেশ পরিচিত ছিল। আর তা ছাড়া তোমাকেও তো তার নামটা বলে দিতে হবে। নাম না জানলে কি করে তাকে চিনেছিলে ? কেন আমরা তাকে এ তিনদিন রাখলাম বাড়িতে ?

যদি তাই হয়ে থাকে ? তা হলে হাসপিটালে সেরে উঠলেও...

লাইফার হতে পারে । কিংবা যে লাইফ দেবে তাই আবার ছিনিয়ে নেবে ।

পৃথা ফুঁপিয়ে উঠে মুখে কাপড় চেপে নিজেকে থামালে । আর এখানে যদি মৃত্যু হয় ? চান্স নিতে নিতে ?

দেখ, ডাক্তার হিসাবে আমি ডেথ-সার্টিফিকেট দিতে পারি । কিন্তু সেই কনস্টেবল যে তোমাকে খবর দিয়েছিল ? আর সংকারেও তো একা নিয়ে যেতে পারা যায় না । তা গেলেও তো বরং আরও সন্দেহের বিষয় হবে ।... রাত একটা হলো । স্টেথিস্কোপটা আন ।

‘তা হলে ছোটোগল্প কাকে বলবেন’ : শেষ পর্যন্ত একান্ত অধীর হবেন আপনি । একটা হাসি ফুটে উঠবে তাঁর চোঁটের কোণে, কারণ অমিয়ভূষণ এ প্রশ্ন চেয়েছিলেন ; একটু নড়েচড়ে আরো আশ্বেষ ক’রে বসবেন তিনি, এ হলো আরো অনেকক্ষণ তর্ক চালানোর ভূমিকা । ‘কেন, ছোটোও হবে, গল্পও হবে ।’ তাঁর শানানো মুখের দিকে তাকিয়ে আছেন না, তবু আপনি অস্থতব করবেন তাঁর কথার ধার, বুঝবেন এ একটা রসিকতা হলো । পরের শ্লেষের জন্ত আপনি মনে মনে প্রস্তুত, এ সময় হঠাৎ দেখবেন স্বপ্নময় হয়ে এসেছে তাঁর দৃষ্টি, প্রায় স্বগত ভঙ্গিমায় বলবেন অমিয়ভূষণ : ‘ছোটোগল্প এমন এক বৃত্ত যার কেন্দ্র আছে সর্বত্র, পরিধি নেই কোথাও ।’—এ পর্যন্ত হলে হতে পারতো অমিয়ভূষণের কোনো গল্পের সূচনা অংশের একটা অঙ্কুরণ, কেননা অমিয়ভূষণের বেশির ভাগ গল্প এভাবে শুরু হয় । ছোটোগল্প যিনি লেখেন তিনি অমিয়ভূষণ মজুমদার, অমিয়ভূষণ মজুমদার বা লেখেন তা ছোটোগল্প—এ কথা তিনি তাঁর পাঠককে আগাগোড়া মনে করিয়ে দিতে চান ।

কারণ আছে । রবীন্দ্রনাথের পর, দেশ ভাগের পরেও আধুনিক বাংলা ছোটো-গল্প পরিমাণে কম লেখা হয় নি । আধুনিক একটা কথার কথা, না হলে প্রসঙ্গে আধুনিক পদ্ধতিতে আধুনিক অথচ ছোটোগল্প হয়ে উঠলো না এমন নমুনা আজকাল এত অটেল কেন । রাজনীতি সমাজনীতি ধর্মনীতি যাবতীয় নৈতিক সমস্যা একটা ছাঁচে ঢালবার স্থলত হ্রক হয়ে পড়েছে এই ছোটোগল্প । বিনোদন না হলে গল্প হবে না, প্রচার না হলে গল্প হবে না : মুখোমুখি ঢাকের বাজনার কানে তালো ধরার উপক্রম । খবরকাগজে চাকরি না পেলে গল্প হবে না, সময়ের দলিল না বানাতে গল্প হবে না : যা ইচ্ছে তাই ফতোয়া জারি করছেন যে কেউ । এবং কে কী লিখছেন তা নিজের জ্ঞানেন না । এ অবস্থায় এখনকার বাঙালি পাঠককে অরণ করিয়ে দেওয়ার অনিবার্য দরকার আছে : ইনি ছোটোগল্প লেখেন, ইনি অমিয়-ভূষণ মজুমদার ।

অমিয়ভূষণের গল্প তাই গল্প দিয়ে শুরু হয় । মধ্যে গল্প থাকে । শেষটাতেও গল্পের প্রসঙ্গ থেকে যায় । অ্যারিস্টটলের কথায় বলা যায়, আদ্যন্ত গল্পের প্রট হল

গল্পসম্বিত । ‘তঁাতী বউ’ গল্পের শুরু হয় এভাবে :

“সব দেশের একটা যুগ আছে যাকে বলা হয় অন্ধকার-যুগ, আর একটা আছে যাকে বলা হয় আলোকের যুগ । বাংলাদেশে অধিকন্তু একটা আছে যা আনাড়ির তোলা ফটোগ্রাফের মতো গভীর অন্ধকার ও উজ্জ্বল আলোকের আকাজকাহীন মিলনের যুগ । সেই যুগের গল্প একটা বলছি :”

কিংবা ‘দুয়ারহিন্দুর উপকথা’ শেষ হয় এভাবে :

“সম্ভার অন্ধকারে কুপি জেলে কড়াইয়ে ভাত চাপিয়ে সঙ্গীরা যখন দিনজমানার গল্প করে, দেশের গল্প করে, কোন কোন দিন সে চাটাই বিছিয়ে নীরবে অন্ধকার আকাশের দিকে চেয়ে শুয়ে থাকে । তারপর শুধু গল্পটাই থাকবে ।”

অমিয়ভূষণ জানেন লোকে যাকে আখ্যান বলে তার মধ্যে ভালো গল্পের উপাদান থেকে যায় । জীবন আর কাহিনী একে অস্ত্রের বিনিময়ের যোগ্য হয়ে ওঠে । তবু উপকথা লোকায়ত ব’লে নয়, উপকথায় কথকের নির্মিতির ভূমিকা প্রধান হয়ে ওঠে ব’লে তিনি ‘দুয়ারহিন্দুর উপকথা’ লেখেন, প্রকরণের এ আভী-করণে তিনি নির্মল আনন্দ পান । ফিরে ফিরে বৈঠকি একটা মেজাজ তৈরি করেন তিনি, অধুরি তামাকের স্রাণের মতো তাঁর গল্পের মোতাত প্রাণের গভীরে নেমে আসতে থাকে । ‘অ্যাভলনের সরাই’ গল্পটি এ রকম আগাপাশতলা গল্প দিয়ে মোড়া । ছোটোগল্পটির শুরুতেই :

‘ওজেন ওদিক থেকে ফিরে এসে এই গল্পটা বলেছে ।’

এবং তারপর :

‘এ রকম একটা নতুন উদ্বাস্ত দল কিংবা দলের ধ্বংসাবশেষ নিয়েই এই গল্প ।’

আর তারপরেও :

‘উদাহরণ হিসাবে দু’তিনটি দিনলিপি উদ্ধার করা যেতে পারে ।’ এভাবে গল্পের ভেতরকার গল্পের আধারে ছোটোগল্পের থিমটিকে অমিয়ভূষণ ক্রমশ মূর্ত ক’রে তুলতে থাকেন ।

‘মামকাঃ’ গল্পের স্বরূপ এ ধরনে রেখাঙ্কিত হয়ে ওঠে :

‘হতে পারে গ্রস্, তাহলেও হসপিটালের সার্জনের স্ত্রী, সে যদি নোংরা চেহারার নোংরা লুঙ্গি-পরা একজনকে দেখা মাত্র বিচলিত হয়ে কুলির সাহায্যে প্ল্যাটফর্ম থেকে কুড়িয়ে রিকশায় জড়িয়ে ধ’রে বাড়ি নিয়ে আসে তবে তা আলোচনার বিষয় হয় না ? সেই কনস্টেবল যে পৃথাকে তার কাছে নিয়ে গিয়েছিল সে কি আর গল্প করছে না ? আর এদিকেও এরা দেখ মিথ্যা বলতে শেখাচ্ছে । তা হলে এরা কি আন্দাজ করেছে ? সব না হলে, অনেকটা ? সে নিজের বোকামিতে অবাক হলো

এবার ।’

পড়ে মনে হয় লেখক যেন খুব একটা জোর দিয়ে বৌক দিয়ে বলছেন :
আমার ছোটোগল্প সৃষ্টি নয়, নির্মাণ । ফলে রচনাটিতে শ্লেষের স্বরাঘাত এসে
লাগছে, ক্রমে উষ্ম, তিক্ত ও সন্ধিক হয়ে উঠছে তাঁর উচ্চারণ । যেমন ‘এপ্‌স্‌ আণ্ড
পিকক্‌’ গল্পে :

‘ঠিক যেন রবিঠাকুরের সাজানো গল্প ।’

অথবা

‘জানালা থেকে সরে এল শমিতা । মনে মনে বলল, এটা একটা রগরগে কথা,
একটা রংদার গল্প । তুমি কি ভাববে সৌম্য তুমি সেই ভগ্নমনোরথ কিশোর ।’

কিংবা

‘আচ্ছা, শমি, একটা গল্প বলি এস ।’ সৌম্য হাসল যেন । ‘দেখ আমি
ঔপন্যাসিক হতে পারি কিনা ।’

প্রায় ডুবে-যাওয়া মানুষ যে আশাশীল হাত বাড়িয়ে কুটো ধবে, সেই আঁকড়ে
ধরতে চাওয়া মুঠোয় এ গল্পের চরিত্রেরা যে কোনো সংরক্ষিত উল্লেখের উপর নির্ভর
করে—অসহায়, নিরুপায় ভাবে । হোক তা মালাগের কবিতা, জয়েসের গল্প,
ট্রেভেল্যানের ইতিহাস, নিদেনপক্ষে মুখ রক্ষার খবরকাগজ ।

আমরা বুঝতে পারি ভিতরে বাইরে এক নির্মাণজাত সংশয় অমিয়ভূষণকে
ক্রমশ পেয়ে বসছে । পেয়ে বসছে তাঁর চরিত্রদের :

‘শমিতা মনে মনে বলল : ‘আ সৌম্য, তুমি হয় তো কার্যকারণ সম্পর্ক খুঁজছো ।
কিন্তু নাটক নভেলে ঘটনার কারণ খুঁজতে হয়, কোনো ঘটনাকেই হঠাৎ ‘মানলে
পাঠক সেটা মেনে নেয় না, আর সব চাইতে ভালো হয় যদি ঘটনাটার বীজ চরিত্রে
নিহিত থাকে । কিন্তু প্রকৃতপক্ষে তা নাও হতে পারে । বরং মেনে নাও ঘটনার
পিছনে কারণ নাও থাকতে পারে ।’

শমিতা স্পষ্ট করে উচ্চারণ করল, ‘তোমাকে একটু ক্লান্ত দেখাচ্ছে না ?’

মধ্যশ্রেণীস্থলত এই ক্লান্তির চেয়েও বড়ো হয়ে উঠেছে শিল্পীর সঙ্গত সন্দেহ,
বাস্তব উপাদানের সামনে দাঁড়িয়ে কাড়াইয়ের আগে বাছাইয়ের পরে তারি
স্বাভাবিক তাঁর এই দ্বিধাদীর্ণ উচ্চারণ । আসা যাওয়া ছদিকে দাঁড় খোলা আছে,
পথ খোলা আছে জীবনকে শিল্পকে প্রত্যাখ্যানের নির্বাচনের । ‘অ্যাভলনের সরাই’
গল্পে :

‘এককম একটা নতুন উদ্বাস্ত দল কিংবা দলের ধ্বংসাবশেষ নিয়েই এই গল্প ।
কথাটা ওভাবে বলা বোধ হয় ঠিক নয় ।’

‘সাহিমিয়া ক্যাসিয়া’ গল্প :

‘কিংবা এটাই হয় তো দুটো গল্পের তফাৎ হয়ে থাকবে। অথবা এ বিষয়ে কে বলতে পারে —’

না, কেউ কিছু বলতে পারেন না। তাঁর গল্পের তাঁতি যেমন সহজভাবে তাঁত বোনে, চাষী যেমনভাবে হলুদে ধান কাটতে কাটতে নৈর্যাত্তিক গান গায়, ভাইবোন যেমন সরল লুকোচুরি খেলে পেরকম প্রকরণে অমিয়ভূষণ আর ইচ্ছা করলেও ফিরতে পারেন না। অথচ তাঁর ছোটোগল্প বিজ্ঞাস এবং বিজ্ঞাস এবং বিজ্ঞাস দাবি করে। অভিজ্ঞতার যদি বিজ্ঞাস না থাকে তবে তা শিল্পে প্রতিশ্রুত হতে পারবে কিভাবে। অমিয়ভূষণ তাঁর নিজস্ব ধরনে এই কূটাভাসের নিরসন ঘটান, তিনি আলো অন্ধকারের সন্ধ্যাভাষা বলেন, তিনি অনতিস্পষ্টতার দিকে এগিয়ে যান। একটা ছবি মনে আসে : চेतনার শুরু থেকে শেষ অবধি অন্ধকার আর কুয়াশার নদী ভরে সব শ্রোতের দীয়া ভেসে চলেছে ; ডেউয়ে হাওয়ায় ভাসছে তুলছে অনেক অনেক এলোমেলো আলো—তারা কোনো পথের সারিবাধা দীপাধার নয় যেখানে কুকুরেরা নোংরা ছড়াবে।

২

ভাষা যে প্রকাশের উপায় এবং আধার একথা নতুনভাবে মনে পড়ে যখন অমিয়-ভূষণ পড়া যায়। আছেন অনেকে যারা ছোটোগল্পের মধ্যে গল্প পেলেই পরিতৃপ্ত এবং অমিয়ভূষণের রচনা তাঁদের দুরূহের অন্তঃপুরে নিমজ্জন করে। বুঝিয়ে দেয়, গল্প জানলেই তাঁর গত্তকে চেনা ফুরিয়ে গেল না। সাধারণভাবে বাংলা গল্প এবং বিশেষভাবে আধুনিক বাংলা কথাসাহিত্যের গত্তের পটে অমিয়ভূষণের লেখা কিভাবে একটি সম্পূর্ণ স্বতন্ত্র ও উজ্জল কোণ রচনা করলো তা আলাদা আলোচনার বিষয়।

ছোটোগল্প শব্দ দিয়ে লেখা হয়, প্রসঙ্গ দিয়ে নয় : অমিয়ভূষণ আমাদের মনে করিয়ে দেন। যারা শব্দের পর অনর্গল শব্দ ব্যবহার করেন, অবিরল বাক্যের পর বাক্য গেঁথে যান—তিনি তাঁদের থেকে দূরের মানুষ। প্রাত্যহিক জীবনে যে সব কথায় আমাদের লেনদেন চলছে, সংবাদপত্র কমলেকামিনীর মতো নিত্য যে ভাষা খেয়ে উগরে দিচ্ছে, সে ভাষায় তাঁর তৃষ্ণা নেই। বাংলা লেখায় সাংবাদিকতার ক্ষতিকর অভিঘাত এসে লাগছে এই প্রসঙ্গে তিনি বিশেষভাবে ভাবিত। ছোটোগল্প এমন কিছু নয় যা সংবাদপত্রের অফিসে কাজ করলে লেখা যায়। সাহসী সোচ্চার শিরোনামের মতো ছোটোগল্পের বিষয় হাতুড়ি মেরে পাঠকের মাথায় ঢুকিয়ে

দেওয়াকে তিনি আন্তরিক ঘৃণা করেন। তাঁর এ প্রতিক্রিয়া স্বাভাবিক, তাঁর এই বিরূপতা সঙ্গত। সারা জীবন ছোটো পত্রিকায় লিখে গেলেন ভদ্রলোক, প্রান্তিক-
 ঠানিক কাগজপত্রের প্রতি তাঁর বিরূপতার গূঢ় মনস্তাত্ত্বিক কারণ আমরা বুঝি। এমন
 চোখঠার দিয়ে তাঁর ভাষাপ্রসঙ্গকে এড়িয়ে যাওয়া উচিত নয়। সংবাদপত্র একদা
 বাংলা গড়ে আশীর্বাদস্বরূপ ছিল, আজ তা অভিশাপে রূপ পাচ্ছে। হৃদয়ভাবে
 নিজেকে প্রকাশের উন্মুক্ততা বলে আর কিছু নেই মনে হচ্ছে। এর মধ্যে অমিয়-
 ভূষণের গল্প যেন দৈবঘটনার মতো।

অমিয়ভূষণের ছোটোগল্প আলোচনার অনেকটাই তাঁর নির্মিতির আলোচনা,
 তার বিচার এবং বিশ্লেষণ। ছোটোগল্প তাঁর কাছে সেই কবিতা যা গড়ে লেখা
 হয়। এবং একই সঙ্গে ছোটোগল্প তাঁর কাছে প্রবন্ধ যা বেশ কঠিন করে বাঁধার
 জিনিস। আরো অনেকের মতো শ্লথ শিথিল কথার অপরিপাটি অনানন্দনিক জাল
 উদ্দেশ্যহীনভাবে বুনে চলা কখনো তাঁর উদ্দেশ্য নয়। তাঁর শ্রেষ্ঠ সময়, সংযোগ এবং
 চেতনা নিয়ে বাংলা গল্পকে তিনি তাৎপর্যে মগ্নিত করে তোলার কাজে লেগেছেন।
 তাঁর সমূহ গল্প একটি কল্পনাকুশল মননশীল ব্যক্তিত্বের বিচ্ছুরণ, তাঁর সমস্ত গল্পে এক
 সচেতন সংবেদনশীল সত্তার পরিচয় বিকীর্ণ। সামাজিক বস্তু হিশেবে ভাষার দায়িত্ব
 সম্পর্কে তাঁর নাগরিক চেতনা তো আছেই, অধিকন্তু ছোটোগল্প একটি শিল্পপরিণতি
 তাই সংস্কৃতিকর্মীরূপে তাঁর স্বআরোপিত ভূমিকা আরো বেশি লক্ষ্য করার বিষয়।
 এই বোধ তাঁর সর্বতোভ্রম জীবনের চেতনার এক অংশ। এক পাণ্ডুর মেরুদণ্ডহীন
 সমাজে কশেরুকাটান গড়ের অতিথি সঙ্করগণের আলাদা প্রত্যয় ও আনন্দ আছে
 — তাঁর লেখা একথা মনে করিয়ে দিতে চায়।

সৃষ্টিশীল গড়ের মধ্যে দিয়ে যুক্তির যথার্থতা ও মননের বস্তুময়তা প্রকাশে তিনি
 অভ্যস্ত। তাঁর গল্পে নাগরিক সংলাপচালনার সূত্রে তাঁর চিন্তাশ্রমী মানস স্বচ্ছ হয়,
 আরো স্পষ্ট হয়ে ওঠে। তাঁর ছোটোগল্পের গড় যুক্তির শৃঙ্খলায় বদ্ধ, কার্য আর
 কারণের সূত্রে গ্রন্থিত, পদত্বাসের পদ্ধতিতে মাননীয় এবং ব্যাকগঠনরীতিতে
 বিশিষ্ট। ব্যাকরণের অনড় বন্ধনকে অস্বীকার করেও যে এত সহজ এমন প্রাঞ্জল
 এরকম দেশজ গড় লেখা যায়, স্নিগ্ধ তির্যক ঠাশবুনোট গড়ের রূপ যে এমন
 স্রীমগ্নিত হতে পারে তা অমিয়ভূষণ না পড়লে মনে হবার নয়। সাংবাদিকতা
 যেখানে সাহিত্যের আবহ দূষিত করেছে সেখানে ভাষার এই শুদ্ধতাবোধ এক
 আশ্চর্য চর্চা। রবীন্দ্রনাথের গল্পগুচ্ছের কথা মনে রেখেও বলা যায় গড়ের এই
 স্বকুমার দৃঢ়তা বাংলা কথাসাহিত্যে প্রায় নেই বললেই চলে।

বাংলায় গল্পগুচ্ছ বোধহয় তাঁর একমাত্র আদর্শ। রবীন্দ্রনাথের উত্তরকালের

কথাসাহিত্য সম্পর্কে তিনি তত সশ্রদ্ধ নন হয়তো, তবু রবীন্দ্রনাথ যেখানে গল্প শেষ করে গেছেন সেখান থেকে একমাত্র শুরু করতে পেরেছেন তিনি । এই উত্তরাধিকার আন্বহ হয়েচে, কারণ শেষ পর্যায়ের রবীন্দ্রিক গল্পের ভাবানু বিহীনতা তাঁর মধ্যে নেই । শেষের কবিতা তিনি কখনো ভালো উপস্থাপন বলবেন না, নিবারণ চক্রবর্তী তাঁর কাছে কোনো দিন আদর্শ বিবেচিত হবে না । শেষের কবিতার অতিশয়োক্তি তাঁর বিবমিষা উদ্বেক করবে, কারণ পরিমিতির বোধ শিল্পীর সমাজচেতনার ভিন্ন নাম । অমিয়ভূষণ শব্দচয়নে পদছায়াসে বাক্যগঠনে যতিব্যবহারে অহুচ্ছেদবিভঙ্গে তীক্ষ্ণ মনোযোগী এবং বয়নের এই পারিপাট্য তাঁর সমগ্র রচনায় ব্যঞ্জনার ধ্বনি এনে দেয় । তাঁর লেখায় কচিং-কখনো কাদামাটির গন্ধমাখা আনকোরা দেশি শব্দ এসে পড়ে, তাতে গল্পের শীলিত প্রশমতা একটুও ক্ষুণ্ণ হয় না, কারণ তাঁর ভাষার অন্তরঙ্গে শুচিতাবোধ আছে, কিন্তু শুচিবায়ুগ্রস্ততা নেই । নেই বলেই তিনি ‘মামকাঃ’ গল্পে অবলীলায় লিখতে পারেন :

“পৃথা দ্বষ করে, বোতলে ভরে, ঘরে গিয়ে, চৌটে আঙুল রেখে ডান তর্জনী ভাঁজ করে চৌটের উপরে আলতো মালতো ধোয়ালেই ঘুমন্ত অবস্থাতেই পাখির ছানার মতো হাঁ করে মাই খোঁজে ।”

অর্ধশিক্ষিত মধ্যশ্রেণী সম্পর্কে অমেয় অবজ্ঞা এবং অশিক্ষিত মাটির মানুষদের প্রতি আশ্চর্য মমতার বোধ থেকে এই ভাষা উৎসারিত হয় । এ ভাষা রমণীয় চিত্র-রূপময় তিব্বক বুদ্ধিদীপ্ত, কিন্তু চটুল চিত্রানু তাত্ক্ষণিক চালাকি মাত্র নয় ।

অমিয়ভূষণের চরিত্ররা ভাবে, ভাবায়, তারা ন্যূনকথনে বিশ্বাসী তাই তিনিও মিতাক্ষরে আত্মবান, তারা বিহীনতায় হাস্যকর হয়ে ওঠে না তাই তাঁর গল্পও ভাবাবেগে ক্লিন্ন নয় । এ গল্পের নির্ভরে তিনি তরতর করে সেক্টিমেন্টের ফাঁড়াগুলো কাটিয়ে যান । ‘এপ্‌স্‌ অ্যাণ্ড পিকক্‌’ গল্পে :

“কিন্তু, চশমাটা আবার পরল সৌম্য সেজন্তাই কি লক্ষ্যে এলো, ভাবল শমিতা —রগের শিরা দুটো যেন ফুলে উঠেছে । যেমন নাকি, গল্পে বলে, উত্তেজনার সময়ে হয় । আর তখনই তার মনেও পড়ল গোড়ার দিকে সৌম্য প্রশ্ন করেছিল, তুমি যে মহাভুজগের মতো ঘনালম্পর্ষ বাহুর কথা বলেছিলে সে কি কোনো নাটক থেকে ? মহাভুজগতুল্য বাহু যা বধূকে রক্ষা করে ? তখন এমন দেখিয়েছিল সৌম্যকে ।”

আর এমন করে প্রত্ন রূপকল্প ও সমকালের চিত্র তিনি মিলিয়ে দেন, আধুনিক ভঙ্গিমা ও রূপদী শৈলীর সমাহারে এক নতুন গল্পরীতি বানিয়ে তোলেন । বীরবলের কাছে তাঁর ঋণ কম নয়, সবুজপত্রের সঙ্গে তাঁর আত্মীয়তার সম্পর্ক দেখাতে পারলে ভালো হতো, কিন্তু প্রমথ চৌধুরী থেকে অন্তদাশঙ্কর পর্যন্ত যে দীপ্ত গল্প ভাবানুভব

আদ্র' তা অমিয়ভূষণের রচনার সম্পর্কে অয়িত নয়।

শৈলীর অচলতা থেকে চঞ্চল ভঙ্গিমায় ফিরতে পারে অমিয়ভূষণের গল্প, এ গল্প কাব্যময়তা ও আখ্যানধর্মকে উপযুক্তভাবে মেলানোর কৌশল আয়ত্ত করেছে। 'তীতী বউ' গল্পে :

“সকালে তীতীবরে গিয়ে গোবুল প্রথমে কিছুক্ষণ এত সূক্ষ্ম কাজ করল যা জীবনে করে নি। মানুষের শরীর যে এত তৃপ্ত হতে পারে কে জানত ? শিরা উপ-শিরার শূন্যতা পূর্ণ হয়ে সেগুলি এত স্নিগ্ধ হয়েছে যে মনে হচ্ছে খেতচন্দন মাখা গায়ে ভোরের হাওয়া লাগছে। মনের ঝানিকটা অংশ জুড়ে (গোবুলের মনে হলো বুকে) যে শুভ্রতা কমলীয় হয়ে উঠছিল, স্নিগ্ধ হয়ে উঠছিল তার একবার অল্পভব হল সেটা শুভ্র উরুদেশের ছায়া। ঘরে ফিরে এসে সে দেখল তার শয্যায় উপুড় হয়ে শুয়ে আছে বাদী। রাত্রির স্বপ্নের সঙ্গে দিনের আলোর মিল দেখে সে অবাক হল একটু।”

এই গল্প দিয়ে সরেস জিনিশ বানান অমিয়ভূষণ, নিপুণ হাতে তোলা এই নকশা সূন্দের উজ্জ্বল ইন্দ্রিয়ময় বর্ণবান। শ্রেষ্ঠ গল্প থেকে মাত্র দুটো নমুনা :

১. সেখানে রেবেকা ছিল, সবুজ শেমিজ পরা, লেসের শেমিজ পরা, লাল শেমিজ পরা, লাল, সোনালী, সবুজ মদের সঙ্গে মিলিয়ে মিলিয়ে শেমিজ পরা, হাতীর দাঁতেব তৈরী রেবেকা। [অ্যভলনের সরাই]

২. শোভা হাসলো। আর অবশ্য এটা তার ভুল ধারণাই, কে আর তাকে এমন দুর্বল দেখেছে শোভার মতো, অসাড় সাপের মতো তাকে, ভুল ধারণাই যে তাকে কম বয়সের একজন মনে হয়। ভুল ধারণাই কারণ সে শোভার সমবয়সী হবে। তা ছাড়া এটা...পুরুষদের এটাই নিয়তি সব জায়গায়, সময়ের কাছে, মাটির কাছে—কথাটা হাত পাতা বলতে পারো, আর তখনই তাকে দেখে যায়। নিজের চাইতে কমবয়সী মনে হয়। [উরুগুী]

যেহে দোলা দেহ এই গল্পের ছন্দ, কাব্যময় কোথাও কোথাও মগুন থাকলেও কখনো তা কাব্যিক নয়, শক্তি আর স্বপ্নার সময়স্নে তৈরি এ গল্প ভাষার ব্যঞ্জনা ভাষার চাতুর্যের আশ্রয় নেয়, এই শৈলী বাক্যপ্রতিমার মধ্য দিয়ে প্লাটের বিজ্ঞাস গড়ে তোলে। এবং আমরা সহসা না খোলা দরজা দিয়ে অচিহ্নিত এক গোলাপ-বাগানে উপনীত হই, ভোরবেলা আগ্রহে সম্পন্ন হয়ে উপস্থিত হই এক আশ্চর্য নগরীতে।

বেশির ভাগ বাঙালি গল্পকারের রচনার সঙ্গে অমিয়ভূষণের গল্পের ঘন্থকে যদি শুদ্ধ নান্দনিক পরিভাষায় অনুবাদ করতে হয় তা হলে সেটা দাঁড়াবে বাস্তববাদের সঙ্গে যথাস্থিতিবাদের ঘন্থ । সাংবাদিকতা অমিয়ভূষণের কাছে কোনোমতেই গল্প নয়, তবু খবরকাগজের আকর্ষণীয় ইনসেস্ট এসেছে তাঁর রচনায় । যিনি গল্পকে বয়স্কের যৌন তৃপ্তির আধার রূপে দেখাতে নারাজ, যিনি ডকুমেন্টেশনে একান্ত অনীহ তাঁর বচনায় অজাচার কেন কিভাবে কিরকম ব্যবহার পায় তা সতর্ক পর্যবেক্ষণের বিষয় । বাঙালি গল্পে জায়া ও জননী প্রথম থেকেই একাকার, কিন্তু অমিয়ভূষণের গল্পের নায়িকা মহনামতীর মতো এক শিশু-খামীকে বুক তুলে পথ পার হতে চায় । এমন নমুনা এখানেও দুর্লভ নয় । যেমন ‘দুলাহিহিন্দের উপকথা’য় তাই-বোনের নিষিদ্ধ সম্পর্কের ব্যবহার : “দুলাহিহিন্ ছোটবেলার ভঙ্গিতে শুয়ে আছে—যেমন করে ছোটবেলায় বলতো, আমি মরে গেছি । উরু দুটি প্রসারিত, অর্ধনিম্নীলিত দৃষ্টি, ঈষৎ মুক্ত ঠোঁট দুটি, বুক কাঁপছে থরথর করে ।

কিন্তু দুলাহিহিন্ ধড়ফড় করে উঠে বসলো ।” হোক বেদনা, হোক তা যন্ত্রণা, কিংবা নিষিদ্ধ যৌন সম্পর্ক—যে কোনো লিপিবদ্ধ জৈবিক প্রণালীর বর্ণনা—তা যত অনুপূজ্য হোক, যতই শিল্পিত হোক, তা পূর্ণাঙ্গ জটিল মানবিক সম্পর্ক উন্মোচনের পথে বাধারূপ এবং তাই অমিয়ভূষণ যথাযথবাদের কাছে কখনো নিজেকে সমর্পণ করে দেন না । মূল্যবোধের অবনমন নেই বলে এখানে অমিয়ভূষণ নোঁক দেন শেষ বাক্যটির উপর : ‘কিন্তু দুলাহিহিন্ ধড়ফড় করে উঠে বসলো ।’

প্রকৃতিবাদী লেখকদের সারিতে তাঁকে বসাতে ইচ্ছে হবে যখন দেখা যাবে তিনি বাববার ধর্ষণের দৃশ্যে ফিরে আসছেন । কিন্তু আসলে পিতৃতান্ত্রিক পুরুষ-শাসিত সমাজের সামন্ততান্ত্রিক পিছুটান, শোষণের এক ভিন্ন রূপ তিনি প্রত্যক্ষ করছেন, চোখে আলো ফেলে দেখিয়ে দিচ্ছেন আমাদের । দুলাহিহিন্দের উপকথা-য় .

‘—আমি টাকা চাই, অন্তত চার কুড়ি তো বটেই । তাইকে টাকা দেবো আমি ।

—চার কুড়ি ? বেশ তাই হবে । আমার সঙ্গে বিশ্বের পরেও তাইকে টাকা দিতে ইচ্ছা হয়, দেখা যাবে ।

—না, টাকাটাই আগে দিতে হবে ।

—ও খুব দাম বাড়তে পারে বা হোক । আগে দেখি কত দাম হতে পারে । এই বলে দুলাহিহিনের আঁচলের একপ্রান্তে চেপে ধরলো লোকটি ।’

বাস্তবতার একটি নতুন দিগন্ত প্রসারিত হয়ে গেছে এই নয় প্রান্তর থেকে । সামাজিক পণ্য নারী । হিংস্রতার শিকার নারী, একই সঙ্গে কামনার শিকার । ‘সাইমিয়া ক্যাসিয়া’ গল্পে :

“আবার যেন পেমার ভারি দেহটাকে টেনে তুলতে গেল সে, কিন্তু তখনই হয়তো পেমার উজ্জ্বল স্বক চোখে পড়লো তার, কিংবা পেমার ছড়ানো পা দুখানা । তীব্র কালো অন্ধ আক্রোশে মেজরের তরু আর অনুভূতি এক হয়ে গেলো, আর তখন তার দুহাতের নৃশংসতায় পেমার পেটিকোট ছিন্নভিন্ন হয়ে যেতে লাগলো ।*

যারা সবচেয়ে বেশি যন্ত্রণা পায় শরৎচন্দ্রের মতো অমিয়ভূষণ তাদের পক্ষে । এবং এ যন্ত্রণা তাঁব ভালোবাসার লক্ষ্য স্থির করে দেয়, তাঁর দুণার লক্ষ্য নির্দিষ্ট করে । তাঁর দৃষ্টি এবং ভঙ্গির নির্ধারক এ যন্ত্রণা । বাস্তববাদের চেতনার সঙ্গে এই বেদনার কোনো অমিল নেই, অমিল থাকার কথা নয় ।—

১. বারে বারে বলল, ‘কাঁদিস নে, কাঁদিস নে’ । কোথা থেকে সাহস পেয়ে বাদী দুহাতে গোকুলকে ঝাঁকড়ে ধরে ত ছ করে কঁদে উঠল । [তাঁতী বউ]

২. নিঃশেষে শূন্য বুকে বোধ হয় বেশীক্ষণ কাঁদাও যায় না ।

[ছলারহিন্দের উপকথা]

৩. কিন্তু চোখের জল তার গালের উপর ঘাসের সঙ্গে একাকার হয়ে গেলো ।

[অ্যাভলনের সরাই]

৪. মরার চাইতেও হার । মরাটা হারা নয় । যেন দড়ি ধরে খাদের উপরে ঝুলে থাকতে হাত ভেরে গেল । আর্তনাদ করতে করতে খসে পড়লো । [উরুণ্ডী]

৫. চৌট ছুটো কাঁপল শমিতাব, সে প্রশাদটাকে চেপে ধরল নিঃশ্বাসের সমতা আনতে । তারা আমাকে অপমান করেছিল । বার বার । [এন্স. অ্যাণ্ড পিকক্]

এক অর্থে অমিয়ভূষণের সব ছোটোগল্প অনাড়র্গড়ে লেখা কাম্মার গল্প । কাম্মা আসার গল্প, কাম্মা আটকে রাখার গল্প, কাম্মাকে হানিতে পালাটে দেওয়ার গল্প, কাম্মায় চোখের কোণে ক্রন্দ জমার চেয়ে ভেতরে ঢেউ তুলে ভেতরেই ভেঙে পড়ার গভীর গল্প । কাম্মার এই প্রসঙ্গটিকে তিনি বর্ণনা করেন না, ব্যাখ্যা করেন না, ভাষাকোনাকানি-চোবানি খাইয়ে ছাড়েন না, বরং ঢেউ যেমন স্বচ্ছন্দ সাবলীলভাবে সঁতারকে জলে তুলে তুলে দেয়, তেমনি এই অশুভ্রল চেতনার তরঙ্গের শীর্ষ থেকে শীর্ষে পাঠকে পৌঁছে দেয়, উত্তীর্ণ করে ।

অমিয়ভূষণের গল্পে দেশকালের বৈচিত্র্য আছে, তবু অনেক বস্তুতান্ত্রিক রচয়িতা যে উচ্চকিত দাবি তোলেন সে অমুখ্যায়ী গল্পকে শ্রেণীভিত্তিক স্থানভিত্তিক করার প্রয়াস তাঁর নেই । শোষিতদের নিয়ে গল্প লিখতে হবে নিজের কাছে এমন

শপথ তিনি করেন নি, বা লিখলে শোষিতদের উপভাষায় লিখতে হবে এমন দাব্যও তিনি নিজে দেন নি। কিছু প্লাস্টিকের পুতুল আছে যাদের পেট টিপলে উপভাষার প্যাক প্যাক আওয়াজ হয়, অমিয়ভূষণ তেমন পুতুল বানান না। তিনি তার বদলে বৈদ্যের ক্যাসেট চালিয়ে দেন : কেউ হয়তো পালটা বলে ফেলবেন। উত্তরে অমিয়ভূষণ তাঁর স্বভাবসিদ্ধ হাসিটি হাসবেন, জানিয়ে দেবেন : লেখকের আত্মগোপন আবশ্যিক নয়। এবং ব্যক্তিব্যক্তি নয়—মানবিক এবং সামাজিক নির্ধারকগুলি তার প্রগতিক চূড়ান্তভাবে চিহ্নিত করে। প্রসঙ্গের টানে গল্প আসবে, বিশ্রাম উৎপাদনের জন্ত যদি দরকার হয় অমিয়ভূষণ নিভাষা ব্যবহার করবেন, অসামঞ্জস্য এড়ানোর জন্ত যদি দরকার হয় তিনি উপভাষা বর্জন করবেন। ‘মামকাঃ’ গল্পে কোনো আধ্যাত্মিক রগড় নেই বলে যেমন লেখক মিথ্রার ধড়ে স্বপ্নের মুণ্ডু লেগেও লাগে না তেমনিভাবে বাংলা বাস্তববাদী গল্পগুলোয় ভাষা-উপভাষার এই অসামঞ্জস্য অনেক সময় থেকে যায়।

অমিয়ভূষণের গল্পে আরেকটি সংলগ্ন নান্দনিক সমস্যা আছে। বাস্তবতার সঙ্গে সঙ্গতভাবে নিজেদের বিশ্ববীক্ষাকে মিলিয়ে দেবার চতুর খেলা খারা খেলেন অমিয়ভূষণ তাঁদের দলভুক্ত নন। উত্তর দেখে অন্ধ কষায় তাঁর আপত্তি। বিশ্ববীক্ষার ছাঁচে ঢালা বিকৃত মিথ্যা কোনো বাস্তবতার বোধ বিষয়ে বড়াই করায় তাঁর স্পৃহা নেই। তাঁর চরিত্রগুলি তাঁর স্বজনী-দৃষ্টিতে অবয়ব পায়, মৃত হতে থাকে, জীবন্ত হয়ে ওঠে, সে জীবন তাদের প্রাতিম্বিক জীবন, তাদের ব্যক্তিগত এবং সমাজগত অস্তিত্বের নিহিত স্বন্দেই অর্জিত তাদের নিয়তি। তাঁর চরিত্রগুলির নিজস্ব বিবর্তন আছে, এজ্ঞাও তিনি একজন বডো শিল্পী।

তাঁর গল্পে এইসব চরিত্রের ব্যক্তিত্ব কখনো পুরোপুরি মুছে যায় না, সমাজও একেবারে লেপাপোঁছা হয়ে যায় না—চরিত্র আর পরিস্থিতির সপ্রাণ সংশ্লেষে তিনি সাধারণ আর বিশেষকে মিলিয়ে দেবেন মনে করেন, আমাদের অন্ধকার থেকে আলোর দিকে এগিয়ে আসা ঘণাপাথরের একটা যুঁতির কথা মনে পড়ে। বাস্তববাদের কেন্দ্রীয় নান্দনিক সমস্যা হলো সম্পূর্ণ মানবিক ব্যক্তিত্বের যথাযথ উপস্থাপন, অমিয়ভূষণ তাঁর গল্পে এই দায়িত্ব অঙ্গীকার করে নেন। ফলে একান্ত অন্তর্মুখিতায় সংরুত হয় না তাঁর গল্প, সম্পূর্ণ বহিমুখিতায় উৎকেন্দ্রিক হয় না—বাস্তবের এই দ্বন্দ্বের বিকৃতির মধ্যে থেকে তিনি এক তৃতীয় আয়তন খোঁজেন যার নাম বাস্তবতা।

অমিয়ভূষণ একই সঙ্গে জানেন মানবতার ট্রাজিক বোধ কখনো পরিণতি পাবে না, কিন্তু অভিস্রুতাকে যা রূপ দেয় তাকে তিনি উপলব্ধি করতে পারবেন ; মানবিক

লক্ষ্যকে বা কিছু জটিল করে সীমাবদ্ধ করে তাকে তিনি হৃদিত সৰুৰুপ নেত্রপাতে অবলোকন করে যাবেন । এই দ্বিধাবিতৰ্কের সূত্রটিকে তিনি তাঁর গল্পে উপস্থাপন করেছেন :

“দেখুন এই সাহিত্যিক, অমিয়বাবুর কথাই ধরুন, আপনার প্রিয়জনস্থানীয় অমিয়বাবুর, যখন ভাবের প্রসারতায় সহানুভূতিতে তাঁর চোখ দুটি করুণায় ভরে উঠবার লক্ষণ দেখাচ্ছে, কলমকে অব্যাহত ছেড়ে দিলে যখন গ্রীক ক্লাসিকের স্বল্প পরিমিত গভীর বেদনার দু’চারটে কথা লিখে ফেলবেন মনে হচ্ছে ঠিক তখনই টপিকাল কোনো কথা উত্থাপন করে বাজে কথার অবতারণা করে নিজের ভাষা-বেগকে ব্যঙ্গ করে নিজের লেখাটাকে থার্ডক্লাস করে তুলবেন ।”

আমাদের প্রিয়জনস্থানীয় সাহিত্যিক অমিয়ভূষণ মজুমদারের প্রথম শ্রেণীর সব লেখায় এই গহনমুদ্রা জয়যুক্ত হোক ।

বীতশোক ভট্টাচার্য